





Deus meus. & Ado-  
rabo ad templum san-  
ctum tuum, & confite-  
bor nomini tuo.

**Oratio.** Deus, qui ines-  
cibilis. ut supra. 625;

In Laudibus pro com-  
memor. Vigiliæ, Añã &  
v. de Fetiã occurrente,  
ut in Psalterio. **Oratio.**

**O**mine Jesu Chri-

ste, qui, tu gelcen-  
te mundo, ad inflam-  
mandum corda nostra  
tui amoris igne, in car-  
ne beatissimum Patris no-  
stri Francisci passionis  
sacra Stigmata re-  
novasti: concede propi-  
tius, ut eius meritis &  
precibus Crucem iugi-  
ter feramus, & dignos  
fructus penitentia fidei  
cuius. Qui vivis & re-

Sexta die infra Octa-  
vam S. P. N. Francisci  
fit de festo Ss. marty-  
r. Dionysii, Rustici, &  
Eleutherii. Semidupl.  
**Oratio.**

**D**eus, qui hodierna  
die beatum Dio-  
nysium martyrem tu-  
um atque Pontificem,

virtute constantia in  
passione roborasti: qui  
que illi ad prædican-  
dum Gentibus gloriam  
tuam, Rusticum, &  
Eleutherium sociare di-  
gnatus es: tribue no-  
bis, quæsumus, eorum  
imitatione, pro amo-  
re tuo prospera mun-  
di despiciere, & nulla  
eius adversa formidare.  
per Dñm.

Ana. Sancte Francisc.  
ut supra. 634.

In secundis Vesperis  
à Capitulo de sequenti,  
commemoratio præce-  
dentis & Octava.

**DIE X. OCTOBRIS.**

Septima die infra Oct.  
S. P. N. Francisci fit de  
S. Francisco Borgia  
Confessore, Semidupl.

Omnia ut in Commu-  
ni Confessi. non Pontif.  
præter Orationem.  
In Hymno. Iste Con-  
fessor. mutatur tertius  
versus. **Oratio.**

**O**mine Jesu Chri-  
ste, vera humili-  
tatis & exemplar, &  
premiu: quæsumus,  
ut sicut beatum Fran-  
ciscum in terreni ho-

minis contrahenti imi-

# EXAMEN TRINUM

ORDINANDORUM, APPROBANDO-  
RUM, & INSTITUENDORUM;

**A U C T U M.**

Questionibus scitu summè necessariis  
Tum **MORALIBUS** tum **DOGMATICIS**,

Utpote

Casus sere ex Universa Theologia  
**MORALI, DOGMATICA ac RUBRO**

Selectissimos.

**In omni Examine**

Tum Clericis Ordinandis, tum Sacerdotibus  
Approbandis, tum ad Beneficia  
Instituendis.

**Plerumquè ad resolvendum pro-  
poni solitos, 1791.**

Brevi, clarâ, ac facill resolutione  
explanatos

**C O N T I N E N S**

Adjectâ explicatione nonnullorum Terminorû,  
qui in Theologia Morali occurrere solent,  
Additisq; nonnullis novissimis Sum: Pontificum  
& S. Congr: Card: Decretis.

Denuo

Per FRANCISCUM ERASMUM PREISS,  
Ecclesie Collegiatæ Kielcenlis Canonicum, in  
Zagransko Curat: Examinatorem Profynodale

**E D I T U M.**

Ejusdemquè impensis Typis impressum.

SANDOMIRIÆ Anno Domini 1796

*A. N. 1796*



PERILLUSTRI  
<sup>AC</sup>  
REVERENDISSIMO  
DOMINO DOMINO

J O S E P H O  
OLECHOWSKI,  
U. J. D.

Ecclesiæ Cathedr: Cracov:  
ARCHIDIACONO,

Insignis Ecclesiæ Collegiatæ  
Sandomiriensis

C U S T O D I.

Curiae suæ Illustrissimæ Celsitu-  
dinis Episcopi Cracoviensis,  
Ducis Severiæ

AUDITORI GENERALI.

DOMINO OBSERVANDISSIMO.

PROTECTORI GRATIOSISSIMO.

PERILLUSTRIS  
REVERENDISSIME  
DOMINE.

**C**Um ad multorum vota exilem  
hanc operam publicæ luci da-  
re statuerim, quâ tum No-  
vellis Spiritualibus, tum Cu-  
ratoribus Animarum majori commodo  
esse volui, non diu suspensâ tenebar  
mente, sub cujusnam Auspiciis id la-  
boris exequi debuisssem, protinus ete-  
nim obveneras votis, cui pro voto præ-  
sto semper est amor literarum PER-  
ILLUSTRIS REVERENDISSI-  
ME



ME DOMINE, PROTECTOR  
GRATIOSISSIME.

Quamvis ea, quæ in hocce opusculum congeſſi, ex graviffimis ac probatiſſimis Authoribus deprompſerim, nihilominus, ſi in quo deficit, ex **NOMINE TUO** accreſcat, Cujus honori opus hoc ideo ſacratum eſſe optabam, ut lubentius manibus legentium tractaretur. Norunt etenim cuncti perbelle, materiam hujusmodi Muneri Tuo Archidiaconatus Cathedralis non incongruè dictam eſſe, quo Præſide Ordinandorum, Approbandorum, Beneficiandorumq; qualitates, & animi ad trutinam revocantur.

Nequè hæc una propoſiti mei ratio eſt, accedunt enim plurima, in hac Alma Diœceſi Merita Tua, quam tot Annis injurio tempore, velut famelicam alter **JOSEPH**, eximia vita innocentia, rara prudentia, ac provido conſilio rexiſti Egyptum. Scitavit Cui credidit Ovile ſuum ſollicitus Paſtor, **CELSISSIMUS PRINCEPS**

**CEPS, ILLUSTRISSIMUS AN-**  
**TISTES NOSTER,** utinam diu-  
tissime nobis superstes! constituens Te  
**LOCUM TENENTEM** cum pleni-  
tudine potestatis; Quam dignitatem  
seu verius quod **Altissimum** onus affli-  
ctissimis temporibus, summâ omnium  
approbatione, & encomio totus nimi-  
rum infatigabili sollicitudini intentus,  
quatenus laudabilis in hac Diœcesi Ec-  
clesiasticæ disciplinæ vigor floreret con-  
stans semper, ac immutabilis; omnia in-  
natâ Tuâ gravitate, leni affabilitate,  
vere Paternè egisti. Et dum Cœlo pro-  
pitio viduatum tandem gregem depressâ  
iniquâ sorte, redux ab exteris salutaret  
**PASTOR ILLUSTRISSIMUS,** in-  
ter festivas, queis excipiebatur exulta-  
tiones, illud sibi Magni Patriarchæ in-  
geminare visus sit: sufficit mihi, si vi-  
vit **JOSEPH.**

Utq; perennius bono Ecclesiæ pro-  
desse queas, probatissima Virtus Tua, sum-  
ma in rebus gerendis dexteritas Tua,  
illaq; sublimis, Juris. Utriusq; notitia  
essece-



effecerunt, ut ad dirimendas negotiorum  
difficultates, ac ad enodanda variarum  
difficultatum arcana, prosperumq; floren-  
tissimæ hujus Diæcesis successum **JUDEX,**  
**AUDITORq; GENERALIS** Causarum  
Curie suæ **ILLUSTRISSIMÆ CEL-**  
**SITUDINIS** esse merearis, omnibus  
hisce ornatus dotibus, quæ magnis innata  
esse solent animis. Habent etenim  
in Te cuncti vitæ ac probitatis **Exem-**  
**plar:** gravitatis, affabilitatis, justitiæ a-  
liarumq; speculum virtutum, quas multi  
in Te admirantur, venerantur universi.  
Has excelsas animi Tui dotes **PRIN-**  
**CEPS CELSISSIMUS** specialibus gra-  
tiis ac favoribus cumulare non desine-  
bat. usq; dum eas ad altissimum, in quo  
emines, **ARCHIDIACONALIS DI-**  
**GNITATIS** erexerit fastigium.

Mitto alia, quibus recensendis pro-  
lixus, & innatæ modestiæ Tuae forem  
molestus. Caterum non possum non me-  
minisse bene affecti, beneficiquæ erga me  
Animi Tui, cui ad respondendum cum  
impa-

imparem me experiar, admittes **PER-**  
**ILLUSTRIS REVERENDISSIME**  
**DOMINE** in monumentum perennis, ac  
obligatissimæ gratitudinis humile hocce  
laboris obsequium ab eo, qui Te semper  
majoribus in Ecclesia Honoribus auctum,  
ac ad omnium vota, communequè solati-  
um diu superstitem exoptat

Nomini & Honori  
**PERILLUSTRIS REVEREN-**  
**DISSIMÆ DOMINATIONIS**  
**VESTRÆ**

devotissimus servus  
Franciscus Erasmus Preiss.  
mpp.



Ad BENEVOLUM LECTOREM

ANNI sunt 15. ex quo Typis mandaveram:  
*Examen Trinum &c.* distractis plusquam  
500. Exemplaribus, plura in multis locis jam  
ab aliquot annis desiderabantur. Hinc ex cō-  
silio multorū admovi manum labori ad denuò  
Typis imprimendum hocce Opusculum, quod  
à variis mendis, quæ primis Typis irreplerant  
expurgavi, atq; plurimas tum ex Theologia  
Moralis tum Dogmatica ac Rubro quæstiones  
superaddidi senu summe necessarias præcipue  
in his Septemtrionalibus partibus variis hære-  
sibus infectis ( attentâ insuper præsentis nimis  
corrupti sæculi indices crescente ingeniorū per-  
versorū improbitate ) quatenus S. Ordinibus  
initiatum, sublimiori doctrinâ instructum, dū  
ocasio tulerit, intrepide inimicis Orthodoxæ  
Religionis imo & malis, solo nomine Catholi-  
cis, sæpe autē evidentē, in suis scandalosis di-  
scursibus, hæresim spirantibus, peccus oppone-  
re audeat, valeatq; prudenter ac intrepide re-  
spondere. Cæterum ex hoc exiguo opusculo,  
quod excipere hilari vultu, cōstanti percurrere  
studio, tuoq; probari fructu. sūmopere cupio  
& exopto, si quid boni, si quid fructuosi obvenit,  
uni Deo bonorū omniū Largitori acceptū referi  
reliquum tenuitati ingenii mei adscribe. Fateor  
autem candidē, nullam responsionē me hic inferu-  
isse, quæ Authoritati tum Totius Ecclesiæ Cath-  
licæ gravitū ac probatissimorū DD. nō inniteretur.  
Quæ omnia *Judicio & Censuræ S. Matris Ecclesiæ*  
*Romano-Catholicæ omni quæ par est humilitate ac re-*  
*verentiâ submitto.*

F. E. P.

## CENSURA THEOLOGICA.

EX Commissione Illustrissimi & Reverendissimi Domini JOSEPHI OLECHOWSKI, Diocesis Cracovien: Administratoris Generalis, legi Librum sub Titulo: *Examen Trium*, qui quidem jam ante annos aliquot multo labore Perillustris Admodum Reverendi Francisci Preiss, Canonici Kielcen: conscriptus, ac luci publicæ datus, nunc utilioribus usq; selectioribus materiis Theologicis, opera ejusdē Authoris cumulatus, cū nihil contrarium Catholicæ Fidei, moribusq; bonis contineat, quinimo eis, in quorum gratiam est elaboratus, vā planā ac mediā ad consequendum notitiā Ecclesiasticis Viris omnino necessariā ducem agat, dignum proinde censeo, ut ad utilitatem publicā Typo mandetur. Dabam Kielcis 11. 8bris. 1772.

Laurentius Augustowski,  
Can: Kiele: min: Pro-  
Synod: Semin: Vice-Rector  
gens. mpp.

### IMPRIMATUR:

Dat: Varlav: 27. 8bris. 1772.  
Josephus Olechowski, Can:  
Cath: Cracov: Administ: in  
Spiritualibus Generalis.

mpp.

(L. S.)



**EX**amen Trinum Ordinandorum, Appro-  
 bandorum, & Instituendorum: olim e-  
 ditum, nunc longè amplissima ubertate lo-  
 cupletatum, atque ex Mandato Illustrissimi  
 & Reverendissimi Domini JOSEPHI OLE-  
 CHOWSKI, Diœcesis Cracoviensis Admini-  
 stratoris Generalis scrutinio Theologico com-  
 missum; cùm nihil in se contineat, quod  
 Sapientiæ Divinæ Augustissimam Sedem vel  
 in minimo lædere possit, imò tantâ doctri-  
 næ excellentissimæ Dignitate sit præditum  
 operâ atque studiô Perillustri Admodum  
 Reverendi Domini Francisci Erasmi Preiss,  
 Canonici Kielcensis, ut & Clericis Ordinan-  
 dis, & Sacerdotibus jam approbandis, jam  
 ad Curata Beneficia Instituendis facillimam  
 aperiât viam: proinde æquum censemus,  
 ut tam proficuum Sacræ Scientiæ Cultori-  
 bus Opus in lucem publicam prodeat.

Kielciis 16. Januarii 1772.

Joannes Stephanus Funk,  
 S. Theolog: Speculativo Do-  
 gmaticæ Actualis Professor.  
*mpp.*

Nicolaus Czapizynski.  
 Theologiæ Dogmatico-Mo-  
 ralis Professor.  
*mpp.*

Page  
 2.  
 5.  
 21.  
 31.  
 24.  
 36.  
 40.  
 41.  
 71.  
 81.  
 -  
 85.  
 96.  
 91.  
 158  
 208  
 216  
 241  
 249  
 258

# ERRORES

Sic corrigendi.

Pag:	Verf:		
2.	23.	am	autem
5.	2.	aquali	æquali
21.	9.	fit fit	fi fit
	18.	capitalia	capitalia
31.	8.	An eogo	An ergo
	26.	Dianissæ	Diaconissæ
24.	5.	est deleatur.	
36.	14.	meridiam	meridiem
40.	17.	odinandi	ordinandi
41.	8.	Ordinis	Originis
71.	24.	haberet	daret
81.	4.	in	ad
	5.	ad	in
85.	12.	regitur	regimur
96.	3.	denutiati	denuntiati
91.	12.	intia	initia
158.	3.	Obserua: Vesperæ Festa.	Obserua
208.	11.	Una: cultûs cultûs	Una ratione
216.	16.	peterit	poterit
	20.	dicerit	diceret
241.	10.	juta	juxta
249.	10.	NB. post verbum: putarunt, adda- tur: licitum esse.	
258.	12.	notabili	notabili



Pag:	Verf:		R. Non
261.	18.	addere	omnibus
263.	29.	omnis	est
277.	11.	ex	præter
337.	12.	præter	roseacea
-	28.	roseacea	debet
342.	25.	de	traditio
352.	19.	traditio	liberat à
363.	15.	liberata	est
399.	2.	e	recedere
191.	19.	recedere	quia
402.	14.	quæ	diminuti
411.	11.	diminuti	Minister
414.	20.	Minister	Eva
450.	10.	Annæ	universam obem
464.	16.	universam obem	univer-
		(um orbem	
472.	14.	prompto	promptos
564.	23.	pt	potest
574.	5.	indicia	indicia

INDEX

# I N D E X

## C A P I T U M & §.

### EXAMEN Pro ORDINIBUS.

#### C A P U T 1mum.

De Rudimentis Fidei	Pag:	1.
Oratione Dominica.		2.
Salutatione Angelica.		3.
Symbolo.		5.
Ss. Trinitate.		9.
Incarnatione.		10.
Veneratione Ss. 14.	Et Imaginum	16.

#### C A P U T 2dum.

De peccatis in genere. 18.	Et in specie. 21.
Scandalo.	24.
Virtutibus.	26.

#### C A P U T 3tium.

De Requisitis ad 1mam Tonsuram	27.
Essentialibus 1mæ Tonsuræ.	33.
Requisitis ad Ordines.	39.
Illegitimis.	42.
Ordinibus in communi &c.	47.
Ministro Ordinis.	57.
Dimissoriis.	62.
Pœnis malæ Ordinationis.	63.

De



CAPUT 4<sup>um</sup>.  
De Minoribus Ordinibus in particulari 65. &c.

CAPUT 5<sup>um</sup>.

*Pro Subdiaconatu.*

De Virtutibus Theologicis: Fide.	72.
Sacra Scriptura.	78.
Traditionibus.	83.
Ecclesia. 89. Et Capite ejusdem.	96.
Infidelitate & hæresi.	100.
Schismate & Apostasia.	103.
Libris Hæreticorum.	105.
Judæis.	107.
De Spe Christiana.	108.
Charitate DEI. 111. Et Proximi.	113.
Fraterna correptione.	116.
Purgatorio.	118.
Inferno.	121.
De Subdiaconatu.	122.
Titulo.	127.
Voto.	130.
Horis Canonicis.	140.
Ritu Officii Divini.	149.

CAPUT 6<sup>um</sup>.

De Censuris in genere.	159.
Abolutione à Censuris.	166.
Censuris in particulari.	170.

Per.

Percussione Clerici.	175.
Cessatione à Divinis.	187.
Irregularitate.	188.

## C A P U T 7mum.

### Pro Diaconatu.

De Diaconatu.	197.	200.
Præceptis Decalogi.	202.	
Legibus & Canonibus.	203.	
1mo Præcepto Decalogi.	208.	
Cultu Religionis.	213.	
Blasphemia.	217.	
Sacrilegio.	217.	
Simonia.	228.	
2do Præcepto.	231.	
Adjuratione.	237.	
3tio. 4to. 5to Præcepto.	238.	
Bello Duello.	250.	
6to & 7mo Præcepto.	252.	
Restitutione	265.	
Contractibus.	272.	
Usura & Censu.	276.	
Testamento	279.	
Judicio.	281.	
8vo Præcepto.	282.	
Restitutione Famæ.	286.	
Mendacio.	288.	
9no & 10mo Præcepto.	290.	



CAPUT 8vum.  
De Præceptis Ecclesiæ.

De 1mo Præcepto.	291.
De reliquis Præceptis Ecclesiæ.	ibid.
De Cōsiliis Evangelicis.	295.

CAPUT 9num.

De Sacramentis in genere.	306.
Ministro & effectu Sacramentorum.	316.
Merito.	325.
Justificatione.	327.
Necessitate bonorum operum.	328.
Libero Arbitrio hominis.	331.
Sacramentalibus.	333.
De Baptismo.	336.
Patrinis &c.	345.
De Confirmatione.	348.

CAPUT 10num.

Pro Presbyteratu.

De Ordine Presbyteratûs.	351.
Eucharistia.	355.
Viatico.	364.
Sacrificio Missæ.	367.
Requisitis ad Missam.	385.
Effectu Sacrificii.	388.
Defectibus in Missa.	389.

Loco

compēdū: Gloria Pa-  
cūm rō

Læco Sacrificii.	392.
Tempore.	394.
Ritu & Rubricis Missæ.	395.
Stipendio.	402.
Votivis.	405.
Missæ pro Defunctis.	408.
Reductione Missarum.	410.
De Extrema Unctione.	411.

## C A P U T I I I u m .

De Sacramento Matrimonii à pag:	415.
Coelibatu.	423.
Impedimentis Matrimonii.	431.
Divortio.	456.
Dispensatione.	457.

## E X A M E N 2 d u m .

De Approbatione.	463.
Officio Confessarii.	466.
Scientia & Prudentia Confessarii.	475.
Pœnitentiæ Sacramento.	488.
Distinctione peccatorum.	492.
Dolore.	494.
Confessione.	496.
Satisfactione.	498.
Forma Pœnit.	501.
Sigillo.	506.

Solli.

(6)



Sollicitatione ad turpia.  
Reliqua scienda de Confessione.

511.  
514.

C A P U T 2dum.

De Reservatis. 521.  
Actibus Humanis 534.  
Conscientia. 537.  
Indulgentiis. 545.  
Jubilæo. 550.

E X A M E N 3tium.

De Beneficio. 554.  
Requisitis ad Beneficium. 555.  
Jure Patronatûs. 560.  
Parecho. 564.  
Obligatione Parochi. 566.  
Potestate. 571.  
Sepultura. 573.

Adduntur Casus nonnulli speciales,  
Parocho scitu summe necessarii. 576.

Decreta S. Congr: scitu necessaria. 602.

EXPLI.

# EXPLICATIO

Nonnullorum Terminorum, qui passim in Theologia Morali occurrere solent.

*Absolute* idem significat: quod *universim* & sine exceptione restrictione, comparatione. *Comparatè*, seu *Respectivè* significat rem, vel materiam aliquam hoc vel isto modo acceptam, aut cum alio comparatam; sic furtum acûs, est *absolute* in se materia levis, *comparatè* autem seu *respectivè* ad pauperem Opificem, qui eâ acû, & se, & familiam sustentabat? erit gravis.

*Adequatè* idem est, quod totaliter. *Inadequatè*: idem quod partialiter.

*Abstractivè cognoscere*, id est per species alienas, vel per similitudinem alterius v.g. nos in præsentî vita cognoscimus DEUM *abstractivè* per creaturas. *Intuitivè* verò cognoscere, id est per speciem propriam, prout res est in se v.g. Beati in Cœlo vident DEUM *intuitivè*.

*Actus* varie sumitur. *Actus unus*, est ipsa potentia ad aliquid operandum v.g. in actû primo operari, est idem: ac posse operari, *Actus secundus* est ipsa actualis operatio sive bona sive mala.

In



*In actu exercito, seu implicite dicitur, quando sine reflexa intentione opus exercetur, deliberate tamen ac humano modo: Sic qui audit devote Missam die Festo, habet in actu exercito intentionem satisfaciendi praecepto Ecclesiae, quamvis de ea reflexe non cogitet. In actu signato & reflexe fit, quando expressa intentio antecedit opus, ut dum quis ante, vel in auditione Missae, reflexe cogitat: Volo satisfacere praecepto Ecclesiae.*

*A parte rei, quando res aliqua actu existit nemine cogitante. Intentionaliter, quando res solum habet esse in intentione, seu intellectu.*

*Active se habere, est agere aliquam rem. Passive se habere, est pati, seu recipere aliquid. Sic benedicitur: Scandalum activum in eo, qui scandalizat alium, seu qui dat scandalum: Scandalum Passivum dicitur in illo, qui scandalizatur, seu qui patitur scandalum.*

*Bonum Morale est aliquod opus bonum. & laudabile in genere moris. Malum Morale est actio peccaminosa, seu est ipsum peccatum. Bonum Physicum, quod habet perfectionem, & integritatem suorum praedicatorum. Sciendum potest esse aliquid malum Physicum, & bonum Morale, sic Martyrium, Jejunium est malum Physicum, sed bonum Morale.*

*Causa*

*Causa Physica*, quæ producit effectum per se ipsum, seu per realem influxum in effectum. *Causa Moralis*, quæ influit in effectum imperativè, directivè vg. Dominus imperans servo, ut aliquem occidat; Dominus erit *causa Moralis* occisionis; servus verò *causa Physica*, si occiderit.

*Causa principalis*, quæ propriâ virtute agit. *Causa Instrumentalis* est, quæ virtute alienâ facit, ut patet in exemplo immediate dicto.

*Certitudo* alia est *Metaphysica*, quæ nequè divinitus potest se aliter habere. *Physica*, quæ non potest aliter fieri naturaliter, potest tamen divinitus seu miraculose. *Moralis*, quæ potest aliter fieri, sed difficulter, secundum æstimationem moralem vg. certum est moraliter comittendam esse Ebrietatem ab illo, qui contraxit habitum ebrietatis.

*Certitudo Fidei Divina*, quæ habetur ex Revelatione Divina vg. certitudo Sanctissimæ Trinitatis, Incarnationis &c.

*Concomitanter* seu *Simultanè*, quæ simul evenit cum aliqua re nequè ante, nequè post vg. DEUS concurret ad omnes actiones nostras per concursum simultaneum. *Antecedenter*, quod evenit antèriùs. *Consequenter*, quod evenit consequitivè.

*Directè,*



*Directè*, quod ratione sui intenditur. *Indirectè*, quod ratione alterius intenditur, vg. qui in ebrietate scandalizat alios, si talis inebrietur? ebrietatem intendit *directè*, scandalum verò *indirectè*, seu in causa.

*Ens* aliud est *Physicum* estquè res, quæ datur à parte rei, & actu existit. Aliud *Ens Logicum*, quod fit per operationem intellectûs. *Ens Possibile*, quod potest esse. *Ens Chymericum*, est *Ens* rationis fictum, seu impossibile. *Ens Morale*, quod habet esse secundum prudens hominum iudicium, vg. actus bonus vel malus.

*Essentialiter* dicunt prædicata talia, sine quibus res nequit esse nec concipi. *Accidentaliter* significat prædicata, quæ possunt abesse. Sic peccatum essentialiter est malum; jam verò vg. recreatio accidentaliter potest esse mala, si fiat cum aliquo excessu.

*Extensive*, quando res extenditur eadem in sua qualitate ad plura, vel tempora, vel loca, vel objecta. *Intensive*, quando intra se habet plures gradus vel perfectiones: Sic damnati omnes habent poenam æqualem *extensive* æternam; *intensive* verò unus præ alio maiorem prout quis meruit.

*Exclus*

23

*Exclusivè* & *inclusivè* dicitur, id est  
includendo vel excludendo. Sic Consanguini-  
tas naturalis dirimit Matrimonium *inclu-*  
*sivè* ad quartum gradum, quia hic gra-  
dus includitur in lege prohibente adhuc  
in eo nubere; Ad quintum autem gra-  
dum dirimit *exclusivè*, quia quintus gra-  
dus excluditur ab eadem lege, adeoque  
in eo valide contrahitur Matrimonium.

*Formaliter* varie sumitur *imo* idem si-  
gnificat quod propriè. Opponitur ei  
*Analogicè*, id est improprie translate. *2do*  
Significat rem accipi secundum suam qua-  
litatem; opponitur *Æquivalenter*, id est  
secundum æquivalentiam vg. dum fur e-  
andem rem ablatam reddit, dicitur: red-  
dere eandem rem *formaliter*. Sic reddit  
pretium? *æquivalenter*; si verò plus dat,  
quàm accepit? reddit *eminenter*.

*Geometricè*, quando aliqua tantum est  
proportio, non omnimoda. *Arithmetice*,  
quando omnis æqualitas servatur. Sic in-  
ter gravitatem peccati, & quantitatem  
injungendæ Pœnitentiæ, debet esse pro-  
portio aliqua, id est: *Geometrica* sufficit.

*Integrum est*, idem significat quod li-  
berum, seu licitum est. vg. integrum  
est Sponso de futuro resiliire à sponsali-  
bus, si Sponsa cum alio rem habuerit.

*In fieri*, dum est aliquid in exercitio.

*In facto*,



In factio, quando jam actu aliquid factum est.

*Mediate* id est mediante aliquo inter rem & rem. *Immediate*, id est absque medio interveniente.

*Naturaliter* sumitur 1. pro eo quod sit absque industria humana. Opponitur *Artificialiter*. 2. Idem sonat quod viribus naturæ, ordinario rerum cursu; opponitur *Supernaturaliter*, quod est supra vires naturæ, seu causarum *zdarum*, id est miraculose.

*Ordinarie* *Extraordinarie* idem significant prout *immediate* dictum.

*Par solvendo*, *impar solvendo*, idem est ac potens, vel impotens solvere.

*Secundum se*, id est ex natura sua. *Quo ad nos*, id est secundum nostrum modum concipiendi.

*Motive*, quod movet potentiam ad actum, sic dum quis laudat peccatum, laus erit motivum ad peccandum.

*Plures termini suis in locis explicantur.*



CA



C A P U T Imum  
*De sciendis ad imā Tonsuram.*

§. Imus.  
*De Rudimentis Fidei.*

Q. *Quid desiderat?* R. *Examinari pro  
1. Tonsura & Minoribus Ordini-  
bus.*

Q. *Quid scire debeat suscipere volens pri-  
mam Tonsuram?* R. *Rudimenta fidei. Le-  
gere & scribere.*

Q. *Quotuplicia sunt Rudimenta fidei?* R.  
*duplicia: Alia necessaria necessitate mediū, quæ  
si homo ignorat, etiā invincibiliter, &  
inculpabiliter, salvari non potest, & talia  
sunt: imo quod DEUS sit unus in Tribus  
Personis, Creator omnium, Remunerator  
bonorum, & Vindex malorum. 2do quod  
Filius DEI sit Incarnatus. 3tio quod ani-*

A

ma



ma hominis sit immortalis. Alia sunt necessaria necessitate præcepti, & illa sunt: quæ quidem tenemur scire sub obligatione gravi. Interim, si quis invincibiliter ignoret & explicitè non crederet, posset tamen salvari, & talia sunt, Pater noster. Ave MARIA. Symbolum Apostolorum. Decem præcepta Decalogi, Præcepta Ecclesiæ, & septem Sacramenta.

§. 2<sup>us</sup>

De Oratione Dominica.

Q. Quid est Oratio? R. est petitio decientium a DEO.

Q. Oratio qualem efficaciam habet? R. si omni ex parte talis sit, qualis esse debeat, habet efficaciam merendi, satisfaciendi, & impetrandi.

Q. Solusne DEUS orari debeat? R. solus, ut principalis causa bonorum omnium, gratiæ præsertim & gloriæ, quæ in oratione petuntur. Illi ergo soli ea impendi debet oratio, quæ cultum Patriæ continet, Sanctos am oramus ut DEI amicos.

Q. Quæ est perfectissima ac excellentissima oratio? R. Oratio Dominica sic dicta, quia eam Christus Dominus primum Apostolos docuit, & est: Pater noster &c.

Q. Quot ea oratio partes seu petitiones continet? R. septem, quarum tres concernunt DEUM & gloriam ejus: Reliquæ quatuor concer-

con  
C  
orat  
tiaz  
vol  
C  
prin  
reg  
glor  
C  
cibu  
spir  
in  
ter  
C  
soli  
con  
C  
cata  
C  
non  
ta  
tent  
tent  
C  
à Da  
à m  
C  
MA

concernunt nos, & nostrum commodum.

Q. *Quae conditiones requiruntur ad bonam orationem?* R. Quatuor: Puritas conscientiae, fiducia in DEUM, Resignatio in DEI voluntatem, & perseverantia.

Q. *Quale regnum petitur adveniri?* R. imprimis Regnum gratiae, quo DEUS in via regnat in nobis; Deinde regnum aeternae gloriae, quod nobis servatur tanquam filiis.

Q. *Qualis panis petitur?* R. non solum cibis, & alia corporalia, sed etiam panis spiritualis, uti sunt Verbum DEI, Oratio, inspirationes divinae gratiae, & principaliter panis Eucharisticus.

Q. *Cur petitur hodie?* R. Ne de crastino solliciti simus, & ut quotidie ad DEUM confugiamus.

Q. *Qualia debita petimus dimitti?* R. peccata tam mortalia quam venialia.

Q. *Quid est non induci in tentationem?* R. non est, non tentari, quia tentatio est vita hominis super terram, & Christus ipse tentatus fuit, sed est: non succumbere tentationi.

Q. *Quid est liberari à malo?* R. Imprimis à Dæmone, deinde à malis animae, demum à malis corporis.

§ 3<sup>us</sup>

De Salutatione Angelica.

Q. *Qualis est hac Salutatio?* R. Ave MARIA gratia plena, &c. Az



*Q. Unde consuetudo Beatam Virginem salu-  
tandi emanavit? R. ab exemplo partim An-  
geli Gabrielis, qui eam nomine Ssmæ Tri-  
nitatis salutaverat, partim S. Elisabethæ,  
partim pio & antiquissimo à tempore A-  
postolorum Ecclæ usu.*

*Q. Quid inde inferitur? R. Si Angelus  
Domini B. V. DEI Genitricem salutavit,  
quomodo igitur etea vermium, id est ho-  
mo miser idem facere dedignabitur?*

*Q. Quâ de causa recitamus salutationem  
Angelicam? R. imo ut illis generationibus  
annumerari mereamur, de quibus ipsa in  
suo Cantico prophetizaverat: Ecce enim ex  
hoc Beatam Ec. Luc: 1. 48. 2do ut effica-  
cius, quæ petimus impetrare à Christo  
valeamus.*

*Q. Credimusne in Beatam MARIAM V?  
R. Minimè, in solum enim DEUM credi-  
mus: Ast de B. Virgine credimus, & pro-  
fitemur, quod sit Mater DEI, adeoq; sin-  
gulari honore digna super omnes alias  
creaturas; quod sit gratia plena, ab omni  
peccato ex meritis Christi præservata, an-  
te & post partû semper Virgo immaculata.*

*Q. Adoramusne B. Virginem uti Deam?  
R. non; hæc est impudens Dissidentium  
calumnia, solum enim colimus eam velu-  
ti Matrem DEI Salvatoris, ac invocamus,  
ut intercedat pro nobis apud Divinum  
suum Filium,*

Q.

**Q.** Dissidentes detrahunt nobis Catholicis quasi aequali cultu B. Virginem ac ipsum DEUM etiā prosequamur? **R.** Multorum Pastorum Dissidentium consuetudo est, ut, cum Scriptura & argumentis non valeant, convitiis & mendaciis saltem conantur proficere.

**Q.** Sape similibus videmur uti rebus aut actionibus externis, ac etiam dum ipsum Christum invocamus? **R.** his tamen nunquam intendimus cultum Divinum exhibere B. Virgini. Porro actiones externæ, & voces juxta internam hominis intentionem pensatæ sunt, quam præterea intentionem toties omnibus manifestamus.

§ 4us.

De Symbolo.

**Q.** Quid est Symbolum? **R.** Est Compendium Articulorum Fidei Catholicæ.

**Q.** Quid est Articulus Fidei? **R.** est veritas aliqua antiqua infallibilis à DEO revelata, vel per Ecclesiam definita, quam credere omnino tenemur.

**Q.** Quot sunt Symbola? **R.** tria, 1um Apostolorum. 2dum Concilii Nicenii. 3tium S. Athanasii.

**Q.** Quot continet Articulus Symbolum Apostolorum? **R.** duodecim.

**Q.** Cur vocatur Symbolum Apostolorum? **R.** quia est compositum ab Apostolis.

**Q.** Ad quos inferos descendit Christus? **R.** non



non ad locum damnatorum sed ad Limbū,  
in quo animæ Sanctæ Salvatore[m] inspi-  
rabant.

Q. Cur dicitur in plurali descendit ad infe-  
ros? R. quia etiam ad Purgatorium de-  
scendit, indeq; multas animas liberavit.

Q. Descenditne cum anima & corpore? R.  
Corpus reliquit in sepulchro, illudq; po-  
stea tertio die gloriosum reassumpsit.

Q. Quales vivos & mortuos iudicaturus est?  
R. per vivos intelliguntur electi, per  
mortuos vero reprobi.

Q. Quid est cōmunio Sanctorum? R. quod  
Sancti & iusti communicationem specialem  
habent tanquam membra unius corporis.  
Item quod fit in Ecclesia DEI communio  
rerum sanctarum.

Q. Quae sunt illa res sancta in quibus com-  
municamus? R. Sangvis Redemptionis Sa-  
cramenta, Dona gratiæ, Verbum DEI. I-  
tem opera bona, cum enim sumus membra  
eiusdem Corporis, dum quis orat, aut je-  
junat, non solum sibi, sed omnibus orat,  
jejunat.

Q. Habentne etiam mali fructum in hac  
Communione Sanctorum? R. habent, tum quia  
boni suis precibus saepe illis impetrant  
gratiam. Tum quia propter societatem  
cum bonis, saepe evadunt afflictiones, &  
vindictam DEI.

Q. An

Q. An aliquem fructum etiam anime Purgatorii percipiant? R. Omnino, quia cum sint membra viva nobis conjuncta, per eandem fidem, spem, charitatem juvantur satisfactionibus nostris.

S. 51us

Christianus quis.

Q. Quid est esse Christianum? R. Est per Sacramentum Baptismi, Unctionis, Christi participem, ejusque membrum effici.

Q. Estne omnis Christianus Catholicus? R. Non.

Q. Quis ergo dicitur vere Catholicus? R. Qui Baptismi Sacramento initiatus in Ecclesia DEI veram Christi doctrinam profiteatur.

Q. Heretici suntne Christiani & Catholici? R. sunt Christiani, si sint legitime baptizati: Non sunt Catholici, quia adherent Sectis & opinionibus ab Ecclesia Catholica seu universalis, alienis.

Q. An Hæreticus est capax tonsuræ? R. validè, sed illicitè susciperet.

Q. Quod est signum Christiani? R. Est signum Sanctæ Crucis.

Q. Cur ad formandam Crucem manus dextra adhibetur? R. quia est dignior. Congruum autem est, ut ad obsequium DEI digniora membra corporis nostri adhibeamus.

Q.



*Q. Quare nominatur Pater, quando tangitur frons?* R. Datur intelligi, quod sicut ex capite in summo corporis nostri locato vita ad reliquum corpus derivatur, ita Patrem Originem rerum omnium, ac principium esse agnoscimus.

*Q. Cur Filius nominatur, dum tangitur pectus?* R. Significatur Filium non solum ab aeterno à Patre genitum, sed etiam in tempore pro salute nostra in utero Virginis conceptum, & tandem in visceribus terræ sepultum esse.

*Q. Cur nominatur Spiritus S. dum uterque humerus tangitur?* R. denotatur tanquam amor Divinus à Patre Filioq; tanquam uno principio procedere, ejusdem cum utroq; naturæ.

*Q. Dicat aliam rationem?* R. ad insinuandum videlicet, quod Spiritus S. per Incarnationem Filii nos, qui à sinistris filii iræ eramus per gratiæ infusionem ad dextram transferendo fecerit hæredes Regni DEI.

*Q. Formaturne signum Crucis alio etiam modo?* R. Formatur pollice & indice manus dexteræ conjunctis signando se signo Crucis in fronte, ore, pectore.

*Q. Cur duo digiti conjuncti in hoc signo formando adhibentur?* R. id significat duas naturas in Christo Divinam & humanam.

*Q. Cur*

*Q. Cur ad signum frontis Pater, ad signum  
eris Filius, ad signum pectoris Spiritus S. no-  
minatur? R. quia in fronte Patrem rerum  
omnium principium, in ore Filium, Ver-  
bum ab ore Patris procedens, in corde a-  
moris sede Spiritum S. amorem Divinum  
confitemur.*

*Q. Cur signo hoc fratem, os, pectus seu cor  
signamus? R. significatur promptitudo ani-  
mi ad confitendum semper Crucis myste-  
rium. Cogitatione, quæ in fronte residet,  
Verbo, quod ab ore procedit; & Opere, quod  
à cordis seu amoris imperio gubernatur.*

*Q. Cur autem dicitur in Nomine Patris &c.  
& non in nominibus? R. quia per Nomen in  
singulari denotatur Patris & Filii & Spi-  
ritus S. trium Personarum Divinarum u-  
na natura.*

*Q. Quæ mysteria contineantur in hoc signo  
Crucis? R. continetur summa Fidei Chri-  
stianæ, quatenus per verba, DEUM trinū  
& unum, per signum Crucis verò passio-  
nem, & mortem Christi, & per eam Re-  
demptionem nostram profitemur.*

§ 6ius

De Sanctissima Trinitate.

*Q. Siquidem credit Ssmam Trinitatem, di-  
cat, quid sit illa? R. Est unus DEUS in  
tribus Personis Patre, Filio, & Spiritu S.*

*Q. In quo conveniant & differunt he. Perso-  
na?*



na? R. Conveniunt in una natura seu essentia, in omnibus absolutis attributis, & in omni actione *ad extra*. Differunt autem in Prædicatis relativis Paternitatis, Filiationis, Spirationis.

Q. An & à quo producantur hæ tres Personæ? R. Pater est ingenuitus & improductus, Filius à solo Patre producitur per generationem: Spiritus S. procedit ab utroque tanquam uno principio per amorem.

Q. Cur sola tertia Persona vocatur Spiritus S. cum & Pater, & Filius sint Spiritus & sint Sancti? R. Spiritus S. non ideo vocatur sic, quia est Substantia Spiritualis & Sancta; hoc etiam & reliquæ Personæ habent, sed quòd speciali modo procedat per spirationem seu amorem.

§. 7<sup>mus</sup>

De Incarnatione.

Q. Quid est Incarnatio? R. Est unio Filii Dei, seu Verbi Divini, aut secundæ Personæ Ssmæ Trinitatis cum humanitate. Vel est: Assumptio humanitatis propria personalitate destitutæ ad unionem cum Persona Verbi.

Q. An Christus solum Corpus humanum assumpsit, an vero totum hominem? R. Totum hominem, id est corpus & animam unitam corpori, aliàs non assumpsisset naturam humanam, si solum corpus assumpsisset. Eiusus hoc in Symbolo S. Athanasii.

*Q. Cum Christus Dominus conceptus sit de Spiritu S., an Spiritus S. sit Pater Christi?*

*R.* quod dicatur conceptus de Spiritu S., intelligi debet, quod ex opere Spiritus S., non verò ex natura ejus, & hinc non potest dici Pater ejus, quamvis de ipso conceptus dicatur. Ille enim est pater, qui de substantia sua Filium generat, qui autem opus aliquod, non de sua substantia, sed aliunde producit, non est Pater.

*Q. Cur non una Persona, nec tertia est incarnata, sed secunda? R.* quia convenientius erat secundæ Personæ incarnari quàm 1mæ & 3tæ.

*Q. Quæ convenientia à SS. Patribus assignantur? R.* Hæ, quia major est affinitas hominis cum Verbo, quàm cum Patre & Spiritu S. sicut enim Verbum est Imago Patris, ita homo est Imago DEI, adeoque convenientius erat similem simili unari. 2da. quia sicut homo creatus per verbum DEI, ita decebat eum redimi per idem Verbum, quia per eandem Ideam opus lapsum artifex reparat, per quam illud produxit. 3tia ut idem sit Filius Hominis, qui fuit DEI Filius ab æterno. 4ta ut Filius DEI adoptivus, id est Homo redimeretur per Filium DEI natum. 5ta ut mediator inter DEUM & hominem non sit alia Persona, nisi media.

*Q.*



*Q. Quot naturæ, & Personæ sunt in Christo?* R. Naturæ duæ sunt humana, & Divina: Persona unica Verbi Divini, nam licet DEUS assumpsit hominem, non tamen Personalitatem hominis, quia Personalitas juxta Metaphysicam, est complementum naturæ, consequenter quid distinctum à natura, quod complementum hominis supplevit Personalitas Divina.

*Q. Quot sunt intellectus & voluntates in Christo?* R. duo sunt, creatus & increatus, seu Divinus. Voluntates etiam duæ, creata & increata sive Divina, quia sunt duæ naturæ, consequenter duo quoq; intellectus, & duæ voluntates à Conciliis & SS. PP. assignantur in Christo.

*Q. Habuistine Christus animam rationalem? vel Verbum Divinum fuit illi loco animæ?* R. Nisi animam rationalem habuisset, non fuisset verus & perfectus homo.

*Q. Redemitne Christus omnes homines?* R. Redemit omnes liberando ab impotentia salutis consequendæ, non autem in actu 2do omnes justificando, vel salvando.

*Q. Cur non omnes redemit in actu secundo justificando, & salvando?* R. Ex malitia ipsorum, nolentium præceptis DEI obtemperare, & adhibere media ad salutem necessaria.

*Q. In quo consistebat mors Christi?* R. In separatione Animæ à Corpore.

Q. Ubi fuit tunc Anima, Corpus, & Divi-  
nitas Christi? R. Anima descendit ad Infe-  
ros, Corpus mansit in Sepulchro, Divini-  
tas fuit unita utriq; quod enim assumpsit,  
nunquam dimisit.

Q. Quomodo autem facta est Resurrectio  
Christi? R. Per reunionem Animæ ad Cor-  
pus cum exitu de Sepulchro.

Q. Christus estne ubiq;? R. Christus duo  
significat DEUM & Hominem, ideoque  
Christus ut est DEUS, est ubiq;, ut vero  
Homo, non est ubiq;, sed tantum in Cœ-  
lo, & in Eucharistia per replicationem.  
Replicatio est existentia unius Corporis si-  
mul in duobus vel pluribus locis super-  
naturaliter.

Q. Quales vivos & mortuos iudicaturus est?  
R. Scilicet, Electos, & reprobos.

Q. Quomodo Christus invocandus, & cole-  
ndus est orationibus nostris? R. Summo cultu  
tanquam DEUS Redemptor, atq; unicus  
talis inter DEUM & homines Mediator,  
qui pretioso Sangvine suo pro peccatis  
totius mundi condigne satisfecit, omni-  
busq; gratiam & gloriam (modo merito-  
rum ejus per veram fidem ac Præcepto-  
rum observationem participes fieri veli-  
mus) promeruit.



De Veneratione Sanctorum.

*Q. Potestne aliquis Sanctus pro peccatis nostris satisfacere?* R. Non, imo licet omnes Sancti merita, & Passiones suas pro delictis suis DEO offerrent, non tamen vel pro unico peccato mortali valerent condignè satisfacere.

*Q. Possuntne Sancti promereri nobis gratiam DEI?* R. quamvis Orationibus suis impetrare nobis soleant gratias, non tamen mereri: Solus Christus illas nobis promeruit.

*Q. Quomodo orationibus nostris colendi & invocandi sunt Sancti?* R. Velut fideles servi & amici Christi.

*Q. Sed qua de causa honorandi sunt Sancti?* R. quia honorat eos ipse DEUS Pater: *Qui mihi ministrat, honorificabit eum Pater meus.* Joa: 12. 26. Honorat eos ipse DEI Filius: *Vos, qui secuti estis me &c.* Mat: 19. 28. Honorat eos Spiritus S. Eccl: 44. Ergone homo peccator Sanctos colere tergiversabitur.

*Q. Daturne in Ecclesia Catholica preceptum invocandi Sanctos?* R. Salutare consilium est solum.

*Q. Sacrificamusne, aut Tempia extruimus Sanctis?* R. Non, Sacrificium enim Missæ litatur, & Ecclesiæ eriguntur soli DEO, quantumvis iub titulo alicujus Sancti.

Q. Fuitne mentio intercessionis, & invocationis Sanctorum in Scriptura? R. Omnino. Zach: 1. v. 12. Iterū 2. Petri p. 15. Gen: 48. 16.

Q. Utq; Dominus ait: *Invoca me in die tribulationis* Pl: 46. v. 16. R. Idem quoq; Dominus dicit: *Ite ad servum meum Job, ipse orabit pro vobis, faciem ejus aspiciam* Ec. Job 42. 8.

Q. Quomodo igitur hi textus combinandi? R. Sic: solus quidem DEUS principaliter invocandus est, tanquam Dominus ille, qui propriā nobis potestate potest, & solet benefacere, sed præterea etiam Sancti veluti servi DEI, qui præcise orent pro nobis DEUM.

Q. Quare tempus hoc, quod alias invocatio- ni Sanctorum, non potius laudibus Christi impen- dimus? R. quia invocando Sanctos magis glorificamus Christum juxta illud: *Laudate DEUM in Sanctis Ejus.* Psal: 150.

Q. Quare? R. Invocare enim Sanctos est in re convocare illos, ut una nobiscū coram Majestate Domini nostri JESU Chri- sti procidant, eumq; nobiscum laudent, glorificent, orent & adorent.

Q. Possuntne Sancti in Cælo nostras in terris scire necessitates? R. Omnino, si enim An- geli in Cælo sciunt & delectantur pœni- tentiā peccatorum. Luc: 15. Igitur & Animæ Sanctæ cum de iis dicatur. Math: 22. 30. *Sunt sicut Angeli DEI.*



*Q. An invocari possunt infantes è vivis statim post Baptismum sublatis?* R. Privatum possunt, cum & DEI in æternum amici sint, & tenerâ in nos, quos in agone certantes vident, charitate pleni.

*Q. Quam ob causam credimus DEUM per Sanctorum reliquias multa nobis beneficia prestare?* R. Constat id ex continua tot sæculorum experientia.

*Q. Num de hac re aliquid sit in Scriptura?* R. Omnino. 4. Reg: 13. ad contactum ossium Elisei Prophetæ revixit mortuus. Et Act: 19. 12. per attactum sudariorum & semicinctorium S. Pauli morbi curabantur, & maligni spiritus expellebantur.

§ gnus

### De Veneratione Imaginum Christi & Sanctorum.

*Q. Quare in veneratione habemus Imagines Sacras?* R. quoniam exprimunt, & memoriæ suggerunt Christum, ejusq; beneficia. Item præclara Sanctorum opera, quibus ad similia excitemur.

*Q. Quid hac de re est in Scriptura?* R. Exod: 25. 18. Præceperat DEUS supra Arcam Fæderis duos locari Cherubinos, quibus certe unâ cum arca cultus aliquis deferrebat. Deinde Ps: 98. Adorate scabellum pedum ejus, quia sanctum est.

*Q. Utq; præcepit DEUS* Deuter: 4. Nō facies

facies tibi sculptiles? R. Sed additur ibidem: ut aderes illud. Porro nos nullam Imaginem velut Idolum adoramus.

Q. S. Joan: Ep: 1. c. 3. ait: *Filioli custodite vos à simulacris?* R. Hic monet conversos à se Ethnicos, ne redeant ad Idololatriam.

Q. Num requiritur, ut Imagines colantur cultu absoluto propter seipsas, quasi credatur ipsis inesse aliqua divinitas, vel virtus propter quam sunt colenda? R. Non; sed solum possunt coli cultu respectivo propter respectum nempe ad sua Prothotypa.

Q. Ut quid genuflexiones coram Crucifixo vel Altari? R. Coram illo genuflectimus, quem Imago denotat, nimirum Christo ad dexteram DEI sedente.

Q. Quomodo id fieri potest, quod Imagines aliquæ miracula operentur, cum sint res inanitate? R. Non Imagines, sed ipse DEUS ex abyssali Clementia ad glorificandum Nomen S. suum, ubi, & in quo loco vult, miracula operatur per intercessionem Sancti, cujus Imago vel Reliquia veneratur.

Q. DEUS in omni loco exaudire potest, & miracula operari ut quid ergo certo loco aut certe Imagini talis operatio adscribitur? R. DEUS, postquam præcepta Decalogi dederat Moyse, potuit in quocunq; loco & sub quacunq; specie rei creatæ apparere,



& cuiuscunq; hominum, id tamen non præstitit, sed tantum in Monte Horeb, in ardenti rubo; non alteri, quam Moyfi.

Item Potuit DEUS per quamcunque rem creatam operari miracula, id tamen non fecit nisi per baculum Moyfi, nec ulibi nisi in Ægypto operatus est. Incomprehensibilia sunt iudicia DEI!

## C. A. P. U. T. 2dum.

### § 1mus

De Peccatis in genere.

Q. Quid est peccatum? R. Est transgressio legis Divinæ, naturalis & scriptæ.

Q. Qui legem humanam Ecclesiæ transgreditur, sine Divina Legis transgressor? R. Omnino, cum DEUS ipse præceperit obedire Ecclesiæ & potestatibus.

Q. Quotuplex est peccatum? R. 2plex, carnale & spirituale. 1mum est, quod tendit ad inordinatas delectationes corporis, ut luxuria, ebrietas. 2dum est illud, quod immediate ad animam pertinet; ut superbia, odium. Aliud est Philosophicum id est dictum vel factum, aut concupitum contra legem naturalem, seu dictamen naturæ rationalis. Aliud est Theologicum est dictum, vel factum, aut concupitum contra legem DEI. Peccatum aliud est Commissionis, est trans-

transgressio præcepti negativi. Aliud est  
omissionis & est transgressio præcepti positi-  
vi. Item peccatum aliud est *contra DE-*  
*UM* scilicet immediate, ut blasphemia.  
Aliud contra *Proximum*, ut diffamatio.  
Aliud contra *seipsum* ut est vg. ebrietas.

Q. Quotuplex adhuc est peccatum? R.  
Aliud est *Cordis*, ut prava desideria. Ali-  
ud *oris*, ut infamationes. Aliud *operis*, ut  
omne opus factum externum contra le-  
gem DEI. Peccatum aliud est *originale*,  
quod est carentia iustitiæ originalis trans-  
fusa ab Adamo per virtutem seminalem in  
posteris. Aliud *Personale* quod est præva-  
ricatio legis à propria persona facta.

Peccatum *Personale*, aliud est *actuale*,  
quod est actualis prævaricatio legis Divi-  
næ. Aliud *habituale*, quod est macula quæ-  
dam relicta ex peccato actuali moraliter in  
anima permanens. Utrumq; aliud est  
*mortale*, quod adfert mortem animæ, aliud  
*veniale*, quod non adfert mortem animæ.

Q. Quæ requiruntur ad peccatum mortale?  
R. Hæc tria: plena advertentia & delibe-  
ratio ex parte intellectûs. 2do Perfectus  
consensus ex parte voluntatis. 3tio Gra-  
vitas materiæ, ex quibus si unum desit,  
fiet veniale, quod aliàs ex se esset mortale.

Q. Quotuplex est peccatum mortale? R.  
Duplex. Unum est tale ex genere suo, quod



scilicet est contra legem graviter obligantem, & aliud est mortale per accidens solum, nempe ex circumstantiis adiunctis.

Q. Quotupliciter peccatum mortale ex genere suo potest transire in veniale? R. 3plicititer. 1mo ex parte intellectus, si non habeatur perfecta deliberatio seu advertentia malitiae peccati. 2do ex parte voluntatis, si non sit perfectus consensus. 3tio ex parte materiae, si haec sit parvi momenti.

Q. Quot modis peccatum veniale ex genere suo potest transire in mortale? R. 5q; modis. 1mo ratione conscientiae erroneae aut scrupulosae, si videlicet ille actus, qui ex natura sua est levis, iudicetur esse gravis. 2do ratione contemptus aut inobedientiae formalis. 3tio ratione nimii affectus in rem aliquam, si haec ita appetitively aestimetur, ut peccator sit paratus potius praecipuum DEI sub mortali obligans transgredi, quam illam omittere. 4to ratione Ruinae & periculi proximi imminentis per talem actum, qui ex natura sua est levis. Sic vg. ablatio acus, ex se est levis, eritq; peccatum veniale; si tamen illam quis auferat Sartori pauperi unicam habenti, qui praedicta acu sibi ac suae familiae victum merebatur? erit mortale. 5to ratione periculi incidendi in mortale, quando nimium aliquis absq; sufficienti cautela

caveola facit id, per quod facile labitur  
in mortale.

Q. Plura peccata venialia possuntne efficere  
unum mortale? R. Negant: Com: DD. Di-  
sponunt tamen ad illud facilius perpe-  
trandum.

Q. Quot sunt effectus peccati? R. Pecca-  
tum inducit poenam temporalem si sit ve-  
niale; vel æternam, si sit mortale. 2do.  
Minuit plurima auxilia, gratiæ DEI quæ  
ad bene agendum conferri solent. 3tio re-  
linquit in anima maculam, & deformita-  
tem, quæ est peccatum habituale. 4to.  
Tandem peccatum ponit impedimentum  
ab bene operandum.

§ 2dus

De peccatis in specie.

Q. Quot sunt peccata capitalia? R. 7. Su-  
perbia, Avaritia, Luxuria, Invidia, Ira,  
Gula, & Acedia.

Q. Quare dicuntur capitalia? R. Ideo  
quia dicuntur capita, & radices aliorum  
peccatorum.

Q. Quid est superbia? R. Est inordinatus  
appetitus propriæ excellentiæ.

Q. Quid est avaritia? R. Est inordina-  
tus bonorum temporalium appetitus. Fi-  
liæ ejus sunt, obduratio cordis, inquietu-  
do mentis, & fraus, sive dolus in facto.

Q. Quale est peccatum avaritiæ? R. Per se  
est



est veniale, nisi ita sit intentus divitiarum appetitus, ut causâ ejus vilescat observatio Præceptorum DEI & Ecclesiæ.

Q. *Quid est luxuria?* R. Est inordinatus appetitus venereorum, & est ex genere suo mortale.

Q. *Quot sunt filia luxuria?* R. Ex parte intellectûs sunt quatuor, scilicet: cæcitas mentis, quæ habetur tunc, quando ita est addictus intellectus alicui turpitudini ut de Cœlestibus amplius non permittatur cogitare. 2da Præcipitantia. 3tia Inconsideratio. 4ta Inconstantia.

Ex parte voluntatis sunt etiam quatuor. 1ma Amor sui, 2. Odium DEI, 3. affectus præsentis sæculi, 4. horror futuræ vitæ.

Q. *Quid est invidia?* R. Est inordinata tristitia de alterius bono prout illud est diminutivum propriæ excellentiæ, est ex genere suo mortale.

Q. *Quot sunt filia invidia?* R. 1ma Odiû proximi, 2da Detractio, 3tia Gaudium de malis proximi. 4ta Sufurratio, quæ est oblocutio mala de proximo ad tollendam amicitiam ipsius cum aliis, quam susurro restituere tenetur, non minus, quàm detractor famam.

Q. *Quid est gula?* R. Est inordinatus appetitus cibi & potûs, & est ex genere suo veniale.

*Q. Quot modis fit gula?* R. 5q; imo Si quis edat ante tempus. 2do Si nimis exquisita. 3tio Si nimis exquisitè preparata, si plus iustò commedat aut bibat. 5to Si voraciter.

*Q. Quid est Ira?* R. Est inordinatus vindicandi appetitus.

*Q. Quare dicitur inordinatus?* R. quia non omnis appetitus vindictæ est peccatū. Iræ juxta illud Psalm: 40. Irascimini & nolite peccare; sapius enim superiores irascuntur puniendo culpam subditorum, & tamen non peccant, si ordinate id faciunt.

*Q. Quid est acedia?* R. Est fastidium rerum spiritualium.

*Q. Quæ excusant aliquem à peccato?* R. Hæc tria, Defectus liberi consensūs. 2do Inadvertentia ad malitiam peccati. 3tio Ignorantia.

*Q. Quæ sunt peccata contra Spiritum Sanctum?* R. 6. scilicet: Desperatio propriæ salutis æternæ. Præsumere salvari sine meritis, Cognitam veritatem impugnare: Invidere gratiæ, & aliis beneficiis spiritualibus proximo à DEO concessis: Obstinatio in peccatis. Impenitentia finalis.

*Q. Quare dicuntur contra Spiritum Sanctum?* R. Quia cū Theologi appropriant potentiam Patri; sapientiam Filio; & bonitatem S. Spiritui; hinc qui peccant ex fragilitate,



te, dicuntur peccare contra Patrem, qui potens est; qui peccat ex ignorantia dicitur, peccare contra Filium, qui sapiens est; qui vero ex malitia peccat, dicitur peccare contra Spiritum est, qui bonus est.

*Q. Quare hæc peccata dicuntur irremissibilia?*

*R.* Omnia hæc peccata remitti possunt per Sacramentum Pœnitentiæ, si quis bene dispositus, illa confiteatur, nihilominus hæc dicuntur irremissibilia, quia malitiosè peccans raro, & difficile convertitur, proinde veniam peccatorum non obtinet.

*Q. Quenam sunt peccata in Cœlum clamantia?* *R.* 4tuor. Homicidium voluntarium, crimen nefandum, seu sodomia, oppressio pauperum, orphanorum, & viduarum, de fraudare operarios mercede, propriis laboribus debita, hæc enim adeo gravia sunt, ut vindictam in Sacra Scriptura dicantur petere à DEO.

§ 3tius

De Scandalo.

*Q. Quid est scandalum?* *R.* Est peccatum occasionatum. Dicitur verò tale, quia dat occasionem alteri ad peccandum.

*Q. Quotuplex est scandalum?* *R.* Duplex. *Activum* est dictum vel factum minùs rectum, præbens alteri occasionem ruinæ spiritualis. Et *Passivum* est ipsa ruina seu peccatum ex alterius dicto vel facto secutum.

Q. Quotuplex est scandalum activum? R. Est duplex: Unum per se tale, & aliud per accidens. Primum habetur tunc, quando directè intenditur alterius ruina, si nimirum ideo aliquid fiat; ut proximus ad peccatum inducatur.

Per accidens verò scandalum dicitur, quando indirectè & interpretative tantū causatur alterius peccatum, ut si vg. spiritualis verbum jocolum proferat coram sæcularibus, quos inde occasionem peccati sumpturos cognoscit, & à talibus verbis non abstinet.

Q. Ad hoc ut scandalum activum sit peccatum requiritur, ut de facto ex illo sequatur ruina spiritualis proximi seu scandalum passivum? R. Non. Sufficit enim quod per illud data sit occasio, ex qua sequi possit ruina spiritualis proximi, ut si vg. vellem aliquem inducere in ebrietatem, quamvis ipse non consentiat.

Q. Qualiter ille peccat, qui scandalizat alterum? R. Mortaliter, si dat occasionem ruinæ mortalis [ nisi indeliberatio excuset ] venialiter autem, si dat occasionem ruinæ venialis, etiam si hoc directè intendat.

Q. Quot peccata committit scandalizans? R. Præter peccatum scandali, committit peccatum ejusdem speciei, ad quod alterum



rum induxit, & ideo confiteri debet speciem peccati, per quod, & ad quod dedit occasionem cum numero scandalizantium, etiam si illos non induxerit directe ad peccandum, sed per accidens.

§ 4<sup>us</sup>

De Virtutibus.

Q. *Quid est virtus?* R. Secundū S. Aug. est qualitas mentis, quā rectē vivitur.

Q. *Quotuplex est virtus?* R. Juxta Aristotelem. Alia est *Intellectualis*, quæ ad intellectum spectat, ut prudentia. Alia est *Moralis*, quæ ad voluntatem pertinet.

Q. *Quotuplex est adhuc virtus?* R. 2plex: *Theologica*, quæ habet pro objecto immediate DEUM. Alia *moralis*, quæ habet pro objecto immediato actiones humanas.

Q. *Quotuplex adhuc est virtus?* R. Duplex: Alia est *actualis*, estq; actus alicujus virtutis. Alia *habitualis*, quæ est qualitas inclinans potentiam ad actus virtuosos.

Q. *Quotuplex est virtus habitualis?* R. 2plex. *Infusa*, quæ infunditur immediate à DEO, hujusmodi sunt habitus Fidei, Spei, & Charitatis. Alia *acquisita* quæ est facilitas quædam generata ex frequentatis actibus virtuosis inclinans hominem ad elicendos promptē similes actus virtuosos illis, ex quibus fuit generata. una ergo datur ad simpliciter, ada verò ad faciliter operandum.

Q. Quot sunt virtutes cardinales? R. 4.  
Prudentia, Iustitia, Temperantia, & Fortitudo.

Q. Quare dicuntur Cardinales? R. quia in illis tanquam in Cardinibus universa boni operis structura nititur.

Q. Quot sunt dona Spiritus S.? R. 7. juxta Isaiam 11. Sapientia, Intellectus, Consilium, Fortitudo, Scientia, Pietas & Timor DEI.

Q. Quot sunt beatitudines? R. Juxta Matth: 5. Sunt octo: Beati pauperes, Beati mites, Beati qui lugent, Beati qui esuriunt, Beati misericordes, Beati mundo corde, Beati pacifici, & Beati qui persecutionem patiuntur propter iustitiam.

Q. Quot sunt virtutes Theologicae? R. 3.  
Fides, Spes, Charitas.

## C A P U T 3<sup>ti</sup>um.

### § I mus

De Requisitis ad imā Tonsuram.

Q. Quae dispositio principalis sit necessaria volenti suscipere Tonsuram? R. Vocatio Divina.

Q. Quid est vocatio Divina? R. Est electio, quam DEUS facit inter homines ad aliquem specialem statum, quem solet indicare aliquibus signis.

Q.



Q. *Quare hac vocatio est necessaria ad statum Ecclesiasticum?* R. DEUS siquidem, cū illum instituerit, & ordinaverit, ad illum spectat vocare hos, quos voluerit.

Q. *Quid de illo sentiendum est, qui ingreditur statum Ecclesiasticum sine vocatione?* R. Talis intrat contra DEI voluntatem, facit se indignum gratiā ejus, mereturq; justē ab eo derelinqui, & exponit periculo salutem suam.

Q. *Cui tales assimilantur?* R. Christus Dominus illos comparat latronibus & lupis, qui intrant in ovile propter jugulandas oves vitā sua scandalosā.

Q. *Quomodo DEUS punivit presumptionem, & temeritatem talium, qui aspiraverunt ad Mysterium Altaris sine vocatione?* R. Præcipitavit aliquos in abyssum terræ, projecitq; illos viventes in Infernum. Alii igne absumpti sunt, ut Scriptura docet in Libro Numer.

Q. *Unde cognosci potest, utrum sit ex DEO vocatio ad statum Ecclesiasticum?* R. Ex sequentibus signis: 1<sup>mo</sup> Si vocatur per Episcopum pro necessitate & utilitate Ecclesiæ. 2<sup>do</sup> Si hoc genus vitæ suscipitur cum puta intentione DEO serviendi in castitate, & curandi pro viribus suam, & proximorum salutem. 3<sup>io</sup> Si acceptum est consilium à Confessario, vel alio homine docto,

docto, prudente, qui non sit ductus studio sui commodi habente zelum pro statu Ecclesiastico. 4to Si habentur dotes requisitæ, ut satisfiat dignè obligationibus huius statûs, quæ sunt: Sanctitas, scientia, amor summus castitatis, & sobrietatis, zelus, contemptus divitiarum, honoris, &c. 5to Si quis assumit spirituales statum sine præcipitantia, sine intuitu rerum temporalium præparatione factâ per exercitia spiritualia aliquot diebus.

Q. *Estne necessarium habere spiritum Ecclesiasticum?* R. Omnino ita. DEUS enim nullum vocat ad hunc statum, ut illi statim non suggerat spiritum necessarium & auxilia opportuna ad sanctè in eodem statu vivendum.

Q. *In quo hic consistit spiritus?* R. In ubertate gratiæ, quâ mediante peraguntur cum suavitate facile, & libenter ministeria Ecclesiæ.

Q. *Unde cognosci potest, quod quis habeat hunc spiritum?* R. Si æstimat suum statum super omnes dignitates huius mundi. 2do Si gestat externè signa sui statûs, talia sunt: Tunica talaris, corona, capilli breves &c. 3to Si peragit libenter functiones Ecclesiasticas etiam minimas. Si magnum zelum habeat, & fortiter laboret in ordine ad restituendam disciplinam Ecclesiasticam.



Q. Quomodo conservari potest hic Spiritus Ecclesiasticus? R. Per constantem & devotam orationem. 2do Per lectionem spiritualium librorum. 3tio Per frequens exercitium maiorum Clerici. 4to Per conversationem cum bonis Spiritualibus.

Q. Qui est spiritus oppositus huic Divino Spiritui? R. Est spiritus mundi, qui consistit in amore inordinato Divitiarum, voluptatum, honorum; hic spiritus est fons omnium malorum in Clero, & evidens funestissimorum scandalorum scaturigo in populo.

Q. Quae sunt signa mala vocationis? R. Quando aspirans ad statum Ecclesiasticum assumit eundem compulsus per spiritum propriae utilitatis, suorum Parentum, consanguineorum, ut minuatur numerus Personarum in Familia, aut propter successionem consanguineo Beneficiato, aut propter alium aliquem finem temporalem.

2do Quando fit ingressus ad hunc statum propter vitam ducendam otiosam, ignavam sine cura, sine sollicitudine, ac si hic status esset locus quietis.

3tio Quando fit ingressus propter se subducendum Jurisdictioni saeculari, Tributis &c. aut habeatur unde commodè vivere, aut propter ditandos consanguineos, vel propter aucupandas Ecclesiasticas dignitates.

De Requisitis ex parte subiecti.

Q. *Quae praequiruntur ex parte subiecti ad validè recipiendam imam Tonsuram?* R. Ut sit mas, ut sit baptizatus, ut habeat usum rationis, ut voluntariè & non purè coactè initiatur.

Q. *An ergo mas infidelis potest admitti ad imam Tonsuram & Ordines?* R. Non, quia per Baptismum non est aggregatus numero Christianorum.

Q. *Et cur Baptismus praequitur?* R. quia est tanquam janua ad reliqua Sacramenta.

Q. *Cùm Baptismus dicatur janua esse ad reliqua Sacramenta, an ergo omnia reliqua Sacramenta invalidè suscipiantur ante illum?* R. Invalidè præter Eucharistiam.

Q. *Qua ratio?* R. Eucharistiae enim sumptio cùm à suscipientis intentione nõ dependeat, ea non invalidè, sed solum infructuosè, & materialiter sumetur.

Q. *Potestne Femina validè accipere imam Tonsuram?* R. Nullomodo, quia sicut Ordines ipsi, ita & ima Tonsura, tanquam dispositio ad Ordines non pro foeminis, sed pro maribus instituta sunt.

Q. *Utrq; leguntur fuisse Presbyterissa Dignissa?* R. Harum aliae deputatae sunt cum aliqua forte benedictione ad Homilias in Officio Monialium recitandas, aliae uxores



res virorum in Diaconos, Presbyteros, Episcopos Ordinatorum, quæ ab illis separata Cœlibem vitam ducebant.

Q. *An quando Monialibus præciduntur Capilli ipsa præcisio possit vocari Tonsura directæ ad ordines suscipiendos?* R. Non, quia non fit ab Episcopo, & cum ipsius benedictione, sed fit ab Abbâtissa, vel ab aliquo alio in signum contemptûs rerum sæcularium & perfectæ humilitatis Christianæ.

Q. *Quæ ad licitam Tonsuræ susceptionem prærequiruntur?* R. Confirmationis Sacramentum, legitima ætas, ut non sit irregularis, vel simili aliquò impedimentò affectus, sufficiens literatura, intentio serviendi DEO, ut testimonium probitatis habeat.

Q. *Peccatne, si quis non confirmatus reciperet Tonsuram?* R. Probabilius est, quod tantum venialiter peccaret, quia *Trid.* non videtur id sub gravi præcipere.

Q. *Si quis esset irregularis, possetne accipere Tonsuram?* R. Non posset licitè, quia si- cut est incapax Ordinis, ita etiam dispositionis ad ordines.

Q. *Fieretne aliquis irregularis, qui Tonsuram recipere in Censura?* R. Non; cum Tonsura non sit Ordo.

Q. *Tonsura debetne precedere Ordines?* R. Debet necessitate præcepti, non Sacramenti; un-

ti; unde qui reciperet Ordines omiſſâ Tonsurâ, validè eſſet ordinatus.

Q. *An prærequiritur ad Tonsuram ſtatus gratia?* R. Non prærequiritur ſaltim ſub mortali, quia cum Tonsura non ſit Sacramentum, non ponitur obex gratiæ per peccatum in ejus ſuſceptione.

Q. *An Tonsurandus obligetur communicare eo die, quò initiatur?* R. Non; quia de nullo tali præcepto conſtat, & ſi quæ ſit Rubrica, erit tantum conſultiva.

§ 3<sup>tius</sup>

De Eſſentialibus imæ Tonsuræ.

Q. *Quid eſt Tonsura?* R. Eſt aſſumptio Perſonæ in Clericum, ſive deputatio ad canendum in Eccleſia, & ad ejus obſequiũ, ſine tamen ullius miniſterii poteſtate.

Q. *Cur vocatur ima Tonsura?* R. Quia ante omnes ordines primò confertur. Dicitur Tonsura, quia in ea tonduntur capilli.

Q. *Quid ſignificat illa amputatio capillorum?* R. Significat rerum temporalium contemptum, quia temporalia tanquam capilli vanitas ſunt, à ſpiritualibus contemnenda.

Q. *Cur in ſummitate capitis formatur ejuſmodi Tonsura?* R. Ad oſtendendam mentis eminentiam illius, qui decoratur tali ſigno.

Q. *Quam ob cauſam raditur Corona Clericis?*

R. Tribus de cauſis: imò in memoriam



coronæ, quæ contexta ex spinis Salvatoris nostri Capiti imposita fuit. 2do Ad declarandam Regiam dignitatem, qua præfulgent ii, qui deputantur ad cultum DEI, cui servire, regnare est. 3to Ad significandam perfectionem vitæ, à Clericis susceptam, figura enim orbicularis est omnium perfectissima.

Q. *Quis instituit primam Tonsuram?* R. Apostolorum Princeps S. Petrus, primus omnium hunc morem induxit.

Q. *Quanta latitudinis debet esse corona?* R. In minoribus ordinibus existentibus sufficit si sit tanta, quanta est particula communicantibus distribui solita, in aliis vero major, similis hostiæ magnæ, quæ ad Missæ Sacrificium servit.

Q. *Tonsura estne ordo?* R. Non.

Q. *Estne saltem Sacramentum?* R. Cum sub Sacramento ordinis nō comprehendatur, nec sub ullo alio ex Sacramentis, nō potest esse Sacramentum, sed solum est dispositio ad ordines.

Q. *Et cur non sit Ordo?* R. quia per illam non imprimitur Character, nec ulla spiritalis potestas quidquam agendi circa Eucharistiam tribuitur, sed sit sola segregatio à statu sæculari deputatioq; ad statum Ecclesiasticum Clericalem, ut eam suscipiens fiat capax ordinum propriè dictorum,

rum, Jurisdictionis Ecclesiæ, Beneficiorum  
& Privilegiorum.

Q. *Quomodo ergo judicat Tonsuratum se habere respectu ordinatorum?* R. Eo ferè modo, quo Novitius respectu cæterorum Religiosorum.

Q. *Tonsura fuitne figurata in Lege veteri?* R. Fuit figurata in Nazaræis, qui crine præcisi Divino cultui consecrabantur.

Q. *Habetne certam materiam & formam?*

R. Cum non sit Ordo & Sacramentum, vera materia & forma non indiget: habet tamen materiam improprie talem: abscissionem capillorum, & loco formæ verba ab Episcopo pronuntiata: *Dominus pars hereditatis &c.*

Q. *An qui in capite totaliter calvus est, possit imam Tonsuram suscipere, cum nequeat tonderi ab ordinante?* R. Potest, quia cum ima Tonsura non habeat veram materiam & formam, sufficiet eandem ceremoniam adhibere quantum fieri potest, quæ adhibetur cum capillatis.

Q. *Quid significat cerens accensus, quem Tonsuratus portat in manu?* R. Significat, quod Tonsuratus debet esse lumen Ecclesiæ per suam doctrinam, & exemplum; & quod debet incendere quemlibet amore in DEUM per fervorem sui zeli.

Q. *Cur induitur Tonsuratus superpelliceo?*

C2

R. Ad



R. Ad demonstrandum novum vitæ genꝰ,  
quod suscipit. 2do Candor hujus vestis  
denotat puritatem cordis & corporis, quā  
habere debet accedens ad Tonsuram.

Q. Quis est Minister Tonsuræ? R. Ordina-  
rie, & per se solus est Episcopus, ex  
privilegio possunt esse & Abbates.

Q. An autē à quocunq; Episcopo potest conferri  
Tonsura? R. Per se solum à proprio, seu ab  
ordinario initiandi, est enim actus Juris-  
dictionis, quam ordinariam non habet, nisi  
ordinarius.

Q. Quo tempore conferri potest Tonsura? R.  
Quācunq; hora, etiam post meridiem, e-  
tiam extra Missam.

§ 4tus.

De Clericatu & illi annexis.

Q. Initiatū imā Tonsurā, quo nomine nup-  
cupantur? R. Vocantur Clerici, quod no-  
men illis tunc primum imponitur, ita ut  
Tonsurati non sint amplius in statu sæcu-  
lari sed Clericali.

Q. Unde desumitur hoc nomen: Clericus, &  
quid significat? R. Desumitur à voce Græ-  
ca *Cleros*, quæ translata ad Idioma Latinū,  
idem est, ac sort, vel hæreditas. Tonsu-  
ratus dicitur Clericus, quia deputatus ad  
interviendum Ecclesiæ ex Officio est ad  
sortem, & hæreditatem Domini vocatus.

Q. Quod est officium tonsurati? R. Est  
Eccle-

Ecclesiæ interservire, & canere in ea Psalmos, & ideo Psalmista vocari solet.

Q. *Quæ sunt obligationes Tonsurati?* R. Incedere in habitu scilicet in veste talari, seu decenter longa. & Tonsura.

Q. *Quid venit nomine Tonsura?* R. Primario venit corona, quæ est signum distinctivum Clerici à Laico.

Q. *Quis est effectus, imò Tonsura?* R. Tonsurati quatuor gaudent Privilegiis: *imo Privilegio Fori*: quod subdantur soli iudicio Ecclesiastico, ideo exempti sunt à Foro seculari, quare in manibus Laici non possunt jurare, nisi ab Episcopo licentiam habeant. *2do* Eximuntur à solutione Gabelarum, aliorumq; onerum, quæ subditis à seculari Magistratu imponuntur. Quod privilegium dicitur *Privilegium Fori*. *3tio* Gaudent *Privilegio Canonis*, quod est distincta prohibitio percutiendi Clericum sub pœna Excommunicationis Papæ reservata. *4to* Redduntur capaces Beneficii possidendi tam curati, quam non curati, & pensionum Ecclesiasticarum.

Q. *Gaudentne Clerici simpliciter his Privilegiis?* R. Non, nisi beneficium habeant, aut habitum Clericalem & Tonsuram deferant, alicui Ecclesiæ serviant, vel in Seminario Clericorum, vel in studiis de licentia Episcopi versentur.



Q. Quod si Clerici sint conjugati? R. Hi Privilegio Fori non gaudent, nisi præter supra dicta observent etiam *Constit.* Bonifacii 8vi, ut non sint Bigami, & tunc tantum gaudent in Criminalibus. Plura vid: inferius Cap: 6. § 7.

Q. Quo jure spirituales sint exempti à iudiciis Laicis? R. Jure Divino, Gen: 47. Esdr: 8. Exod: 21. 3. Reg: 9. Zach: 2. Psal: 71. Math: 12. 17. & 27. Ita Bellet & innumeri alii, d. § 1.

Q. Estne effectus una Tonsura etiam gratia sanctificans? R. Non, hic enim effectus est ordinis, non dispositionis ad ordines.

Q. Recipiens Tonsuram tantum ex intentione fugiendi Forum seculare vel ob accipiendum Beneficium peccatne? R. Ad 1um peccaret venialiter, quia habet inordinatam intentionem contrariam intentioni Ecclesiae. R. ad 2dum Peccaret mortaliter, gravem enim facit injuriam statui Clericali, & pervertit in re gravi Intentionem Ecclesiae.

Q. Tonsuratus Censura aliqua innodatus, si exerceat aliquod officium incurreretne Irregularitatem? R. Non, quia Tonsura nullum habet sibi annexum Officium Ecclesiasticum solenniter exercendum.

Q. Qua serid prohibentur per Canones Spiritualibus Personis? R. Ne mercaturam exercent: ne cohabitent mulieribus: ne crapulæ

ptila & ebrietati vacent; neq; clamorosis  
venationibus: ne saltent, neq; choreis in-  
terfint. Choreas seu saltus à Personis  
Spir tualibus sine gravi peccato agi non  
posse pleriq; DD. & SS. Viri asserunt,  
firmat Bened: XIV. *Inst: Eccl: 76. § 5. 7.*  
Notent id, & considerent dissoluti, digni-  
tatis suæ Sacerdotalis obliti!

Q. Peccatne Clericus nutriendo Comam, non  
ferendo Coronam, & portando prolixos capillos?

R. Card: de Lau: in Epist: *Verbo Clerici,*  
tum & alii gravissimi DD. Bonacine T. 10.  
*de Sacris Ord: Lay: l. 5. Tract: 9.* affirmant  
talem mortalitèr peccare, cùm SS. Cano-  
nes feriunt excōmunicatione Clericos comā  
relaxantes ut in Cap: *S: quis 23. de vita &*  
*honestate Cleric: quæ poena non infligitur,*  
nisi ubi datur culpa gravis.

Q. An non suffragari potest consuetudo parti-  
cularium personarum vel locorum? R. Non,  
quia hæc tanquam abusus, & corruptela  
ubiq; terrarum declarata est, ac damnata  
infinitis propemodum Constitutionibus, quas  
collegit Caston in *Trid: de Tons: & hab:*  
*Cler.*

### § 51us

De Requisitis ad Ordines.

Q. Quid sint requisita ad ordines? R.  
Sunt quædam qualitates, tam in ordinan-  
do, quàm etiam in ordinante requisitæ  
ad hoc,



ad hoc, ut validè & licitè ministraretur Sacramentum Ordinis.

Q. *Quotuplicia sunt hæc requisita?* R. Alia ex parte ordinantis seu Episcopi. Alia ex parte ordinandi. Et alia ex parte Sacramenti.

Q. *Quid requiritur ad validè administrandū ordinem ex parte Ordinantis?* R. Ut sit validè consecratus. Ut habeat intentionem. Ad hoc autem ut licitè conferat ordines, debet esse in statu gratiæ, non excommunicatus, suspensus, aut alio Canonis impedimento innodatus.

Q. *Quid ex parte Sacramenti requiritur?* R. Materia & forma, utpote partes essentielles ejusdem.

Q. *Quid ex parte ordinandi requiritur ad validè suscipiendum Ordinem?* R. 1. ut ordinandus sit homo viator, id est vivens, 2. ut sit Mas, 3. ut sit baptizatus, 4. ut habeat intentionem.

Q. *Quæ, & quot sunt requisita ad licitè recipiendum Ordinem ex parte ejusdem ordinandi?* R. 1mo Ut sit in gratia. 2do ut habeat cōfirmationem, & imam Tonsuram. 3tio ut habeat Dimissoriales, si sit ex alia Diocesi. 4to ut sit examinatus. 5to non innodatus aliquâ censurâ. 6to ut per saltum non ordinetur, sed gradatim, id est 1mò Ostiariatum &c. 7mo ut habeat annos requisitos.

stos. svo ut sit ex legitimo matrimonio.

Q. *Qui anni requiruntur in ordinando?* R. Pro 1ma Tonsura & tribus minoribus ordinibus septimus annus completus. Pro Acolyatu 12. annus completus. Pro Subdiaconatu 21. completus. Pro Diaconatu 22. completus. Pro Presbyteratu 24. completum.

Q. *An qui dubitat de completa legitima etate ordinari possit?* R. Non, quia praeceptum est in possessione.

Q. *Quando aetas computanda est, & tempus Nativitatis ignoratur, quamdiu expectandum, us secure procedatur in susceptione ordinum?* R. Si nativitatis hora ignoratur? integer dies expectandus est, si ignoratur dies, & sciatur Mensis? totus Mensis expectandus, si Mensis ignoretur, & anni notitia habeatur? expectetur integer annus.

Q. *Descendentes ex Judaeis possuntne ordinari, & an sint capaces Beneficiorum?* R. Si ante usum rationis sint baptizati, possunt ordinari, & sunt capaces Officiorum & Beneficiorum.

Q. *Utiq; Neophita sunt irregulares?* R. Id verum est de his, qui nuper ad fidem conversi sunt, cujusmodi non sunt baptizati à nativitate. Sancti lib. 2. cap. 28. Sed etiam si non ante usum rationis sint baptizati, possunt admitti ad ordines, & benefi-



beneficia, si Episcopi iudicio probantur.

Q. *Qua scientia requiritur ad Ordines susci-  
piendos?* R. Ad imam Tonsuram sufficit  
scientia Articulorum Fidei, Ultra quam,  
ad 4. minores ordines debet uniuscujusq;  
Ordinis notum esse officium, materia, for-  
ma, & intentio. *Ad Subdiaconatum & Dia-  
conatum* requiritur scientia Censurarum,  
& aliarum pœnarum Ecclesiæ, notitia Ru-  
bricarum Ceremoniarum &c. ut suo  
quisq; Ordini satisfaciatur ex officio. *Ad  
Presbyteratum* requiritur ut habeat illam sci-  
entiam, quâ posset docere populum, &  
administrare Sacramenta.

§ 6tus

De Illegitimis.

Q. *Quid est legitimatio?* R. Est quædam  
dispositio, decor, & honor incapaces fa-  
ciens capaces ad successionem & honores.

Q. *Quis prohibentur à Jure ordinari?* R.  
Illegitimi.

Q. *Quinam sunt illegitimi?* R. Sicut non  
omnes nati ex junctis Matrimonio valido,  
& legitimo sunt legitimi: ita non omnes  
sunt illegitimi, qui ex non junctis Matri-  
monio nascuntur. Si conjugatus fiat Sa-  
cerdos vivente uxore, de ejus consensu,  
etiam ipsâ faciente votum continentiae, si  
postea Maritus accedat ad eam, proles cen-  
setur illegitima, & irregularis, quamvis  
validum

validum fuit Matrimonium, quia ex sacrilego concubitu nata.

Econtrà quando aliqui in facie Ecclesie contraxerunt bonâ fide, & postea lis orta est super validitate matrimonii, etiam si per sententiam declaratum sit invalidum Matrimonium, filii tamen ante sententiam nati, aut si concepti sunt, censentur legitimi.

Q. Si quis vivente uxore malâ fide contrahit cum altera ignorante: an Filii censentur legitimi nati ex illa 2da illegitima conjuge. R. Affirmativè. Secùs si cum sciente de altera uxore, nam tunc etsi postea mortuâ primâ uxore contrahat obtentâ dispensatione ob impedimentum criminis cum illa 2da, seu si ratificet Matrimonium, filii non legitimantur.

Q. An omnis, qui ex simplici fornicatione natus, est illegitimus? R. Non; nam natus ex soluta & soluto, qui fornicariè se cognoverunt, postea subsecuto illorum Matrimonio, habetur talis pro legitimo, nec est irregularis.

Q. Qui ergo sunt illegitimi? R. Qui ex illicito Concubitu sive publico, sive occulto tali orti sunt, nec per subsequens Matrimonium legitimati. Non omnes tamen vocantur *Spurii*, nec omnes *Naturales*. *Naturales* filii vocantur illi, qui sunt genui



niti à Parentibus, qui tempore conceptionis aut nativitatis Matrimonio jungi poterant. *Spurii* vero econtra, qui geniti sunt à Parentibus, inter quos Matrimonium dicto tempore esse non poterat. Unde.

Si uterq; conjunx, vel alter solum post Matrimonium ratum rite contractum ante consummationem illius ad religionem transeat, & in ea profiteatur, si postea se cognoscant, & Filium generent, talis filius est *Spurius*, quia per professionem Matrimonium nondum consummatum est dissolutum, & amplius inter eos esse non potest, secus si hoc contingeret tempore Novitiatus, nam natus filius ex tali copula esset legitimus, cum adhuc Matrimonium perseveret validum ante Professionem.

Si nasceretur autem ex Patre habente impedimentum aliquod solum impediens, vel ex constituto in minoribus Ordinibus cum soluta, talis esset filius naturalis, quia hi contrahere potuerunt.

Q. *Quis dicitur filius ex incestuoso, & sacrilego cõitu natus?* R. Ille qui nascitur ex filia & Patre, vel in gradu prohibito, vel ex Monacho, & Moniali, vel Sacerdote, quia isti committunt Sacrilegium.

Hi omnes illegitimi, quicunq; illi sunt, & quantumvis occulti, irregulares sunt. Unde illegitimus sine dispensatione suscipiens

piens ordinem, peccat mortalitèr, & suspensus est ab executione ejus, non tamen novam incurrit irregularitatem, nisi exerceret Ordinem susceptum.

Q. *An illegitimi à Regibus legitimari possunt suscipere ordines?* R. Non possunt, quia tales solum legitimantur ad hæreditates, dignitates sæculares &c.

Q. *An illegitimus occultus indiget dispensatione?* R. Indiget, quam tamen dare potest Episcopus.

Q. *An infantes expositi censentur legitimi?* R. Alii affirmant, alii probabilius negant: præsumptio enim sumitur ex his, quæ frequenter contingunt.

Q. *Quis potest dispensare cum Spuriis catervisq; illegitime natis?* R. Episcopus solum potest ut ad minores Ordines, & ad Beneficia simplicia promoveri queant, ad Curata autem & dignitates solus Pontifex dispensat.

Q. *An Hermaphroditus ordinari potest?* R. Hermaphroditus est ille, in quo sexus uterq; reperitur, tale monstrum ordinari non potest; si in tali prævaleret sexus fœmineus, ordinaretur invalidè. Si verò prævaleret Sexus virilis, validè quidem, sed illicitè ordinaretur. Si post susceptos ordines fieret mutatio, in eo quod fœmineus prævaleret sexus, non posset validè

consu-



consecrare nec absolvere, licet in anima character Ordinis remaneret.

Q. *Qui adhuc prihibentur ordinari?* R. 1. Ignoti. 2. Bis baptizati, cum sint irregulares, & si scienter sunt bis baptizati, indigent dispensatione Papali, si verò igno-  
ranter, Episcopali. 3. Bigami; Bigamia: est iteratio Matrimonii consummati, seu divisio carnis in duas successivè uxores, inducit irregularitatem ex defectu signifi-  
cationis Sacramenti, quo Christus cum u-  
nica sponsa Ecclesia conjungitur.

Q. *Quotuplex est Bigamia?* R. 3plex. 1. vera, si re ipsa cum duabus uxoribus consummavit Matrimonium, sive ante sive post susceptum Baptismum. 2. Interpretativa, ut si quis in uxorem ducat, & co-  
gnoscat, viduam, à priori viro cognitam, aut etiam non viduam, sed prius cognita seu corruptam ab alio. 3. Similitudinaria, si Clericus in Sacris constitutus vel religio-  
nem professus cum virgine invalidè con-  
trahat Matrimonium eamq; cognoscat. Omnes hi Bigami sunt irregulares, & pro-  
hibentur suscipere Tonsuram & Ordines, & in susceptis ministrare.

Q. *Qui adhuc prohibentur ordinari?* R. Neophyti, corpore vitiati, homicidæ; per homicidam intelligitur omnis voluntariè occidens alium vel se mutilans, item Ju-  
dex,

dex, Lictor, mandans, consulens; infirmos ut citius moriantur, vertens; non verò faciens id bonâ fide. Prohibentur alex, ebrietati, gulæ, & impuditiæ de diti, c. ut Cleri: crapula. Item Usurarii, Simoniaci, Sacrilegi &c. c. Clerici: de vita & hon. Et Infames.

Q. *An privatio membri occulti inducit Irregularitatem?* R. 1. qui à Medicis propter aliquem langvorem defectus est, aut à barbaris excisus, si aliàs dignus sit, potest ordinari.

R. 2. Irregularis est, qui sibi virilia amputavit causâ castitatis. Cap: 5. d. 55. Et ille qui abscidit, vel voluntariè permisit abscindi ad conservandam vocem.

Q. *Cujus sit judicare: an Ordinandus ex defectu corporis sit irregularis?* R. Standum est judicio Ep̃i ejus, qui vult ordinari, etâ sit Religiosus. Cap: 3. de corp: vit.

### § 7mus

#### De Ordinibus in Communi.

Q. *Quid est Ordo?* R. Est signaculum quoddam Ecclesiæ, quo Spiritualis potestas, & Officium confertur.

Q. *Differtne Ordo ab Ordinatione?* R. Differt, quia ordinatio est signum sensibile sacrum, quod consistit in porrectione certæ materiæ cum quadam verborum forma,   
 *consecra.*



conferens gratiam, & potestatem circa Corpus Christi verum, seu physicum, & in Ordine ad Corpus Christi Mysticum: Ordini verò convenit dicta definitio immediate.

*Q. Quid est Corpus Christi verum, & quid, Mysticum?* R. Primum est Ssma Eucharistia, secundum est: Ecclesia, id est congregatio Fidelium.

*Q. Quisnam instituit Ordines?* R. Christus Dominus, qui etiam determinavit materiam, & formam Ordinum, Cæremonias tamen & alia servanda in decenti illorum collatione, Ecclesia præscripsit.

*Q. Quomodo Christus Dominus materiam & formam Ordinum instituit, cum alia sit apud Græcos, alia apud Latinos?* R. Christus Dominus instituit pro Ordinum materia rem significantem potestatem, quam ordinatus accipit in ordinatione, & pro forma, verba quæ exprimant collationem potestatis ei cõmunicatæ ab Episcopo, & hæc immutabilia sunt, modus autem exprimendi talem potestatem potuit ab Ecclesia variari. Variatio enim illa est accidentalis non substantialis.

*Q. Quot sunt Ordines?* R. 7. Ostiariatus, Lectoratus, Exorcistatus, Acolytatus, Subdiaconatus, Diaconatus, & Presbyteratus.

*Q. Quotuplices sunt Ordines?* R. triplices  
Mineros

*Minores, seu non sacri, & tales sunt imi*  
 4. Alii verò *Majores, seu sacri, & tales*  
*sunt reliqui tres.*

Q. *Quare imi quatuor vocantur minores, seu non sacri?* Quia versantur circa minora, ac inferiora Ministeria, & non habent annexum votum castitatis. Reliqui verò tres dicuntur majores & sacri, quia versantur circa majora officia, & habent annexum votum castitatis.

Q. *Episcopatus an non etiam est ordo?* R. Non est distinctus ordo, sed complementum majoris perfectionis Sacerdotii; Eo modo quo in Sacerdotio potestas absolvendi à peccatis complet potestatem conficiendi Corpus Christi.

Q. *Cur tam multi ordines in Ecclesia sunt constituti?* R. Id institutum est propter dignitatem Sacerdotii, & Consecrationis Eucharistiæ, quæ cum sit excellentissima actio in Ecclesia, requirebat plures Ministros, qui illi inservirent, nec decebat, ut homines è statu Laicorum statim ad Sacerdotii culmen evolarent, sed congruum erat, ut primum segregati per Tonsuram Clericalem, gradatim per ordines ascenderent, sicq; ex officio Sacerdoti inservirent.

Q. *Suntne singuli Ordines Sacramentum?* R. Sunt, & quamvis sint 7. ordines, & singuli sint Sacramenta, non tamen plura, sed



unum sunt. Sacramentum unitate finis, & perfectionis; quia omnes referuntur ad Sacerdotium, & in eo perficiuntur. S. Th. in 4. dist. Bellar.

Q. In tota S. Scriptura non legitur, quod Xpus Dnus instituerit has ordinationes? R. Licet in S. Scriptura non habeantur omnes 7. gradus ordinum, ex qua clarè ostendi possit eos à Christo fuisse institutos, nihilominus hæc institutio probatur à Christo facta ex Apostolica Traditione, ex hac edocti sunt fideles, gradus omnes ordinum fuisse institutos à Christo.

Q. 1. Petr. 2. Omnes fideles vocantur ab Apostolo: Genus electum. Regale Sacerdotium, omnes itaq; fideles sunt Sacerdotes? R. Vocantur Reges & Sacerdotes non verè, & propriè, sed mysticè, & methaphoricè, quia scilicet satagunt regere suas passionès, & offerre DEO sacrificium laudum, & virtutum.

Q. Debetne pro minoribus Ordinibus exhiberi Testimonium de moribus & vita? R. Debet à Parocho, & à Magistro Scholæ, in qua ordinandus educatur. Conc. Trid. Ss. 23.

Q. Habentne minores Ordines aliquam annexam obligationem? R. Non, nisi ad recitandos certos Psalmos sibi ab Episcopo in ordinatione impositos. 2do Horas Canonicas tenentur absolvere si Beneficium habeant,

beant, vel si sint Regulares choro addicti.

Q. *Ordinatus in minoribus, si in Excommunicatione exerceat solenniter actum sui ordinis, incurritne irregularitatem?* R. Non, quia jama usu receptum est, ut actus minorum ordinum exercentur etiam à Laicis.

§. 8vus.

De Materia & Forma Ordinum.

Q. *Quæ sunt essentialia Sacramenti Ordinis?*

R. Materia, forma, & intentio tam in ordinante, quàm in ordinando.

Q. *Quid intelligit per Materiam, & quid per formam?* R. Materia est res sensibilis, quæ datur ordinato ad tangendum, denotans aliquam potestatem in Ecclesia. Forma sunt Verba Episcopi, quæ pronuntiantur in traditione hujus rei.

Q. *Quotuplex est materia?* R. 2plex, Remota scilicet res, quæ porrigitur ab Episcopo, & proxima, scilicet ipsa porrectio rei.

Q. *Quomodo quis debet tangere materiam?* R. Tactu Physico, vero, & reali; sufficiet autem unico etiam digito tangere, quia hoc ipso verificatur verus contactus Physicus, imo juxta nonnullos sufficit tangere unguibus, cum & hi sint pars manûs.

Q. *Quando sunt plures materia remota, estne necesse singulas tangere?* R. In praxi tutius est singulas tangere.

Q. *Requiriturne contactus immediatus?* R.

De

Cor.



Certum est non requiri contactum imma-  
diatum omnium omnino materialium ne-  
cessariorum, siquidem vinum in calice exi-  
stens pertinet ad materiam necessariam Pre-  
sbyteratus, neq; tamen vinum tangendum  
est, Ratio, cum una materia in alia conti-  
neter, non est necesse eam tangere, qui  
enim tangit continens, etiam contentum  
tangere censetur. Imo Bonacin. docet ve-  
re etiam tangi materiam manu obvoluta  
Chirotheca.

Q. Requiritur ne ut materia, & forma sint  
simul, ut valide conferatur Ordo? R. Requi-  
ritur in omnibus Sacramentis, ut pro ali-  
quo instanti physico simul sint; sufficit es-  
tiam existentia moralis, nimirum ut adhi-  
bita materia, statim proferatur & forma,  
& vicissim.

§. 9nus.

De Intentione.

Q. Quid est intentio? R. Est voluntas  
aliquid facendi.

Q. Quotplex est intentio? R. Quadru-  
plex: Actualis, Virtualis, Habitualis, &  
Interpretativa.

Actualis est illa, per quam quis actu in-  
tendit aliquid facere.

Virtualis est, per quam ipsa intentio ac-  
tualis præterita, non retractata, virtuali-  
ter permanet in aliquo, quod influit in  
opus.

*Habitualis* est facilitas quædam generata ex frequentatis intentionibus actualibus inclinans hominem ad faciliter eliciendas intentiones.

*Interpretativa* est, per quam quis vult aliquid non in se, sed in causa. Ut si quis sciret se in ebrietate aliquod crimen consuevisse facere, talis dum vult inebriationem, vult etiam consecutivè & crimen.

Q. *Quotuplex est adhuc intentio?* R. 2plex. *Directa*, quâ aliquid in se ipso volumus. Et *Indirecta*, quâ volumus causam, aut aliquid cum re connexum; vel non impedimus existentiam rei, quam possumus & debemus.

Q. *Qualis intentio requiritur ad validè ministrandum Ordinem, ac etiam alia Sacramenta?* R. Licet est optima intentio actualis, sufficit tamen virtualis Comm. DD. Ad valide autem suscipiendum Sacramentum. Ordinis, & Matrimonii licet requiratur Intentio actualis, aut virtualis, non tamen ad alia Sacramenta, ad quæ suscipienda sufficit habitualis aut interpretativa. Ratio est, quia cum Ordo & Matrimonium faciunt immutationē totius statûs, afferantq; gravia onera suscipienti illa, & aliunde non sint simpliciter necessaria ad salutem, ideo requiritur ad illa recipienda perfecta intentio. Cæterum autem alia Sacramenta talia



ta talia suscipientibus non imponunt onera, sed si imponant v.g. poenitentia, sunt tamen necessaria simpliciter ad salutem. Ex quo patet, quod maior intentio requiritur in Ministro Sacramentorum, quam in suscipiente illa, plus enim semper requiritur ad agere, quam ad pati.

Q. Quotuplex est adhuc intentio? R. 2plex Absoluta, per quam intenditur aliquid fieri absq; ulla conditione. Et Conditionata, per quam quis intendit aliquid facere cum conditione.

Q. Ad hoc ut validè administret, aut suscipiat quis Ordinem, qualem debet habere intentio? R. Absolutam, quia Sacramentum Ordinis est signum efficax gratiæ, non esset autem tale, si adesset intentio conditionata, nam talis intentio vel esset de futuro? & sic suspenderet collationem Ordinis, quia dependeret à conditione futura; vel esset de præterito? & tunc fieret absoluta & efficax, si adesset conditio, inefficax si deesset.

Q. Ordinans Episcopus qualem Intentionem habere debeat in ordinatione? R. Semper debet habere absolutam, nam licet ante ordinationem protestetur se nolle ordinare eos, qui aliquo impedimento Canonico sunt innodati, format tamen aliam intentionem absolutam, per quam vult ordinare omnes præsen-

præsentatos. Unde etiam Irregularis accedat, validè licet illicitè ordinabitur. Quod verum est; nisi constet de contraria Episcopi voluntate persistente in ea negativa intentione. *San. Lay. Sa. Sc.*

In administratione omnium Sacramentorum Intentio consistit in voluntate faciendi id, quod intendit Sancta Mater Romano-Catholica Ecclesia, sive illa voluntas exprimatur verbo, sive etiam per actum internum.

§. 10mus.

De effectu Sacramenti Ordinis.

Q. *Qui sunt effectus Sacramenti Ordinis?*

R. Spiritualis potestas ministrandi in certo gradu, & jus faciendi aliquid circa Eucharistiam. 2do Character. 3to Collatio gratiæ sanctificantis. 4to Collatio certorum auxiliorum ad congruè & debite officium cuiusvis ordinis exequendum.

Q. *Quid est Character?* R. Est signum indelebile in anima impressum in receptione Sacramentorum non iterabile scilicet Baptismi, Confirmationis, & Ordinis.

Q. *Quando confertur Character?* R. In ipsa applicatione materiæ & pronuntiatione formæ.

Q. *Confertur à singulis Ordinibus Character?* R. Affir: & ab habentibus duplicem partialem materiam & formam, duplex partialis



partialis character non confertur, sed unus  
 in contactu materiæ dignioris, quia  
 singuli ordines diversa sunt Sacramenta  
 collativa diversæ potestatis, quam Chara-  
 cter significat, ubi ergo diversæ potestates  
 significandæ sunt, diversa etiam dantur  
 signa.

Q. Sacramentum Ordinis potestne conferre  
 characterem non conferendo gratiam sanctificantem?

R. Affir: quia ordo licet non possit susci-  
 pi licitè, & cum fructu, quando quis est  
 in peccato mortali, potest tamen suscipi  
 validè & eo ipso character imprimitur.

Q. Cur character potest stare cum peccato,  
 secus gratia sanctificans? R. Character non  
 habet sibi contrarium, per quod tollatur;  
 gratia verò cum sit formalis sanctitas, &  
 amicitia cum DEO, non potest stare cum  
 mortali peccato sibi contrario, remoto au-  
 tem obice id est peccato, gratia tunc  
 confertur.

Q. Cur Sacramentum Ordinis validè susce-  
 ptum causat characterem semper, non verò semper  
 causat gratiam sanctificantem? R. Quia ad  
 infusionem gratiæ in homine peccatore re-  
 quiritur sufficiens peccati retractatio tan-  
 quam dispositio necessaria, quæ cum possit  
 abesse stante valore huius Sacramenti, po-  
 terit eodem valore stante, non conferri  
 gratia.

De Ministro Ordinis.

Q. Quis est ordinarius Minister Ordinis, quantum ad valorem? R. Episcopus consecratus.

*Q. An Episcopus depositus, degradatus, irregularis, excommunicatus, suspensus, interdictus, Hæreticus, Schismaticus, & Simoniacus; qui Episcopatu renuntiaverit, possit ordinare? R. Potest valdè, sed non licitè. Ordinati ab Episcopo Schismatico, sunt ipso facto suspensi.*

*Q. An possit alicui Inon Episcopo delegari collatio Ordinum? R. Poteſt à ſolo Summo Pontifice ſimplici Sacerdoti delegari collatio minorum ordinum; imò juxta alios DD. etiam Subdiaconatûs & Diaconatûs.*

Q. *Quis est ordinarius Minister Ordinum quo ad licitam collationem?* R. Est proprius cuiusvis ordinandi Episcopus; oppositum enim est (Tiberio teste cap. 7.) & Jure Divino vetitum, & ab Ecclesia sub pœna Annuæ suspensionis ab Exercitio ordinandi prohibitum, ita ut sic ordinatus maneat suspensus ad sui Episcopi placitum ab Executione ordinum sic susceptorum.

Q. Quis est proprius Episcopus, qui ordinare potest subditum? R. Est Episcopus Loci, vel Originis, vel Domicilii, vel Beneficii.

Q. Quis est Episcopus Loci Originis? R. Quo



Quò ad Ordines est is, in cuius Diocesi  
Parentes ordinandi, dum iste natus est,  
domicilium habebant. CC. DD. quia ibi  
censetur fictione Juris natus Filius, quam-  
vis alibi natus. Alii autem iudicant, quòd  
locus originis dici possit, in quo quis na-  
tus est etiam per transennam.

*Q. An non etiam Locus Originis ordinandi  
censeri potest, in quo ejus Pater fuit ex ejusdem  
avo illic domicilium habente natus?* R. Affi-  
quia Domicilium Originis Paternæ est etiã  
Domicilium originis Filii, quamvis Filius  
natus sit in alio domicilio, ad quod Pater  
se transfudit. Congr: Card: A. 1599. &  
1628. & 1629.

*Q. Nunquid non sufficiet etiam Locus Origina-  
lis Avi, Ordines suscipere volentis?* R. Non,  
quia non ex Avi, sed ex Patris origine  
dicitur quis originarius.

*Q. Sufficitne Locus Originis Matris?* R.  
Non, quia Filius sequitur originem Patris,  
non Matris, ex l. 3. cod. de Munic. & Orig.  
Nisi fortè Filius esset illegitimus, quia talis  
quo ad hoc, sequitur ventrem. Cæterum  
si Patria Patris ignoratur, tunc etiam le-  
gitimi Filii Patria desumetur à Matris  
Patria.

*Q. Quis est Episcopus Domicilii?* R. Est  
Episcopus Diocesis, in qua ordinandus se-  
dem fixit cum animo ibi perpetuo habi-  
tandi,

tandi, nisi eam deferere cogatur, vel aliud melius occurrat.

Q. *Quot modis acquiritur domicilium quod ad hunc effectum ordinationis?* R. 3bus, 1mo Origine prout dictum est, 2do Lege, 3tio habitatione.

Q. *Quomodo acquiritur Domicilium Lege?* R. Per Principis Privilegium, statutum, adeptionem Dignitatis aut Prælaturæ in loco, per Monachatum, Clericatum, Lecturam, aut Professuram Publicam, per Matrimonium &c.

Q. *Ut Domicilium habitatione acquiratur à pubere, quæ conditiones requiruntur?* R. Dux, 1mo ut quis re ipsa versetur in eo loco. 2do ut versetur cum animo manendi ibi perpetuò. Censetur autem quis manere velle perpetuò, si velit illic manere, donec aliquid inde eum avocet.

Q. *Potestne quis 2plex Domicilium habitationis habere?* R. Potest, quando constantèr ita jam in hoc, jam in illo loco moratur, ut cogitet totam vitam partim in hoc, partim in illo loco transigere.

Q. *Quid si non habitet aequaliter in utroq?* R. Ibi ejus censetur esse Domicilium, ubi est major pars ejus bonorum juxta Glossam in Cap. cum nullus. Imò juxta Jord. quando quis parat domum, & cum effectu habitat in ea, & in plurimis locis conversatur,



tur, præsumi velle constituere plura domicilia, & posse à quolibet talium domiciliorum Episcopo ordinari, secus si absque habitatione possideret bona in diversis locis, aut sine Bonis aliquando alicubi versaretur. Cæterum ex *Diana* nec requiritur, ut habens duo domicilia habitet in utroq; æqualiter Mathematicè, sed sufficit, si habitet propè æqualiter, sive moraliter.

Q. *In dubio quomodo probatur animus perpetuo manendi in aliquo loco?* R. imo Si per 10. annos ibi habitavit, nisi moraliter constet defuisse animum ibi perpetuo habitandi, ut si ibi fuit causa studiorum, præfecturæ non perpetuæ &c. 2da cum omnia alienavit, quæ in primo loco domicilii habebat, & emit in alio, ubi habitat. 3tio Si quis à principio se declaravit, quod ibi velit habitare. 4to Ex aliis circumstantiis prudentis arbitrio.

Q. *Cujus Domicilii censentur esse Filii impuberes?* R. Idem habent domicilium illi, quod Pater, quia ii non possunt sibi ullum eligere.

Q. *Quid de Officialibus alicujus Loci?* R. Si officia habeant perpetua, quamvis non efficiantur Cives loci, acquirunt tamen domicilium pro se, & Filiis. *Barb. n. 34.* Aliud est, si officia sint temporalia, hoc est, si non solent relinqui ad vitam, ita *Gob. Tract. 2.*

**Q.** Si Pater in alieno loco, ubi ejus filius natus est, tamdiu ac eo animo permanserit, ut in. ibi vere domiciliū de jure contraxerit? **R.** Tunc non origo Patris, sed domicilium per Patre legitime, ut profertur, contractum, pro ordinatione ejusdem filii attendi debet. *Constit. Speculatores.*

**Q.** Ubi censentur Regulares habere domiciliū? **R.** Ubi Prælaturam habent, vel ubi permanentè habitant.

**Q.** Quis est Episcopus Beneficii? **R.** Est Episcopus Diocæsis, in qua quis habet Ecclesiasticum Beneficium sibi collatum & possessum, licet collatio illius ad alium Episcopum spectat.

**Q.** Sufficitne Prabenda temporalis ratione Lecturæ, vel Capellania non collativa licet perpetua, vel Pensio? **R.** Non sufficit, quia hæc non sunt Beneficia Ecclesiastica.

**Q.** Requiriturne Beneficium cum Residentia? **R.** Non, quia in cap. 3. de temp. Ord. contradiſtinguitur subjectione ratione Beneficii, à subjectione ratione domicilii.

**Q.** Si quis habeat Patrimonium in una Diocesi, & in alia Domicilium, vel originem à quo Episcopo possit ordinari? **R.** Ab Episcopo Originis, vel Domicilii, quia ratione Patrimonii non efficitur quis subditus.



De Dimissoriis.

Q. *Quanam sunt litera Dimissoria?* R. Il-  
la quibus datur alicui potestas suscipiendi  
ordines ab alio Episcopo.

Q. *Quis potest dare Dimissorias?* R. Sum-  
mus Pontifex omnibus Christianis tanquam  
generalis Episcopus totius mundi. 2. Pro-  
prius Episcopus, siue sit Episcopus Ordini-  
nis, siue Domicilii, seu Beneficii. 3. Vi-  
carii Generales Episcopo specialiter id con-  
cedente, aut in remotis agente. 4. Capi-  
tulum sede vocante.

Q. *An qui à proprio Episcopo accepit Di-  
missorias, ut à certo Episcopo nominatim expresso  
ordinetur, possit licitè ab alio Episcopo ordinari?*  
R. Aliqui negant, plures affirmant si non  
adfuerit specialis causa, cur ordinandus ad  
hunc potius Episcopum, quàm ad alium  
destinatur, cum veras dimissorias habere  
supponatur, & possit aliquando præsumi  
destinantis consensus, & hoc posito nec  
suspensionem incurreret.

Q. *An Dimissoria re integrâ expirent per  
Excommunicationem, mortem, cessationem officii  
concedentis?* R. Non, quia gratiæ factæ nō  
expirant morte concedentis.

Q. *Possuntne tamen revocari à Successore?* R.  
Possunt; quia omnes Licentiæ à quocunq;  
Successore æqualem potestatem habente re-  
vocari

vocari possunt. Idem dicendum de Dimissoriis à Capitulo datis sede vacante, quæ, sede factâ plena à novo Episcopo revocari possunt.

Q. *An possit Episcopus extra suam Diocesim saltim inam Tonsuram dare suo subdito?* R. Aliqui DD. concedunt, alii probabilius negant. Quia collatio Tonsuræ spectat ad Exercitium Pontificalium, quod in aliena Diœcesi prohibitum est.

§. 13<sup>tius</sup>.

De Pœnis malæ Ordinationis.

Q. *Requiriturne ad valorem ut quis gradatim recipiat Ordines, primo inferiores, deinde superiores?* R. Non, sed ordinatus per saltum esset validè ordinatus, requiritur tamen, ut recipiat ordinem, quem antea non receperat. Hinc si quis susceperet Presbyteratum ante Diaconatum susceptum, validè consecraret hostiam.

Q. *Ordinatus per saltum ad Majores, valide ministraret in minori, quem nondum susceperat?* R. Affir: quia constitutus in gradu superiori, potest ea omnia, quæ potest constitutus in gradu inferiori.

Q. *Quam nam poenam incurrit ordinatus per saltum?* R. Suspensionem, si susceptum ordinem per saltum non exercuit: potest cum eo Episcopus dispensare, ut omissum suppleat, & ad altiores promoveatur. Si

exercuit



exercuit? debet pro dispensatione ad Pontificem recurri.

Q. Quando, & quali poenâ obnoxii sunt malè conferentes & suscipientes Ordines? R. 1mo Ordinatus per Simoniam, manet suspensus ab ordinibus susceptis & ordinans suspenditur à collatione ordinum, à Pontificalibus & ab ingressu Ecclesiæ, Cap. ex multis 14. Et eum scienter committente Simoniam? dispensat solus Pontifex; eum ignorantèr incurrente? etiam Episcopus potest.

2do Qui ordines recipit ab Episcopo quamvis proprio exereente Pontificalia in aliena Diœcesi absq; licentia Episcopi Locci, suspenditur, donec suo Prælato visum fuerit. Triden. Sess. 6. Cap. 2.

3tio Qui ordinatur per saltum, suspenditur ab Ordine sic suscepto, donec susceperit ordinem sic prætermisum, & accedente Episcopi dispensatione. Trid: Sess. 23. Cap: 1.

4to Qui ordines culpabiliter recipit ab alieno Episcopo sine licentia, siue Dimissoriis suspenditur ab ordine, quamdiu proprio Episcopo judicabitur expedire, & si ministret? sit irregularis. Ipse verò Episcopus scienter, vel malâ fide ordinans suspenditur à collatione ordinum per annum. Trid: Sess: 23. Cap: 8.

310 Qui ordinatur furtivè, suspenditur arbitrio Episcopi, datâ delinquenti penitentia pro mensura delicti, si ejusmodi ordinatus non fuit ad id prohibitus sub Excommunicatione. Cap. de eo qui furtivè.

# C A P U T 4<sup>to</sup> De Minoribus Ordinibus in particulari.

§. 1<sup>us</sup>.

De Ostiariatu.

Q. Quid est Ostiarius? R. Est potestas per quam ordinatus in Ostiarium potest recipere dignos, & excludere indignos ab Ecclesia DEI, & eam custodire.

Q. Quæ est materia Ostiariatus? R. 2plex, una remota, quæ sunt Claves Ecclesiæ. Et alia proxima, quæ est traditio, & receptio talium clavium.

Forma verò sunt verba ab Episcopo prolata in traditione Clavium.

Q. Si ordinando traderentur claves Celarii, foretne validus Ordo? R. Videtur esse materia dubia, quamvis enim eadem clavis, quæ est Celarii facile possit pro Ecclesia adhiberi, tamen ex forma hujus ordinis colligi videtur debere esse actu Clavium

E

Eccle.



Ecclesiaz, cum dicantur tradicere & ordinandi, ea, quæ his clavis clauduntur in præfenti.

Q. Quid autem significat, quod Ostiarius pulsare debeat campanulam? R. Significat quod etiam vocandi populum ad Ecclesiam potestatem habeat, vel pulsando ad Electionem monendi populum ad specialem attentionem, & devotionem erga Mysterium.

Q. Quinam est effectus ejusdem Ordinis? R.  
1. gratia ordinata ad finem Sacramenti.  
2. Character &c.

Q. Quod est officium Ostiarii? R. Est Templum claudere & aperire, illudque custodire, admittere dignos, excludere indignos: sunt autem indigni Infideles, Apostatae, Hæretici, Excommunicati, interdicti.

Q. Etiam Laici exercent ejusdem officia, ergo non sunt proprie Ostiarii? R. Exercent quidem, sed non ex officio. Ostiarii verò exercent ex proprio officio.

Q. Quâ animi dispositione ordinandus in Ostiarium? R. Præter summam animi pietatem, & religionem, confiteri debet, & se ad Sacram Communionem præparare.

Q. A quo & quando institutus fuit hic Ordo? R. à Christo Domino inchoative & denotative, cum Matth: 21. Ejecit ementes, & vendentes de Templo.

Q. Ubi præfiguratus est Ostiarius Ordo? R. In veteri Testamento per electos ad Templum  
pli

pli custodiam, ut mundos reciperent, im-  
mundosq; repellerent. 2. Reg. 1. & Is. 43.

§. 2dus.

De Lectoratu.

Q. *Quid est Lectoratus?* R. Est potestas  
per quam ordinatus in Lectorem potest  
legere Lectiones & Prophetias.

Q. *A quo & quando institutus?* R. à X<sup>sto</sup>  
Domino stante in medio Doctorū Luc: 4.  
& aperiente Librum, ac illa verba Isaia  
16. *Spiritus Domini super me &c.* legente.

Q. *Ubi praesignatus est hic Ordo?* R. In il-  
lis verbis Isa: 58. *Clama ne cesses, &c.*

Q. *Qua est materia Lectoratus?* R. Remota  
est Liber, s. Lectiones continens. Proxi-  
ma est ejusdem Libri traditio & acceptio.  
Forma sunt verba Episcopi in traditione  
Libri.

Q. *Si ordinando Lectori pro materia tradere-  
tur Breviarium, foretne valide ordinatus?* R.  
Affirma: quia in eo omnia dicta continetur.

Q. *Quod est officium seu munus Lectoris?*  
R. Est legere praedictas Prophetias & Sa-  
cras Scripturas, etiam Evangelium, sed  
extra Missam. Item Catechumenis bapti-  
zandis Fidei rudimenta tradere. Olim  
panes & fructus Lector benedicebat, ho-  
die tamen jam id abrogatum est.

§. 3tius



De Exorcistatu.

Q. Quid est Exorcistatus? R. Est potestas per quam ordinatus potest expellere diabolum, ne impediatur aliquem a sumptione Eucharistiae.

Q. Quae est materia huius ordinis? R. Remota est Exorcismorum liber, Proxima verò ejus ab Episcopo porrectio. Forma verba Episcopi ex Pontificali in traditione dicta.

Q. A quo & quando institutus est hic Ordo? R. à Christo Domino ischoativè & denotativè, cum è Magdalena, aliisq; à diabolo obsessis 7. dæmonia ejecit. Mar: 16.

Q. Quando præsignatus fuit hic Ordo? R. Cum David Cithara psallebat, Saulumq; à dæmonii vi alleviabat. Unde Exorcista idem est, ac increpans, & expellens dæmones.

Q. Si Episcopus loco Libri Exorcismorum traderet Missale, vel Pontificale Romanum essetne quis valide ordinatus? R. Affir: quia in Pontificali Romano monetur Episcopus se posse indifferentem unum ex istis Libris tradere tangendum.

Q. Potestne Exorcista statim, ut recipit suum ordinem, exercere? R. Non, quia recipit solum potestatem Ordinis, non autem jurisdictionis, antequam ergo illum exerceret, debet approbari ab Episcopo.

Q. Quid faciet Exorcista. cum post manuum  
impositionem, & lectionem omnium adjurationum,  
quæ in libro Exorcismorum reperiuntur, deprahen-  
dit adhuc Energumenum à damone vexari? R.  
Ex officio ad nihil aliud tenetur, debet  
ergò humiliter venerari iudicia occulta  
DEI, sic disponentis, poterit tamen ex  
charitate renovare exorcismos, & insuper  
supra addere jejunia & orationes, ut pro-  
bet juxta Evangelium, an sit illud genus  
dæmoniorum, quod non ejicitur, nisi in o-  
ratione, & jejunio.

Q. Habetne Exorcista potestatem adjurandi  
omnes Energumenos? R. Habet tantum su-  
per baptizatos, vel Catechumenos, non au-  
tem super Infideles aut Hebræos, si adhuc  
Catechumeni non sunt.

Q. Qui sunt Energumeni, & qui Catechu-  
meni? R. Energumeni sunt, qui à damone  
obsidentur, ac vexantur. Catechumeni ve-  
rò, qui nondum baptizati in fide ac Re-  
ligione Christiana erudiuntur, & postea  
baptizantur.

Q. Quod est munus seu officium Exorcistæ?  
R. Est: manus imponere super Energume-  
nos, & super illos legere Exorcismos. Itē  
parare locum Communicaturis. Olim a-  
quam, quā in Baptismo uturus erat bap-  
tizans, infundebat, sed hodie ex non usu,  
abrogatum est.

Q.



Q. *Quotuplex est potestas exorcizandi?* R. 2plex, *ima Generalis*, illa jure Divino competit omnibus Christi fidelibus, eâ potestate utuntur fideles aspergendo se aquâ benedictâ cum verbis: *Ecce Crucem Dni &c.* hâc potestate legimus expulsa esse demonia non tantum à Viris, sed etiam à Sanctis Fæminis. *2da Specialis*, quæ solis Ministris Ecclesiæ vi Ordinis sui Exorcistatus convenit.

Q. *Potestas specialis quotuplex Ministerium habeat?* R. 2plex, *Solenne*, quod exercetur cum certo apparatu in publico loco v.g. in Ecclesia coram populo, & cum certis caeremoniis ab Ecclesia institutis. Non *Solenne* fit per simplicem invocationem Nominis DEI, ac per formam à Christo institutam, & ab Apostolis traditam sine ulla alia solemnitate.

§. 4tus.

De Acolythatu.

Q. *Quid est Acolythatus?* R. Est potestas, per quam ordinatus in Acolythum potest accendere lumina, & portare Urceolos cû vino & aqua.

Q. *Quanam materia & forma hujus Ordinis?* R. *Remota* sunt Urceoli vacui & candelabrum cum cereo extincto. *Proxima* est traditio dictorum. Forma sunt verba ab Episcopo prolata, cûm tradit materiam ei qui ordinatur.

Q. A quo, & quando est institutus hic Ordo?

R. à Christo Domino inchoative & denotative, cum Joan: 8. & xvi: Ego sum lux &c.

Q. Ubi fuit presignatus huiusmodi Ordo? R. In candelabris ante propitiatorium stantibus Exod: 25. Vasisq; Templi Salomonis. Unde Rabanus hunc ordinem comparat iis, qui in Salomonis Templo & tabernaculo lucernas quotidie accendebant.

Q. Quare traduntur urceoli vacui, & candelabrum extinctum? R. Ad significandum eius officium; quod est, accendere cereos, & implere urceolos.

Q. Si dua sunt materiae, erunt etiam duo ordines? R. Est unus ordo tantum, quia istae sunt duae materiae partiales, quae constituunt unam totalem. Praecipua & nobilior ex his materiis sunt urceoli, quia proximius inserunt Missae Sacrificio.

Q. Si Episcopus traderet solum Acolytho tantum candelabrum non vero urceolos, essetne valide ordinatus? R. Est partialiter valide ordinatus, & ideo deberet solum suppleri defectus commissus tradendo in alia ordinatione urceolos.

Q. Si Episcopus traderet solum urceolos non candelabrum, essetne valide ordinatus? R. Similiter prout immediate.

Q. In Sacerdotio si Episcopus haberet potestatem absolvendi, & non consecrandi, debet hic suppleri



pleri defectus tradendo denuo utramq; potestatem, quare ergo hic idem ritus non servatur in Acolytho tradendo denuo utramq; potestatem? R. Quia in Sacerdotio illæ duæ potestates sunt ab invicem dependentes, ita ut potestas consecrandi sit fundamentum potestatis absolvendi, at verò in Acolythatu utraque hæc potestas est disparata, neq; una est fundamentum alterius.

Q. Requiriturne contactus Physicus utriusq; urceoli? R. Sufficit, si unus tangatur.

Q. Acolythus si in peccato mortali exercet suum ministerium, committitne peccatum mortale? R. Non, Tum quia ejus ministratio (idem dicendum de aliis minoribus Ordinibus,) non est meritorum Christi dispensatio. Tum quia valde remotè ministrat in solenni Sacrificio Missæ. Suarez tamen & Lugo irreverentiam saltem venialem agnoscunt, ob naturale præceptum res sacras sacrè tractandi.

## C A P U T 5<sup>um</sup>. De Subdiaconatu.

§. I<sup>us</sup>.

De Fide.

Q. Majo<sup>res</sup> Ordines suscipere volens, debetne scire

scire ea, quæ concernunt *Fidem Catholicam*? R. Omnino. Bened: XIV. Const: 42. Et si minime Ec. §. 10. Imo & docere debet se operam dedisse instruendis fidelibus in doctrina Christiana. Idem ibi: § 6.

Q. *Quid est Fides?* R. Est donum DEI, quo homo illustratus firmiter assentitur omnibus, quæ DEUS revelavit, & per Ecclesiam suam credenda proposuit.

Q. *Quotplex est Fides?* R. Alia est *Actualis*, quæ est assensus alicui propositioni propter testimonium DEI. Alia *habitualis*, quæ est qualitas quædam nobis in baptismo infusa, per quam possumus credere articulis Fidei. Alia est *viva*, quæ est cū bonis operibus. Alia *mortua*, quæ est sine iisdem. Alia est *infusa*, quam nobis in susceptione Baptismi infundit DEUS cum aliis virtutibus Theologicis. Alia *Acquisita*, quam ex frequentatis actibus acquirimus.

Q. *Estne Fides Divina necessaria ad salutē?* R. In adultis est necessaria necessitate tam mediū, quàm præcepti.

Q. *Estne aliud: credere in Deum; Credere Deum, & credere Deo?* R. Credere Deo, est assentiri verum esse, quod DEUS dixit. Credere Deum, est credere DEUM esse. Credere in Deum, est amando credere in ipsum.

Q. *Unicane est Fides Christiana, an verò*  
multiplex.



*multiplex?* R. Fides vera unica tantum est, dicente S. Paulo Eph: 5. 4. *Una Fides, unum Baptisma, unus DEUS.*

*Q. Nunquid inter Christianos non reperiantur multi, qui diversam Fidem & Religionem profitentur?* R. Reperiuntur, verumtamen non omnes hi Fidem veram profitentur.

*Q. Igitur non poterit quis baptizatus in sua fide salvari?* R. Non potest; cum enim homines isti in multis fidei Articulis inter se discrepent, sequitur hos vel illos circa multas à DEO revelatas veritates errare, DEOq; revelanti non credere. Nullam veram Fidem ille censendus est habere, qui vel in aliquibus DEO credere reluctatur.

*Q. Nonne satis esset ad salutem consequendam convenire cum Ecclesia Catholica in Articulis substantialibus, quamvis non in accidentalibus?* R. Non. Nulli enim in Fide Christiana dantur Articuli hoc sensu accidentales, quasi verò liceat eos credere, vel non; cum in nulla materia possit DEO dicenti abiq; gravissima injuria ejus negari Fides, & quidquid Deus dicat, omne sit æquè verū, utpote eidem Authoritati, & infallibili testimonio innixum.

*Q. Ubi igitur hac unica Fides inveniat?* R. Apud solos Romano-Catholicos.

*Q. Quare?* R. Hi enim soli omnia firmiter

miter credunt, quæ DEUS credenda revelavit siue per Scripturam, siue per os Prophetarum, & Apostolorum eorūq; successorum, id est Ecclesiæ.

Q. *Habeturne aliquid de Romano-Catholica Fide in Scriptura?* R. In Epist. ad Rom: 1. 8. *Gratias ago DEO pro omnibus vobis, (scribit S. Paulus) quia fides vestra annuntiatur in universo mundo. Ego Fides Romana annuntiata est in universo mundo, seu est universalis Catholica.*

Q. *Cujus Fidei fuerat S. Paulus?* R. Romano-Catholicæ, sic enim Rom: Cap: 1. 11. alloquitur: *Desidero simul consolari in vobis per eam, quæ invicem est, fidem vestram atque meam.*

Q. *Eademne est hucusq; doctrina ac Fides Christiana in Ecclesia Romano-Catholica, quæ fuit in primitiva Ecclesia?* R. Omnino eadē, quo ad omnes Articulos Fidei, exceptis nonnullis cæremoniis.

Q. *Quomodo id probabit?* R. Patet id ex Verbo DEI scripto, & tradito per Apostolos suis Discipulis, & per successionem reliquis posteris Christianis. Omnes Libri Scriptorum ac Doctorum primitivæ Ecclesiæ suat oculatissimi, ac testes omni exceptione majores, clarè enim ac evidenter continent eandem doctrinam, quam hucusq; proficitur, & annuntiat in universo mundo



mundo S. Universalis Romano-Catholica  
Ecclesia.

*Q. Cur doctrina Lutheri, & Calvini nō con-  
tinet veram Fidem?* R. Quia non proponit  
suis hæc, & omnia illa credenda, quæ  
DEUS revelavit, & per Ecclesiam Catho-  
licam seu Universalem à Christo inchoatā,  
& per continuam successionem fidelium  
hucusq; durantem, semper visibilem, in-  
fallibilem credenda proposuit, verum so-  
lummodò talia, quæ olim quorundā pri-  
vato iudicio, & arbitrio visa sunt magis  
arridere.

*Q. Utq; Dissidentium Pastores protestantur  
se docere & credere, quidquid habetur in Scri-  
ptura?* R. Sic protestari consueverunt o-  
mnes illi Hæretici, qui etiam oppositissima  
sibi dogmata tradunt. Igitur credendum?  
Verbo id quidem dicunt, sed nō faciunt.

*Q. Quare?* R. Alios enim Sacræ Scriptu-  
ræ libros rejiciunt, alios acceptant pro  
placito suo, eosq; quomodo volunt, non  
secundum antiquum Ecclesiæ (cui in or-  
dine ad id appromissa Spiritus S. assisten-  
tia,) sensum, sed secundum spiritum su-  
um privatum interpretantur, hocne est S.  
Scripturam docere?

§. 2dus.

De Motivo Fidei.

*Q. Quod motivum credendi habet Fides Chris-  
tiana?*

*stiana?* R. Verbum DEI infallibiliter nobis propositum, & explanatum, ideo enim hoc vel illud credimus, quia DEUS id dixit & revelavit, qui sicut nequit falli, ita nec fallere potest.

Q. *Quid inde infer?* R. Infero Fidem Christianam debere esse firmissimam, ita ut paratus quivis sit potius vitam & sanguinem fundere, quam vel de minimo Articulo dubitare.

Q. *Possuntne hujusmodi firmam habere fidē, qui extra Ecclesiam Catholicam versantur?* R. Nullatenus, sed formidare coguntur, modo se reflectant serio, quia non nituntur Verbo DEI ut infallibiliter proposito & explicato.

Q. *Quare?* R. Ultimatum enim fidei suæ resolutorium, ob quod credunt, est privatum suum suorumq; Pastorum hos vel illos libros veluti Canonicos acceptantium, eosq; sic vel ita interpretantium fallibile iudicium.

Q. *Quid colligitur inde?* R. Quod ille, qui iudicium suum universali Ecclesiae Catholicae submittere renuit, tandem debet pro ultima Fidei & Salutis suae regula eorum Ministrorum seu Pastorum A Catholicorum, qui nunquam inter se convenire valent, sed mordicitus sese oppugnant, arbitrium admittere.



De Sacra Scriptura.

Q. *Quid est Sacra Scriptura?* R. Est Verbum DEI, quod Prophetæ & Apostoli nobis in Scripto reliquerunt.

Q. *Quotuplex est Scriptura?* R. 2plex, Novi & Veteris Testamenti contenta in Libris 72. ex quibus Veteris Testamenti sunt Libri 45. novi verò Testamenti sunt libri 27. qui omnes pro Divinis sunt iudicati à Triden: Sess: 4. rejectis aliis tanquam Apocryphis.

Q. *Quid nomine Canonis Ecclesiastici intelligitur?* R. Cathalogus Ecclesiæ, quem adhibuit S. Synodus in Conc: Trid: Sess: 4.

Q. *Quotupliciter Canon Ecclesiæ sumitur?* R. 2pliciter, imò Pro Regula & sic Canon in Missa sumitur & alibi. 2do Pro Cathalogo, & sic Liber Canonizatorum, aut Librorum S. Scripturæ, Canon Ecclesiæ dicitur.

Q. *Quinam sunt hi Libri, qui relati sunt in Canonem tanquam Divini?* R. Hic digesti, ac divisi Libri Veteris Testamenti: *Legales* V. Genesis, Exodus, Leviticus, Numeri, Deuteronomium.

*Historici* XIX, Josue, Judicam, Ruth, Regum IV. Paralipomenon II. Esdræ IV. Tobias, Judith, Ester, Job, Machabæorum II. *Sapientiales* VI. Psalterium, Proverbia, Ecclesiastes, Cantica, Sapientia, Ecclesiasticus.

*Prophetici* XVII. Iſaias, Jeremias, Baruch, Ezechiel, Daniel, Oſeas, Joel, Amos, Abdias, Jonas, Michæas, Nahum, Habacuch, Sophonias, Aggæus, Zacharias, Malachias.

Q. *Qui Libri Novi Testamenti?* R. Eodem modo diviſi: *Legales* IV. Evangelium S. Mathæi, S. Marci, S. Lucæ, S. Joannis.

*Historici* Acta Apoſtolorum congeſta à S. Luca.

*Sapientiales* XXI. Epistolæ S. Pauli XIV. Ad Rom: Ad Cor: II. Ad Gal: Ad Ephes, Ad Philip: Ad Colos: Ad Tessa: II. Ad Tim: II. Ad Tit: Ad Phile: Ad Hæb: Epistolæ S. Joan: III. S. Petri II. S. Jacobi I. S. Judæ I.

*Prophetici* Apocalypſis S. Joan: Apoſt. Hi omnes Libri ab Ecclesia Cath. habentur tanquam Canonici, & à DEO inspirati.

Q. *Quotuplex eſt ſenſus Sacra Scriptura?* R. Quadruplex ſcilicet: Literalis, Allegoric9, Moralis, & Anagogicus.

Q. *Quid intelligit per ſenſum, ſeu per ſignificationem literalem?* R. *Literalis* eſt illa, quam verba immediate important. *Moralis* ſeu *Tropologica* refertur ad formationē vitæ & morum. *Allegorica* exprimit aliquod Myſterium ſub Figura, vel Metaphora rei ſignificatæ per verba. *Anagogica* refertur ad ea, quæ ſunt æternæ felicitatis, quæ omnes his verſibus explicantur.

*Litera*



*Litera gesta docet; quid credas, Allegoria;  
Moralis quid agas; quo tendas, Anagogia.*

Q. *Estne clara S. Scriptura?* R. Quamvis in multis locis satis dilucidè proponat credenda, in plurimis tamen multum difficilis & obscura est, adeoq; indiget explanatione.

Q. *Quomodo igitur Scriptura Lucerna est?* R. Scriptura prout rectè & legitimè per Ecclesiam, & non per proprium privatum iudicium explanatur, est lucerna.

Q. *Dissidentes dicunt unum textum minus clarum explicandum esse per clariorem?* R. Non valet id, restabit enim semper controversia, quinam textus dicendi sint clariores, cum quivis Scripturam, quam pro se citat arbitretur esse clarissimam.

Q. *De exemplum?* R. *Ariani* existimabant Textum hunc: *Pater major me est* (quo errorem suum illiniunt) esse clarissimum.

*Anabaptista*, censent Scripturam: qui crediderit & baptizatus fuerit, hic salvus erit, (quam contra Baptismum parvulorum detorqueant) esse omnino perspicuam.

*Calviniani* arbitrantur textu illo: *Caro non prodest quidquam* (quem adversus realem Corporis Christi in Eucharistia præsentiam adducere consueverunt) nihil dari clari9.

Q. *Quare DEUS non totam S. Scripturam voluerat*

*voluerat clarè & evidenter exarari?* R. Statue-  
rat enim rectum in sua Ecclesia ordinem  
observandum esse, ac proinde ut fideles  
in vero Scripturæ sensu indagando in eos  
recurrerent, quibus Spiritum S. ad ordine  
ad alios docendos & regendos appromi-  
serat.

2do Quoniam præviderat hujusmodi fore  
homines, qui etiam clarissimos textus per-  
versè interpretaturi essent, statuit multa  
potius obscurè conscribendâ esse, ut vel  
exinde colligerent, necessariû sibi esse ad  
Rectores Ecclesiæ, quibus Spiritum S. ad  
erudiendum alios concesserat, recurrere.

3tio Ut veri Christiani in humilitate o-  
bedirent Rectorum Ecclesiæ definitionib9,  
sicut præceperat, *si non audierit Ecclesiam, sit  
tibi sicut Ethnicus & Publicanus.* Math: 18.

Q. *Licetne omnibus Biblia legere?* R. La-  
tinè licet omnibus.

Q. *Et cur in alio idiomate legere non liceat?*  
R. Editio Bibliorum lingvâ vernaculâ vg.  
Polonicâ, non est approbata & examinata  
à Sede Apostolica, an concordat cum ori-  
ginali suo, ex altera parte plures Idiote le-  
gentes Cantica Canticorum, & non intel-  
ligentes Mysteria in verbis contenta, scan-  
dalizarentur, aut ad lascivos sermones ad-  
hiberent Verbum DEI; sed & vernaculâ  
lingvâ conscripta Biblia permittuntur le-



gi illis, quos capaces iudicaverit Ordinarius Loci.

Q. *Christus monet Joan: 5. 39. Scrutamini Scripturas, &c. &c?* R. Evidens est Christum Dominum citato capite Phariseos & legis peritos (postquam illis exprobrasset incredulitatem etiam post tot à se patrata miracula) monuisse, ut vaticinia Prophetarum evolverent, ibiq; expressa de se testimonia adverterent: hocne est Præceptum dare legendi, Sacram Scripturam omnibus Christianis? Quid igitur facient, qui legere nesciunt?

Q. *Quæ est Vulgata Editio Scripturæ, & Divi Hieronymi, seu unde dicuntur: Biblia Vulgatæ editionis?* R. *Vulgata editio* fuit ante tempora D. Hieron: edita Latine ab incognito Authore, quæ *Itala* dicebatur, à D. Hieron: *Communis*: à Gregorio, *Vetus*: ab Orosio *Vulgata*, quia illam vulgariter admittebat S. Romana Ecclesia; Cum aliz versiones fuerunt ab Hæreticis factæ in Latinum suæ Hæresis parte.

S. Hieronymus bis vetus Testamentum in Latinum transtulit, ut scribit Bellar: de Verbo DEI, imo ex versione 72. Interpretum; 2do ex Hebræo textu. Novum vero Testamentum de Græco in Latinum non convertit, sed tantum multos errores, qui in iplo erant emendavit. Quæ ejus versio  
inceptit

incepit vocari nova editio, ad differentiam antiquæ.

Hoc facto, cepit esse controversia in Ecclesia, quænam ex his duabus editionibus Latinis esset præstantior? S. Aug: magnificavit antiquam *Italam*, S. Isidorus novam D. Hieron:, quæ controversia per longum tempus duravit in Ecclesia, nihilominus utraq; ad arbitrium Episcoporum legi solebat fidelibus.

Post tempora S. Gregorii facta est tertia editio Latina, quæ neq; antiqua neq; nova dicebatur, sed *Vulgata & Communis*, & hanc, oblatrantibus Hæreticis, S. Trid: Synodus Sess: 4. pro Authentica in Ecclesia haberi decrevit, quæ adusq; vocatur *Vulgata editio*, seu: Biblia vulgatæ editionis.

§. 4tus.

De Verbo DEI non scripto.

Q. Quotuplex est Verbum DEI? R. 2plx, aliud *Scriptum*, aliud *non scriptum*, sed ore Apostolorum suorumq; Successorum nobis propositum, quod aliter vocatur Traditio.

Q. Quid est Traditio? R. Est doctrina ab uno alteri communicata in posteros, & sic sumpta traditio convenit tam Divinæ quàm humanæ, tam Civili quàm profanæ, & Theologicæ traditioni. Hic sermo est de Theologica traditione.



**Q.** *Quid est traditio Theologica?* **R.** *Est Fidei vel morum doctrina non scripta, sed viva voce quasi de aure in aurem successively tradita & talis* vg. *doctrina est, quod B. Virgo etiam post partum sit Virgo, vel quod parvuli ante usum rationis sint baptizandi &c. de his enim in Sacra Scriptura non habemus doctrinam expressam, sed ex sola traditione.*

**Q.** *Quotuplex est traditio sacra sive Theologica?* **R.** *Multiplex, Ratione Authoris est 3plex. 1mo Divina traditio est illa doctrina, quæ est à DEO vel Christo tradita & nobis communicata, & talis est de materia & forma Sacramentorum. 2do Apostolica ab Apostolis tradita fidelibus, & ab his successive aliis communicata. 3tio Ecclesiastica & est consuetudo quædam aut Ritus antiqui in Ecclesia introducti, qui postea vim legis obtinuerunt, & tale est ieiunium Sabbathinum, recitatio Breviarii.*

**Q.** *Ratione materia quotuplex est Traditio?* **R.** *2plex, Doctrinalis, quæ ad Fidem & dogmata credenda spectat vg. quod sint quatuor Evangelia. Moralis, quæ ad mores pertinet, & ad actiones faciendas vg. quod signum Crucis formandum sit in fronte. Alia traditio est perpetua, quæ perpetuò usq; ad finem mundi observari debet. Alia temporalis, quæ solum ad tempus*

*Alia*

*Alia universalis*, quæ toti Ecclesiæ servanda traditur, *alia particularis*, quæ particulari alicui Ecclesiæ in Diœcesi, Regno, aut Provincia traditur esse observanda.

*Alia necessaria*, quæ traditur in forma Præcepti, *alia libera*, quæ traditur in forma consilii, ut est traditio de aspersione Aquæ benedictæ.

Q. *An admittenda sit traditio Divina?* R. Affirmativè, quia plura spectantia ad fidem non sunt expressa in Scriptura. Unde in his solâ regitur traditione Divinâ. Tum quia aliâ viâ neq; ipsi Dissidentes possunt cognoscere, quinam libri Scripturæ sunt Canonici, & qui contineant Verbum DEI, nisi ex antiqua traditione.

Q. *Qualem auctoritatem habeat Traditio Divina?* R. Tantam habet auctoritatem, quantam habet ipsa Sacra Scriptura, quia æqualis infallibilitatis est Verbum DEI nō scriptum seu traditum, sicut Scriptura Sacra, cū Scriptura non addat majorem fidelitatem Verbo Divino, nisi quo ad nos. Porro traditio Divina est Verbum DEI non scriptum.

Q. *An Traditiones Ecclesia mutare, aut abrogare potest?* R. 1. Traditiones Divinæ, aut à Christo profectæ, non possunt mutari, aut abrogari, quia inferior non habet potestatem in legem superioris. Porro Ec-



ro Ecclesia est inferior ipso DEO & Christo Domino.

R. 2. *Apostolicas* verò & *Ecclesiasticas* pro diverſitate temporis poteſt mutare, & abrogare, quia has mutando non excedit poteſtatis ſux limites.

Cæterum Eccleſia ſicut propter aſſiſtentiam Spiritûs S. eſt optimus Interpres mentis Divinæ, ita Traditiones Divinas in dubiis explicare poteſt, utpote poſt DEUM ſupremus controverſiarum Fidei Judex.

Q. Forte ſufficeret ad ſalutem illa ſolùm credere, quæ expreſſè habentur in Scriptura? R. Nequaquam: Sic enim Paulus diſerte Nominè DEI præcipit: Itaꝑ; fratres ſtate, & tenete traditiones &c. 1. Theſ: 2 v. 15. Et Joan: 21. 24. Multa alia eſſe, quæ non ſunt ſcripta, &c.

Q. Quæ ſunt traditiones, quas credunt, & obſervant Catholici? R. 1mo Omnia quæ continentur in Scriptura Sacra eſſe revera à Prophetis & Apoſtolis atꝑ; cum aſſiſtentia Spiritûs S. conſcripta. 2do Symbolum Apoſtolorum in 12. articulos Fidei diſpoſitum. 3tio Præclarus ordo circa Communionem Sacram, de quo S. Paulus 1. Cor: 11. 34. Cætera autem cùm venero, diſponam. 4to Pulcherrima circa ordinationē Presbyterorum diſpoſitio, de qua Paulus ad Titum 1. 5. Hujus rei gratia reliqui te Cræta, ut ea, qua

que desunt, corrigas & constituas per civitates.  
Presbyteros, sicut & ego disposui tibi. *1to* Varia  
Apostolorum decreta, ordinationes, Præcep-  
ta circa Sacrificium Missæ, ritus 7. Sacra-  
mentorum, Jejunia, dies Festos, & alia de  
quibus legitur in 1mo Concilio Nicæ: ha-  
benturq; in Actibus Apostolorum, c. 16. 14.  
de Paulo & Timotheo: Cum autem pertransi-  
rent Civitates, tradebant eis, custodire dogmata,  
quæ erant decreta ab Apostolis & Senioribus.

Q. Obligamurne credere non solum illa, quæ  
expresse habentur in Scriptura, sed etiam quæ  
per Traditionem Apostolorum? R. Omnino,  
quia Apostoli non minus veritatem præ-  
dicarunt ore, quàm scripserunt calamo; &  
DEUS æquè Fide dignus in iis, quæ lo-  
cutus est per os Apostolorum, ac etiã quæ  
per calamus eorum.

Q. Quid respondendum illis, qui arbitrantur  
etiam cujusvis privati Scriptoris narrata apud  
nos Catholicos pro traditione Ecclesiæ haberi? R.  
Tales nolunt intelligere, quid revera  
nomine Traditionum intelligatur, & ideo,  
quæ ignorant, blasphemant. Jud: 10.

Q. Creduntne ipsi Dissidentes aliqua, quæ  
non habentur in Sacra Scriptura, sed solummodo  
ab Ecclesiâ Catholica tradita sunt? R. Credunt  
dari quatuor Evangelia, & 14. S. Pauli  
Epistolas, easq; verum DEI Verbum esse:  
infantes esse baptizandos, diem Dominicum

non



non verò eum cum Judæis diem Sabbati  
esse celebrandum &c.

Q. Cur igitur reliquas quoq; traditiones ad-  
mittere reluctantur? R. Contumacia, sensusq;  
proprius in causa est.

Q. Christus increpat Judæos, quod traditiones  
observarent? Mat: 7. 8. R. imo Christus in-  
stituendo novam Ecclesiam, novas quoq;  
instituit traditiones, ac proinde antiquas  
Judæorum abrogavit. 2do Increpabat Ju-  
dæos, quod propter traditiones suas præ-  
cepta DEI transgrederentur, at traditio-  
nes Apostolorum & Romano-Catholicæ  
Ecclesiæ nequaquam præceptis DEI ad-  
versantur.

Q. Possuntne articuli Catholici, de quibus op-  
positi controversantur per Sacram Scripturam de-  
fendi? R. Omnino possunt, innumeros  
enim textus, etiam clarissimos pro verita-  
te suæ fidei citant Catholici.

Traditiones nihilominus præterea ad-  
mittendæ sunt, quoniam idipsum etiam  
in Scriptura præcipitur, ut immediatè di-  
ctum. 2do Ut ubi difficilior est Scripturæ  
locus, explanetur per antiquissimam Eccle-  
siæ traditionem, cui proculdubio etiam  
Dissidentes securius confidere poterint,  
quàm nuper exortis suorum Pastorum in-  
terpretationibus.

§. 5tus.

*Q. Quid est Ecclesia in communi? R. Eccetus convocatorum sive fidelium. Nam Ecclesia est nomen Græcum idem significans ac latine convocatio.*

*Q. Quotuplex fuit Ecclesia? R. Juxta triplicem statum: Legis naturæ, scriptæ & gratiæ est 3plex: in omni enim statu DEUS habuit suos Fideles convocatos per gratiam in cognitionem sui Creatoris.*

*Q. Quomodo & quamdiu durarunt hi status? R. 1mus Serviebat DEO per præcepta legis naturalis ab Adam usq; ad Moysen per spatium circiter 2000. annorum.*

*2dus Legis scriptæ per præcepta Legis Mosaicæ usq; ad Christum per spatium 2000. annorum.*

*3tus à Christo conditus, Ecclesiam in statu perfectiori fundando, à quo cepit illa congregatio, quæ simpliciter Ecclesia vocatur.*

*Q. Ecclesia quo differt à Synagoga? R. I. Synagoga habuit umbram, & figuram; Ecclesia ipsam lucem, & veritatem. II. Ecclesia hoc habet & possidet, quod Synagoga tantum expectabat.*

*Q. Quotuplex est Ecclesia Christi sive Legis gratia? R. Triplex. Triumphans, & est cætus Beatorum in Cælis. Patiens, & est cætus*



cætus Fidelium Iustorum defunctorum in Purgatorio degentium & aliter hæc vocatur, *Purgans*. Et *militans* estq; fidelium in terris sub Christi vexillo ac obedientia ejus Vicarii militantium.

Q. *Quotplex est Ecclesia Christi militans?*

R. *zplex*: *Universalis*, quæ complectitur omnes omnino fideles totius mundi. Et *particularis*, quæ complectitur Fideles unduntaxat Regni & Provinciæ. Sic dicitur Ecclesia orientalis, Gallicana &c.

Q. *Quid fecit Christus ad fundandam hanc Ecclesiam in meliori statu?* R. *1mo* Præcepta Judicialia veteris Legis abrogavit. *2do* Similiter præcepta ceremonialia tanquam figuras tantum vitæ & passionis suæ. *3to* Præcepta fidei aliquomodo auxit, quatenus plura distinctè & expressè credi voluit, quæ à Judæis implicite & obscure credebantur: uti Mysterium Ss. Trinitatis, Incarnationis &c. Præcepta etiam moralia Dealogi explicavit, & perfecit additione consiliorum. *4to* Præcepta Sacramentalia de novo instituit.

Q. *Quæ ergo inter tot Sectas sit vera Christi Ecclesia?* R. *Sola Romano-Catholica*. Hæc enim sola habet evidentia signa veræ Xsti Ecclesiæ scil: quod sit una, Sancta Catholica & Apostolica.

Q. *Quid sunt Nota, seu signa vera Ecclesiæ?*

fic? R. Sunt quidam Characteres, seu proprietates Morales, ex quibus evidentiam morali clarè patet aliquem catum credentem in Christum veram constituere Ecclesiam.

Q. *Qua sunt Privilegia, seu proprietates vera Christi Ecclesia?* R. Visibilitas, & infalibilitas. Vera Christi Ecclesia omnino semper fuit visibilis à tempore Apostolorum, nulla autem modernorum Dissidentium Secta fuerat visibilis ad An. 1517. quò Anno initia sua sumplerant.

Q. *Quomodo Ecclesia est una?* R. Est una unitate fidei & doctrinæ.

Q. *Quare dicitur Sancta, cum multi in ea inveniantur improbi?* R. Quia in ea non nisi Sancta docentur quo ad fidem & mores. Item in ea sunt sanctificationis media uti: Baptismus & alia Sacramenta, & quia extra eam non potest Sanctitas reperiri nec salus, in ea autem multi sunt Sancti.

Q. *Cur dicitur Catholica?* R. Quia extendit se ad omnes mundi partes, & ad omne tempus à temporibus Christi proindeq; est universalis.

Q. *Cur autem vocatur Apostolica?* R. Quia ab Apostolis fundata & doctrinâ & Sanguine.

Q. *Cur dicitur Romana?* R. Quia Ecclesia Romana est Mater omnium Ecclesiarum, cui



cui Christus primatus dedit.

Q. Soletne Ecclesia Romano-Catholica aliquid contra Scripturam docere? R. Nequaquam, hoc quorundam Pastorum Dissidentium figmentum est, solet quidem Ecclesia aliqua docere, quæ non explicitè in Scriptura apparent, (cum sui muneris sit explicare, quamam implicitè in S. Literis reperiuntur) sed hoc non est contra Scripturam agere.

Q. Danturne præterea adhuc alia vera Ecclesia signa apud Romano-Catholicos? R. Dantur uti Congregatio Fidelium ex omnibus gentibus ex omni populo, sicut Christus prædixerat Mar: 16. *Coversio Gentium*, hæc enim Ecclesia mittit Evangelii præcones ad ultimos fines terræ. SS. *Martyrum multitudo*, qui à temporibus Christi ad præsentem usq; diem inter Barbaros vitam & Sangvinem pro Christi Nomine in Romano-Catholica Fide liberaliter profundunt. In hac sola Ecclesia innumera sunt signa & miracula, quibus hujus Fidei veritas continuo comprobatur, sicut Christus pollicitus est Marci 16. 17.

Q. Sed dantur hodie homines tales, qui miracula, quæ non vident, fieri negant, quæ verò vident, infascinationi Dæmonis adscribunt? R. Idem olim contigerat ipsius Christi Domini miraculis à Phariseis, qui ideo dicebantur

Var contra Spiritum S. peccasse.

Q. Homo baptizatus, qui non ex ignorantia quidem invincibili, sed ex perversa Ecclesia

Romano-Catholica recalcitrat, potestne salvari?

R. Non. imo S. Paulus disertè monet Rom:

13. 2. Qui resistit potestati, DEI ordinationi

resistit, qui autem resistunt, ipsi sibi damnatione

acquirit, & Christus ait Matt: 18. 17. Si

non audierit Ecclesiam &c: 2do Quia talis ut-

pote extra Ecclesiam constitutus non est

de Corpore Christi: porro qui non est mecum,

contra me est, inquit Dominus Mat: 12. 30.

Q. Revelatne DEUS per se immediate cui-

cunq; Homini Christiano, quæ ab omnibus creden-

da sunt? R. Non, sed illis tantum, quibus

aut commiserat scribere verbum suum, aut

regendum tradidit in Spiritualibus Gregem

suum nimirum Apostolis, eorumq; succes-

soribus legitimis, seu Ecclesiæ; aliis autem

proponit DEUS credenda per Ecclesiam.

Q. Quod est hujus dicti fundamentum? R.

imo Ex scriptura Sacra, ubi hac in parte

Apostolis & Rectoribus Ecclesiæ Spiritus S.

appromittitur Luc: 8. 10. Item. Attendite

vobis & universo gregi, in quo vos Spiritus S.

posuit Episcopos regere Ecclesiam DEI, Act: 20.

28. Item Joan: 14. 17.

2do Experientia. Ideo enim tot, tamq;

Dissidentes in rebus Fidei dantur opinio-

nes, quod homines reperiantur hujusmo-

di,



di, qui ita credere, sacrasq; literas intelligere præsumunt, sicut spiritui suo privato videtur.

Q. Quid per Ecclesiam (qua Nomine DEI infallibiliter nobis proponit, quæ credenda sunt) intelligitur? R. Caput, & ejus præcipua membra, videlicet Romanus Pontifex, & Concilium generale Episcoporum.

Q. Potestne Ecclesia Xsti, dum aliquid proponit credendum, errare? R. Hoc æquè impossibile est, ac impossibile Xtum in promissis suis falli, aut fallere.

Q. Quare? R. Promiserat enim Joan: 14. 16. Rogabo Patrem, & alium Paraclitum dabit vobis, ut maneat vobiscum in æternum: Spiritum veritatis, ille vos docebit omnia, & suggeret vobis omnia &c. Et Matth: 16. 18. Tu es Petrus, & super hanc Petram &c. Ideo S. Paulus Ecclesiam appellat: Columnam & firmamentum veritatis. 1. Timot: 3. 15.

Q. Estne æquè nunc credendum Ecclesie, dñ aliquid definit, ac tempore Apostolorum? R. Omnino. Ecclesie enim pro semper Spiritus S. assistentia appromissa est, ut dictum est. Certè æquè nunc hæc assistentia necessaria est, ac tempore Apostolorum, cum etiam modo oves pascendæ, fratres confirmandi, errores refutandi sint.

Q. Quare credendum, quicquid Ecclesia proponit? R. Ideo, quoniam in hunc finem decre-

decreverat Xtus Joan: 14. relinquere Spiritum S, Spiritum veritatis Ecclesiæ Recto-  
ribus, qui illis continuò usq; ad consum-  
mationem sæculi suggeret omnia.

R. 2do Quia severè præcepit Christus  
audire Ecclesiam Matt: 18. 17. *Si non au-*  
*dierit Ecclesiam, sit tibi sicut Ethnicus & Pu-*  
*blicanus.*

Q. Utq; nonnulli è dissidentibus docent suf-  
ficere ad salutem, modò Symbolum Apostolorum  
credamus? R. Hi graviter errant, ut colli-  
gitur ex immediate dictis. Certè si id suf-  
ficeret, omnes sectæ, etiam in primitiva  
Ecclesia anathematizatz salutem consequi  
potuissent, cùm Symbolum Apostolorum  
admisserint.

Q. Quinam sunt intra veram Ecclesiam? R.  
Omnes Fideles non tantùm prædestinati,  
sed etiam reprobi. Non tantùm perfecti,  
sed etiam imperfecti, etiam peccatores tã  
occulti quàm manifesti sunt membra Ec-  
clesiæ Christi.

2do: Etiam infideles occulti, qui carent  
fide internâ, si Fidem Christianam exteri-  
ùs profitentur, & in Communionem Sacra-  
mentorum veris Fidelibus commiscuntur  
cum exteriori subjectione Pastoribus Ec-  
clesiæ, sunt de Ecclesia tanquam ejus mē-  
bra, licet mortua & arida. Com: DD.

Q. Qui sunt extra veram Ecclesiam Xti?

R. 1o.



R. Infideles, non baptizati, Catechumeni;  
Hæretici publici, Schismatici, Excommuni-  
cati non tolerati, siue nominatim denunciati.  
Com; DD. apud Bellarm.

Q. Utiq; etiam illi, qui duobus, & amplius  
saeculis ab Ecclesia Romano-Catholica dissentiunt  
cætus cogere, eosq; Ecclesiam appellare consueve-  
runt? R. Cætus hujusmodi non esse Eccle-  
siam illam, cui Christus infallibilem Spiri-  
tus S. assistentiam appromiserat, quamq;  
Matth: 18. audiendam esse præceperat.

Q. Quare? R. Cum enim Christus pro-  
miserit Ecclesiam suam continuò à tempo-  
ribus Apostolorum usq; ad consummatio-  
nem sæculi à Spiritu S. dirigendam: cum  
voluerit esse continuò audiendam, cum  
statuerit continuò conservandam, & ne  
quidem à Portis Inferi debellandam, ma-  
nifestum est nomine Ecclesiæ Christi non  
posse, alium cætum intelligi, præterquam  
illum, qui à temporibus Apostolorum con-  
tinuà Episcoporum aliorumq; fidelium  
successione hucusq; sine interruptione per-  
severat. Qualem solam Romano-Catholi-  
cam Ecclesiam esse quivis sanam rationem  
habens fateri cogitur.

§. 6tus.

De Capite Ecclesiæ.

Q. Quod est Caput Ecclesiæ Christi? R.  
Supremum invisibile Caput est ipse Xtus;

Q. Ha

Q. *Habetne Ecclesia Xti Caput in terris visibile, cui omnium fidelium regimen & Spiritus S. assistentia à Christo appromissa sit?* R. Omnino, Christus enim ipse Petro, ejusq; successoribus Authoritatem hanc concesserat.

Q. *Potestne id idipsum Scripturâ comprobari?* R. Plurimis textibus adeo clavis, ut oppositâ explicatione eludi nequeant. Uti Mar: 16. 18. & sequ: *Ego dico tibi, quia tu es Petrus &c.* Et quodcunq; ligaveris super terram &c. Et Joan: 21. 15. & sequ: *ter repetitis vicibus: Pasce agnos meos, pasce oves meas &c.* Luc: 22. 23. *Ego autem rogavi pro te &c.* Porro hanc Capitis potestatem præfatis verbis concessam exercuit Petrus tum in electione Matthiæ Act: 1. tum in electione primorum Diaconorum Act: 6. tum in definitione controversiæ de Legalibus. Act: 15. quatenus cæteros Apostolos suâ Authoritate convocavit, & in Concilio primus sententiam dixit, &c.

Q. *Sed Pastores Dissidentium citatas Scripturas omnino aliter interpretantur, asserentes nullâ hic primatum concessum fuisse Petro?* R. Ante omnia hic relegendum est, quod scribit ipse S. Petrus: 2. Epist. 3. 16. Et deinde advertendum, nullum dari Scripturæ textum etiam circa prima Fidei Christianæ Mysteria, quem homo obstinatus, & astutus non possit pro libitu explicare, & di-



verſimodè interpretari, nec ullum argu-  
mentum etiam validiſſimum, contra quod  
tenuis aliqua reſponſio haberi nequeat;  
ſed ideone huiusmodi aſſerto ſecurâ con-  
ſcientia acquieſcendum?

Q. Utiq; à Chriſto Domino oves paſcendâ  
commiſſe ſunt & aliis Apoſtoliſ? R. Verum  
eſt, ſed principaliter Petro, cum nulli A-  
poſtolorum ſic in particulari poteſtas in-  
omnes Chriſti fideles tradita ſit, prout Pe-  
tro. Et quamvis etiam reliquis Apoſtoliſ  
conceſſum ligare, & ſolvere à peccatiſ, ſo-  
li tamen Petro collatæ ſunt claves, per  
quod univerſaliſſima poteſtas denotatur;  
ſic dictante tam recta ratione, quàm Scri-  
pturâ Iſaiæ 22. *Dabo clavem Domûs David  
ſuper humerum ejus.*

Q. Quare S. Paulus reprehenderat S. Petrum.  
*Gal. 2.* ratione diſſimulata ad tempus circumci-  
ſionis, quod utiq; non feciſſet, ſi Petrus Superior  
ejus fuiſſet? R. Nihil eſt novi Superiorem  
interdum à ſuo inferiore ſive ex confi-  
dentia, ſive zelo, ſive ſpeciali DEI man-  
dato commoneri, modò id fiat prudenter,  
& circumſpectè. Sic monuerat & quidè  
zelosè Getro Moysen *Exod. 18.* Juvenis  
Samuel Summum Sacerdotem Heli, Na-  
than Davidem &c. Sic faciunt & nunc  
Concionatores, Confeſſarii Regum, Epico-  
porum, ipſuſq; Summi Pontificiſ.

Q.

Q. *Quid de primatu Papæ Sancti Patres, qui in primitiva Ecclesia floruerant, scripserunt?*

R. Omnes unanimi voce testantur Romanū Pontificem esse universæ Ecclesiæ Christi visibile Caput, & Rectorem, supremumq; in controversiis Fidei Judicem.

Q. *Quid si diceretur: hos omnes homines fuisse?* R. Etiam Apostoli fuerunt homines, igitur nec illis credendum? Homines quidem fuerant tam Apostoli, quàm eorum legitimi Successores, sed sicut illi, ita isti speciali in docendo Spiritus S. assistentiâ præditi, cum Christus Ecclesiæ suæ appro- miserit: *Dabo vobis Spiritum veritatis, &c. Joan. 14.*

R. 2do: Saltem quivis Dissidentium fa- teri cogitur ex innumeris testimoniis SS. Patrum evidenter colligi hanc semper fu- isse etiam in primitiva Ecclesia Scripturæ interpretationem, quod scilicet Romanus Episcopus sit universæ Ecclesiæ Superior, & Judex controversiarum, cui interpreta- tioni procul dubio securiori conscientia inniti potuerit, quàm recenter inventæ.

Q. *Estne ad salutem necessaria communio cum Sede Apostolica?* R. Omnino. Ratio patet ex verbis Christi dicentis: *Qui non est mecum, contra me est.*

Q. *Quando Papa censeatur ex Cathedra lo- qui, & definire?* R. Cum definit tanquam



Supremus totius Ecclesiæ Pastor & Doctor,  
docens universam Ecclesiam, ei proponens  
quid credendum, quidvè sequendum sit;  
intendens omnes obligare ad observantiã,  
ut credant, & operentur juxta suam de-  
finitionem. *Matthæi: pag. 414.*

Q. *An Papa loquens ex Cathedra errare pos-  
sit?* R. Non; quia sic loquens in dogma-  
tibus Fidei repræsentat Personam Christi,  
cujus in hac militanti Ecclesia vices gerit,  
adeoq; singulari providentiã habet Spiritus  
S. specialem assidentiam. *Com. DD.*

§. 7mus.

De Infidelitate & Hæresi.

Q. *Quod vitium opponitur Fidei?* R. Infu-  
delitas, quæ est error intellectus pertinax  
in eo, qui nondum Fidem suscepit.

Q. *Quotuplex est infidelitas Fidei opposita?*  
R. 2plex. *Positiva*, quæ reperitur in illis,  
qui fidei notitiam habent, sed illam con-  
temnunt, vel ei contradicunt, uti est in  
Judæis, Turcis, & Hæreticis. Et *Negati-  
va*, quæ datur in illis, qui nihil audierunt  
de Fide & talis fuit in gentibus. Hæc  
infidelitas per se non est peccatum, qui  
enim nunquam de Fidei doctrina audivit,  
non potest ejus notitiam aliquâ ratione  
acquirere juxta illud: *Quomodo credent ei,  
quem non audierunt?* *Rom: 10.*

Q. *Infidelitas positiva estne peccatum?* R.

Est ex

Est ex genere suo gravissimum ut docetur  
Joan: 15. Si eis non dixissem, peccatum non  
haberent.

Q. Quotuplex est infidelitas positiva? R.  
3plex: Paganismus tunc est, quando nullus  
Myserii revelati fides habetur. Judai-  
smus est quando creditur veteri testamen-  
to, non tamen Novo. Hæresis est, quan-  
do alicui veritati ex novo, vel ex veteri  
testamento fides negatur. Si autem fides  
suscepta in totum abjiciatur, vocabitur  
Apostasia.

Q. Quotuplex est Hæresis? R. Duplex.  
Formalis, quæ est error voluntarius, quem  
homo baptizatus pertinaciter tuetur con-  
tra aliquam Fidei Catholicæ veritatem.  
Et Materialis, quæ est error contra fidem  
Catholicam non ex pertinacia voluntatis,  
sed ex simplicitate, vel defectu informa-  
tionis debitæ, aut sinistra instructione pro-  
veniens. Et hæc præsertim Hæresis re-  
peritur in vulgo Hæreticorum, ubi Ca-  
tholici non tolerantur.

Q. Quæ requiruntur ad hæresim formalem ne-  
cessaria? R. Error in intellectu, & perti-  
nacia in voluntate.

Q. Hæresis formalis estne peccatum? R. Est  
de genere suo grave, & quidem gravius,  
quàm Paganismus juxta illud: 2. Pet: 2.  
Melius erat illis non cognoscere viam justitiæ &c.

Q. An.



Q. *An hæresis materialis inducit penas Juris pro foro conscientia & coram DEO?* R. Non, quia pœnæ in hæreticos latæ non incuruntur nisi propter culpam conjunctam eū pertinacia, sed in hæresi materiali nulla est pertinacia. Ergo. Tum quia ignorantia invincibilis excusat à peccato.

Q. *Quæ sunt pœna spirituales contra hæresim formalem statuta?* R. Excommunicatio major. 2do Inhabilitas ad dignitates officia & Beneficia Ecclesiastica. 3tio Privatio dignitatum, officiorum, & beneficiorum prius obtentorum. 4to Irregularitas. 5to Privatio Ecclesiasticæ sepulturæ. 6to Non gaudet immunitate Ecclesiæ propter hæresim capiendus.

Q. *An pœna inflictæ extendunt se ad alias personas?* R. Affir: nempe in credentes, qui assentiuntur hæreticorum erroribus, quavis nesciant dictos errores in particulari. In receptores, qui hæreticum causa hæresis fugientem recipiunt. In defensores, qui hæreticum laudibus, auxiliis, ope, quamvis mortuum defendunt. In fautores, qui cum possunt hæreticum punire, vel capere, id facere nolunt, si eis id ex officio incumbat, & hoc agant, non ut faveant hæretico, tanquam amico, sed ut hæretico.

Q. *Quæ sunt pœna temporales in hæreticos?* R. 1ma Infamia. 2da Confiscatio bonorū.

3tia

sta Amiffio Patriæ potestatis in liberos.  
sta Exemptio fubditorum ab omni debito  
obedienciæ. sta Intellabilitas tam activa,  
vi cujus testamentum condere nequeunt  
hæretici, quàm passiva, vi cujus ex testa-  
mento legato nihil possunt accipere.

Q. Quotuplices dantur hæretici? R. Alii  
dantur Interni, qui errorem suum cū per-  
tinacia conjunctum sola mente retinent;  
Et hi nullis pœnis subjacent, quia Ecclesia  
de internis non judicat. Alii Externi, qui  
illum errorem quem mente tenent, exte-  
rius manifestant verbô aut factô.

§. 8vus.

De Schismate & Apostasia.

Q. Quid est Schisma? R. Est divisio &  
pertinax segregatio Hominiis baptizati ab  
unitate Ecclesiæ Catholicæ, prout hæc est  
Corpus Myfticum ex universis fidelibus  
tanquam membris, & Romano Pontifice  
tanquam Capite constans.

Q. Quid est Apostasia? R. Est temerari-  
recessus à prioris vitæ instituto, quod pu-  
blicâ & solemni Professione susceptû est.

Q. Quotuplex est Apostasia? R. 3plex, à  
Fide, à Religione, & Saero Ordine.

Q. Quid est Apostasia à Fide? R. Est o-  
mnimoda defectio à Fide Catholica, quam  
quis in Baptismate suscepit: Differt ab  
Hæresi, quia hæc non deserit fidem to-  
taliter.



*Q. Quid est Apostasia à Religione?* R. Est omnimoda defectio seu recessus à Religioso statu per Professionem solemnem inito, sive abjiciatur habitus, sive non. Excipiuntur tamen illi, qui à Superiore iuste gravati altiorem sedem appellant, hi enim non debent dici Apostatae, cum non abjiciant Religionem, sed solum id faciunt, quod est de jure naturali.

*Q. Quid est Apostasia ab Ordine Sacro?* R. Est temerarius transitus à statu Clericali ad conversationem laicalem dimissio habitus, & Tonsuræ Clericali.

*Q. Quas pœnas incurrunt Apostata à Fide?* R. Easdem quas Hæretici, cum re vera sint hæretici cum quodam excessu.

*Q. Quae sunt pœna Apostatarum à Religione?* R. 1<sup>a</sup> Incurrunt excommunicationem majorem latae sententiae, qui dimiserunt habitum, qui verò illum retinent, ferendae sententiae. Can: 2. ut periculose. 2<sup>a</sup> Suspenduntur ipsò factò ab usu & exercitio Ordinum Sacrorum, (non tamen minorum) 3<sup>a</sup> Amittunt omnia privilegia suae religionis; non tamen illi, qui habitum retinent, ut notat P. Kloz l. 5. T. 9. fiunt inhabiles ad omnia Officia, & Beneficia.

*Q. Quibus arcentur pœnis Apostata ab Ordine Sacro?* R. Excommunicatione majore ferenda.

ferendæ sententiæ. 2do Infamâ: hæc ta-  
men tolli potest per pœnitentiam. 3tio  
Irregularitate. Si verò contraxisset Apo-  
stata Matrimonium, esset irregularis ob Bi-  
gamiâ spiritualem. 4to Amissione privi-  
legii non solum *feri*, sed etiam *canonis*, ita  
ut si dimiserit habitum percutiens eundẽ  
non incurreret Excommunicationem. Col-  
ligitur ex Can: 23. de *Senten. Excom.*

§. 9nus.

De Libris Hæreticorum.

Q. Quos libros legendo incurritur Excommu-  
nicatio? R. imo Legentes, retinentes domi,  
imprimentes libros hæreticorum tractantiũ  
de Religione, aut hæresim continentes in-  
currunt Excommunicationem Papæ re-  
servatam.

R. 2do, Legentes, retinentes, vel impri-  
menses libros Hæreticorum, qui non tra-  
ctant de Religione neq; continent hære-  
sim incurrunt Excommunicationem *Indi-*  
*cis*, quæ nulli est reservata. Notandum  
si sint libri damnati ob suspicionem falsi  
dogmatis, secus autem si sint Medici aut  
Pœtici.

R. 3tio. Legentes, retinentes, impri-  
menses librum Authoris Catholici, sed da-  
mnatum ob aliquod dogma, incurrunt Ex-  
communicationem *Indicis* nulli reservatam.

R. 4to Legentes libros prohibitos eo,  
quia



quia tractant de rebus veneris & obsecanis, nullam incurrunt excommunicationē, sed tantum peccant mortaliter.

Q. *An libri Paganorum vel Hebraeorum tractantes de Religione sint comprehensi sub Excommunicatione lata in Bulla Cane?* R. Non, quia non sunt proprii libri Hæreticorum. Secus dicendum de legentibus libros Græcorum, Armenorum non uaiorum tractantes de suis ritibus, quia ipsi tanquam Schismatici, sunt hæretici.

Q. *An brevis Scriptura vg. Epistola seu Oratio Hæretici de Fide tractans, vel hæresim continens, comprehendatur sub prohibitione Bullæ Cane?* R. Affirm: Suarez. Tamb.

Q. *An manuscriptum hæretici continetur etiã sub eadem prohibitionē?* R. Affirm.

Q. *Parvitas materia excusatne legentem libros prohibitos à culpa, & pœna? Et quæ dicatur parvitas materia?* R. imo Affirm: nisi voluntariè legeret locum hæresis.

R. 2do Parvitas autem dicitur juxta laxiorem opinionem lectio unius paginæ.

Q. *An retinere librum prohibitum domi per aliquem diem tantum excuset à culpa & pœna?* R. Excusat brevisitas temporis. Tamb. ac etiam ignorantia.

Q. *Quid faciendum est Confessario cum legentibus & conservantibus libros hæreticorum?* R. Injungat pœnitenti, ut deferat librum Eppo: & in

& in casu impossibilitatis ipsi saltem Confessario.

2da Non absolvatur, nisi talem librum reddiderit. 3ta Si Pœnitens sciat etiam alios complices retinentes libros hæreticorum, præcipiat ei, ut quantocius denuntiet Eppo: 4ta Inquirat, quoties legit illos libros? quoties aliis accommodabat? an dogmata falsa promulgaverat? 5ta Peccati gravitatem ostendat, egit enim contra grave præceptum Ecclesiæ. Excitet illum ad eliciendos actus Fidei, &c. &c.

§. 10mus.

De Judæis.

Q. *Quæ scienda sunt de communicatione cum Judæis?* R. Non licet sub peccato mortali cum Judæis habitare, eorum azymis vesci, Medicis vel Chirurgis uti, nisi in necessitate, si alius non fuerit: ad eorum convivia accedere, cum illis saltare; Obstetrices vel nutrices eorum esse, nisi in extrema necessitate, in eorum Synagogis servitia exercere. Ita Edictum Andree Załuski Eppisc: Cracov: An: 1751.

Q. *Qui casus sunt Episcopo reservati in hacce materia?* R. In Diœcesi Cracov: Qui famulantur continuo Judæis conducti pro anno toto: imo & operarii diurni, si dies festos violant dum iisdem operas locant; Commiscentes se carnaliter Judæis maribus, vel

fœminis,



foeminis, tradentes ad necem infantes iisdē  
Judæis, auxilium ad hoc præstantes, scientes  
traditionem, & non manifestantes iis,  
ad quos spectat, emptores superstitione  
certis diebus cum retroemptione apud Ju-  
dæos domorum, propinationis, ac aliarum  
rerum, & suppellectilis Judaicæ.

Q. Si Judæi contraxerunt Matrimonium in-  
gradibus à lege humana prohibitis, si baptizaren-  
tur possentne vivere in Matrimonio sine ulla di-  
spensatione? R. Affirm: Tales enim neque  
contrahunt cognationem spiritualement, nec  
legalem, nec publicam honestatem.

Q. An Judæi confugientes propter patratum  
delictum ad Ecclesiam gaudeant Immunitate? R.  
Alii negant, quia non videtur Juri con-  
sonum, ut Ecclesia prosit iis, qui sub ejus  
lege vivere recusant. Alii probabilius af-  
firmant, dicentes: immunitatem concedi  
non respectu personarum delinquentium,  
sed propter honorem & reverentiam, quæ  
locis sacris & divino cultui debetur.

§. II. IMUS.

De Spe Christiana.

Q. Quid, & qualis est spes Christiana? R.  
Est virtus supernaturalis, per quam cum  
fiducia salutis æternæ vitæ bona expectamus.

Q. In quo spes nostra collocanda? R. In  
DEO, & Domino nostro JESU Christo,  
ejusq; pretiosis meritis.

Q.

Q. Quomodo spes nostra in Christo sita esse debet? R. Quatenus omnes gratias ex ej9 meritis sperare debemus, quibus adjuti mandata ejus, prout oportet ad salutem, implere valeamus. 2do Quatenus propter Christi merita omnibus ritè credentibus, & bene operantibus vita æterna promissa est.

Q. Debetne spem Christianam comitari timor DEI? R. Omnino. Et ideo Christus ipse monuerat Apostolos: *Timete eum, qui postquam occiderit, habet potestatem mittere in gehennam.* Luc: 12. 5.

Q. Sperans in Domino potestne certò scire se esse in gratia DEI? R. Quamvis homo fidelis & pius, qui operatur justitiam, multum possit esse securus de Divina gratia, citra tamen specialem DEI revelationem nequit habere illam summam certitudinem nimirum Fidei.

Q. Quare non? R. Licet enim in communi revelatum sit omnes fideles mandata DEI custodientes, gratiam ejus possidere, non tamen mihi in particulari revelatum est, num reverà ita, prout oportet, mandata observaverim: *Nascit homomo utrū amore an odio dignus sit.* inquit Eccl: 9. 1. Idq; ideo, ut cum majori sollicitudine, cū metu & tremore salutem nostram operemur. ad Phil: 2. 12.

Q. An



Q. *An sit peccatum ponere spem in homine?*

R. Affirm: si ponatur principaliter: secus verò si secundariò & tanquam in instrumento gratiæ Cœlestis.

Q. *An in peccatis contra spem datur parvitas materia?* R. Non; quia ubi deliberatè quis peccat vel præsumendo, vel desperando, semper committit gravem offensam DEI.

Q. *Quid est tentatio DEI?* R. Est quædam præsumptio, quâ quis vult experiri de DEO per media incongrua, & aliena ab ejus Providentia.

Q. *Quotuplex est?* R. 2plex, *Explicita*, cùm quis vult aliquid agere, vel expectare per miraculum. Et *Implicita*, cùm non vult adhibere media ordinaria absq; peculiari S. Spiritûs instinctu ad aliquem obtinendum effectum, ut si quis nollet in infirmitate adhibere medicinam, vel monita salubria audire, dicens se in DEO sperare.

Q. *Quæ vitia spei Christiana opponuntur?* R. Duo: *Desperatio*, dum quis de misericordia DEI, remissione peccatorum, & vitâ æternâ obtinendâ desperat. Et *Præsumptio*, dum quis existimat se fore salvandû propter Christum, quamvis præcepta ejus non observaret. Et hæc dicuntur peccata contra Spiritum S.

De Charitate DEI.

Q. *Quid est charitas?* R. Est virtus supernaturalis, quâ DEUS propter se diligitur, proximus verò propter DEUM.

Q. *Quot sunt præcepta charitatis?* R. 2. Universalia: Diliges Dominum DEUM tuû ex toto corde tuo, ex tota mente tua, hoc est primum & maximum mandatum, secundum verò simile huic: Diliges proximum sicut te ipsum.

Q. *Quotuplex est amor DEI?* R. *Appretiativus*, qui consistit in æstimatione infinitæ bonitatis DEI, sicut quando homo æstimat omnia respectu DEI esse nihil, & paratus est perdere omnia pro amore DEI, si id DEUS exigeret. Et *Intensivus*, qui consistit in vehementi affectu, ut si quis videtur ardere, & ferri in DEUM amore tali, sicut Filius in Parentes.

Q. *Quo amore tenemur amare DEUM?* R. Saltim amore appetitativô. Dixi saltim quia licet convenientissimum esset amare DEUM etiam amore intensivô, ut multi amârunt in hac vita Sancti, interim non est præceptum de hoc eliciendo amore; nam spectatâ fragilitate humanâ, & spectatô statu modernæ vitæ, in quo majore affectu ferimur in sensibilia, quàm spiritualia, ideo impletur præceptum Divinum, quando



quando amamus DEUM amore appretiatiuō.

Q. Quotuplex est præceptum amoris DEI?

R. 2plex. *Negativum*, quod obligat semper pro semper, ita ut nunquam liceat bonū creatum magis appretiare, quàm DEUM. Et *Affirmativum*, quod obligat: 1. dum adepti sumus rationis usum. 2. Cum ex tentatione periculum imminet, ne in odium DEI aliquis labatur, nisi actum amoris eliciat. 3. Quoties quis vult elicere cōtritionem. 4. Quoties nobis occurrunt Beneficia Divina. 5. Sæpius in vita, maxime in articulo mortis.

Q. Quæ vitia sunt opposita Charitati Divina?

R. Omne quidem peccatum est contra charitatem DEI; Interim directè & formaliter opponitur odium, & contemptus DEI.

Q. Quotuplex est DEI contemptus, qui opponitur amoris DEI? R. 2plex: *Formalis* est, qui directè contemnit honorem, amorem DEI & dignitatem ejus. Et *interpretativus* est, quando quis non contemnit quidē DEUM, sed tantum talem actionem facit, quæ in se DEI contemptum continet. Talis contemptus est omne peccatum mortale, quia omnis, qui peccat, cō ipso videtur contemnere præcepta DEI, consequenter ipsum DEUM.

De Charitate Proximi.

Q. Post DEUM in terris quem diligere debemus? R. Nosmetipsos, & nostrum proximum.

Q. Quis est noster proximus? R. Omnis homo beatitudinis capax sive fidelis, sive infidelis, sive amicus, sive inimicus, sive Christianus, sive Judæus. Possumus in Judæo infidelitatem odio habere, non tamen ipsum Judæum.

Q. Quomodo peccatur contra charitatem in nosmetipsos? R. 1. Per excessum quando nos nimis amamus, quod tunc fit, quando DEO nos præferimus. 2. Per defectum, quando nos non satis diligimus, quod fit, quando salutem nostram, sive temporalem, sive spiritualem negligimus.

Q. Quomodo peccatur contra charitatem in proximum? R. 1. Inordinate eum diligendo. 2. Malum ipsi optando, vel desiderando. 3. In necessitate præsertim extrema non subveniendo. 4. In corpore vel anima, honore, fama, vel aliis rebus temporalibus eidem nocendo.

Q. Quando sub mortali tenemur succurrere proximo? R. In gravi & extrema necessitate.

Q. Quotuplex est necessitas proximi? R. 3plex: Communis est, quâ laborant hospitales,



tales, pauperes communes. *Gravis*, quam patitur qui sunt in periculo-gravis mali. *Captivatis*, quibus si non succuratur, infallibiliter pati deberent captivitatem, iacturam honoris, & status. *Extrema* est, ex qua imminet periculum vitæ aut diuturni morbi. In gravi verò & extrema necessitate tenetur quisq; sub mortali peccato proximo succurrere, si potest.

*Q. Ex quibus bonis tenemur Eleemosynā dare?*

*R.* Ex propriis bonis superfluis. Interimplex est Eleemosyna. *Bona*, quæ datur ex bonis superfluis. *Melior*, quæ ex necessariis. *Optima*, & maximè placens DEO, quæ datur à paupere.

*Q. Quis ordo in dilectione servandus est?* *R.*

Si extra extremam necessitatem succurrendum sit. 1. Uxori quia una est caro cū viro. 2. Filiis & Parentibus & Patri præ Matre. 3. Fratribus, Sororibus, deinde propinquis & familiaribus. In extrema autem necessitate Parentes, eo quod vitā dederint, sūt præferendi filiis. In rebus pertinentibus ad civilem communicationē, præferendi sūt concives; in Bellicis, Cō. militones. In spiritualibus Patres & Fratres spirituales. Imò etiam Parentes in spiritualibus præferendi sūt: quia ima conjunctio carnalis est fundamentum aliarū conjunctionum.

*Q.*

*Q. Quomodo tenetur homo ad succurrendum proximo in extrema necessitate spirituali existenti?*

*R.* Si sit spes certa juvandi & non possit alia via juvari, neq; sit damnum proprii boni Spiritualis, tenetur cum periculo vitæ suæ, quia damnum Spirituale prævalet omni damno temporali: Unde tenetur quisq; infantem baptizare, absolvere pœnitentem, quem scit certè moriturum, cum proprio vitæ periculo.

*Q. Ad quid obligat charitas erga inimicum?*

*R.* Ex præcepto obligat, ut homo communia signa & beneficia exhibeat inimico: Specialia vero solum ex consilio, nisi obligatio aliunde oriatur vg. ratione scandali. Unde si mihi occurreret amicus & inimicus mihi æquales, & unum salutarem non salutato alterò, peccarem, quia ostenderem manifestum signum odii.

*Q. An teneatur quis inimicum suum salutare, si prœvidet, quod inimicus non sit resalutaturus?*

*R.* Si sit moraliter certus, quia jam vg. illum semel salutavit, ad nihil tenetur, quia sic posset dare incendium majoris inimicitiae. Peccaret tamen graviter, si inimicum se salutantem non resalutet, sic enim monstraret manifestè odii signum.

*Q. Quid de superioribus in hac materia dicendum?* *R.* Illi excusantur à peccato, si imperfecto, indisciplinato subdito nō tane-



tum signa specialia, sed etiam communia denegent, imò vultum asperum ostendant: quia ista signa non sunt odii, sed medicinalia. Hoc ipsum dicendum de Patre & Matre respectu Filiorum. Si tamèn destinat esse superior, & talia signa aversionis demonstret, erit signum privati odii.

Q. Quomodo offensus poterit sine peccato offensorem accusare, & penam velle apud Superiorem? R. Si id non fiat animo vindictæ, sed animo satisfactionis suæ offensæ, & ut mala impunita ulterius non crescant, ac alii similia vitent.

§. 14<sup>us</sup>.

De Fraternali Correctione.

Q. An extat præceptum correctionis Fraternalis?

R. Affirm: Eccl: 19. & 2. Thets: 3. Et Matt: 18.

Q. Quomodo hoc præceptum obligat? R. Sub mortali ad corripicendum proximum de quavis culpa mortali non emendata, quia sub mortali tenemur succurrere proximo extreme, & graviter corporaliter indigenti, multo magis spiritualiter indigentii. Com. DD.

Q. Quos obligat hoc præceptum? R. 1. Omnes & singulos etiam æquales, inferiores laicos, peccatores, quando utiliter corripere possunt sine suo gravi damno.

R. 2. Prælati & Superiores magis obligantur,

gantur, quia omnis superior duplicem Personam agit. Unam ut est particularis, Alteram ut est Persona communis. & sic pollet triplici correctione, Fraterna ut Frater; Judiciali, ut Iudex & se larum vindex quo ad forum externum: Et correctione Paterna, ut Pater quo ad forum internum. 3. Inferior potest, & tenetur Frater corrigere superiorem seu Praelatum secreto modeste, & reverenter. Ita definitur Cap: sicut 2. 7. 9.

Q. Ut hoc praeceptum obliget qua requiruntur? R. Sequentia. 1. Ut proximus prudenter judicetur peccasse, vel esse in proximo periculo peccandi. 2. Ut sit periculum ne relabatur, vel permaneat in peccato, & ut putetur non aliter facile emendandus. 3. Ut sit probabilis spes emendationis. Ut non sit alter magis idoneus, vel dignitate, aut aetate superior, qui commodius possit, & velit corrigere. 4. Ut opportunò tempore fiat, quando scilicet fructus probabiliter sperari possit.

Q. Si quis de fructu dubitet, vel certo scias obfuturum non esse, teneturne corrigere? R. Affirmo quia sicut in morbo corporali, ita & in spiritali remedium, quod non est obfuturum adhiberi debet in dubio an sit profuturum, si nullum certius adsit.

Q. Si verò quis dubitet, non modo sitne profuturum.



*futura correctio, sed etiam num sit nociura?*

R. Eam tunc omittere potest, quia cum correctio ad emendationem ordinetur, fieri non debet, cum æquè imminet peccatum proximi ac ejus emendatio.

Q. *Quid est invidentia fraterna charitatis?*

R. Quando quis non solum invidet Personæ Fratris, sed etiam invidet gratiæ DEI crescenti per Fratrem in mundo.

§. 151us.

De Purgatorio.

Q. *Quid in hoc nomine Purgatorii intelligitur?*

R. Locus tertius præter Cælum & infernum, ubi animæ in DEI gratia de corpore solutæ, adeoq; in æterna gloria locandæ, ad tempus continentur, donec poenam temporalem, quam in hoc mundo promeruerunt, exsolvant, aut per orationes nostras, aliq; pietatis officia seu opera liberentur.

Q. *Constatne ex Scriptura defacto dari talem tertium locum?* R. Constat vg. Matt: 5. 25. *Esto consentiens adversario tuo citò, dum es in via, ne forte in carcerem mittaris: Amen dico tibi non exibis inde, donec reddas novissimum quadrantem.* Hoc Christus Dominus certè non de inferno dixerat, inde enim nullus exibat, inde nulla redemptio, nulla solutio, igitur de Purgatorio.

Q. *Utiq; hic non invenitur ista vox Purgatorium?*

torium? R. Minus est de voce, modò res ipsa habeatur

Q. *Quid praterea?* R. Cor: 3. 15. inquit S. Paulus: *Ipse autem salvus eris sic tamen quasi per ignem.* Quem textum SS. PP. in primitiva Ecclesia interpretati sunt de Purgatorio, uti S. Aug: l. 20. hom: 16. S. Hieron: in Cap: Amos. S. Ambr: in Pl: 18.

Q. *Credibilene Ministros Hæreticorum præfatam Scripturam melius intelligere?* R. Nunquã: cum præfati SS. Doctores interpretationem Sacræ Scripturæ, & doctrinam suam etiã sanctissimã vitã, & innumeris iisq; apertis miraculis confirmaverint.

Q. *Quomodo adhuc ex Scriptura Purgatorii veritas declaranda?* R. 1. Tam in Novo, quàm in Veteri Testamento consuetudo fuerat orare, aliãq; pietatis opera facere pro mortuis. Et sic 1. Cor: 15. 29. inquit S. Paulus: *Alioquin quid facient, qui baptizantur pro mortuis, si mortui non resurgunt?* Ut quid baptizantur pro illis? quod autem per baptizari intelligatur in præsentì aliquid pati, evidenter colligitur ex verbis sequentibus: *Ut quid & nos periclitamur omni horã &c.*

R. 2. 2. Reg: 1. 12. Jejunavit David mortuò Saul & Jonathã, nec solum in signum mæroris, verum etiam devotionis intendendo opitulari animabus eorum. Sicut quoq;

2. Reg:



2. Reg: 12. 16. impetrandi gratia jejunium instituerat: *Deprecatus est David Dominum pro parvulo & jejunavit jejunio.* 2. Mach: 12. 46. *Sancta & salubris est cogitatio pro defunctis exorare: &c.* asseverat Scriptura dari Purgatorium.

Q. Pastores Dissidentium contradicentes, libros Mach baorum non accipiunt pro Canonicis? R. Consuetudo, illos libros, unde evidentissimi textus adversum se citari possunt eliminandi ex Scriptura, non est argumentum, quod rectè sentientes convincere valeat. Insuper nemo prudens negare potest Historicos esse fide dignissimos; ex quibus patet evidentissimè inter fideles veteris Testamenti consuetudinem fuisse; orare pro defunctis.

Q. Quid ex citatis S. Scriptura textibus inferitur? R. Quòd omninò detur 3tius loco post hanc vitam, ubi existentibus animab9, oratio nostra utilis sit atq; salutaris. Et sufficit; de nomine nulla lis.

Q. Qualis fuerat consuetudo apud Christianos in primitiva Ecclesia? R. Orare, offerre Sacrificia, aliaq; bona opera pro defunctis. Teste S. Aug: Hier: &c.

Q. Quid de iis Pastoribus Dissidentium sentiendum, qui veritatem hanc non solum oppugnare, (prout & ceteri) verum etiam jocos & ludibria de purgatorio struere consueverunt? R.

Ejusmodi

Ejusmodi hominum consuetudo est, ut illas fidei veritates, quas argumentis non valent, saltem contemptu, & ludibrio populo exosas reddant.

Q. *S. Scriptura duplicis solum post obitum nostrum loci claram mentionem facit?* R. 2pfi cis loci æterni; præterea tamen 3tium ad tempus solum duraturum esse admittendū, nemo ambigere potest.

Q. *Eccles. 11. 3. habetur: Si ceciderit lignum ad austrum aut aquilonem, ibi erit?* R. Hic textus ineptè contra nos adducitur, præsertim cum etiam animæ illæ, quæ Purgatorio ad tempus addicuntur, non ad aquilonem æternæ damnationis, sed potius ad meridiem infallibiliter æternæ beatitudinis cadant; Quemadmodum etiam animæ SS. PP. veteris Testamenti, quæ in limbo Xti adventum præstolabantur.

De Inferno.

Q. *Quid est Infernus?* R. Est carcer terribilis subterraneus iis destinatus, qui lethalis peccati obnoxii impenitentes vitam decedunt, ubi æternis pœnis cruciantur. CC. DD.

Q. *Quotuplex est pœna Infernalis?* R. 2plx. Pœna damni, per quam damnati carebunt beatificâ visione DEI. Alia pœna sensûs, per quam propter conversionem ad creaturas ab iisdem tormenta sensibilia patientur.



Q. *Damnati torquentur ab igne materiali, verè & proprie Physico seu corporeo?* R. Affir; Qui ignis virtute Omnipotentis DEI ita intenditur, & elevatur, ut spiritualement attingat, & urat substantiam, perpetuò durans nulloq; indigens populo, idest (Lignis, &c.

Q. *Estne damnatorum omnium aequalis cruciatus?* R. Non; sed qui plura perpetrarunt peccata, magis torquendi sunt. Math. 16. 27.

§. 16tus.

De Requisitis ad Subdiaconatum.  
Quæ superius dicta sunt de Requisitis ad Ordines: *Intentione, Materia, & Forma*: hæc nunc revocentur & videantur. Cap. 3. §. 9.

Q. *Requiriturne certa ætas ad validè suscipiendos Ordines SS?* R. Non, sed tantum ad licitè suscipiendos.

Q. *Episcopus potestne dispensare in ætate tam ad Ordines, quam ad beneficii assentionem?* R. De licentia Papæ potest.

Q. *Materia Ordinum majorum à quo debeant necessariò tradi ordinando?* R. Juxta communem sensum, & praxim sub nullitate debent tradi ab ipso Epopo: Ordinante.

Q. *An majores Ordines validè conferantur per saltum?* R. Validè præter Presbyteratū quo ad potestatem absolvendi, sine potestate

state consecrandi, & præter Episcopatum sine Sacerdotio.

Q. Possuntne eadem die conferri duo Ordines?

R. Omnes 4. minores Ordines possunt; etiam ex rationabili causa cum Subdiacónatu conferri. *Vasq; Hur. Palao. apud Burgra.*

Q. An duo majores Ordines possint conferri eadē die? R. Non, Trident; Sess. 23. cassat quò ad hoc omnia privilegia in contrarium concessa.

Q. Qua dicuntur interstitia? R. Tempus, quod debet intercedere à susceptione unius Ordinis ad alterius susceptionem.

Q. Quantum tempus requiritur à susceptione unius Ordinis ad alterius susceptionem? R. Annus integer.

Q. In servandis interstitiis attendendusne annus Mathematicus, id est integer quò ad diem?

R. Non attenditur annus Mathematicus, sed secundum morem Ecclesiæ v.g. à 4. temporibus præcedentis ætatis ad 4. sequentis ætatis.

Q. Qui non servat interstitia ab Ecclesia statuta, quam penam incurrit? R. Suspenditur

ab executione posterioris Sacri Ordinis, si malâ fide, & sine dispensatione Episcopi suscepit. Qui deinde si ministret in Ordine, sit irregularis à solo Papa dispensandus, si delictum sit publicum; si occultum? Eppus dispensare potest. *Nav.*



Q. *Quisnam potest dispensare in Interstitiis?*  
R. Eppus quò ad suos subditos existente rationabili causa.

Q. *Quibus temporibus Ordines SS. conferri possunt?* R. Ordinariè conferri possunt his temporibus scil: Sabbathis 4. temporum, Sabbatho ante Dominicam Passionis, & Sabbatho Sancto, nisi Eppus habeat gratias à Sede Apostolica.

§. 17<sup>mus</sup>.

De Ordine Subdiaconatus.

Q. *Quid sibi vult nomen Subdiaconi?* R. Idem ac Subminister, cùm Sacerdotis Ministro, id est Diacono, administat.

Q. *Quid est Sub-Diaconatus?* R. Est Ordo Sacer, per quem datur ordinato 2plex potestas altera primaria scil: interviendi Diacono in Missa Solemni, quò ad præparationem Vasorum Sacrorum: Altera legendi solemniter Epistolam in Missa Solemni.

Q. *A quo? & quando institutus est hic Ordo?*  
R. à Christo in ultima Cæna, quando præparavit materiam Eucharistiæ.

Q. *Fuitne hic Ordo præfiguratus?* R. Affir: 1. Exod: 2, & 1. 2. c. 6. ubi Levitarum Ministri ponuntur: nam Hypodiaconi Ordo ex Rabano & Isid: in Novo Testamento respondet Nathinæis in Templo humiliter servantibus. Ex L. Esdr: c. 8. & à Davide dati dicuntur ad Levitarum ministeria.

teria. Ex Iſid: l. 7. & ex horum Ordine  
centent fuiſſe Nathanàelem.

Q. *Quotuplex eſt materia huius Ordinis?* R.  
Remota eſt 2plex. Calix vacuus, cum Pa-  
tena vacua, & Liber Epistoliarum. Proxi-  
ma autem eſt harum traditio ab Episcopo.  
Sufficit calix non consecratus. Sotus & 4.  
alii. Forma verò Subdiaconatûs, sunt ver-  
ba ab Episcopo prolata in traditione ma-  
teriæ.

Q. *In quo actu imprimitur Character Sub-  
diaconatûs?* R. In traditione Calicis vacui  
& Patenæ, tanquam principalioris materiæ.

Q. *Cur Subdiacono non confertur Character  
porrectione libri Epistoliarum, sicut confertur Dia-  
cono in traditione libri Evangeliorû?* R. Quia  
Evangeliorum traditio eſt multò excellen-  
tior, eò quod Diaconus nō ſolū canere,  
ſed etiam Evangelium prædicare poteſt, ſi  
attendamus tantū ad ius Divinum.

Q. *In ultima Cena non erat liber Epistoliarû,  
quemodò potuit Chriſtus instituere hunc Ordinem  
deficiente ejus materia?* R. Chriſtus pro ma-  
teria Ordinis ſtatuit in genere intrumē-  
tum aptum ſignificare poteſtatem Spiritua-  
lem, quæ per Ordines confertur: Eccleſia  
verò determinavit ſpeciem Sacramenti,  
quod pro temporum & locorum varietate  
magis exprimere poſſit huiusmodi ſpiritu-  
alem poteſtatem.

Q. 3



*Q. Si loco libri Epistolarum aut Evangelii tangendus alius liber traderetur, essetne validè ordinatus?* R. Affirm: quò ad imam potestatem: Quò ad 2dam distinguo, si contineat Epistolas uti Biblia, Missale, Breviarium validè esset ordinatus etiam quò ad 2dam potestatem; si tradatur liber Epistolas non continens? non esset ordinatus.

*Q. Si traderetur ordinando solus Calix, vel sola Patina, essetne validè ordinatus?* R. Probabilius quod non; quia traditio illa refertur ad utramq; partem Sacrificii scilicet Corporis & Sangvinis, ideoq; utriusque vasa dari debent. Si ordinando daretur Calix cum Vino, & Patena cum Hostia? validè ordinaretur, quia materia per præsentiam Vini & Hostiæ non vitaretur.

*Q. Subdiaconus majori excommunicatione irritus, si exerceat solemniter actum sui Ordinis an incurreret Irregularitatem?* R. Affirm: secus si tantum minori excommunicatione innodatus existat, vel si laboret ignorantia crassa. Subdiaconum autem sui Ordinis actum exercentem in peccato mortali peccare mortaliter alii affirmant, alii probabilius negant, cum nullum conficiat Sacramentum.

*Q. Quenam vestis est propria Subdiacono?* R. Vestis propria distinctiva à cæteris Ordinibus est manipulus in brachio sinistro,

qui

qui significat fructum bonorum operum.

Q. Quid significant alie vestes, quibus induitur Subdiaconus? R. Amictus seu humerale significat fortitudinem ad exequenda Officia Divina, quibus mancipatur; Alba significat puritatem vitæ; Cingulus representationem carnis; tunicella tunicam justitiæ.

Q. An possunt Clerici legere Epistolam, qui non sunt Subdiaconi? R. Non possunt solemniter, hoc est cum manipulo & ex officio.

Q. Quod est Officium Subdiaconi? R. Epistolam in Missa canere: Diacono Panem & Vinum porrigere: Pallas, Corporalia, &c. abluere.

Q. An ommissio alicujus Ceremonie in Ordinatione sit supplenda? R. Si sit essentialis, & dependens à forma substantiali ordinationis? non solum ipsa est supplenda, sed repetenda tota Ordinatio saltem sub conditione. Si verò accidentalis? Sufficit illam solum supplere, & quidem privatim, si ommissio fuit occulta, aliàs in publico, si fuit publicus defectus.

§. 18vus.

De Titulo.

Q. Quæ requiruntur in Ordinando in Subdiaconum? R. Præter dicta ubi de minoribus Ordinibus requiritur insuper Titulus.

Q. Quid est Titulus? R. Est quædam provisio perpetua ad honestè sustentandam vitam



vitam Clericalem, quò ad victum & amictum.

*Q. Cur Ecclesia statuit ut habeatur Titulus?*

*R. Ne ordinatus cogatur mendicare cù Ordinis dedecore, aut inconvenientem ar-  
tom exercere.*

*Q. Quam pœnam incurrit suscipiens per frau-  
dem Ordinem Sacrum sine Titulo?* *R. Fit su-  
spensus ipsò factò ab Ordine sic suscepto,  
& superiori suscipiendo, cujus dispensatio  
Pontifici reservata est, neq; eum ignoran-  
tia juris excusat. Syl. Bon.*

*Q. Quotuplex est Titulus?* *R. Triplex:  
Beneficii, Patrimonii, & Paupertatis, id  
est, ordinari potest, qui Beneficium ali-  
quod obtinuit; vel qui honestè de suo Pa-  
trimonio vivere potest; vel qui professus  
est in aliqua Religione.*

*Q. Titulus Seminarii estne sufficiens Titulus?*  
*R. Si est permanens, vel saltem durans  
donec Ordinandus aliunde sit provilus?  
sufficit.*

§. ignus.

*De Obligationibus Subdiaconi.*

*Q. Quæ sunt obligationes Subdiaconi?* *R.*  
*Principales sunt tres: 1. Servandi castita-  
tem. 2. Recitandi horas Canonicas. 3.*  
*Deferendi Habitum, & Tonsuram.*

*Q. Estne gravis obligatio Clericis beneficiatis  
deferendi Habitum & Tonsuram?* *R. Sub mor-  
tali obli-*

tañ obligantur, quia id sub gravibus pœnis præcipitur in Canonibus quò ad utrumquè.

Q. *Nonne hi aliquando excusantur?* R. *Affirm;* vg. ad tuendam vitam, honorem, divitias, &c. *Item* Si quis ita pauper sit, ut careat decenti habitu. Ratione infirmitatis Tonsuram relinquens, pariter excusatur.

Q. *Unde oritur obligatio servandi castitatem?* R. *Ex voto solenni castitatis, quod à Subdiacono juxta Constitutionem Ecclesiæ emitti debet in sui ordinatione.*

Q. *Debetne hoc votum explicitè emitti?* R. *Sufficit, quod emittatur implicitè, nempe hoc ipso, quod quis vult Sacrum Ordinem, implicitè vult obligationes annexas; Tale est votum Castitatis.*

Q. *Hec obligatio viginie semper in Ecclesia?* R. *Initio nascentis Ecclesiæ non fuit observata in Ecclesia orientali, quia ob paucitatē Fidelium & Ministrorum Domini, Sacris initiabantur etiam Uxorati, at in Ecclesia occidentali à tempore Apostolorum semper observata fuit. Bellarm.*

Q. *Suscipiens S. Ordines, ignorat obligationem perpetua continentia esse annexam, an esset immunis ab ea?* R. *Non; quia votum est accessorium Ordini S. tanquam principali, qui autem vult principale, vult etiam accessorium, nisi contrariam intentionem habuerit. Sanc. Regi.*

Q. *Quale peccatum committeret Subdiaconus violans*



*violans castitatem?* R. Unico actu committeret duo peccata, contra votum, & esset sacrilegium; & contra virtutem castitatis, & esset fornicatio, vel adulterium.

*Q. Subdiaconus teneturne ab Episcopo assignatum Nocturnum sub mortali absolvere?* R. Affirmant Dia. Bon. sed tam severa obligatio non agnoscitur adesse nec ex jure, nec ex Pontificali San. Tambo.

§. 20mus.

De Voto.

*Q. Quid est Votum?* R. Est promissio facta DEO de liberate de bono possibili, & meliore.

*Q. Quo differt Votum à proposito?* R. Per hoc 1. Quia votum obligat voventem sub peccato, non sic autem propositum. 2. Quia votum est semper de meliori bono, Propositum autem potest esse aliquando de minori bono, ut dum quis proponit non servare virginitatem, & nubere.

*Q. Quotuplex est Votum?* R. Est 2plex: Solemne, quod fit per Professionem Religiosam, vel per receptionem Subdiaconatus. Et simplex, quod fit sine dictis solemnitatibus spontanea voluntate, & privatim.

*Q. Quae est differentia inter dicta vota?* R. unum vertatur ordinariè solum circa castitatē, paupertatem, & obedientiam. 2dum autem extendit se ad omnem materiam bonā. unum est indispensabile, & potest tantum declarari in ali-

in aliquibus circumstantiis non tenere, *adum*  
verò potest dispensari.

Q. *Quomodo adhuc dividitur votum?* R. Aliud  
est *expressum*, quod verbis discretis exprimitur.  
Aliud *tacitum*, quod eo ipso fieri censetur,  
quo voluntariè aliquid agitur, ut assumptio  
Ordinis S. tacitè complectitur votum castita-  
tis. Aliud est *absolutum*, aliud *conditionatum*,  
quod patet ex terminis.

Aliud *personale*, quò promittitur aliquid,  
quod personam voventis attinet, ut peregrina-  
tio, jejunium, *Reale*, quò res aliqua DEO  
promittitur ut Eleemosyna, census. Aliud  
*mixtum*, quò utrumq; promittitur. Aliud *pœ-*  
*nale*, quod sit in pœnam alicujus delicti, ut  
si quis dicat si non abstinuero ab hoc vitio,  
distribuam 5. vel 10. aureos pauperibus.

Q. *Qui licitè potest vovere?* R. Homo viator  
qui est sui juris, & habet usum rationis.  
Vovere non possunt licitè impuberes, conju-  
ges, servi perpetui, Filii sub tutela Parentum  
existentes, si materia voti sit in præjudicium  
conjugis, Superioris vel Parentum, ad pu-  
bertatem requiruntur, in Masculis anni 14.  
in Fœminis 12.

Q. *Quæ requiruntur ad votum?* R. Intentio,  
deliberatio, & libertas perfecta.

Q. *Quæ sunt conditiones necessariae ad votum?*  
R. Possibilis, non vana, bona, meliori non  
contraria.



*Nota:* Votum contrahendi Matrimonium non semper erit validum, quia votum est promissio melioris boni, Celibatus autem est dignior Matrimonio, nisi per accidens v.g. si speretur maxima utilitas Reipublicæ. 2. Si sequeretur notabilis conversio infidelium. 3. Si Matrimonium sit in præcepto ut si quis corrupta Virgine, & fide illi datâ de Matrimonio contrahendo, voveat.

*Q. Qualiter obligat votum?* R. Juxta quantitatem materiæ quæ promittitur, & juxta intentionem voventis, si est materia gravis? graviter obligat; si levis? leviter. Si quis se obligat sub mortali peccato? tenetur implere sub mortali; si sub veniali? tenetur sub veniali; si in perpetuum? in perpetuum tenetur.

*Q. Qui nō implevit tempore præfixo, obligaturne post adimplere votum illud?* R. Peccat, sed probabilius est, quod non obligetur, nam obligatio annexa tempori & diei finita est cum tempore, & die. *Sua. Bon. Ec.*

*Q. Si quis metu mortis vel gravis malæ ab alio sibi incussæ voveret, valetne?* R. Non, quia vovit coactus, non libere. *Tolet.*

*Q. An potest esse voti obligatio levis, quamvis materia sit gravis?* R. Affirm.

*Q. An validum votum illius, qui malum voveret v.g. voveo te occidere?* R. Non, & quidē qui mortale voveret? peccat mortaliter, qui autem veniales?

Veniale? eum venialiter peccare dicitur.  
Sua Syl.

Q. An votum personale possit impleri per alium?

R. Non, unde qui vovit peregrinationem  
vg. Romam, non satisfacit si alium mittat,  
neq; ad id tenetur, si ipse non possit, Suar:  
Ec. Reale autem votum potest impleri per  
alium.

Q. An ad valore voti requiritur ut omnes omnino  
difficultates expendat, quas postea vovens experitur  
in executione voti, quas si antea perspectas habuisset  
non vovisset? R. Non; alias vix daretur votum  
validum, cum vix inveniretur vovens, qui  
non experiatur in executione voti aliquas  
difficultates. Nec etiam requiritur, ut vo-  
vens sit liber ab omni omnino iracundia vel  
concupiscentia motu, vel etiam levitate,  
quando passio non est tanta, vel levitas, ut  
rationis usum ad peccatum mortale, insufficien-  
tem tollat. Fernand.

Q. An votum alienum obligat aliquem tertium?

R. Non, hinc vg. Filius à Patre Religioni  
devotus, non tenetur vi voti Paterni ingredi  
Religionem, nisi idem votum ipsemet filius  
ratificet.

Q. Quid notandum venit circa errorem in fine  
voti? R. Finis voti 3plex est: imo Communis  
omnibus votis: Est Divinus cultus & honor,  
qui si deficiat? votum est irritum.

2do Specialis, qui est intrinsecus materie  
promissæ.



promissæ. & si hic deficiet? mutatur objectum promissum, & consequenter cessat promissio, si vg. videns aliquem in lacera veste, voverem dare Eleemosynam, sed quia rescivi eundem non esse pauperem, non teneor, quia finis intrinsecus Eleemosynæ, est sublevatio alienæ miserix, quæ hic non erat.

3tio. *Extrinssecus est finis*, qui per votum intenditur obtineri, ideoq; si per votum obtineri nequit? votum cessat.

Q. *Pro resolvendis dubiis circa vota, quæ servare possunt regule?* R. 1. Indubio melior est conditio possidentis, & probabilius etiam si propendeat in votum factum? 2. Obligationes gratuitæ sunt potius restringendæ quàm ampliandæ. 3. Dubitans an plus? an minus? tenetur tantum ad minus.

4. Si post breve tempus postquam vovisse, dubito, an voverim vel non, possum me iudicare non vovisse, quia non tam facile & cito obliviscimur magnæ alicujus promissionis.

5. Si verba quibus usus sum non significent ex se votum? non præsumor vovisse, quod si significant? tenebor ad votum. Item cessante causâ finali, ac principali voti, cessat quoq; obligatio ejus vg. si voveret quis peregrinationem pro impetranda sanitate filii, & ipse moriatur, utiq; Parens ad nihil obligabitur, quia jam cessabit finis propter quem emisit votum.

Q. *Quæ*

Q. Quos modis tollitur obligatio voti? R. 1. Materię mutatione, ut si materia antea honesta, fiat turpis, vel impeditur a majoris bonificatione novæ circumstantiæ, vel prohibitionis, vel si fiat impossibilis absolute, vel moraliter, vel desitione conditionis, à qua pendeat. 2. Interventu auctoritatis humanæ, idque tripliciter Imitatione, Commutatione, vel Dispensatione.

Q. An valeat votum cujus materia partim possibilis partim impossibilis est? R. Votum obligat quò ad partem possibilem, si talis hujusce voti materia est, ut dividi possit & soleat. Sic si quis vovit 100. aureos, & non habet? tenetur dare 10, si possit dare. 2. Si verò partes materiæ non divisim sed collectivè promissæ sunt, nulla remanet obligatio, si earum pars altera fiat impossibilis, quia vovens non intendit ad unam se obligare sine altera: Sic qui vovet ædificare Ecclesiam, si sola fundamenta Ecclesiæ possit jacere? ad nihil tenetur, quia censetur ædificium totum vovisse per modum unius. Seu potius in tali casu, nisi aliud ferat intentio illius specialis, qui vovit, sequenda est pars tutior vel recurrendum est ad Episcopi judicium.

Q. Si quis votū prioris immemor aliud emiseric cum priore incompatible, ut votum serviendi infirmis eā die, quā peregrinationem voverat, quid faciendū? R. Votum quod est de re meliori servandum est.



est, quod est validum, cum liceat ipsi vovendi votum in melius commutare. Si verò posterius votum est de æquali bono? adhærendum est priori, quia votum prius in aliud æquale mutari nequit. Si verò dubitetur an posterius votum sit de bono meliori? idem est dicendum, quia possessio stat pro voto prius emissio. Collet.

Q. *An votum de vitando omni prorsus peccato mortali sit de materia, quæ homini sine speciale privilegio possibilis est?* R. Affirm: Hæc tamen vota non facile consulenda sunt.

Q. *An votum omnia venialia peccata vitandi sit validum?* R. Videtur non esse validum, non enim valet votum, nisi acceptetur à DEO, non acceptatur autem votum inutile, & nocivum.

Q. *Votum emissum sub turpi conditione de futuro valetne?* R. Non, nisi conditio intelligatur in sensu pœnali. Sic non valeret hoc votum: voveo Eleemosynam, si vindictam sumpsero, vel si furatus fuero feliciter bovem. Valeret autem: voveo Eleemosynam si forte eo usq; miser sim ut furto, vel fornicationi consentiam.

Q. *An qui prævitet fore ut præfixâ die votum implere nequeat, debeat tempus prævenire?* R. Si Votum certæ diei est affixum in honorẽ ejus necesse non est prævenire, quia tunc erit

[votum]

votum de re prout tali tempore facienda.

§. 21mus.

De Irritatione & Commutatione Voti.

Q. *Quid sit Irritatio Voti?* R. Est annullatio quædam facta à Superiore inferiori personæ, quæ facit ut Votum non sit obligatorium.

Q. *Per quid differt Irritatio à Dispensatione?* R. Irritatio est ablatio obligationis facta nomine proprio per potestatem dominativam in Personam voventem, aut in rem de qua sit votum. Dispensatio verò est ablatio obligationis facta nomine alieno, scilicet DEI, qui potestatem jurisdictionis dat quibusdam in Ecclesia ad tollendam, ubi causa est, voti obligationem.

Q. *In irritatione requiriturne aliqua causa?* R. Non, sufficit enim sola voluntas irritantis ad sublationem voti, & si juxta nonnullos peccat, qui sine causa irritat.

Q. *Qui potest irritare vota?* R. Pater filiorum, Superior suorum Religiosorum, Maritus Uxoris vel è contra, si vota sint cum præjudicio dictorum, nam talia vota ex juris dispositione hanc tacitam habent annexam conditionem, nisi Superior contradixerit, vel cujus interest.

Q. *Quid est commutatio?* R. Est materiæ voti autoritate propriâ in id quod manifestè melius,



melius, & DEO gratius est, conversio.

Q. *Quis potest commutare vota?* R. Ipse vovens potest propriâ autoritate mutare votum tantum in manifestè melius. vg. votum Matrimonii in votum Religionis. Episcopus autem potest commutare in materias æquales.

Q. *Quid debet Confessarius attendere habens facultatem commutandi votum?* R. Quod res, in quam votum permutat, aliquomodo sit similis rei voto promissæ, non potest fieri commutatio in opera, ad quæ quis ex præcepto tenetur. *Les.*

Q. *An omnia vota suorum subditorum Episcopus commutare potest?* R. Existente causâ potest; Exceptis 5. votis, quæ soli Papæ reservantur, scilicet: Votum intrandæ religionis, castitatis perpetuæ, peregrinationis Compestellam, Hierosolymam, & Romam.

Q. *Ad votum castitatis, ut sit reservatum Pontifici, quæ requiruntur?* R. 1. Votum tale debet esse perpetuum, perfectum, & absolutum omnimodæ castitatis. Hinc reservatum non est votum castitatis conditionatum, vg. voveo castitatem, si Pater morietur; vel ad certum tempus emissum, nisi esset vg. ad 100. annos, quia haberetur pro perpetuo. 2. Non est reservatum votum, non fornicandi, non nubendi, non petendi, nec reddendi debitum, non tangendi mulierem lascivè: Votum suscipiendi SS. Ordines, seu Sacerdotii. *Sa.*

*Int.* In dictis ergo votis potest vel commutari, vel dispensare Episcopus.

§. 22dus.

De Dispensatione Voti.

*Q.* Quid est Dispensatio? *R.* Est obligationis voti, Nomine DEI, per Superiorem cū iusta causa facta condonatio.

*Q.* Quis potest dispensare in votis? *R.* Papā in quocūq; voto etiam solemnī Religionis. Episcopus potest in votis simplicibus Papæ non reservatis.

*Q.* Ergo sū illa vota Pontifici reservata non possunt ab alio commutari vel dispensari? *R.* Non. Possunt tamen ab illis irritari, qui habent potestatem dominativam in voluntatem votantis. Possunt commutare Episcopi, quando adest gravis causa, & nequit sine periculo animæ expectari dispensatio Papæ. Solet etiam dari in Jubilæo Confessarius facultas circa quædam vota.

*Q.* Quæ est forma dispensationis? *R.* Si commutationes seu dispensationes fiant à Pontifice vel Episcopo, possunt pro libitu fieri intra vel extra Confessionem, quibuscūq; verbis exprimentibūs commutationem vel dispensationem. Si autem à Confessario tantum privilegiato debet semper esse in Confessione v.g. *Ego dispenso tecum in voto N. vel cōmune &c.*

*Q.* An qui vovit non petere dispensationem à voto, possit petere irritationem commutationē vel contrā?

*R.* Po



R. Potest, quia hæc requirunt diversam potestatem. Si tamen ejus fuerit mens nullam petere deobligationem? Si petat, peccat, deobligatio tamen erit valida.

Q. *Quis potest absolvere transgressorem voti?* R. Quilibet Sacerdos approbatus, sed voti obligatio manet. Ut si quis contra votum continentiae fornicetur, absolvi potest à quolibet Confessorio, sed votò continentiae manet obligatus.

§ 23<sup>us</sup>.

De Horis Canonicis.

Q. *Quid sint Hora Canonica?* R. Sunt preces quædam certis horis juxta Canones Ecclesiæ DEO persolvendæ.

Q. *Quot sunt Hora Canonica?* R. 7. Matutinum cum Laudibus, Prima, Tertia, Sexta, Nona, Vesperæ, Completorium. Totidem Mystéria Passionis Domini denotantes.

Q. *Quando sunt institute Hora Canonica?* R. Si ipse sententur secundum substantiam, nempe pro precibus, quæ quot die statutis horis à fidelibus persolvantur? credibile est, eas ab Apostolis emanasse. *At 2.*

Q. *Unde Hora Canonica dicuntur Officium Divinum?* R. Quia per illas præstamus obsequium DEO, vel quia componuntur ex Divinis Liberis.

Q. *Hora Canonica unde vocantur Breviarium?*  
R. Quia

R. Quia sunt breve & admirabile S. Scripturæ compendium.

Q. Quo jure Sacris initiatus obligatur ad recitationem horarum? R. Ex legis Ecclesiasticæ dispositione, seu ex antiquissima consuetudine vim legis obtinente.

Q. A quo tempore incipit hac obligatio? R. à puncto suscepti Subdiaconatus, & quidē ad horas respondentes horæ, quā ordinatur, vel ad horam, quæ in Choro tunc dicenda esset. Quod si horas recitaverit ante suspensionem Ordinis, probabiliter tenetur repetere. In Beneficiatis incipit obligatio à die possessionis sui Beneficii.

Q. Qui obligantur recitare Horas Canonicas? R. 1. Clerici majorum Ordinum, etiam si essent ob aliquod delictum suspensi, excommunicati, degradati, etiam qui cum dispensatione Papæ duxit uxorem. 2. Obligantur etiā Clerici minorum Ordinum, si sint beneficiati, nam beneficium datur propter Officium. 3. Tenentur omnes Religiosi professi ad chorum destinati utriusque sexus.

Q. Qui habet duplex Beneficium num tenetur propter hoc dupliciter recitare Officium? R. Non, sufficit, si faciat tot commemorationes, quod sunt beneficia seu SS. Patroni Beneficiorum.

Q. An peccent predicti si omittant aliquam horam? R. Si id ex negligentia faciant, peccant mortaliter. Venialiter autem si unum Plale



num vel Hymnum negligent propter parvitatem materię, nisi id sæpius contingat.

Beneficiati ultra peccatum mortale tenentur in conscientia ante quamcunq; sententiā restituere fructus correspondentes tali negligentię, ut si vg. omiserunt integrum diei Officiū, totius diei privantur fructibus, juxta multos tamen possunt tales aliquam partem fructuum ejus diei sibi reservare correspondentem aliis Pastori munis.

Q. *An illi tenentur ad restitutionem, qui Divinum Officiū recitant voluntariē absq; ulla attentione?* R. Affirmativē. Talis enim recitatio est nulla, nonnulli probabiliter oppositū tenent.

Q. *Cui debet fieri restitutio?* R. Ecclesię vel pauperibus.

Q. *An omittens integrum Officiū unius diei, plura numero peccata committat?* R. Quia transgreditur unum præceptum habens pro objecto totum Officiū, unum peccatum committit. CC. DD. *Matheu pag. 124.*

Q. *An sub peccato est obligatio recitandi tempore Adventus vel Quadragesimę Psalmos graduales, Pœnitentiales. Item Noctur. Defunct: cum annotatur in directorio?* R. Non. Qui tamen orant, lucrantur Indulgentias. Bull: Pii V.

Excipiuntur: Officiū Defunctorum in Commemoratione OO. Fidelium, Litanię in Festo S. Marci, & diebus Rogationum, quę expresse præcipiuntur.

Quomodo recitandæ sint Horæ Canonicæ.

Q. Quomodo in praxi dicendum est Officium?

R. Juxta Rubrum Breviarii competentis, & juxta statuta cujusvis Dæcesis.

Q. Ad quale Officium tenetur Beneficiatus? R.

Tenetur ad Officium secundum ritum beneficii loci, ubi residet, tum ut se conformet, tum ut ei Ecclesiæ serviat de cujus Altari vivit.

Q. Quid si duplex habeat beneficium? R. Vel

residet in altero? & debet illius ritum sequi. Vel in neutro, & debet recitare Officium illius Ecclesiæ in qua majorem habet gradum, & si utrobiq; sit æqualis? Officium Ecclesiæ dignioris. Et si hæ sint æquales? illius unde majores habet proventus, quod si & hi sint æquales? eligat quod vult.

Q. Quale Officium tenetur orare ordinatus v.g.

Scholas frequentans, vel in Seminario existens? R. Potest eligere ritum loci, in quo degit, vel etiam Ecclesiæ ad quam provisus fuerit.

Q. Obligatus ad Breviarium Romanum, si hæc

non habet, an potest aliò uti? R. Alii affirmant. Alii probabiliter negant, tum quia diversitas Breviariorum inducere potest in perturbationem, tum quia Pius V. in sua Bulla dicit Non satisfieri obligationi, non utendo formulâ à se præscripta, quas tamen Horas scit memoriter tenetur recitare.

Q. Qui



Q. Qui mutat Officium vg. qui dicit de Sancto cum recitandum est de Dominica quod peccatum committit? R. Qui inadvertenter? neq; delinquit, neq; repetere tenetur. Less. Sylv. Ec. Si verò datâ operâ, & si frequenter Officium in brevius mutet, peccare eum mortaliter docet Tamb. Suar. Leg.

Q. Quid si quis per errorem heri recitavit Officium de Sancto, cujus festum est hodie? R. Teneatur iterum de eo hodie recitare, quia error ejus non dat jus invertendi Rubricas. Contrarium tamen est probabile.

Q. An qui pridie recitavit Matutinum & Laudes sequentis diei vg. feriales, rescians postea sequenti die celebrari aliquem Sanctum, debet reliquas horas dicere de Sancto vel de feria? R. Valde probabile est, quod debeat dicere de Sancto, quâvis non repetat Matutinum. Probabile etiâ est posse continuare Officium feriale inchoatû.

Q. Quâ voce recitari debet Officium Divinum? R. Privatim recitans ita orare debet, ut se ipsum audire possit.

Q. Quid si orat cum socio? R. Debet illum audire aliàs non satisfacit.

Q. An qui non potest dicere, tenetur audire horas? R. Non, quia de tali obligatione nullo libi constat.

Q. Quo in loco recitandum? R. Qui Choro sunt adstricti ratione beneficii vel stipendii obligantur ex iustitia cantare in Choro, qui  
verò

Verò privatim in quocunq; loco honesto possunt recitare.

Q. An potest dici Matutinum diei crastinae & Laudes differri in crastinum? R. Affirmative, sed in fine Matutini debet dici Oratio Festi, & Pater noster.

Q. An inversio Horarum potest fieri licite aliquando? R. Affir. Nam si quis Vesperas ante Nonam recitaret animadverso errore deberet recitare Nonam absq; repetitione Vesperarum, & sic de cæteris.

Imò aliquando scienter id fieri potest absq; ulla culpa etiam veniali, ut si quis vg. cum egroto recitasset Sextam vel Nonam non recitata Primâ & Tertiâ, poterit post Nonam recitare Primam & Tertiâ, non repetendo Sextam & Nonam.

Similiter veniens tardè ad Chorum potest, imò debet prosequi Officium cum Choro animò postea partem omissam supplendi, ut si vg. veniret ad Matutinaum post Hymnum vel Psalmum, aut etiam tardiùs debet cum Choro continuare reliqua, & postea partem omissam supplere.

☛ Debetne ante Missam necessariò recitari Matutinum? R. Debet ex communi praxi Ecclesiæ. Si tamen necessitas celebrandi imminet, nulla apparet obligatio, sed sufficit, si postea recitetur. Tamb. Ley. Gay. Burgra.

Q. Possuntne Hore interrumpi? R. Inter Ma-



Matutinum, & Laudes, & horas potest qualibet fieri interruptio, sed inter partes horarum fieri non potest, si fiat sine causa? erit veniale, cum causa? nullum erit peccatum.

Ordinarie loquendo: Matutinum, Laudes cum reliquis Horis debent dici ante prandium. Vesperarum cum Completorio post prandium.

§. 25<sup>us</sup>.

De Attentione in Recitatione Divini Officii

Q. Quomodo recitari debet Officium Divinum?

R. Attente, clare, & devotè.

Q. Quid est attentio? R. Est applicatio animi ad opus quod peragitur.

Q. Quotuplex est attentio? R. 2plex: Interna, quæ consistit in advertentia ad illud quod fit. Externa, quæ consistit in exclusionem actionis externæ impossibilis cum attentione interna. Ad recitandum ergo Divinum Officium requiritur attentio interna, & non sufficit externa.

Q. Quotuplex est attentio interna? R. 3plex: Ad verba materialiter sumpta, ad sensum per verba significatum. Et ad DEUM, quatenus illum colere intendimus.

Q. In recitatione Divini Officii, quæ ex his est necessaria? R. Est necessaria simpliciter ad DEUM & verba materialia, non autem ad sensum, aliàs rudes & Moniales non satisfacerent.

Q. Quo affectu recitari debeat Officium Divinum? R. S. Aug: in Psal: 30. nos docet: Cum oratis

DEUM,

**DEUM**, hoc versetur in corde, quod presertim ora.  
Si orat *Psalmus*? orate; si gemit? gemite; si gra-  
tulatur? gratulamini; si sperat? sperate; si timeet?  
timeate; omnia, qua hic scripta sunt speculum no-  
strum sunt.

Q. Quid de eo, qui absq; ulla attentione recitat  
Officium Divinum? R. Si per notabilem partē  
distrahatur voluntariē, vel exercet actionem  
impossibilem cum oratione, alii cum pec-  
care mortaliter negant, alii probabilius affir-  
mant, quia agit contra Ecclesiæ præceptum  
in re gravi. *Levi. Leg.* Nec facit tunc fru-  
ctus suos, quia non facit opus præceptum,  
scilicet devotē orare.

Q. Qui dubitat ob evagationem mentis an ali-  
quid omiserit, habens probabilem conjecturam se di-  
xisse, vel quia proposuit quicquid attendere, num potest  
presumere se dixisse? R. Potest, si ex libro, vel  
memoria ceteroq; errare non solita recitavit.  
Imò melius erit, si non repetat ob vitandas  
anxias consuetudines & scrupulos. & ut Offi-  
cium sine perturbatione percurratur.

Q. Quale sit peccatum cum recitatione Officii  
Divini conjungere ea, qua notabiliter non impediunt  
vg. induendi, abluendi? R. Veniale si sine cau-  
sa, aliàs nullum. *Escob. c. 7.*

Q. Qui advertenter se occupat aliquā re incom-  
possibili cum attentione interna vg. in scriptione, lec-  
tione? R. Talis graviter peccat, & præcepto  
non satisfacit, & tenetur repetere.



**Q.** In quibus casibus Sacerdos excusatur à recitatione Divini Officii? **R.** 1. Si à Summo Pontifice dispensetur. 2. Si oblivione vel inadvertentiâ inculpabili laboret. 3. In infirmitate. 4. In occupatione necessaria vg. in excipiendo per totam diem Confessionibus, si tamen potest, tenetur prævenire. 5. Si careat Breviariò & aliunde habere non potest. 6. Si per vim ab extrinseco illatam impediatur. 7. Si metu mortis cogatur omittere pensum Officii Divini.

**Q.** Si quis non potest recitare Breviarium, an tenetur ad alias preces privatas? **R.** Non; quia illud nulla lex jubet.

**Q.** An, qui prævidet se cras non habiturum tempus, tenetur prædictè orare? **R.** Cum Gobati non, nisi Matutinum potest, si vult.

**Q.** Quia præterea notandum est circa Divinum Officiũ? **R.** 1. Quotiescunq; siue in Officio, siue etiam extra illud non sequitur post orationem versus Dominus vobiscum. Benedicamus Ec. toties brevi clauulâ terminari debet eadem oratio, scilicet Per Christum Dominum nostrum, vel Qui vivis & regnas in secula seculorum. Secus verò concludi debet nempe longiori conclusionẽ, si post finem orationis sequuntur prædicti versus, vel alii. 2. Quando particulariter dicitur tantum ab uno Matutinum vel Completorium tunc dici debet: Jube Domine

mine benedicere, quia tunc non ab homine, sed  
à DEO postulatur benedictio.

§. 261us.

De Ritu Officii Divini.

Q. Quot sunt genera Fessorum duplicium? R.  
4. Prima Classis, quæ Festa nullam de simplici  
admittunt commemorationem. Secunda Classis,  
quæ eam admittunt saltem in Laudibus. Du-  
plex Majus, Et Duplex Minus, sive per Annu.

Festa ima & 2da Class: Duplicia Majora sunt  
annotata à principio Breviarii ante Tabulam occur-  
rentia. His superaddi solent alia in propriis Re-  
gulis, seu Parochiis.

Q. Ergo in Duplicibus ima Class: nulla fit  
commemoratio? R. Nulla, nisi de Octava Na-  
tivity: Dni, Epiphaniæ, Corporis Christi, de die  
Octava, de Dominica, & Feria Majore oc-  
currente, & concurrentibus, item de Dupli-  
cibus 1. Class: minus dignis, & de Duplici-  
bus. 2. Class: concurrentibus in primis &  
2dis Vesperis; De Duplicibus verò aliis, &  
semiduplicibus in 2dis Vesp: tantum.

In Festis Duplicibus 2dæ Class: præterea  
fit & commemoratio Vigilæ, & simplicis, si  
occurrant, in Laudibus; De Duplici quocunq;  
ac Dominica 1. & 2. Class: in primis Vesp:  
De Festo quocunq; minus digno in 2dis Vesp:  
concurrentibus. Item de die infra O-  
ctavam, si sequente die de ea fieri debeat  
Officium.

Dupli



Duplicia Majora admittunt omnis generis commemorationes; differunt tamen à Duplicibus minoribus, quod his præferantur, & In primo Noctur: Lectiones non habeant de Scriptura occurrente, sed vel proprias, vel de Communi.

§. 27mus.

De Festis Dupl: Semid: Simpl.

Q. Per quid Duplicia distinguuntur à Semiduplicibus? R. In duplicibus Antiphonæ duplicentur. 2. Suffragia in Laudibus & Vesperis, & Preces in Prima & Completorio omituntur, quæ in Semiduplicibus semper dicuntur, nisi Festum Semiduplex celebretur infra Octavam alicujus Festi.

Excipiuntur etiam Vigilia Epiphaniæ: Feria 6ta & Sabbathum post Octavam Ascensionis, ubi & Suffragia & Preces omittuntur: Suffragia non dicuntur per totum Adventum, & à Dominica Passionis usq; post Octavam Pentecost: Post Octavam tamen Paschæ in Semiduplicibus fit commemoratio Crucis.

Q. Semiduplicia per quid differunt à simplicibus? R. Quia Semiduplicia habent 9. Lectiones, 3. Nocturnos, primas, & 2das Vesperas exigunt. Simplicia habent tantum unum Nocturnum, tres Lectiones, & primas Vesperas solum à Capitulo, terminantur in Nona hora Officii, si sint Festa SS. Vel habent 2das Vesperas tantum, & non primas, ut Feriæ,

si se.

si sequenti die nullum Officium occurrat.

*Q. Quomodo ordinatur Officium in Festo simplici?*

*R.* Si Officium currentis diei fuit de feria? incipit Festum sequentis diei simplex à Capitulo; Si verò concurrat Festum 9. Lectionū fit de simplici tantum commemoratio.

Invitatorium in Matutino, uti etiam Hymnus accipitur de Comuni talis Sanctis; deinde dicuntur Antiphonæ & Psalmi ferie occurrentis, Versus de Sancto, Lectiones de Scriptura, una vel duæ, 2<sup>a</sup> de Sancto, propria, vel Communis. Laudes & Horæ dicuntur uti in Semiduplici usq; ad 2<sup>as</sup> Vesperas exclusive.

Officium simplex cedit Officio feriali in Quadragesima, sed de eo fit solum commemoratio.

Feriale Officium assignat Breviarium pro quavis feria.

*Q. Quando dicuntur preces majores flexis genibus in Laudibus, Horis, Vesperis?* *R.* In solis feriis majoribus scil: Adventus, Quadragesimæ, 4. Temporum; Vigiliis Sanctorum, quæ jejunantur (exceptâ Vigilia Nativ: Dni,) si tunc Officium sit de feria.

§. 28<sup>vus</sup>.

De Dominicis.

*Q. Quæ sunt observanda de Officio Dominice?*

*R.* Sequentia: 1. Dominicæ aliæ sunt 1<sup>mæ</sup> Classi; aliæ 2<sup>dæ</sup> Classi. Aliæ Communes, seu per Annum.

**Domi**



Dominicæ 1. Class: quæ & majores, aut etiam privilegiatæ dicuntur, sunt 8, quæ sunt ita privilegiatæ, ut nulli alteri Festo etiam Patroni Titularis cedant.

Dominicæ 2. Class: sunt 9. (*videantur omnes in Rubr: Breviarii*) istarum Officium nunquam omittitur, nisi occurrente Patrono seu Titulari Ecclesiæ, aut ejusdem Dedicatione, quod casu fieret tantum 9na Lectio, & commemoratio Dominicæ in utrisq; Vesp: & Laudib9. Sic vg. si Festum S. Nicolai incidat in Domin: 2dam Adventûs, quæ est 2dæ Class: tunc in Ecclesiâ S. Nicolai deberet dici Officium de S. Nicol: cum comm: Dominicæ.

In reliquis Dominicis per Annum occurrente Festo duplici fit tantum commemoratio Dominicæ; exceptis Dominicis Resurrectionis, Pentecostes, SS. Trinitatis, in Albis, quæ ritu dupl: celebrantur.

§. 29us.

De Octava.

Q. Quid intelligitur per Octavam? R. 7. dies subsequentes aliquod Festum principale ab Ecclesiâ hoc speciali honore condecoratum.

Aliud est: Octava, aliud est: dies infra Octavam. Per Octavam intelligitur dies una nempe, quæ est numero 8va, & semper est duplex; Dies autem infra Octavam sunt semiduplices, & sunt sex: 2. 3. 4. 5. 6. 7.

Q. Octava in quot sunt Classibus? R. In 4.  
In

In *1<sup>ma</sup>* Classe est Octava Paschalis & Pêtecostes, infra quam non sit Officium de ullo Sancto.

In *2<sup>da</sup>* Classe: Octava Epiphaniæ, quæ admittit tantum Festum Patroni Titularis, & Dedicationis: non tamen in Octava die, in qua celebratur Baptismus X<sup>sti</sup>.

In *3<sup>ia</sup>*: Octava Corporis X<sup>sti</sup>, quæ admittit duplicia tantum cadentia, & non translata, nisi sint altioris Ordinis.

In *4<sup>ta</sup>*: Sunt reliquæ Octavæ, quæ admittunt quæcunq; Festa etiam semiduplicia, cū hac tamen distinctione, quod infra Octavam hujus ultimæ speciei: duplicia translata fiant quocunq; die; Semiduplicia verò non transferantur ultra proximè sequentem diem (si occurrant vg. in Dominica infra Octavam,) quæ si fuerit impedita Festo 9. Lectionum transferuntur post Octavam; sed semiduplicia occurrentia ante Octavam? transferuntur post Octavam.

§. 3<sup>omus</sup>.

### De Translatione Festorum.

Quod Festum dignius sit alterò? desumitur partim à ritu Festorum; sic duplex dignius est semiduplici; partim à dignitate personæ, sic Festa Dni digniora sunt B. V. MARIÆ; & hæc Festis Angelorū, Festa Angelorū digniora sunt Festis Apostolorum, & hæc aliis omnibūs. Si Festum vg. Apostoli concurrat cum Festo vg. Martyris duplici? habet utraq;

„Vespæ.



Vesperas integras, nisi Martyr vel Confessor vel Virgo solemnius celebretur in aliqua Ecclesia aut Regno.

Dixi: à ritu *Festorum*, quia Festum etiam Virginis si sit 1<sup>ma</sup> Cl<sup>as</sup>. vg. S. Cunegundis, dignius est Feste Dni minoris ritus vg. Transfigurationis, unde si sequum occurrant, debet Transfiguratio transferri.

Q. *Dies Octava cui cedit?* R. Ordinariè tantum Festis 1. & 2<sup>dæ</sup> Cl<sup>as</sup>. & de ea fit solum commemoratio, in utrisq; Vesperis, Laudibus, & Missa.

Q. *Octava dies num aliquando transfertur?* R. Nunquam; nisi sit speciale ad hoc privilegiū, uti in Polonia pro S. Adalberto, cuius Festū si contingat transferri, transfertur cum tota Octava. Ideoq; si Festum habens Octavam transferatur post Octavam? hoc Anno carebit Octava; Si verò transferatur infra Octavam? tot dies habebit 8<sup>væ</sup>, quot sunt residui.

Q. *Quid circa translationem Festorum sit observandum?* R. 1. Transferri possunt, & debent sola Festa duplicia & semiduplicia. Interdū etiam Dominica anticipanda; sicut & Vigilia in Dominicam, vel Festum 1. Cl<sup>as</sup>: incidens. Festum simplex nunquam transfertur, sed si non potest ob ritum altiorem habere commemorationem? hoc Anno planè omittitur.

R. 2. Quando duo Festa 9. L<sup>ectionum</sup> occurr-

occurrunt, unum transfertur in diem nō impeditam; Est autem *dies non impedita*, in qua nullum aliud Festum 9. Lectionum occurrit.

*Dies infra Octavam non est dies impedita* respectu duplicium translatorum, nisi sint Octavæ privilegiatæ; ut dictum est §. 29. Semiduplicia infra Octavam talem occurrentia solum in diem immediatè sequentē transferri possunt; quæ si impedita fuerit aliō Festo 9. Lectionum? ultra Octavam transferri debent, vg. si ob Dominicam semiduplex transferatur, si feria 2da sit impedita? ultra Octavam transfertur. Sic & de nullo semiduplici Festo, quod ultra unam Octavā translatum est, fieri potest infra aliam Octavam.

Q. *Quo ordine & tempore Festa translata celebrari debeant?* R. 1. Inter translata diversæ Class: semper dignius in ritu prius celebrandum est. Sic duplex licet posterius cadat, semiduplici præfertur.

R. 2. Inter Festa ejusdem Class: id prius celebrandum est, quod prius tempore translatum fuit; sic inter duo duplicia non est differentia in translatione, licet alias deberet esse in commemoratione.

Cæterum Festa translata eō ritu celebranda sunt, quō fuissent celebrata, si non fuissent translata.

Q. *Quod si occurrant Festa duo eodem die sub una ratione Festi in Calendario Romano, quarum alterum*



alterum est Patroni *vg.* si in aliqua Ecclesia Patronus sit *S. Philippus?* R. Fiet Officium de Patrono ritu dupl: 1. Clasi: De *S. Jacobo* Officium transfertur, & celebratur die non impedita, ritu dupl: 2da Clasi, quia hoc ritu Festa Apostolorum celebrantur.

Sed hoc notetur in Officio: Oratio, Lectiones, Evangelium cum Homilia congruant Festo ut pro uno, non pro pluribus fiat Officium, & deficientibus propriis, erit ad Commune recurrendum.

Q. Si autem Patronus in Calendario ritu simplici celebratur? R. Tunc in ea Ecclesia nihil sit de Soenis omittis, sic *vg.* in Ecclesia *S. Erasmi* (2da Jun:) SS. Marcellinus & Petrus nec commemorationem habent.

§. 3<sup>mus</sup>.

De Tabula Con- & Occurrentiar.

Q. Quid sit: *occurrere duo Festa?* R. Occurrere duo Festa dicuntur, quando eodem die de se Officium dici cupiunt, *vg.* si Festum *S. Joannis Bapt:* eodem sit die, quo Corporis Christi.

Concurrere dicuntur, quando duo Festa 9. Lectionum, quorum alterum hodie, alterum cras celebrabitur, hodiernas Vesperas exigunt. Cum duo Festa eodem die ab Ecclesia celebrari non soleant, ex illis necessario unum in aliam diem transferri debet. Ex quo.

Q. Quodnam ex illis duobus transferri debeat?

Item

Item cum de utroq; non celebrentur *Vespera integra*,  
 queritur in concurrentia, de quo celebranda? R.  
 Hæ quæstiones decidendæ s<sup>un</sup>t, secundum  
 Tabulas Con- & Occurrentiæ in Breviario  
 præmitti solitas.

Q: Circa modo dictas Tabulas, quæ sunt obser-  
 vanda Regula? R. 4. sequentes; ima: Quan-  
 docunq; in proprio de tempore, aut Sanctorum  
 reperitur aliqua particularis dispositio? cessant  
 regulæ generales in illis Tabulis vel Rubri-  
 cis positæ; sicut fit in Festo S. Joannis Evange:  
 & S. Stephani Prothomart.

ada: Quandocunq; dies non privilegiata  
 cum privilegiata occurrit? cessat dispositio  
 generalium Rubricarum de Con- aut occu-  
 rentia. Hinc quia dies infra Octavam Pa-  
 schæ & Pentec: Feria 4ta Cinerum & Hebdo-  
 mada Magna, Vigiliæ Nativ: Dni, & Pentec:  
 omne Festum excludunt, frustra in eorum  
 Occurrentia ad generales Regulas & Tabulas  
 recurritur.

gia: Quandocunq; duo Festa quod ad di-  
 gnitatem inæqualia occurrunt, debet minus  
 dignum cedere digniori juxta exigentiam il-  
 lius, ita ut si transferri possit omnino trans-  
 feratur; si verò loco affixum sit? commemo-  
 rationem tantum habeat, vel si Festi digni-  
 tas sic postulet? omnino eo Anno omittitur.

ia: Quandocunq; duo æqualia concurrunt?  
 dividere inter se Vesperas debent, de prioribus  
 Psalmi,



Psalmi, de posteriore Capitulum cum commemoratione precedentis.

*Observa* ~~Vesperæ~~ 1. & 2. *Classi*: Duplicia majora non dividunt Vesperas, sed integræ Vesperæ sunt de digniore, commemoratio de minùs digno.

*Q. Quid circa Tabulas Con. & Occurrentia melius intelligendas ulterius observandum?* *R.* Sequentia; imò: Quod in his ordo superior Festorum, aut feriarum ex parte sinistra linea rectâ positus, & alter ex parte dextra obliqua linea positus significet Festa, aut ferias, quæ occurrere, aut concurrere possunt.

2do: Quod in Tabula Occurrentium perinde sit, siue Festum aliquod aut feria in superiori linea rectâ, siue in inferiori obliqua quæratutur ut brevi monstrabitur. In Tabula vero Concurrentium semper Festum aut feria præcedens in superiori rectâ; subsequens verò in inferiore obliqua quærendum sit.

3tio: Quod numerus ille ex parte dextra signatus in quo conveniunt, significet, eundem numerum in partis dexteræ linea inferiore per numeros distincta quærendum esse: is enim notificabit, de quo Officium dicendum, vel commemoratio facienda, vel translatio suscipienda sit?

4to: Quod in eadem linea per numeros distincta: si v.g. dicitur Officium de primo, commemoratio de 2do. Per primum intelligitur Festum

Num in linea recta notatum; per *adum* verò  
Festum in linea obliqua indicatum.

*Ita*: Quodsi interdum in concursu loco  
numeri littera O. inveniatur? ea significat  
nunquam inter duo talia Festa, aut ferias oc-  
cursum aut concursum fieri posse, cum uno  
posito, hoc ipso alterum non habeat jus ul-  
lum exigendi, ut eo die de se Officium aut  
commemoratio fiat.

*Reliqua Rubrum Breviatu docebit.*

## C A P U T 6<sup>tu</sup>m.

§. *imus.*

De Censuris in genere.

Q. *Quid est Censura?* R. Est poena Eccle-  
siastica spiritualis, & medicinalis fori exterior-  
is privans hominem baptizatum delinquen-  
tem, ac contumacem usu aliquorum bonorū  
spiritualium, donec à contumacia recedat.

Q. *Cur dicitur poena Ecclesiastica?* R. Quia  
juris Ecclesiastici, & per Ecclesiasticam pos-  
testatem infligitur.

Q. *Cur apponitur Et spiritualis & medicinalis?*  
R. Quia est medicina delicti, & quia directe  
& per se primario privat aliquibūs bonis spi-  
ritualibūs.

Q. *Quotuplicia sunt bona spiritualia?* R. Alia  
nume-



numerantur bona spiritualia interna propria ad privata à quibus vita spiritualis pendet, ut gratia habitualis, virtutes supernaturales infusæ, ad hæc spectat etiam character &c. & his non privat Ecclesia per censuram, cum non subint illius dispositioni.

Ast bonis spiritualibus publicis & externis (ut sunt jurisdictio, Sacramentorum administratio, & perceptio. Item publica suffragia Ecclesiæ, Indulgentiæ, exterior conversatio) quæ in mutuo colloquio, & cōvictu fidelium consistit) privare potest, & etiam privat invitos.

Q. Quare in definitione additur fori exterioris?

R. Quia licet in foro interno conscientia poena interdum esset spiritualis (ut si v.g. Confessarius suspenderet Sacerdotem poenitentem à celebranda Missa,) tamen quia spectaret ad ejusmodi formam, non requireret jurisdictionem Ecclesiasticam fori externi, idcirco non veniret intelligenda nomine Censuræ.

Q. Quotuplex potest esse Censura? R. 2plex, à jure, quæ per Sacros Canones infligitur. Alia ab homine, quæ à Judice per modum sententia fertur.

Q. Iterum quotuplex est Censura? R. 2plex. Una lata sententia, quæ crimine commissio statim incurritur. Alia ferenda sententia, quæ non incurritur nisi post Judicis sententiam. Item alia est Generalis, quæ fertur contra totam

Provia

Provinciam, aut Sectam. Alia particularis, quæ imponitur determinatis personis. Alia est non reservata, à qua quilibet Sacerdos approbatus absolvere potest. Alia est reservata, cujus absolutionem reservat sibi superior Censurā ferens.

Q. Estne de fide, quodd sit in Ecclesia potestas ferendi Censuras? R. Est, patet ex Math: 18.

Q. Degradatio vel depositio estne Censura? R. Non, quia etsi poena sit spiritualis, non tamen medicinalis, sed perpetua, & ob peccatum præteritum etiam emendatum potest infligi, estq; poena vindicativa.

Q. An cessatio à Divinis? R. Nec illa dici potest censura, quia non imponitur per modum medicinæ ad tollendam contumaciam, sed ad propulsandam injuriam Ecclesiæ factam.

Q. An irregularitas? R. Neq; illa dici potest censura, quia hæc non est medicinalis, sed tantum impedimentum Canonicum. Unde nec tollitur per absolutionem sicut Censura, sed per dispensationem.

Q. Quando in Jubilæis vel Privilegiis datur Indulgentia absolventi à Censuris, num comprehenditur Irregularitas? R. Non, nisi expresse addatur.

Q. Per quid differt absolutio à dispensatione? R. Absolutio est sententia remittens delictum vel poenam. Dispensatio autem est exemptio ab obligatione alicujus legis, quâ vg. prohibetur accipere Ordines, qui aliquem occidit.



Q. Quid significat *Ly Anathema*? R. Penultima syllabâ producta? significat aliquod oblatum vel appensum velut monumentum ad memoriam.

Penultima verò abbreviatâ? significat separationem, & differt tantum accidentaliter ab Excommunicatione per hoc, quod *Anathema* fiat cum quibusdam ceremoniis ad majorem terrorem. Episcopus enim solemniter aliquem excommunicaturus per *Anathema* induitur amictu, Rolâ, pluviali. 12. Presbyteri Episcopum circumstant tenentes cereos accensos, tandem humi projiciunt, pedibus calcant extra Ecclesiam ejiciunt &c.

§. 2dus.

Qui possunt ferre Censuras & in quos.

Q. Qui habent potestatem ordinariam ferendi Censuras? R. De Jure Summus Pontifex Legatus à latere Nuncius, in tota Provincia lue legationis, Arch-Episcopi, Episcopi, & eorum Vicarii, Capitulum Sede vacante, Superiores in Religionibus suis.

Q. Quibus comperit potestas delegata ferendi Censuras? R. omnibus & totis illis, quibus delegata fuerit & commissâ ab habentibus potestatem ordinariam. Hæc potestas dari non potest Laicis neq; fœminis.

Q. Qui ligari possunt Censuris? R. Omnes & soli subditi alicui superiori Ecclesiastico v.g. Episco.

Episcopo. Hæretici possunt ligari, quia per Baptismum subiecti sunt Ecclesiæ.

Q. *Qui non possunt ligari?* R. Non baptizati, nec Cathemeni, nec mortui. Papa non potest incurrere Censuram, quia nulli est subiectus.

Q. *Quæ requiruntur ad Censuram incurrendam?* R. 1. Peccatum mortale actu externo consummato proprium. Potest etiam Censura ferri ob alienum peccatum, quod aliquomodo sit proprium. 2. Contumacia, cum quis sciens aliquam rem esse prohibitam ab Ecclesia sub aliqua Censura, nihilominus eam committit, vel præceptam omittit.

Q. *Quæ excusant ab incurrenda Censura?* R. 1. Ignorantia juris, vel facti, dummodò non sit crassa & affectata. 2. Parvitas materiæ, impotentia sive Physica, sive Moralis. 3. Indeliberatio rationis. 4. Imperfectus consensus. 5. Appellatio legitimè interposita ad Superiorem post comminationem Censuræ ab inferiori facta, antequàm incurratur. 6. Prorogatio termini facta ab eo, qui Censuram tulit. 7. Item voluntas ejus, in cujus favorem lata est Censura.

Dictæ autem conditiones si deerunt? Censuræ latæ in foro Conscientiæ non ligant, verum taliter excommunicati in foro externo ad vitandum scandalum, saltim in publico se gerere ita debent, acsi essent excommunicati.



ti, donec nullitas Censuræ iudiciō sapientū  
cognoscatur, & hoc vulgo manifestetur. Quod  
si antequam nullitas publicetur, se ingerant  
Divinis publicè, peccabunt, irregularitatem  
tamen non incurrunt, cū hic actus inobe-  
dientiæ non sit perfectus in sua specie.

Q. Quid est ignorantia juris? & quid facti?

R. Ignorantia juris est: quā ignoratur jus, si-  
ve lex, siue sententia iudicis aliquid sub  
Censura imperantis, vel prohibentis: sic vg.  
percutit quis Clericum, quia ignorat prohi-  
bitum esse. Facti ignorantia est, dum igno-  
ratur ipsum opus, aut circumstantia vg. scit  
percutiens esse prohibitum percutere Clericū,  
sed hunc ignorat esse Clericum.

Ignorantia alia est *Vincibilis*, quæ vinci fa-  
cile potest adhibitā diligentia. Alia *Invincibi-*  
*lis*, quæ vinci non potest, etsi adhibeatur o-  
mnis diligentia, vg. quis nec dubium habet,  
nec ratio de opposito occurrit, talis ignoran-  
tia non est culpabilis.

Alia dicitur vincibilis *Affectata*, quā quis  
affectat non scire præceptum ut liberius nō  
observet, ideo non adhibet sufficientem  
diligentiam ad rescindendum. Alia *Crasa*, quæ  
oritur ex pura siue nimia negligentia sciens  
di ea, quæ quis scire tenetur. *Supina* pro-  
venit ex nimia sollicitudine ad alia negotia  
impedientia debitum studium ea sciendi, quæ  
oportet.

Q. Quo.

Q. *Quomodo adhuc ignorantia exdividitur?* R. In antecedentem, quæ si non esset, actus non poneretur, sic si Titius scivisset Petrum esse Clericum, eum non percussisset. 2do In concomitantem, quæ si non esset, actus positus esset, vg. Petrus sagittam jecit in Cæm putans esse feram, quod tamen, si scivisset, fecisset, cum eum occidere intendebat. 3tio In subsequentem, quæ quovis modo sumpta est voluntaria.

Q. *Qua ignorantia ex dictis excusat à Censura?* R. Ignorantia invincibilis juris particularis, & facti ut & antecedens excusat ab incurrenda Censura.

Ignorantia invincibilis Crassa & Supina juris & facti non excusat à censura nisi addatur in Decreto, si presumpserint, scienter fecerint. Ignorantia culpabilis, vincibilis, quæ nec est crassa, nec supina, nec affectata probabilius est, quod excuset; quia Cap: dicto: Ut animum, generaliter asseritur ignorantiam, quæ non est crassa, nec supina excusare ab omnibus sententiis Ordinariorum.

Q. *Censura, quæ fertur contra facientes, committentes aliquod delictum, num cadit supra mandantes vel consulentes?* R. Non, nisi exprimat in lege.

Q. *An ligat Censura, dum est injusta extrinsecè, id est, quando fertur ab ea quidem, qui habet iurisdictionem.*



*ditionem, sed fertur ex mala intentione, vel ex odio vel ex malo modo &c?* R. Ligat.

*Q. An aliquis possit sepius incurrere eandem censuram?* R. Potest, si plures ponat causas, propter quas ligatur quis tali Censurâ, etiamsi causæ essent peccata solò numerò distincta, vg. qui tribus vicibus distinctis percutit Clericum, ter incurrit excommunicationem, & indiget tribus absolutionibus, vel una generali quia singulis causis respondet suus moraliter distinctus effectus, & indiget tolli per plures actiones distinctivas illius.

*Q. Quando quis dubitat an sit ligatus Censurâ, vel nescit an in eum sit lata Censura, an comprehendat hunc casum &c? nec illud dubium solvere potest?* R. Judicare debet se non esse ligatum, quia materia est odiosa, ergo extendi non debet.

*Q. Quando dubitat Petrus, an Paulus ligatus sit Censurâ?* R. Debet illum habere pro non ligato, quia ipse est in possessione.

*Q. Si quis sciat in se esse latam Censuram, sed dubitat an Superior serîo & ex animo tulerit, vel an legitime ab ea appellaverit, vel an sit absolutus?*

R. Debet judicare se esse ligatum, quia possessio est pro Censura.

§. 3<sup>tius</sup>.

De Absolutione à Censura.

*Q. Quis à Censuris absolvere potest?* R. à Censuris à jure live ab homine si sint non reservata absolvere potest quilibet Confessarius in

foro

foro conscientia. In foro autem externo Superior censurati, hoc est Episcopus vel ejus Vicarius. &c. Si verò sunt reservatæ ab eo absolvi debet, tam in foro interno, quàm externo, cui sunt reservatæ.

A Censuris ab homine absolvere potest is, qui eas tulit, exceptò mortis articulò, in quo quivis Sacerdos etiam degradatus à quibulvis Censuris absolvere potest. Quando autem aliquis absolvitur extra eam necessitatem à non habente absolvendi potestatem exigì debet juramentum ab eo, qui absolvitur, quòd comparere velit, quando poterit coram habente potestatem, & simul exequatur id, quod sibi ab illo assignatum fuit, quòd si postmodum non comparuerit incidit in similem excommunicationem.

Q. Possuntne Episcopi absolvere in foro conscientia per se vel delegatum ab omnibus Censuris occultis Papa reservatis etiam in Bulla Cœna contentis? R. Possunt.

Q. Quæ dicitur Censura occulta? R. Quæ contracta est ob delictum non publicum, nec ad forum contentiosum deductum, vel si deductum fuit, à quo reus ob defectum probationis fuit absolutus; Possunt etiam absolvere quando propter morbum, senium, sexum, pauperiem Pontifex adiri non potest.

Q. Si duo idem delictum cõmiserint, & unus tantum vocetur ad iudicium, num delictum respectu alterius



terius censetur esse deductum ad forum contentiosum?  
R. Non. Hinc talis potest absolvi ab Episcopo.

Q. Ad tollendam Censuram estne satis, quod causa ipsius sit ablata, vel desierit contumacia? R. Non, sed præterea requiritur absolutio. Contraria propositio damnata est ab Alex: VII.

Q. Absolutus in foro interno à Censura si non fuerit nominatim excommunicatus, teneturne se gerere tanquam censuratum? R. Non, præsertim si constet ita esse absolutum, quia illa absolutio valet ad omnia, præterquam in iudicio, ubi lis movetur

Q. Potestne dari absolutio sub conditione de futuro contingenti? R. Potest quidem cum sit actus jurisdictionis externæ, qui conditionatus esse potest. Communiter tamen non expedit sic absolvi, sed si reus meretur, absolutè absolvatur, si non meretur, non debet absolvi.

Q. Petrus dum versabatur in alieno Episcopatu, contraxit quandam excommunicationem ibidem per statutum impositam, potestne absolvi dum redit in Patriam à proprio Episcopo? R. Non potest, quia ratione delicti est subditus illius Episcopi, ubi delictum commisit, & ab illo solo potest absolvi, ita decernitur in jure, ut notans ille Episcopus absolvere possit, in cuius Diocesi deliquit. Octav. Dia. ex Fabr.

Q. Si excommunicatus publicè & nominatim dediderit signa doloris in articulo mortis, & absolutus sit à simpli-

à *simplici Sacerdote*, num mortuus possit *sepeliri in Loco Sacro*? R. Habitâ facultate ab Episcopo pro foro externo deberet prius absolvi ab excommunicatione. Vide: *Rituale*.

Q. Quò non potuit in mortis articulo absolvi ab Excommunicatione, & signa contritionis ostendit unò tantum testante, an potest absolvi post mortem in ordine ad obtinendam sepulturam in *Loco Sacro*? R. Potest, non quidem à peccatis, sed ab Excommunicatione, non quidem tunc à quolibet Sacerdote, ut potuit ante mortem, sed ab eo, cui reservata fuit Excommunicatio.

Q. Confessarius comperiens malè absolvisse Pœnitentem à Censuris, num poterit post obtentam licentiam absolvendi, absolvere ab illis absentem? R. Poterit, siquidem absolutio à Censuris non solum ferri potest in absentem, sed etiam ignorantem & existentem in peccato mortali, præterea nisi ipsum absolveret, esset in causa, ut pœnitens privaretur Ecclesiæ suffragiis. *Bon. Sua. Nav. Fil. &c.*

Q. Nonne interdum premiti solet absolutio à Censuris etiamsi nulla adsit suspicio Censuræ contrariæ? R. Solet sub his terminis: *Absolve te à vinculo Excommunicationis, suspensionis & interdicti inquantum possum & tu indiges*, & hoc ad vitandam irreverentiam, si fortè pœnitens in occulta esset Censura, vel ad vitandam irregularitatem, in eadem suppositione si pœnitens ordinandus esset, vel ad vitandam invalidi-



validitatem, si pœnitiienti conferendum esset  
Beneficium Ecclesiasticum.

Q. *Impetrans absolutionem ex falsa causa ab Ex-  
communicatione, an valebit absolutio?* R. Non;  
quia tunc eum Judex non censetur velle  
absolvere.

§. 4tus.

De Censuris in particulari.

Q. *Quot sunt species Censurarum?* R. 3. Ex-  
communicatio, Suspendio, & Interdictum.

Q. *Quid est Excommunicatio?* R. Est Cen-  
sura, per quam quis privatur cōmunionē Ec-  
clesiæ, id est communibus Ecclesiæ bonis vel  
omnibus vel aliquibus.

Q. *Potestne Sacerdos ex privata intentione orare  
pro Excommunicato?* R. Potest.

Q. *Quomodo dividitur Excommunicatio?* R. In  
Majorem & Minorem.

Q. *Cur vocatur Major?* R. Quia respectivè  
ad alteram majorem requirit causam & quia  
majoribus privat bonis. Uti Activa & Passi-  
va Sacramentorum participatione. Item suf-  
fragiis Ecclesiæ, Electione tam activa quàm  
passiva, ad beneficia, liberat subditos ab obe-  
dientia, quod non obligentur Dominis tunc  
intervire, possunt tamen, ut inferiùs patebit;  
Eosdem à testimonio perhibendo & actoratu  
repellit, Ecclesiastica sepultura spoliatur &c.

Q. *Excommunicatus Excommunicatione majori  
quotuplex datur?* R. 2plex. Toleratus, quem si  
deles

deles non tenentur vitare, & tales tolerati sunt omnes, qui non excommunicantur publice ac nominatim, sed in genere, uti Hæretici. Et non toleratus, quem tenetur vitare. Et quidem post Concilium Constan. Non tolerati sunt hi tantum, imò Notorius Clerici percuss. r. 2do Quis nominatim excommunicatus.

§. 5tus.

De Excommunicatione Minori.

Q. Quid est Excommunicatio Minor? R. Est Censura Ecclesiastica privans aliquem passiva Sacramentorum participatione, & electione passiva ad dignitates & beneficia Ecclesiastica. Hi duo solum effectus sunt Excommunicationis minoris, à qua omnis Sacerdos approbatus absolvere potest.

Q. Quare dicitur minor? R. Quia est pars Majoris, & quia minores effectus habet, quam Excommunicatio major, vel quia ob minus peccatum incurritur.

Q. Ob quam causam incurritur minor Excommunicatio? R. Cum quis communicat cum Excommunicato Excommunicatione majori denunciato, vel publico percussore Clerici.

Q. Potestne per communicationem cum excommunicato majori Excommunicatione, incurri etiam ipsa major Excommunicatio? R. Potest, si quis communicaret cum contemptu clavium, vel in ipso crimine, ob quod aliquis est excommunicatus;



**dicatus; vel cum excommunicato à Papa.**

**Q.** *Gravatus minori Excommunicatione an licitè alius potest conferre Sacramentum?* **R.** Potest, quia tantum à passivo Sacramentorum usu remotus est. Idem potest alios absolvere ab Excommunicatione minori. Hinc si susceperet aliquod Sacramentum, peccaret quidem, non tamen fieret irregularis.

**Q.** *In Jure nomine Excommunicationis simpliciter, qua venit intelligenda?* **R.** Excommunicatio Major.

§. 6tus.

**De effectibus Excommunicationis majoris.**

**Q.** *Quoruplices sunt effectus Excommunicationis majoris?* **R.** Duplices, mediati seu remoti, uti irregularitas, quam excommunicatus incurrit exercendo actum alicujus ordinis. add. Si totò Annò in excommunicatione contumaciter persistat, sive intumescat, fit suspectus de Hæresi, & contrà eum, ut talem procedi potest. Triden: Sess: 25. Cap: 3.

**Immediati effectus sunt: imò Privat susceptione Sacramentorum, unde excommunicato sive Toleratus, sive non toleratus non potest licitè recipere Sacramenta sub mortali, nisi excuset ignorantia invincibilis, metus mortis, infamix, jactura bonorum &c. quia censura non obligat sub tanto rigore.**

**add: Privat communibus Ecclesiæ suffragiis publicis**

publicis orationibus & fructu Indulgentiarū,  
non tamen privatis.

3<sup>to</sup> Privat tam participatione *activa* Sacra-  
mentorū, id est administratione, quā *possi-*  
*va* id est receptione eorundem.

4<sup>to</sup> Privatio usūs, Officiorū Divinorū,  
ita ut non tantū eorū careat fructu, sed  
etiam sub mortali iis nequeat interesse, nisi  
excuset ignorantia, vel necessitas vitandi  
scandali, aliavē iusta causa.

5<sup>to</sup> Collatio beneficii facta excommunicato  
nulla est, scilicet Præsentatio vel Electio, In-  
stitutio, & Confirmatio, sicut etiam Collatio,  
Præsentatio &c. facta ab excommunicato est  
invalida.

6<sup>to</sup> Privat Communicatione Forensi. Una-  
de excommunicatus nequit esse Iudex, Ad-  
vocatus, Procurator, licet pro se ipso respo-  
dere possit: Actor, Tabellio, testis.

7<sup>mo</sup> Non *Toleratus* privatur Ecclesiastica  
sepultura, & si sepeliretur in Loco Sacro, &  
Corpora discerni possint? debet exhumari,  
nec in eo loco Divina peragi possunt, ante  
reconciliationem.

Q. Cur dicitur non *toleratus*? R. Quia Eccle-  
sia non polluitur & si Hæreticus, non specia-  
tim denunciatus in ea sepeliatur, ut docet  
Suar. *La. &c.*

8<sup>vo</sup> Privatur omni alia civili Communica-  
tione fidelium, ita ut ipse non possit cum  
aliis,



aliis, et si sit *non toleratus*, etiam alii cum ipso non possunt communicare, idq; in casibus hoc versu comprehensis.

*Os*, orare, *vale*, *Communio*, *Mensa* negatur.

Q. *Quid intelligitur per dicta?* R. Per *Os*, intelligitur omne colloquium amicabile, etiam privatum per nutus, literas &c. *Orare*, hoc est communicatio in Divinis. *Vale*, quod comprehendit omnem salutationem verbô vel signô, vel amplexu &c. *Communio*, quæ cōprehendit contractum (qui tamen validus esset, si fiat,) cohabitationem, societatem, nec iter cum eo facere licet. *Mensa*, per quam intelligitur omnis convicius, & convivium per modum societatis & commercii.

Q. *In quibus casibus licet cum non tolerato conversari seu communicare?* R. In his: *Utile*, *lex humilis*, *res ignorata*, *neceffe*.

Q. *Quid intelligitur per ista?* R. *Utile* in casu uti- tatis sive spiritualis ipsius excommunicati, ut convertatur, sive alterius ut ab Excommunicato consilium petat, quod ab alio habere non potest, sive etiam utilitatis temporalis, vg. ut ab eo debitum restituatur. *Lex* in casu legis Matrimonialis: Uxor cum Excommunicato Marito communicare potest. *Humilis* in casu subjectionis servitii, sic filii Parentibus, servi Dominis Excommunicatis communicare possunt, si ante Excommunicationem fuerint in servitio. *Res ignorata* in casu

casu ignorantiae juris vel facti. *Necesse, in casu necessitatis sive animae sive corporis.*

Q. *Excommunicatus vitandus, seu non toleratus si monitus nolit exire de Ecclesia tempore Missae num incurreret aliquam aliam poenam?* R. *Incurrit Excommunicationem Papae reservatam. Cap. Eos. Sent. Excom. & Clem II. eod. lit.*

Q. *Excommunicatus profugit ad Ecclesiam, & ibi haeret ne capiatur non attendens ad Divina potestine ibi Missa celebrari, & ab aliis audiri?* R. *Potest, quia non censetur communicare illis in Divinis. Dicast: n. 694.*

§. 7mus.

De percussione Clericorum.

Q. *Quomodo intelligenda est Excommunicatio percussoris Clericorū?* R. *Ea sic sonat: Si quis svadente diabolo in Clericum vel Monachum violentas manus injecerit, anathematis vinculo subjaceat, & nullus Episcoporum praeumat illum absolvere.*

Dicitur imò: *Si quis, intelligitur cujusvis sexūs, Persona rationis & doli compos. Extenditur autem ad efficaciter mandantes, consulentes, consentientes, non impediētes, si ex Officio aut justitia teneantur, ut Reges, Judices; item Patres, Tutores, Heri, Praedagogi, Parochi &c. quibus aliorum cura demandata est.*

Dicitur 2dò: *Clericum intelligitur omnis primā saltim Tonsurā initiatus, etiam si conjugatus (dummodò cum unica Virgine) & deferat*



deferat habitum serviatq; alicui Ecclesiæ, etiam si esset excommunicatus, suspensus, interdictus.

Dicitur 3to: *Monachum*, intelligitur quivis Religiosus, etiam Laicus, Conversus, Novitius utriusq; sexus. Item Tertiarius S. Dominici & S. Francisci si gestent habitum, & vivant in Communitate. Item Eremitæ subiecti alicui Regulæ vel Superiori.

Dicitur 4to: *Manus injecerit*, per quod intelligitur quævis contumeliosa actio exterior mortalis, contra honorem & reverentiam Statui Spirituali debitam.

*Nota*: Injuria factis, non verbis irrogata, Censuram concludit. Ita *Matheu.* pag: 38.

Q. *An ad incurrendam Censuram Canonis excuset parvitas materia?* R. Affir: ut ergo Censura incurratur, percussio non levissima esse debet; sed *levis mediocris*, aut *gravis* seu *enormis*.

*Levis* percussio secundum *Extravag.* ea declaratur quæ facta manu, pede, lapide nullam relinquit cicatricem, nec dentes effringit, nec multos evellit crines, nec sanguinis copiam facit, licet parum fluat; ita percutientes possunt ab Episcopo absolvi.

*Gravis* seu *Enormis* percussio erit, si Clericum graviter vulneret, mutilet, enormiter percutiat ad copiosam sanguinis effusionem: si aspergat lutò, copiam capillorum evellat, vestem ei laceret, pallium, pileum de capite rapiat,

zapiat, violententer in carcere detineat: manus violentas injiciat in Equum, cui insidet, quæ actio licet sit levis respectu corporis, non tamen respectu honoris; si occidat. Et talis à Summo Pontifice debet absolvi.

Q. *An percussio, quæ aliàs secundum substantiã esset levis, fieri possit gravis?* R. Affir: 1. v.g. ratione loci uti si percutiatur Clericus ministrans Altaris occupatus, sive in Choro, in Processione, aut alio publico loco.

2. Ratione Personæ, v.g. si sit Episcopus, Prælati, aut aliàs in dignitate Ecclesiastica constitutus. Cæterum judicium relinquitur Episcopo, quæ sit? aut nō sit enormis injuria.

Q. *In quibus casibus ob percussorem Clerici Censura non incurritur?* R. imò: Dum trudit Mulier Clericum valentem eripere pudicitiam, si nō potest eundem verbis repellere.

2do: Dum quis vestes aliasvè res non inducas lacerat, quia non infert violentiam Personæ Clerici.

3to: Dum quis percussit Clericum ad defendendum se, vel vitam suam, Uxoris, Parentum, Filiorum, vel res suas, cum moderamine inculpatae tutelæ.

4to: Dum fortuito casu, & non ex deliberatione, vel dum non agnoscitur, vel solum per jocum, vel ad ludum percutitur Clericus, quia non fit violentèr, nec (vadente Diabolo.



3<sup>do</sup>: Cum ex Officio, Magister vel Prælat<sup>9</sup> corripit, nam tunc fit iudicantis iustitia & charitate.

Q. Si quis percutiat v<sup>g</sup>. Studiosum habentē Clericalem habitum, putans se percutere Clericum, estne Excommunicatus? R. Non, quia non excommunicatur quis propter intentionē, sed propter factum. Hinc percussus debet omnino saltem primā Tonsurā esse initiatus.

Q. Si quis percutiat Clericum putans esse Laicū, an hic incidit in Canonem? R. Non, quia excusat eum ignorantia facti, neq; tunc censetur esse contumax, nam si sciret desisteret, unde in foro conscientie manet liber à Censura.

Q. Incurritne Excommunicationem, qui percutit Petrum Clericum, putans illum non esse Petrum, sed Paulum similiter Clericum? R. Affir: Tum quia nulla ignorantia excusat in tali casu, cum habeat intentionem percutiendi Clericum, & revera percutit, licet credat esse alium Clericum. Bon. San. Dia. &c.

Q. Percutiens plures Clericos, in petenda absolute debetne numerum ipsorum exprimere? R. Debet, aliàs petitio esset subreptitia. Pluribus enim Excommunicationibus numerò distinctis ligatur. Glos. in Cap: cum pro causa.

§. 8<sup>vus</sup>.

De Suspensione.

Q. Quid est Suspendio? R. Est Censura Ecclesiastica, quā prohibetur vel arcetur Clericus

cus

eus ab aliquo actu Ecclesiastico aliàs sibi cō-  
veniente.

Ex qua definitione patet, quòd subjectum  
suspensionis est solus Clericus, quia solus ipse  
est capax actus Ecclesiastici.

Q. Qui possunt suspendere? R. Ii, qui possunt  
ferre Censuras.

Q. Quotuplex est suspensio? R. 3plex. 1ma ab  
Officio tantum, quā privatur Clericus usu Or-  
dinis & potestatis Spiritualis. 2da A Benefi-  
cio tantum, quā Clericus privatur administra-  
tione, & fructibus sui Beneficii. 3tia Ab u-  
troq; simul, quā privatur & potestate Spiri-  
tuali, & fructibus temporalibus.

Alia suspensio est *Totalis*, quæ privat om-  
ni actu Ordinis, & perceptione omnium  
fructuum. Alia *Partialis*, quæ privat aliquò  
tantum actu Ordinis, ut est suspensio à Con-  
fessionibus.

Q. Quotuplex adhuc est Suspensio? R. 2plex.  
*Determinata*, quæ ad certum tempus privat  
Clericum Officiò aut Beneficiò, quò elapsò  
statim cessat absq; ulla absolutione. Altera  
*Indeterminata*, quæ privat sine temporis præ-  
scriptione, ac proinde durat donec per abso-  
lutionem tollatur. Alia Suspensio est à *Jure*,  
alia ab *Homine*, alia *Lata*, alia *Ferendæ sen-  
tentie*, ut dictum est de Censuris.

Q. Quot modis contrahitur Suspensio? R. 5q;  
1. In Ordinatione indebita, 2. Propter B-



restitutum illicitum Ordinis. 3. Propter delictus aliquos commissos circa munera ad Clericum spectantia. 4. Propter peccata à Clerico commissa.

Q. Quot sunt Suspensiones quæ contrahuntur à Clericis in ipsa ordinatione peccantibus? R. 12. Suspenduntur recipientes Ordines ab Episcopo qui renuntiavit Episcopatu. 2do Recipientes ab alieno sine licentia proprii. 3tio Recipientes à proprio Episcopo in aliena Diocesi sine licentia Ordinarii. 4to Recipientes ab Excommunicato vel suspensio. 5to Recipientes Ordines ante legitimam ætatem. 6to Extra tempora sine dispensatione. 7mo Non servatis interstitiis. 8vo Ordinati cum fido Titulo. 9no Promoti per saltum. 10mo Ordinati post Matrimonium ratum. 11mo Si sint excommunicati, vel suspensi, aut interdicti. 12mo Si quis vacante Episcopatu non habens beneficium saltim infra annum cum Literis Dimissoriis à Capitulo receptis ordinetur in Sacris.

Q. Quot sunt Suspensiones, quæ incurruntur propter Exercentium Ordinis? R. 4. Suspenduntur, qui vivunt Ordine aliquo in loco interdicto. 2do Celebrantes coram excommunicato, vel interdicto, vel eundem admittentes ad Divina, aut ad sepulturam Ecclesiasticam. 3tio Admittentes ad sepulturam veterarios publicos. 4to Parochi iungentes vel benedicen-

ees sponſos alterius Parochia ſine licentia Pa-  
rochi ſponſorum.

Q. Quot ſunt Suspensiones, quæ incurruntur pro-  
pter defectus circa munera ad Clerum ſpectantia? R.  
3<sup>qs</sup>. Suspenduntur abutentes veſtibâs à iure  
ſtatuti & præceptis. 2<sup>do</sup> Gravantes Eccleſiâ  
ſibi commiſſam debitâ alienâ. 3<sup>tio</sup>. Rapien-  
tes bona Prælati defuncti non habitô jure.  
4<sup>to</sup>. Eligentes indignos ad cutam animarum.  
5<sup>to</sup>. Non ſervantes Conſtituti. Innoc. IV. in  
viſitatione Eccleſiarum.

Q. Quot ſunt Suspensiones, quæ incurruntur  
à Clericis propter peccata ab iſcommiſſa? R. 6.  
Suspenduntur Clerici imo Recipientes Ordines  
ſimoniacè. 2<sup>do</sup> Recipientes Ordines à Simo-  
niaco licet non ſimoniacè, niſi ipſos excuſet  
ignorantia. 3<sup>io</sup>. Spontè jurantes de tenendo  
Schismate. 4<sup>to</sup>. Provocantes ad duellum vel  
acceptantes ab alio oblatum, aut pugnantes.  
5<sup>to</sup> Raptores, aut præſtantes auxilium, aut  
conſilium raptui, ipſô factô incurrunat ſu-  
ſpenſionem.

Q. Qui, & quoniam ſunt caſus, propter quos Regu-  
lares Clerici incurunt Suspensionem à jure latam? R. 7.  
In Apoſtasia recipientes S. Ordines. 2<sup>da</sup>  
Non profeſſi recipientes Ordines. 3<sup>io</sup>. Non  
utentes habitu Religionis ſuæ. 4<sup>to</sup>. Admit-  
tentes ad Profeſſionem Novitios ante annum  
probationis. 5<sup>to</sup> Introducentes feminas in  
clauiſtra Monafterii. 6<sup>to</sup> Uſurpantes De-  
cimas



cimas sibi non convenientes. 7<sup>me</sup> Qui non monent poenitentes de solvendis Decimis.

Q. Quomodo peccant illi, qui violant Suspensionem? R. Peccant mortaliter, nisi levitas materiae excuset. Insuper violantes Suspensionem per exercitium solemne Ordinis S. incurrunt Irregularitatem.

§. 9<sup>us</sup>.

Casus particulares de Suspensione.

Q. Suspendus à Beneficio potestne eligere, praesentare, conferre beneficium? R. Potest, quia etiam haec jura competant illi ratione Beneficii, actus tamen illi non sunt Beneficii praecise ut sic, sed potius Officii, seu jurisdictionis. Suspendus absolute intelligi debet ab Officio & Beneficio.

Q. Suspendo vg. Capitula vel Conventu num censentur suspensi singuli? R. Non, nisi sint in culpa.

Q. Enumeret nonnullos casus in quibus violans Censuram incurrit Irregularitatem, vel ne? R. 1<sup>mo</sup> Exercens actum alienius Ordinis Minoris, vel etiam Majoris non solemner nec ex Officio administrando non fit Irregularis CC. DD. 2<sup>do</sup> Neq; exercens actus solius jurisdictionis, qui non sunt conjuncti cum actibus Ordinis. 3<sup>to</sup> Suspendus ab Ordine fit irregularis benedicendo aquam, cereos, fructus, nuptias, aut Mulierem post partum. Non tamen benedicendo Mensam. 4<sup>to</sup> Suspendus ab ingressu

ingressu Ecclesie sit Irregularis celebrando in  
ea, vel in Cameterio, secus si abibi celebraret.

6to. Suspendus ab administratione Sacramen-  
torum non sit irregularis illa suscipiendo.

6ta. Suspendus à susceptione Sacramentorū,  
si suscipit, peccat mortaliter, non tamen sit  
irregularis, quia suscipere non est actus Or-  
dinis. Sylv.

7me. Suspendus ab Officio prædicandi, si  
prædicet, non sit irregularis, sed peccat, &  
puniendus est, secus si prædicet solemniter.  
Et ex suo Officio, sicut tenentur prædicare  
Episcopi & Parochi. Nav.

8vo. Suspendus à Beneficio non sit irregu-  
laris recipiendo fructus Beneficii, quamvis  
peccet contra justitiam usurpando illos, ad  
quos non habet jus ob Centuram Suspendio-  
nis. Bon.

Q. Suspendus à proprio Episcopo an incurrit ir-  
regularitatem si vg. celebret in alio Episcopatu? R.  
Affirm; quia Suspendio in qua celebrat afficit  
personam non respicit locum, imò nec pote-  
rit colli, nisi cum auctoritate sui Episcopi  
Com: DD.

Q. Si quis excommunicatus ante sententiam bonæ  
fide appellavit, & Judex nihilominus pergat, an se-  
cundus celebret fiat irregularis? R. Non, attamen  
tenetur se ita publicè gerere ut centuratus  
sit.

S. Iomus.



De Depositione & Degradatione.

Q. *Quid est Depositio?* R. Est poena Ecclesiastica ex se perpetua, & vindicativa privans Personam Ecclesiasticam ob crimen, omni Officio & Beneficio, retentio solò Canonis & Fori Privilegiò.

Q. *Quid est Degradatio?* R. Est privatio Officii & Beneficii simpliciter, & in toto sine spe restitutionis facta cum solemnitate certa, & privatione Privilegii Clericalis Fori & Canonis, ut seculari foro tradatur, & talis Degradatio dicitur realis Depositio.

Q. *Degradatio & Depositio suntne Censura?* R. Non, quia sunt poenae perpetuae, Censurae autem sunt poenae ad tempus. Subiectum harum poenarum est idem, quod & Suspensionis, scilicet Clericus tum Minorum, tum Majorum Ordinum.

Q. *Ob quas causas feruntur ha poena?* R. Depositio imponi solet ob Adulterium, Stuprum, Incestum, Furtum, Perjurium, Homicidium etiam solò consilio perpetratum &c.

Scelera varò ob quae Degradatio imponi solet sunt? Hæresis manifesta, sollicitatio ad turpia in Confessione, Sodomia, Homicidium Regis aut Episcopi.

Q. *An Degradatus & Depositus teneatur ad Horas Canonicas & ad votum castitatis?* R. Affirmative quia Ordo ab illis non tollitur, sed solùm executio

executio

*Decretio Ordinis, nisi ad tales penas darentur, in quibus illis foret impossibilis recitatio, vg. si darentur ad Triremes, vel in tenebroso carcere detineantur.*

*Q. Si Degradatus celebraret? R. Gravissime peccaret, sed valide consecraret. S. Tho: &c.*

§. I. Ius.

De Interdicto.

*Q. Quid est Interdictum? R. Est Censura Ecclesiastica Sacramentorum quorundam usum, Divina Officia, & Sepulturam Ecclesiasticam prohibens.*

*Q. Quotuplex est Interdictum? R. Locale, quò locus solus interdicatur, ne in eo Officia Divina fiant. Aliud Personale, quò prohibetur populus vel aliqua Persona particularis audire Divina Officia ubicunq, sit. Et Mixtum, quò interdicatur locus, & Persona.*

*Locale subdividitur in Generale, quo interdicatur locus universalis, ut Regnum, Provincia, Parochia. Et in Particulare, quò interdicatur aliqua Ecclesia certa, cum qua semper comprehenditur Sacellum & Cræmatorium contiguum, quia accessorium sequitur naturam sui principalis. Aliud est Interdictum Parziale, aliud à Jure, aliud ab Homine. prout dictum est superius de aliis Censuris.*

*Q. Per quod differt ab Excommunicatione Interdictum? R. Quia illa ultra plura quibûs privatur*



vat etiam humana & politica communicatio-  
ne, hoc autem non fit. Insuper illa contra-  
docentes fertur. Hoc autem & innocentes  
afficit, etsi indirectè & per accidens, quatenus  
inter eos, qui directè interdicti sunt, mor-  
rantur.

Differt à *Suspensione*, quia hujus Censuræ  
subjectum est solus Clericus. *Interdictum* ve-  
rò ferri potest etiam in Laicos. Quando  
interdicitur Clerus, non eo ipso interdicitur  
& Plebs communis, quia sunt distinctæ Cō-  
munitates.

Q. *Ad hoc ut Interdictum justè feratur, quale  
delictum requiritur?* R. Mortale, & maximè dū  
est *Interdictum Locale*, aut *Personale Generale*,  
cū enim per hoc etiam innocentes puniun-  
tur requiritur gravissima culpa cum contumacia  
commissa ab omnibus, vel etiam à Capite  
aut à præcipuis membris.

Q. *Quot sunt effectus Interdicti?* R. 3. Pro-  
hibitio activi & passivi usus aliquorum Sa-  
cramentorum. Dixi *aliquorum*, nā interdicti  
possunt baptizari, confirmari, poenitentiam  
agere, imò in articulo mortis & Eucharistiā  
sumere, non tamen ordinari, aut Extremam  
Unctionem suscipere. 2<sup>us</sup> Prohibitio Divi-  
norum Officiorum, nempe Sacrificii Missæ,  
Horarum Canoniarum, ne publicè canten-  
tur. Item prohibentur benedictiones sole-  
mnes, & alia Officia à Ministris Ecclesiæ fieri  
solita.

solita  
Q  
R. S  
Inter  
Inter  
mod  
Cler  
gular  
Ordi  
sta.

Q  
Clesia  
re de  
Sakra  
eam  
Loca  
prop  
Divi  
Eccle  
vel  
ter v  
is fe

Q  
Gener  
mort  
sit C  
Q  
Possi

solita. *3<sup>tius</sup>* Privatio Ecclesiastica sepultura.

Q. *Quomodo peccant, qui violant Interdictum?*

R. Si sint Laici? peccant mortaliter violando Interdictum Personale. Si autem violaverint Interdictum Locale? peccant venialiter, dummodo ipsi personaliter non sint interdicti. Clerici vero ultra peccatum incurrunt irregularitatem, maxime si illud violent per actum Ordinis vg. celebrando in Ecclesia interdicta. Bened: XIV. de Sacrifi: C. 3.

§. 12mus.

De Cessatione à Divinis.

Q. *Quid est Cessatio à Divinis?* R. Est Ecclesiastica Prohibitio, ob quam Clerici cessare debent in certo loco à Divinis Officiis, & Sacramentorum administrati ue, nisi quatenus eam necessitas postulat. Differt ab *Interdicto Locali*, quia Cessatio non est Censura, neq; propriè dicta poena, sed simplex prohibitio Divinorum, in signum gravissimi mæroris ab Ecclesia recepti ob gravissimam injuriam sibi, vel honori Divino illatam, vg. ob notabiliter violatam immunitatem Ecclesiasticam. Ea is ferre potest, qui & Censuras.

Q. *Violans Cessationem sive Particularem sive Generalem, quam poenam incurrit?* R. Peccat mortaliter, non fit tamen irregularis cum nō sit Censura.

Q. *Tempore Cessationis quæ sunt licita?* R. Possunt sepeliri corpora Clericorum, imò le-

gandum



eundem nonnullos etiam Laicorum; Pulsari potest campana ter de die pro Salutatione Angelica, & ad audiendam Concionem. Potest administrari Baptismus, Confirmatio & Pœnitentia. Eucharistia potest portari ad Infirmum cum campanula. Singulis Hebdomadis potest fieri Missa ad renovandam SS. Eucharistiam.

§. 13<sup>tas</sup>.

De Irregularitate.

Q. Quid est Irregularitas? R. Est impedimentum Canonicum susceptionem Ordinum, ac susceptorum usum impediens.

Q. Cur dicitur Impedimentum Canonicum? R. Quia irregularitas est inducta jure Canonicò. Unde Fœmina aut non baptizatus, non sunt propriè irregulares in Ordine ad suscipiendos Ordines, quia non sunt impediti jure Ecclesiasticò, sed Divinò.

Q. Irregularitas estne Censura? R. Non, quia Censura cum sit pœna, necessariò præsupponit culpam, Irregularitas verò est, purum impedimentum, non necessariò præsupponens culpam, nam si aliquândo requirit culpam, ut est Irregularitas ex delicto non fertur tamen ut pœna, sed tanquam impedimentum proveniens ex delicto.

Q. Quomplex est Irregularitas? R. Duplex: Totalis, quæ privat omnis Ordinis susceptionem, & suscepti exercitiò. Et Partialis, quæ impedit

Impedit alicujus tantum susceptionem, aut sus-  
cepti exercitium ut vg. carens oculò sinistro,  
est quidem inhabilis ad Sacerdotium, non ta-  
men ad alios Ordines.

Q. *Quotuplex est adhuc Irregularitas?* R. 2plx.  
Una ex delicto, quæ incurritur propter aliquod  
delictum in jure expressum. Alia ex defectu,  
quæ est à jure imposita ob indecentiam, quæ  
talís & talis defectus affert Sacro Altari &  
Ministerio.

Q. *Quot sunt delicta, ex quibus contrahitur Ir-  
regularitas?* R. Sunt 7. Iteratio Baptismi vo-  
luntaria & absoluta. 2do Violatio Censuræ  
in susceptione vel Exercitio Ordinum. 3tio  
Indebita susceptio Ordinis (puta, furtivè aut  
per saltum. 4to Exercitium illius Ordinis,  
quem non habet, vg. Si Diaconus Missam  
celebraret. 5to Hæresis vel Apostasia quæ-  
cunq; à fide. 6to Incurritur irregularitas ex  
delictis infamibus, seu infamiam inducentibus,  
sive illa infamia sit imposita à jure Canonico,  
sive à jure Civili. 7mo Etiam contrahitur ex  
homicidio injusto & mutilatione alterius, vel  
etiam sui ipsius.

Q. *Quid requiritur ad hoc, ut irregularitas ex  
delicto incurratur?* R. Requiritur actus externus  
consummatus & mortalis.

Q. *Quot sunt defectus ob quos incurritur irregu-  
laritas?* R. Defectus animæ. 2do Corporis.  
3tio Natalium, 4to Etatis, 5to Sacramentis.  
6to Li-



6to Libertatis. 7mo Bonæ famæ. 8vo Leni-  
tatis.

Q. *Qui sunt Irregulares ex defectu animæ?* R.  
1mo Illiterati, qui scientiâ ad talem Ordinem  
carent requisita. 2do Utu rationis carentes,  
ut sunt perpetuò amentes, lunatici, Arrepti-  
tii, Epileptici, qui si antea ordinati sunt, &  
per annum eò morbo non laborârunt, per-  
mittitur illis Exercitium Ordinum, quia præ-  
sumuntur liberati. 3tio Neophyti, hoc est  
recenter ad fidem conversi.

Q. *Qui sunt irregulares ex defectu corporis?* R.  
Cæci, surdi, & similes ad Exercitium Ordinis  
inepti. 2do Carentes pollice, indice, aut oc-  
culo sinistro. 3tio Enormiter mutilati, aut  
aliò quocunq; modo defectuosi, monstrosi,  
4to Hermaphroditi, qui de utroq; sexu par-  
ticipant.

Q. *Qui sunt irregulares ex defectu Natalium?*  
R. Illegitimè nati, de quo jam superius di-  
ctum est.

Q. *Qui sunt irregulares ex defectu ætatis?* R.  
Omnes illi, qui non habent ætatem ab Eccle-  
sia præscriptam in ordine ad suscipiendos Ora-  
dines, quæ irregularitas cessat adveniente ter-  
mino ætatis, aut dispensatione Papæ. Quæ  
autem ætas ad singulos Ordines requiritur,  
dictum est ubi de Ordine

Q. *Qui sunt irregulares ex defectu Sacramenti?*  
R. Bigami, qui inito pluriès Sacramento Ma-

rimoniæ

Matrimonii carnem suam dividunt in plures uxores propter quod non repræsentant perfectè unionem Christi cum Ecclesia.

Q. *Quid est Bigamia?* R. Est Matrimonii multiplicatio.

Q. *Quotuplex est Bigamia?* R. 3plex: *Vera, Interpretativa, & Similitudinaria.*

*Vera* est tunc, quando quis plura Matrimonia successivè contraxit, & consummavit.

*Interpretativa* habetur, quando quis Matrimonium validum contraxit cum una quidè sed Vidua, vel corrupta ab alio, talis enim, ac si cum pluribus contraxisset.

*Similitudinaria* habetur, quando quis constitutus in Sacris, aut in Religione professus contraxit Matrimonium, & consummavit sive cum Virgine, sive non; Talis enim per votum contraxit solemne Matrimonium cum Christo, unde Matrimonium contrahens evadit similis ei, qui carnem suam in plures divisit.

Q. *Qui sunt irregulares ex defectu bonæ famæ?*

R. Illi, qui exercent aliquam artem, cui annexa est ex jure infamia, uti Histriones, Circulatores, Mimi, Comædi, Filii publicæ meretricis, damnati ad Triremes &c.

Q. *Qui sunt irregulares ex defectu libertatis?* R. Mancipia, Conjugati, Curiales, & alii reddendæ rationi Bonorum alicujus obnoxii.

Q. *Ergo Conjugatus utpote irregularis non potest licitè ordinari?* R. Potest, & quidem sine ulla dispensa



dispensatione, sed cū consentu uxoris. Ipsa autem tenetur emittere votum castitatis, vel Religionem ingredi. Viro autem sic ordinato mortuo? Uxor superstes non posset validè, nec licitè contrahere cum alio, sic enim Ecclesia statuit propter reverentiam Ordinis S.

Q. *Qui sunt irregulares ex defectu lenitatis?* R. Iudices sententiam mutilationis, aut mortis ferentes (excepto Summè Pontifice) Notarii, Accusatores, Testes, Advocati, Ministri iustitiæ, & omnes, qui ad mortem vel mutilationem activè, efficaciter, & proximè per actionem ex natura sua ad illam ordinatam cooperantur, morte, aut mutilatione securâ.

Unde Iudex ferens mortis aut mutilationis sententiam, si non sequatur effectus talis sententiæ, non est irregularis. Bon. Ec.

§. 14<sup>us</sup>.

Reliqua de Irregularitate.

Q. *Quis est effectus Irregularitatis?* R. 1<sup>mo</sup>. Inhabilitas ad Ordines suscipiendos, & primam Tonsuram, & impeditio exercitii susceptorum Ordinum. Hinc Sacerdos irregularis validè absolveret, sed non licitè. 2<sup>do</sup> Collatio Beneficii facta irregulari invalida est.

Q. *Quos modis tollitur Irregularitas?* R. 4<sup>is</sup> modis. 1<sup>mo</sup> Per susceptionem Baptismi. 2<sup>do</sup> Per cessationem defectûs, cessante enim vg. infirmitate oculi Canonici, cessat irregularitas. 3<sup>te</sup> Irregularitas ex defectu natalium proveniens cessat

cessat per Professionem Religiosam. 4to Per Dispensationem.

Q. *Qui potest dispensare in Irregularitate?* R. Jure ordinario solus Papa, quia Irregularitates jure Ecclesiastico universali sunt constitutæ, in quo nemo inferior Pontifice potest dispensare.

Dixi: *jure ordinario*, quia ex privilegio *Trid: Conc: Sess: 24.* Episcopi etiam possunt dispensare super omni irregularitate proveniente ex delicto occulto; excepto homicidio voluntario, & Bigamiâ. Occultum autem censetur delictum, quod non est deductum ad forum contentiosum; non potest autem dispensare Episcopus in Irregularitatibus provenientes ex defectu juxta *Com: DD.*

Q. *An Confessarii in aliquibus Irregularitatibus dispensare possunt?* R. In nullis, nisi speciale privilegium habeant.

Q. *Quid est Dispensatio?* R. Est juris communis relaxatio facta cum causa justa & rationabili ab eo, qui jus habet dispensandi.

Q. *Ad quid inventa est dispensatio?* R. Ut esset pars justitiæ distributiæ, cum omnis legislator facit legem communem omnes comprehendentem, eveniunt multæ causæ, propter quas naturalis ratio protunc non considerata suadet factum illud non debere comprehendendi sub illa generali determinatione.

Q. *Per quid differt absolutio à dispensatione?* R.

N

Ablo-



Absolutio est sententia remittens delictum, vel peccatum. Dispensatio autem est exemptio ab obligatione alicujus legis, quâ vg. prohiberetur accipere Ordines, qui aliquem occidit.

Q. *Quae sunt causae moventes ad dispensationem?*  
R. Plurimae: uti Personae necessitatis, loci, temporis, utilitatis Ecclesiae, aetatis, scandalum, majoris boni futuri, boni eventus Rei. discretionis, pietatis, misericordiae & religionis &c.

Q. *Sacerdos infirmus dat cibum, vel potum, vel movet, de lecto in lectum transfert, aut aliud bonum fide operatur, ex quo mors sequatur, vel ejus acceleratio, an sit talis irregularis?* R. Non, nisi intervenit culpa lata.

Q. *An irregularitas per actum pure mentalem incurri potest?* R. Non, sed debet esse exterior, consummatus, perfectus.

Q. *In dubio an debet quis censerī irregularis?* R. Non, siue sit dubium juris siue facti, itaque dubitans an sit legitimus? censerī debet legitimus in utroque foro. In dubio tamen iniusti homicidii debet censerī irregularis, sic enim injure determinatur; hoc tamen non debet extendi ad mutilationem nec ad homicidium justum in defensionem factum.

Q. *Petrus detulit aliqua iudici officiose in causa criminali contra Paulum, pro quibus Paulus mortis punitus, an propterea Petrus sit irregularis?* R. Si fecit perjurium, etiam fictum, dummodo per externum actum expressam, etiam si im-

mediatē

med  
larit  
Q  
re?  
sed  
mili  
posco  
pana  
Q  
alius  
suppor  
2a  
quo  
3a  
brev  
4a  
magn  
clama  
ditur  
5a  
tendi  
bitur  
non  
Q  
gulari  
tratum  
lalten  
Q  
locum  
test di

mediate ante prolationem sententiæ, irregularitatem non incurrit; si secus, incurrit.

Q. *Quomodo debet fieri protestatio coram Iudice?* R. Non est necesse quod fiat in scripto, sed potest fieri solâ voce dicendo sic vel similibus verbis: *Satisfactionem vel restitutionem posco, protestorq; me nullâ ratione intendere mortē, penam sanguinis vel mutilationem illius Rei.*

Q. *An sit irregularis Sacerdos, vel quicumq; alius adhortans furem, ut scalam ascendat, caput supponat?*

2do Qui carnifici dicit ut aliquid aptet, quo citius extingvatur Reus?

3tio Vel qui dum reus ducitur ad mortē breviorē suggerit viam?

4to Vel ille, qui ut rem suam vel alienam magni momenti à fure sublatam recuperet, clamat adesse furem, qui capitur & suspenditur?

5to Vel ille, qui svadet poenitenti ad faciendum peccatum [si judicialiter interrogabitur] morte plectendum? R. Hi omnes non sunt irregulares, ita Com: DD.

Q. *Si quis plures etiam ejusdem generis irregularitates incurrit vg. ob homicidium sapius patratum debetne dispensari in singulis?* R. Debet saltem in genere & in communi.

Q. *Irregularis in loco A. publicus, transiens ad locum B. ubi occulta sit irregularitas ejus, num potest dispensationem petere super irregularitate occulta*



*respectu loci B.?* R. Potest; sed tenetur in p<sup>ro</sup>positione exprimere omnem hanc circumstantiā, alias esset invalida dispensatio.

*Q. Irregularis an valide ordinaretur?* R. Affirmatvè. Ecclesia enim tantum reddit talem inhabilem ad Ordines ritè suscipiendos vel ex recendos, non autem reddit absolute incapacem.

*Q. Suspendus à suo Episcopo extra judicialiter sine scriptis si celebrat, an sit irregularis?* R. Non, S. Cong: Con: 18. Aug: 1703. Secus autem si fuerit suspendus juridicè. Monach.

*Q. Qui dat operam rei licite. Et omnem adhibet diligentiam ne sequatur homicidium, si deinde casu fortuito sequatur, incurritne irregularitatem?* R. Non; S. Cong: Con: 1. Octobris 1588.

*Q. Fitne irregularis ministrans in Ordine suscepto, postquam legitime appellavit a sententia Excommunicationis contra ipsum lata?* R. Non; S. Cong: Con: 15. 7bris 1625.

*Q. Nuper exorta rixâ percusserunt se Studiosi, unus graviter vulneratus obiit, alter leviter, sed ex incuria neglecti vulneris etiam obiit. Nunc*

*Q. 1mo: Quando in dubio quis judicandus est irregularis?*

*Q. 2do: An, quando plures quā graviter quā leviter alterum vulnerant, sint omnes irregulares?*

*Q. 3tio: An irregularis censendus est qui alterum leviter vulnerat, sed ex incuria neglecti vulneris paulo post moritur?*

R. ad

R. *ad unum*: Dubium *positivum* est. quando quis in singulari dubitat an hic & nunc quod sit irregularis, an hic & nunc sit licitum vel illicitum.

Aliud dubium *speculativum*, quando in communi dubitatur. Aliud dubium *iuris*, aliud dubium *facti*. In dubio *iuris* non censetur esse irregularis. In dubio *facti* vg. an patravi hoc homicidium? teneor me censeri esse irregularem, ita in iure determinatum.

R. *ad 2dum*: Vel plures ex condicio & consilio alterum graviter vulnerant? vel absque conspiratione & consilio? si ex condicio? et si unus tantum vulneravit omnes sunt irregulares, quia omnes proxime cooperati sunt; si absq; conspiratione, & unus tantum lethale vulnus inflixit? tunc si nullus cognoscatur, omnes qui de homicidio dubii sunt, irregulares sunt, ita in iure statutum pro casu homicidii.

R. *ad 3tium*: Negative; quia tale vulnus non censetur proxime cooperari, nisi febris, vel alius morbus ex vulnere accresceret.

## C A P U T 7mum.

§. 1mus.

De Diaconatu.

Q. Quid est Diaconatus? R. Est potestas per quam



quam ordinatus in Diaconum potest proxime Sacerdoti in Ministerio Altaris assistere, & Evangelium solemniter cantare.

Q. *A quo? & quando fuit institutus Diaconatus?*

R. à Christo, dum post Cœnam Corpus & Sanguinem suum Apostolis ministravit.

Q. *Ubi fuit præsfiguratus hic Ordo?* R. In Veteri Lege per levitas Sacerdotibus inservientes. Num: 8. Unde ex levitis Sacerdotes & Pontifices eligebantur, ætas ad Diaconatum requiritur annorum 22. completorum.

Q. *Quotuplex est materia hujus Ordinis?* R. 2plex. Remota est liber Evangeliorum & manus Episcopi. Proxima verò est ejusdem libri traditio & acceptio ac manuum Episcopi impositio.

Q. *Quotuplex est forma Diaconatus?* R. 2plx. Una correspondens primæ materiæ & sunt verba: *Accipe potestatem &c.* Altera correspondens secundæ materiæ, suntq; hæc verba: *Accipe Spiritum Sanctum &c.*

Q. *Materia hujus Ordinis cum sit duplex, quæ est dignior?* R. Traditio libri Evangeliorum, in qua imprimatur character & confertur gratia.

Q. *Initio nascentis Ecclesiæ non extabat liber Evangeliorum, ergo non videtur esse materia hujus Ordinis?* R. Initio Ecclesiæ porrigebatur pagina, in qua scripta erant Myſteria fidei Christianæ, quæ deserviebat pro libro Evangeliorum. Palaus.

Q.

Q. Quid significat manuum impositio? R. Unionem ordinati cum ordinante in spiritu & gratia, quapropter per manus contigit B. piscopus cum sibi unit sub ista verborum forma: Accipe &c.

Q. An valida esset Ordinatio Diaconi, si alius liber continens Evangelia. ( & non Missale uti solet ) vel si tota daretur Sacra Scriptura? R. Affirmative. Dubia verò foret & ab conditione repetenda; si daretur solum vetus Testamentum, vel si traderetur liber Exorcismorum, vel continens sola Acta Apostolorum seu Apocalypsum.

Q. Quid significat hoc nomen Evangelium? R. Significat bonum nuncium Divinae gratiae per Christum Dominum humano generi collatae.

Q. Quid significat: Dominus vobiscum? R. Dominus in vobis maneat cum largitione suae gratiae.

Q. Diaconus ( quia vg. malâ fide ante legitimam aetatem ordinatus ) suspensus, si exerceat ministerium inferioris Ordinis vg. Subdiaconatus sterneret irregulares? R. Non, quia Suspendio à Superiore Ordine, non comprehendit inferiorem, bene tamen viceversa.

Q. Si quis Subdiaconatu invalidè suscepto fuerit Diaconus, obligaturne voto castitatis? R. Affirmative, quia illud est annexum singulis S. Ordinibus.

Q. Quae est propria vestis Diaconi? R. Stola decussatim posita super humerum nostrum pendens sub latere dextero, & Dalmatica.

Q. Quid



*Q. Quid hæc Stola denotat?* R. Cum Diaconus ad labores suscipiendos in via Domini ordinetur, ne ei accadat in illis unquam succumbere, Stola quasi sacrâ fasciâ super humerum ligatur, humerus enim est pars corporis ad onera ferenda maximè aptus.

*Q. Si quis Titulum quem pro Subdiaconatu habuit perdidisset, deberetne alium procurare pro Diaconatu?* R. Affirm; quia aliàs ordinaretur in Sacris sine titulo contra Trid. decretum.

§. 2<sup>us</sup>.

*De Officio Diaconi.*

*Q. Quid est Officium Diaconi?* R. uno Presbytero sacrificanti proxime assistere. 2<sup>do</sup> Evangelium solemner cantare videlicet cum Stola. 3<sup>to</sup> In defectu Presbyteri, vel de ejus licentia Eucharistiam populo distribuere. 4<sup>to</sup> Populo prædicare.

*Q. An Diaconus ex commissione Parochi possit administrare Extremam Unctionem?* R. Non, quia id nullo jure ipsi conceditur.

*Q. Quid est solemner cantare Evangelium in Missa?* R. Est cantare cum propria veste Diaconi.

*Q. An potest Diaconus solemner baptizare?* R. Ex commissione Parochi vel Episcopi potest, si sine illa baptizaret? peccaret mortaliter, & fieret irregularis. Cap. 1. de Cler. non Ord. mi.

Nec in extrema necessitate licet Diacono solemner baptizare sine commissione dicta, quia

quia etsi necessitas licitam reddit actionem baptizandi, non tamen baptismi solemnitate.

Q. *An potest SS. Eucharistiam administrare?* R. Potest ex commissione Parochi: Hoc tamen tempore ob copiam Sacerdotum non est in usu, nisi aliqua foret necessitas, vg. si ad agonizantem non posset ferre Sacerdos SS. Eucharistiam.

Q. *An possit Diaconus manu propria porrigere Ss. Eucharistiam Sacerdoti infirmo?* R. Si potest Sacerdos ipse sibi porrigere? ipse porrigat, si secus? porrigat Diaconus.

Q. *Potestne assistere Matrimonio?* R. Ordinarie non potest, quia *Trid:* hoc munus solum Parocho committit, vel alteri Sacerdoti de ipsius Parochi vel Episcopi licentia. Potest autem assistere, si fuerit Parochus, sed non benedicere illud.

Q. *Potestne saltem cum licentia Episcopi benedicere aquam lustralem?* R. Non, quia benedicere dona DEI officium est Presbyterorum, seu actus Sacerdotalis Ordinis, ideo si id faceret? fieret irregularis. Diaconus (multo magis Clericus Min: Ord:) abstinere debet à danda solemnī asperzione populo in die Dominico, quia etiam hic actus videtur esse proprius Sacerdoti, ut patet ex antiqua Ecclæ praxi.

Q. *Peccatne Diaconus mortaliter, si exerceat suum munus in statu peccati mortalis?* R. Non: Com: DD.

Q. *Quid?*



Q. Quid habet plus potestatis Diaconus, quam Subdiaconus? R. Hoc: quod in recitatione Breviarii ante orationes dicat Dominus vobiscum, quem verum præsentem Sacerdote dicere non potest, nisi de ejus licentia. Obligationes Diaconi eadem sunt, quæ & Subdiaconi.

§. 3<sup>tius</sup>.

De Præceptis Decalogi.

Q. Quid nomine Decalogi intelligitur? R. Significatur lex Divina positiva 10. Præcepta complectens; quorum tria priora DEUM spectant; 7<sup>ptem</sup> verò posteriora proximum respiciunt.

Q. An Præcepta DEI observari possunt? R. Omnino, adjuvante DEI gratia, omnia enim possumus in eo, qui nos confortat. Phil: 4.

Q. S. Paulus Act: 15. Præcepta DEI vocat: jugum? R. Loquitur de Præcepto Circumcisionis, non verò de Præceptis Divinis, de quibus Christus dixerat: Jugum meum est suave Eccl: 11.

Q. Quæ ulterior ratio? R. Aliàs enim DEUS nec esset bonus, præcipiens nobis, quæ servare non valemus, nec esset iustus, puniens æternâ poenâ, Præceptorum suorum transgressores, si hæc servatu essent impossibilia.

Q. Quotuplicia sunt præcepta Decalogi? R. 2<sup>p</sup>licia: Affirmativa, quæ bonum præcipiunt, quæ obligant semper sed non pro semper.

Sic

Sic obedire Parentibus tenemur in bono, nō in malo.

Et *Negativa*, quæ malum prohibent; & ista obligant semper & pro semper, nam nullus est casus, in quo liceret plures Deos colere, propriâ authoritate occidere.

Q. *Quis Author Præceptorum Decalogi?* R. DEUS ut Supremus Dominus statim post Creationem primi hominis naturæ humanæ ea indidit, & cordibus impressit, quæ postquam pravis moribus, & diuturnâ perversitate obscurata, & non servata fuerunt, per Moysen in Monte Sinai, in duabus Tabulis lapideis scripto tradidit. Quæ omnia sunt juris naturalis, præter tertium præceptum.

§. 4<sup>us</sup>.

De legibus & Canonibus.

Q. *Quid est lex?* R. Est voluntas ejus, qui præest populo, debite promulgata cum intentione obligandi subditos.

Q. *Estne idem lex quod præceptum?* R. Sæpe pro eodem sumitur, hæc tamen est differentia: quod lex toti communitati, Præcepta verò particularibus Personis dantur. Lex non expirat morti legislatoris, secus præceptum.

Q. *Quotuplex est lex?* R. 2plex; Divina, & Humana.

Lex Divina alia est naturalis, & est naturale dictamen rationis, quo per lumen ratio-

nis



nis nobis impressum naturaliter cognoscimus, evidenter recta, & facienda; turpia autem vitanda.

Alia est *positiva*, & est decretum DEI hominibus præscribens modum necessarium ut apte pervenire possint ad beatitudinem supernaturalem.

Lex *Humana*, est rectum rationis decretum ab habente publicam Authoritatem latum, præscribens aliquid à subditis servandum, legi quoque naturali conveniens.

Humana alia est *Ecclesiastica*, quæ fertur à Summis Pontificibus & Conciliis, quæ etiā vocatur Canon seu jus Canonicum.

Alia *Civilis*, quæ fertur à Regibus, & Imperatoribus.

Q. Unde dignosci possit, quod lex graviter, vel leviter obligat? R. Ex ipsis terminis legis. Nam tunc lex dicitur graviter obligare, quando transgressoribus minatur exclusionem à Regno Cælorum, vel pœnas inferni, aut inimicitiam DEI &c. Porro omnia præcepta Decalogi sunt sub mortali obligantia, nisi parvas materiæ, aut defectus deliberationis, seu advertentiæ plenæ excuset.

Quod si ex Scriptura dignosci non possit, utrum lex graviter, vel leviter obliget? tunc ex communi sensu Ecclesiæ aut DD. cognosci poterit. Si autem hi inter se discordent? pars tutior sequenda est Confessario.

Q. Quid

Q. *Quid est: jus Canonicum?* R. Est corpus quoddam ex variis legibus & constitutionibus Summorum Pontificum integratum, seu est volumen continens varias Constitutiones Conciliorum & Summorum Pontificum.

Q. *Quid est Canon, & quotupliciter sumatur?* R. 2plicitur sumitur *larie*, pro omni constitutione Ecclesiastica. Et *strictè* sumitur pro illa constitutione Ecclesiastica, quæ in Concilio Generali editur.

Q. *Quid est: Constitutio?* R. Est lex Ecclesiastica dirigens & obligans fideles ad aliqua servanda præcepta concernentia bonum spirituale.

Q. *Quid intelligitur per illud: Extravagantes?* R. Sunt illæ Constitutiones, quæ post obitum Joannis XXII. à diversis Pontificibus exierunt; Quæ ideo dicuntur *Extravagantes*, quia aliquamdiu extra Corpus Juris Canonici, quâ sede certâ vagantes extiterunt. Nunc autem sunt de Corpore Juris.

Q. *Quid est: Sanctio?* R. Est Constitutio Ecclesiastica, in qua transgredientibus illam poena statuitur.

Q. *Quid sit: Breve Apostolicum?* R. Sunt litteræ Pontificiæ in membranis subtilibus & candidis, caractere latino descriptæ, ac à tergo cerâ rubrâ chordulis lineis inclusâ illitæ, annuloq; Piscatoris signatæ, ac manu Secretarii



Secretarii subscriptæ. Quæ alio nomine vocantur: *Litera in forma Brevis.*

Q. *Quid est: Bulla?* R. Sunt literæ Apostolicæ, quæ expediuntur per Cancellariam sub plumbo, seu sigillo plumbeo pendente in Chordula.

Q. *Ut lex aliquem obliget, quæ conditiones requiruntur?* R. imo Ut sit à Superiore lata. 2do Iusta, ob bonum publicum. 3tio Debitè promulgata.

Q. *An Clerici teneantur servare leges Civiles?* R. Tenentur eas servare, quæ non sunt contrariæ Juri Canonico; Nam jus Canonicum est correctivum juris Civilis, in quo adversatur.

Q. *Quomodo lex Canonica intelligi potest utrum obliget, sub gravi, vel sub levi culpa?* R. His 4. modis: imo Ex gravitate materiæ præceptæ. 2do Ex intentione legislatoris. 3tio Ex verbis, quibus mens legislatoris exprimitur. 4to Ex pœna, quæ solet legi apponi.

Q. *Quâ ratione eximitur aliquis à lege?* R. imo Per abrogationem aut Dispensationem factam à legislatore, vel ejus successore. Inferior enim non potest abrogare legem Superioris, nec dispensare, nisi delegatione Superioris. 2do Per privilegium, si quis ex intentione Legislatoris in lege non fuerit inclusus. 3tio Per consuetudinem contrariam. 4to Si cesset finis adæquatus legis, minimè autem si partialis.

ialis. 1<sup>to</sup> Per Epikiam seu interpretationem Legis.

Q. *Quid est Epikia?* R. Est actus prudentiæ, quo ex æquo, & bono judicatur, quod verba legis, quamvis clara sint, tamen hic & nunc in casu non sunt servanda.

Q. *An Epikia habet locum in lege Divina & naturali?* R. Non; nisi tantum improprie, & quò ad nos, quia licet sæpe verba clara legis Divinæ videantur comprehendere etiam hunc casum, tamen aliunde relictus DEUM ab initio non voluisse illum comprehendere.

*Bard: Schilo. de conter: T. 2. n. 59. 61. DEUM quandeq; sub lege sua noluisse comprehendere casus valde arduos, vg. licet posuerit claram legem de confitendis mortalibus, tamen per quandam Epikiam judicamus posse, nos aliqua omittere ad evitandum grave damnum spirituale, aut temporale nostrum vel proximi.*

Q. *In lege Humana habetne locum Epikia?* R. Habet; nō tamen si legislator interrogari possit.

Q. *Quomodo lex cessat per consuetudinem?* R. Si habeatur sequentia. 1<sup>mo</sup> Si à tota Communitate aut à majori parte actus contrarii Regi fiant, per 40. annos Legi Canonica, & per 10. Legi Civil. 2<sup>do</sup> Si lex hoc tempore contrariæ consuetudini non resistat.

*Nota:* Quidquid hic dixi de lege Canonica, id ipsum dici potest de lege & jure Civil.

§. 5<sup>us</sup>,



De imo Præcepto Decalogi.

Q. *Quid nobis præcipitur imo præcepto?* R. Verus erga DEUM honor & amor, quod adimpletur maximè per actus virtutum Theologicarum, & per virtutem Religionis.

Q. *Quid vero prohibetur?* R. Omnis Idololatria, Superstitio, Divinatio &c.

Q. *Quid est Superstitio?* R. Est falsa Religio, seu cultus vitiosus veri vel falsi Numinis.

Q. *Quotuplex est?* R. 2plex: Una cultus indebiti seu incongrui, quo verus quidem DEUS colitur, sed modo inaddebito, qui scilicet esset præter vel contra consuetudinem Ecclesiæ ac præscriptum. Altera est ratione rei cultæ, quando nempe cultus DEO debitus falso Deo, vel creaturæ exhibetur. Hæc Superstitio dividitur in Idololatriam Divinationem &c.

Q. *Qui superstitionem cultus falsi committit?* R. Ille, qui agit hæc: imo Qui offert DEO cultum per Cæremonias antiquæ Legis, vg. per Circumcisionem &c, quia hæc significant Christum adhuc venturum & nondum venisse.

2do Laicus, qui DEUM colit tanquam publicus Minister vg. sacrificando, absolvendo &c, quod est mortale.

3tio Qui suâ autoritate proponit aliqua facienda, tanquam ordinata ab Ecclesia ad DEI cultum.

460 Qui fallas reliquias proponit venerandas.

1<sup>to</sup> Qui fingit aliquod factum miraculū per Imaginem, siue causa lucri, siue etiam ad devotionem augendam.

6<sup>to</sup> Qui fingit se aliquas Revelationes Divinas habuisse.

Q. Quot modis potest fieri superstitio? R. imo Per sola Sacra, ut si adhibeam verba sacra, vel orationes certas cum certis circumstantiis ad obtinendam vg. sanitatem, vel aliquid mihi utile.

2<sup>do</sup> Per sola non sacra, Quando adhibeo nō sacra cum certa tamen omnino circumstantia, vel tempore vg. iter agere die Jovis, vel omittere die Mercurii.

3<sup>tio</sup> Per sacra simul & non sacra, ut si cum rebus sacris adhibeam res naturales, inutiles, irreverentes, verba profana, & econtra.

Q. Quid est Divinatio? R. Est inordinata rerum occultarum vel futurarum, quæ naturaliter sciri nequeunt inquisitio vel prædictio per media à Divina Providentia non constituta. In Divinatione semper intervenit pactum cum dæmone expressum, vel implicitū.

Q. Quæ universaliter continent Divinationem?

R. Illa omnia, quorum attentā naturā nullā habent connexionem cū effectu ut vg. dum Mulieres divinant, & prædicant futura aut præterita ex cognitione herbarum, et si cum

Q

iavo.



invocatione Nominis DEI, aut Sanctorum; quia tam herbarum quam preces Mulierum nullam habent connexionem cum præscientia rerum. Unde cantus in his sit Confessarius, neq; de facili credat, quod ordinate invocentur SSma Nomina JESU & MARIAE ab istis Vetulis, quia ista solet permittere demon, ut sic ejus latens occultaretur fraus & astutia.

Et hæc Vetulæ solent esse supersticiosæ, quæ v.g. Carbones immergunt in aquam pro doloribus hominum mitigandis cum certo precum numero: quæ metuntur caput, vel inspirant in faciem &c. hæc enim & similia, quæ nullam habent connexionem cum effectu secuturo, sunt superstitiones.

Quod si autem Confessarius dubitet de occulta virtute rerum applicatarum? Attendat ad modum, an non sit supersticiosus, ex quo poterit devenire in cognitionem rei factæ.

Q. Quot sunt species Divinationis? R. Plurimæ: ut *Necromantia* est Divinatio facta per fictas mortuorum suscitationes vel locutiones.

2. *Geomantia* fit per signa & puncta in corpore terrestri ut in lapide, ligno, charta &c.

3. *Hydromantia* fit per signa apparentia in aëre

4. *Pyromantia* fit per signa apparentia in igne.

5. *Chiromantia* lineas manus considerat.

6. *Augurio*

6. *Augurium* est Divinatio ex vocibus & garritu avium, animalium desumpta.

7. *Astrologia* est Divinatio, quæ sit ex situ motu, ac positione astrorum & planetarum. Non prohibetur Astrologia judicans temporum mutationem, ubertatem, sterilitatem, &c. Et ex Astrorum influxu in nativitate hominis ejusdem inclinationes naturales, temperamentum, ea quæ ad sanitatē pertinent, judicans, & actiones in genere, quia hæc naturaliter ex astris cognosci possunt.

Prohibetur solum Astrologia judicans actiones in particulari à libero arbitrio pendētes.

8. *Sortilegium* est Divinatio facta per jactationem sortium. Multiplices autem sunt: *1mo* *Consultoria*, quando projiciuntur taxilli inquirendo quid in hac re agendum. In necessitate aliqua possunt esse licitæ.

*2do* *Divisoria* sunt, quando ad determinandā partitionem alicujus rei projiciuntur. Hæ sunt licitæ dummodo, *1mo* non fiant contra bonum publicum, *2do* ut non fiant contra justitiā, *3to* ut non fiant de Bonis Ecclesiasticis.

*3tio* *Divinatoria*, quando mittuntur ad futurum aliquid agendum. Hæ semper sunt illicitæ, quia videntur includere pactum cū dæmone, saltem implicitum, nullam enim habent connexionem sortes cum re occulta futura,



**Q.** *Quid est vana observantia?* **R.** Est, quando medio aliquo improporcionado & à DEO non instituto procuratur aliquis effectus v.g. sanitas, scientia, &c.

Dupliciter autem potest fieri, cum pacto implicito, vel explicito demonis. Differt autem à Divinatione, quia hæc ordinatur ad occultorum cognitionem, illa verò ad eternum effectum.

**Q.** *Unde præsumi potest tacitam esse demonis invocationem?* **R.** Quando adiunt verba non significativa. 2do Figura inutilis. 3to Nomina ignota Angelorum. 4to Fallitates sive Physicæ sive Morales. 5to Conditiones vanae. 6to Promissio effectus infallibilis supra vires mediorum.

**Q.** *Unde cognosci possit vana observantia?* **R.** Ex insufficientia causæ adhibita ad effectum, si nimirum nec habeat naturalem virtutem, nec de supernaturali constat.

2do Ex adjunctione falsæ vel vanae circumstantiæ, ut v.g. si fieri debeat lotio certa hora, certo loco, vel die. Si adhibeantur ignota, falsa, & apocrypha verba, characteres peregrini. 3to Si effectus statim evanescat.

**Q.** *Quid est maleficium?* **R.** Est vis nocendi alicui ex pacto & cooperatione demonis. Differt à Magia, quod hæc intendat facere mira, illud autem dirigatur ad nocendum.

**Q.** *An liceat petere à malefico, utrum parato, ut maleficium*

maleficium per aliud maleficium tollas? R. Non;  
quia maleficium per aliud dest. ut bene & li-  
cite nequit; eo quod posterius maleficium  
includat expressam vel tacitam demonis in-  
vocationem, quæ est semper illicita.

Q. An liceat petere à malefico ut tollat maleficiū  
modo licet? R. Licet; quia licet ab eo petere  
ut iniuste nocere desinat cum ad id teneatur.

Q. Quid est Idololatria? R. Est Superstitio,  
quæ cultus soli DEO debitus creaturæ ex-  
hibetur.

Q. Quotplex est? R. Materialis, dum alicui  
creaturæ tribuitur cultus Divinus cum incult-  
pabili ignorantia. Et formalis, quæ tunc ha-  
betur, quando redditur alicui creaturæ cultus  
soli DEO debitus, cum vincibili ignora-  
tia.

§. 6tus.

De Religione seu de Cultu Religionis.

Q. Quid adhuc præcipitur imo Præcepto? R.  
Cultus Religionis.

Q. Quid est Religio? R. Est virtus per quā  
homines debitum DEO reddunt cultum.

Q. Quid est cultus seu adoratio? R. Adoratio  
latissime sumpta est quæcunq; veneratio ali-  
teri exhibita in signū excellentiæ ejus, quæ-  
cunq; ea sit. Sic Gen: 23. Abraham adoravit  
Eliam Heb. Hæc adoratio more est politice  
& Civilis.

Adoratio latè sumpta est veneratio alteri  
exhibita



exhibita propter excellentiam ejus<sup>9</sup> supernaturalem. Sic ibidem Cap: 5. Josue cecidit pronus in terram, adorans Angelum.

Q. *Adoratio stricte sumpta seu cultus quotuplex est?* R. 3plex: *Dulia* est cultus, qui Sanctis exhibetur ob Sanctitatis excellentiam, quam habent. *Hyperdulia* est cultus, qui exhibetur Beatissimæ Virgini MARIAE, ob particularem ejus excellentiam, quam habet præ cæteris Sanctis propter dignitatem Maternitatis Filii DEI. *Latria* est cultus, qui DEO exhibetur ob infinitam ejus excellentiam.

Q. *Quotuplex adhuc est adoratio seu cultus?* R. *Interior*, scilicet cordis & mentis, humilis ac sincera alteri submissio. *Exterior* est reverentia signo externo alteri exhibita, ut vg. genuflexio &c.

*Item* alius est *Absolutus*, quo adoratur aliquis propter propriam excellentiam, quam habet. Alius *Respectivus*, quo adoratur aliquis propter excellentiam alterius, quod representat vel ad quod respectum habet. Ut vg. Crucis &c. Sic etiam Sancti honorantur cultu absoluto propter suam dignitatem. Imagines verò cultu respectivo.

Q. *Per quid dignoscendi sunt prædicti cultus?* R. Per solam intentionem, seu per actum internum. Omnis enim adoratio externa est indifferens ut DEO fiat, vel homini. Unde genuflexio, totius corporis prostratio, non  
sunt

sunt signa cultus patriæ.

Tales enim adorationes per intentionem fiunt. Unde si adoratione externâ intendit quis adorare DEUM, recognoscendo ejus suæ premium Dominium, erit cultus Patriæ, si B. V. M.? erit Hyperdulia.

Q. Rectene agimus publicè genuflectendo coram Venerabili Sacramento? R. Absq; dubio: Si enim in Nomine JESU omne genu flectendum est &c. multo magis coram ipso Domino JESU realliter præsentem.

Q. Sed num reversa Christus est præsens in Eucharistia ante usum? R. Infallibiliter est: aliàs enim Æterna Veritas Omnipotenti Verbo suo non dixisset verum.

Q. Quare? R. Dixerat enim: Hoc est Corpus meum, ante sumptionem priusquam omnes & singuli Apostoli de consecrato illo Pane participassent; igitur si Verbum ejus Divinū verum erat, necessario sub speciebus Panis Corpus Christi adesse debuerat, ante sumptionem.

Q. Quid de hoc primitiva Ecclesia? R. In Antiquissimis Patribus & Scriptoribus Sacramentum hoc in primitiva Ecclesia, cum speciali reverentia per multos post consecrationem dies asservatum fuisse. S. Cyril: Episc: ad Gallosyniam ait: Insaniunt, quicunq; asserunt Eucharistiam si in alterum diem asservetur vim suam amittere.



Q. Quid ex dictis inferitur? R. Negantes præsentiam Christi in Eucharistia, extra usum, evidenti Scripturæ refragari; non enim dicit Scriptura: *Hoc est enim Corpus meum in vestro ore*, sed: *Hoc est Corpus meum*.

Q. Rectene Processiones, quibus Iſſum Sacramentum publicè colitur, & circumfertur, instituuntur? R. Recte: Si enim laudabiliter olim ab Apostolis instituta fuerat Processio, dum Christus sedens in Asino, publico applaudente concentu, Hierosolymam ingrederetur. Si recte egerat David similem instituendo Processionem cum Area fœderis, in qua Manna illud admirabilis nostri Sacramenti figura ( ut ipse Dominus Joan: 6. testatur. ) observabatur, quia igitur ambigere poterit, num etiam à nobis solemnitates huiusmodi rectè instituuntur?

Q. Si quis dicat Xſtum adesse in Sacramento ut sumatur non verò ut adoretur? R. Id non rectè dicitur; Si enim adest Christus? jam universale DEI & iuris naturæ præceptum: *Domini- num DEUM tuum adorabis*, omnes obligat.

Q. Quid ex præfato asserto sequeretur? R. Tale inconueniens: Christus non ideo jacuit in præsepio ut adoraretur, ergo tres Reges adorantes eum non rectè egerunt? Christus non ideo visum restituit cæco ut se adoraret, igitur cæcus erravit, quod coram Domino in genu prociderit?

De Vitiis Oppositis Religioni.

Q. *Quid est blasphemia?* R. Est locutio facta per modum convitii, aut contumeliæ & maledictionis in DEUM vel Sanctos. *Ratio*, quia sicut laus Sanctorum redundat in DEUM, sic etiam & blasphemia.

Q. *Quotuplex est?* R. 2plex: *Hereticalis*, quæ articulis fidei directè opponitur, ut si quis diceret: *Deus est crudelis*, crederetq; pertinaciter his à se iniquissime dictis. *Alia simplex*, quæ articulis fidei directè non opponitur, sed aliquid vituperabile per modum detestationis & quasi imprecationis in DEUM profert sine contumacia; à prima, non quilibet Confessarius simplex approbatus absolvere potest, secus ab altera. In blasphemia erga DEUM non datur parvitas materiæ.

De Sacrilegio.

Q. *Quid est Sacrilegium?* R. Est violatio rei Sacræ seu dicatæ cultui Divino. Ex genere suo est peccatum mortale.

Q. *Quotuplex est?* R. 3plex: *Personale*, est violatio Personæ Sacræ. *Reale*, quando res violatur ut profanatio vasorum sacrorum v.g. si quis ex calice consecrato biberet in convivio. *Locale*, quando locus violatur.

Q. *Quomodo locus v.g. Ecclesia potest violari?* R. 1mo Per Repitum forensem ut si quis negotiationes, Rapulationem equorum, aut similia faciat



facit in Locis Sacris. 2do Per furtum, quod fieri potest 3bus modis. 1mo Si quis furatur Sacrum de Sacro, hoc est vg. calicem in loco Sacro.

2do Sacrum de non Sacro, vg. rem sacrā extra Ecclesiam.

3tio Non Sacrum de Sacro, vg. pecuniam aut aliam rem, quæ fuit deposita in Ecclesia, vel ejus custodiæ tradita, aut ei accomodata.

4tio Violari Ecclesia potest per actus repugnantes ejus immunitati.

1to Violatur: per Pollutionem, polluitur Ecclesia (vel Cæmeterium) per injuriosam exustionem.

2do Per sepulturam excommunicati vitandi id est non tolerati, seu publice denunciati, aut Notorii percussoris Clerici, Infidelis, etiā infantis, minime autē, si sit filius Parentis fidelis, licet decesserit sine Baptismo, quia est pars hominis Christiani, consuetudo tamen est, ut non sepeliatur in loco S.

3tio Per homicidium injuriosum, aut mutilationem etiā injuriosam, suffocationem, & si fiat sine sanguinis effusione.

Polluitur, si quis alium in subita rixa in Ecclesia occidit, quia ex hoc, quod occisio fuerit subita, & casualis non sequitur, quin fuerit voluntaria, & inde injuriosa. Etiam dum quis seipsum occidit.

Polluitur per Martyris alicujus occisionem,

non

non quidē ob sanguinem Martyris, qui Sanctus & innocens est, sed ob injustam & sacrilegam occisionem. Et licet Ecclesia esset reconcilianda, tamen locus sanguinis non esset lavandus, sed sanguis sacer colligendus, & observandus.

Non polluitur per homicidium ex joco vel ludo secutum, quando non poterat prævideri homicidium: Nec, si fiat ab amente, ebrio, puero usum rationis non habente.

4to Polluitur Ecclesia vel Cæmeterium per effusionem sanguinis publicam, & mortaliter illicitam, & in magna quantitate. Secus verò per effusionem sanguinis in propriam defensionem, aut purè casualem.

Imo ut docet *Samuel de Lub.* Non polluitur dum quis alterius nares percutit, & si multus sanguis profluit, nisi præcedat gravis percussio, & factum sit cum culpa gravi.

Ut Ecclesia seu Cæmeterium polluitur, non est necesse ut sanguis cadat in terram, imo etsi vulneratus statim exiverit de Ecclesia seu Cæmeterio.

Polluitur si percussor existens extra Ecclesiam percutit seu vulnerat existentem in Ecclesia seu Cæmeterio. Non polluitur, dum aliquis foris graviter vulneratus sit, & postea ad Ecclesiam confugiat, ibiq; moriatur. *Barb.*

5to Polluitur per copulam illicitam, aut humani seminis effusionem, quæ sit peccatū mortale,



mortale, licet non cadat in terram, dummodo sit externa & notoria.

Q. Si pollutio Ecclesie sit occulta, an indiget reconciliatione? R. Non. Hinc Sacerdos sciens ex Confessione, vel etiam extra eam; sed in secreto, quod sit Ecclesia polluta, potest celebrare, nec curare reconciliationem, nisi successu temporis publicum fuerit.

Q. Quis Ecclesiam pollutam reconciliare potest? R. Si sit tantum benedicta simplex Sacerdos aqua à se benedicta utendo formula Ritualis.

Si autem sit consecrata tu & ab Episcopo reconcilianda, Cap. Aqua 9. de Consecr. Ecclie. Si autem hic habeat gratias à Sede Apostolica poterit committere simplici Sacerdoti.

Q. Qui celebrat in Ecclesia polluta, quam peccatam incurrit? R. Præter peccatum mortale nullam aliam. Si quis autem celebraret in Ecclesia interdicta? præter peccatum mortale incurreret irregularitatem. Bened. XIV. de Sacrif. l. 3.

Q. Polluta Ecclesia polluitur in Cimiteriis? R. Affir: sed non econtra, quia magis principale urabit ad se minus principale.

Q. Si Ecclesia sit polluta per sepulturam excommunicati quid agendum? R. Exhumandum est corpus & alibi sepeliendum in loco profano si autem discerni non possit? relinquendum, sed locus reconciliandus est.

Q. Quam peccatam incurrit scienter & temere excommunicari?

communi

*communicatum sepeliens in loco S.?* R. Excom-  
municationem Papæ reservatam ipso facto.

*Q. Quis effectus sit pollutionis seu violationis Ec-  
clesiæ?* R. Sacramenta non administrantur, of-  
ficia Divina non perfolvantur sepultura mor-  
tuoꝝ non fiat.

*Q. An possint tunc Sacramenta aliqua admini-  
strari?* R. Potest Sacramentum Baptismi, tam  
parvulis, quam adultis, etiam solemniter.  
Cap: Quoniam Passer. 2do Confirmationis. 3tio  
Penitentiae. 4to Matrimonii.

Eucharistia solum infirmis per modū Via-  
tici & extrema Unctio potest dari. Missa  
solum una in hebdomada ad renovandas Pa-  
riculas consecratas pro infirmis potest cele-  
brari. Passer. Disp. 9.

*Q. An campana possint tunc pulsari?* R. Non  
possunt pulsari in his, quæ concernunt offi-  
cia Divina; secus in aliis. Passer ibid.

Cæterum servatur in praxi, ut hleant o-  
mnino campanæ etiam ad salutationem An-  
gelicam, ad majorem terrorem delicti polluti-  
vi Ecclesiæ. Cleric. Errorum. Cap: 31. n. 21.

*Q. Quos modis fiat Sacrilegium Personale?* R.  
4. Homicidio Personæ Sacræ vg. Clerici,  
Religiosi, seu Monialis. 2do Percussione di-  
ctarum Personarum. 3tio Tractatione Perso-  
narum Ecclesiasticarum ad Tribunal seculares  
Incarceratione &c. 4to Fornicatione cum  
Persona DEO dicata, seu vote castitatis  
&c. simplicis obstricta,



**Q.** *Quibus actibus comittitur sacrilegium?* **R.** Non tantum comittitur actu & opere consummato, sed etiam actu interno seu voluntate consentiente; quia cogitationes deliberatae cum consensu ejusdem speciei habent malitiam, sicuti & externa opera consummata; ut patet in omnibus peccatorum malitiis.

**Q.** *Quotuplicem continet malitiam actus veneris in Religiosis, Monialibus, & Clericis?* **R.** Sive sit actus exterior, sive interior ut sunt delectationes morosae, aut pollutiones voluntariae duplicem continent malitiam; contra virtutem castitatis, alteram contra voti obligationem.

§. 8vus.

**De Sacrilegio ex violata Immunitate Loci §.**

**Q.** *Quid est Immunitas Ecclesiastica?* **R.** Est exemptio sive jus, quo res Ecclesiae & Personae Ecclesiasticae à publicis oneribus saecularibus liberae sunt.

**Q.** *Quotuplex est?* **R.** 3plex: *Localis*, quae Ecclesiis & aliis locis Ecclesiasticis competit. *Realis*, quae rebus seu Bonis ad Ecclesiam aut Clericos pertinentibus. Et *Personalis*, quae ipsi Personis Ecclesiasticis competit.

**Q.** *Quo jure immunitas his rebus debetur?* **R.** Civili, Canonico, ac etiam Divino, ut communiter tenent DD. Nam etiam in antiqua lege instituta legitur.

**Q.** *In quo consistit Immunitas?* **R.** In his 2b9

imo

1<sup>mo</sup> Ut aſus ſeculares ſeu profani ab Eccleſiis arceantur. 2<sup>do</sup> Ut malefactores fugientes ad Eccleſiam ibidem in vita & membris protegantur, neq; ex inde violenter extrahi poſſunt. Et dicitur privilegium Aſyli.

Unde in Eccleſiis & eorum Cameteriis nō eſt licitum aliquid vendere, aut negotiationes exercere, exceptis candelis, ſi id fiat ad fidelium devotionem promovendam, ut tenet Azor p. 2. l. 9.

Q. In quo conſiſt Immunitas realis, & Perſonalis? R. In hoc quod res & Perſonæ Eccleſiaſticae à Jurisdictione ſecularium Magiſtratum, eorumq; exactionibus & oneribus immunes ſint.

Q. Quae loca gaudent privilegio Aſyli? R. Omnes Eccleſiae ſive conſecratae ſive nō conſecratae, dummodo ſint ab Episcopis benedictae. Etiamſi ſint pollutae, interdictae, infortunio aliquo dirutae (niſi ſint Authoritate Superioris deſtructae ſine ſpe reedificationis.) Cameteria, Monasteria, & horum campanilia, Horti, infirmaria, Portae, & ſimilia locis ſacris contigua. Palatia Cardinalium, Episcoporum: Oratoria publica Authoritate Episcopii erecta, non verò privata in domibus Nobilium. Gaudent & Seminaſia Clericorum. Felix Potes.

De Jure Eccleſiae Matrix per 40. paſſus in circuitu, & aliae Eccleſiae per 30. gaudebant Immunitate.



Immunitate, sed jam huic convetudine derogatum est. *Item:* Si non esset circa Ecclesiæ Cæmeterium, & fugiens tangeret januam Ecclesiæ clausam, aut parietem gauderet privilegio Asyli; Sicut etiam & ille, qui confugit ad Sacerdotem portantem ad infirmum Ss. Eucharistiam. Quia Corpus Christi est longe dignius, quàm Ecclesiæ materialis. Plurima Decr. S. Congr.

Q. Qui gaudent vel non gaudent Immunitate, etiam si confugiant ad loca Sacra? R. Gaudent omnes fideles, imo probabiliter etiam Pagani, Judæi. Excommunicati, imo & hæreticus, nisi propter hæresim sit capiendus.

Non gaudent publici Latrones, viarumq; Grassatores: Depopulatores Agrorum, seu Incendarii legum: Homicidæ & Marilatores in Ecclesia aut Cæmeterio; requiritur autem effectus, puta mors, vel abscissio membri. Non gaudet, qui existeret extra Ecclesiā, & occideret vg. Sclopeto existentem in Ecclesia & econtra: Nec qui proditorie proximum etiam infidelem occidunt. Proditor proprie est, qui alium occidit simulatâ amicitia per insidias, nullo præcedente rancore, aut inimicitia, quam occisus præcavere poterat.

Nec Assassinus, qui aliquem pecunia aut pretio æstimabili conducit ad alium occidendum, & qui sic conductus alium incautè occidit.

cidit. Unde ambo dicuntur Assassini.

Nec Reus læsæ Majestatis, Nomine Majestatis veniunt Reges & Principes.

Nec Mater occidens filium infantem, neq; qui alium occidit veneno. S. Cong: 1631. 3. Dec. Nec procurantes abortum medicamentis, S. R. C. 3. Dec. 1632.

Nec illi, qui falsificant Literas Apostolicas Bul: Ben: XIII. *Ex qua Divina.*

Nec gaudent constantes, adulterantes, auferentes quascunq; monetas, vel tales expendere & erogare præsumentes.

Nec illi, qui confugientes in Ecclesiam violenter extrahunt.

Omnes illi non gaudent Immunitate, qui qui proximum suum occidunt *Animo premeditato*, sive inimicitia præcesserit? sive non. Homicidium *premeditatum* est: quod non provenit subito in rixa vel ex calore iracundiæ, sed illud est, quod post excitatam iram aliquo intervallo cum deliberatione committitur. Bened: XIII. *Constit: Ex quo Divina &c.*

Dicti delinquentes solent ad Asylum Ecclesiæ confugere, quibus utpote indigis repulsus est dandus, & ad Ecclesiam non sunt admittendi. Si tamen jam sint in Ecclesiâ, non possunt violenter extrahi sine Episcopi scitu, & facultate. Greg: XIV. A. 1591.

Q. *Quæ sunt commoda fugientium ad Asylum Ecclesiæ?* R. Qui in Ecclesiâ confugit, non potest



potest extrahi ex ea vi, dolo, aut mala arte.  
Et sic extractus restitui debet Ecclesie. 2do  
Reus dum est in Ecclesia, non potest vinculis  
constringi, aut alia violentia affligi. 3to Dū  
est in Ecclesia, non potest contra eum ferri  
sententia mortis, aut alterius pœnæ corpora-  
lis: uti exilii &c. 4to Reo in Ecclesia exis-  
tenti non potest negari necessarius victus,  
& vestitus, aut impediri, ne ad illum defera-  
tur. 5to Non potest spoliari rebus propriis,  
& bonis suis, quæ secum ad Ecclesiam tulit.  
Nisi attulisset res alienas, quæ Domino rerū  
harum allatarum restituenda erunt.

Arma à lege prohibita possunt ab eo au-  
ferri: Vel si verbis doloſis aut ficta Judicis  
promissione impunitatem promittentis decep-  
tus fuisset, ut libere de Ecclesia exisset,  
Judex tenetur ei servare fidem, aut Ecclesie  
restituere. Barb. n. 54.

Si Reus sit pauper, tenetur ei Ecclesia sub-  
venire de victu, ille verò tenetur in Ecclesia  
commodum laborare. Extra Locum S. potest  
poni custodia à curia seculari, quia per eam  
nulla vis inferitur. Suar. Pir. &c.

Q. Quam penam incurrunt vi & dolo Reum  
extrahentes ex Ecclesia? R. Ultra culpam Sacri-  
legi incurrunt ipso facto Excommunicationē  
Papæ reservatam. Far Barb. &c. ad quam  
incurrendam sufficit attentatio etiam effectu  
non secuto. Thesai: apud Cleric: Error: Cap:

32. n. 45. 46. Insuper pecunia mulctari debent, & publica poenitentia affligi, nec absolvi, donec restitatur Reus Ecclesie. Eandem poenam incurrunt: capientes, vincientes Reum in loco Asyli; Complices extractionis: Fautores, Cooperatores, mandantes, cogentes, svadentes ut exeat, tentantes. S. Congr: 2. Dec: 1692. 2. Dec: 1693. 5. Jun: 1694.

Reus, qui necessitatis naturae causam egreditur è Loco S. propter ei debitam, & aliunde non salvabilem reverentiam nequit capi à Curia Sæculari. Reyssen. &c.

Q. Quae sunt observanda Rectoribus Ecclesiae in susceptione Reorum fugientium ad Asylum? R. 1mo Examinandus est Reus, ob quam causam fugit; quod si delictum non esset grave, sed solum indigeret correctione morum? dicat ei, nullam habere Immunitatem.

2do Si crimen sit grave, & foret in jure exceptum? persvadeat Reo, ut caute exeat, quia alias Curiae Sæculari tradendus erit.

3tio Quodsi Rector Ecclesiae à Judice sæculari fuerit requisitus de dimissione Rei; dicat ei, prompte id faciet, sed prius scribendum est ad Episcopum loci.

4to Si verò intra hoc tempus addatur custodia intra ad cubiculum, ubi permanet Reus, licet posset hoc renuere Parochus per resistantiam, ad sedandas tamen rixas, protestetur, & ad Episcopum de re acta scribat.



Q. Quid est Simonia? R. Est Audiosa va-  
luntas emendi, vel vendendi pretio tempo-  
rali aliquid spirituale, vel spirituali annexu.

Dicitur Simonia à Simone Mago, cu S. Pe-  
trus Apost: maledixit pro eo, quod ab Apo-  
stolis gratiam Spiritus S. pecuniâ emere vo-  
luisse. Est igitur species Sacrilegii. Ex ge-  
nere suo peccatum mortale.

Q. Quotplex potest esse pretium in Simonia? R.  
3plex: Pretium muneris à manu, ut pecunia &c.  
Pretium muneris à lingua, ut laus intercessio &c.  
Et Pretium muneris obsequii, ut servitium, ob-  
sequium aliquid &c.

Dicitur: Studiosa voluntas, quibus verbis in-  
telligitur quivis contr. ctus onerosus sive ven-  
ditionis, sive locationis, sive permutationis,  
quia Simonia non consistit sine pactione ali-  
qua tacita, vel expressa, & obligatione ex  
parte.

Unde patet malitiam Simonia consistere  
in irreverentia, quæ committitur, dum res spi-  
rituales instar temporalium pretio æstimantur,  
& contractibus subjiciuntur.

Q. Quotplex est Simonia? R. 3plex: Menti-  
talis, quæ sola voluntate committitur, nec in  
actum prodit externum.

2da Conventionalis, quando extrinsecè con-  
venitur, & paciscitur de pecunia, & vendi-  
tione,

stone, sed adhuc non est secutus. *h. utriq;*  
*parte.* Atq; huc reducitur *Simoniam* *Canonica*  
 cum quis alteri dat Beneficium, ut illud  
 sibi, vel alteri resignet, vel cum onere don-  
 di certam partem fructuum.

*3<sup>a</sup> Racio* est actualis traditio rei tempo-  
 ralis pro re spirituali juxta promissionem, &  
 conventionem factam.

*Q. Quotuplex est materia, circa quam committit*  
*potest Simonia?* *R. 3plex:* Pure Spiritualis, *vg.*  
 Dona Spiritus S. & gratia supernaturales &c.  
 2. Pure corporalis, *vg.* Sepultura &c. 3.  
 Mixta ex corporali & spirituali: ut Sacra-  
 menta, Sacramentalia, ornamenta benedicta &c.

*Q. Pro administratione Sacramentorum scilicet Bai-*  
*pismi, Matrimonii datur pecunia Parochis?* *R.*  
 Talis pecunia non exigitur neq; accipitur  
 tanquam pretium temporale pro Sacramento,  
 quod est inestimabilis valoris, sed tanquam  
 stipendium necessarium pro sustentatione Mi-  
 nistrorum Ecclesiae.

*Q. Simonia quomodo dividitur?* *R. I.* In eam,  
 quae est *Juris divini*, cuiq; prohibita propter  
 malitiam suam, *vg.* Hostiam consecratam  
 vendere.

*II.* Et in eam, quae est *Juris humani*, cuiq;  
 mala tantum propter prohibitionem. Et haec  
 ab Ecclesia prohibetur.

*I.* Venditio Beneficiorum secundum id  
 quod in ipso est temporale, scilicet quae ad ipsa  
 praesentium percipiendi fructus.



2. Venditio Officiorum extrinsece tantum ordinatorum ad res sacras, vg. Sacrificæ, Advocati, Æconomi.

3. Oblatio pecuniæ alicui facta ut iu-  
deat alteri, ut det Beneficium.

4. Pactio de resignando Beneficio vel solu-  
venda pensione, si alter Beneficium mihi  
impetret.

5. Permutatio, & resignatio Beneficiorum  
&c. si fiant sine permissione Papæ vel Epipi;  
quæ si accedat licita erunt.

6. Acceptio muneris etiam sponte oblatis  
pro examine ad Parochiam.

*Q. Estne Simonia dare vel accipere pretium pro  
absolutione à peccatis vel Censuris, pro dispensatione  
in voto, in impedimento Matrimonii, Irregularitate?*

*R. Affir: Etiam erit Simonia concionari, Mis-  
sas celebrare pro pretio; nisi excusetur quis  
ratione laboris extrinseci, nō annexi rei spi-  
rituali vg. pro labore itineris, cantûs, scri-  
pturæ &c.*

*Q. Num Simoniacum quivis Sacerdos absolvere  
potest? R. Potest; Exceptâ sola Simoniâ Con-  
suetudinaria & Reali, in susceptione ordinum vel  
imæ Tonsturæ: in susceptione ad Religionem  
& in Beneficio, propter annexam Excommu-  
nicationem Papæ reservatam dictis hisce ca-  
sibus.*

*Ob Simoniam Realem in Beneficio irrita est  
electio, præsentatio, institutio; Unde talis nō  
facit*

f. cit. fructus suos, debet dimittere Beneficium ante omnem sententiam Judicis, quia sine iusto titulo est possessio talis. Efficitur inhabilis ad idem Beneficium, aliis tamen Beneficiis jure ipso non privatur, nec ad alia Beneficia obtinenda fit inhabilis ante sententiam Judicis. Idem dicendum est de Simonia Confidentia.

Q. An, quæ sunt accepta per Simoniam, restitui debent? R. Affi: idq; vel Ecclesie vel danti.

Q. In quibus casibus non committitur Simonia? R. I. Redimendo vexam injustam ratione Beneficii possessi. II. Emendo pensionem mere temporalem, vg. Decimam. III. Dando aliquid resignanti in vim reparationis factæ. Dando certum quantum pro institutione. IIII. Dari potest per modum sustentationis Ministrorum rerum spiritualium, per modum Elemosynæ, vel per modum laudabilis consuetudinis.

Q. Petrus intervivit Eppe hac intentione ut pro mercede conferatur ipsi Beneficium, sine ulla tamen conventionem seu pacto externo, an incurrit penas juris? R. Non, nec tenetur dimittere illud Beneficium. Nam Simonia Mentalis non obligat ad restitutionem. S. Tho. Sa. Ec.

§. 10mus.

De 2do Præcepto Decalogi.

Q. Quæ prohibentur hoc 2do præcepto? R. Ne Nomen



**Nomen DEI** vane & irreverenter assumatur:  
*2do* Ne falso juretur. *3tio* Ne in levissimis  
 rebus **Nomen DEI** in testimonium adduca-  
 tur. *4to* Vota votendo & non reddendo,  
 & his similia.

**Q. Quid est juramentum?** **R.** Est invocatio  
 Divini testimonii in confirmationem alicujus  
 dicti vel facti, aut promissionis.

**Q. Quoruplex est Juramentum?** **R.** *Vocale*  
**Juramentum** (cū *Mentale* solum inter DE-  
 UM & Hominem versari potest, & cum in-  
 teriori voto conjungitur, ad materiam de vo-  
 to pertineat *Suar:*) dividitur in *Affertorium*,  
 quo confirmamus id quod asserimus vel ne-  
 gamus. Et in *Promissorium*, quo confirmamus  
 id, quod promittimus.

*2do* Aliud est *Deliberatum*, quo quis cum  
 attentione & intentione jurat; Et *Indelibera-  
 tum*, quod fit econtra.

*3tio* Aliud *Materiale* tantum, quo quis sine  
 intentione utitur verbis, quæ vim juramen-  
 ti habent. Aliud *Formale* tantum, quo quis  
 profert verba, quæ ex se nullam habent for-  
 mam juramenti, assumit tamen ea animo &  
 intentione jurandi. Aliud est *Mixtum*, quo  
 quis profert verba, quæ formam habent ju-  
 ramenti, idque cum animo & intentione ju-  
 randi.

*4to* Aliud est *Expressum*, quo DEUS ex-  
 presse, aliud *Tacitum*, quo DEUS tacite &  
 implicate in Testem vocatur.

§10 Aliud est Simplex, quo DEUS tantum vocatur in Testem. Aliud Execratorium seu Imprecatorium, quo DEUS non tantum vocatur in Testem, sed etiam in Judicem & Vindicē. Talia sunt: *Moriar, à terra absorbear, fulmine percutiar, &c. si non ita est.*

Ita Aliud est Solemne. Aliud Dolosum, quod fit cum animo decipiendi. Aliud Judiciale, quod præstatur in iudicio. Aliud Absolutum. Aliud Conditionatum. Aliud Liberum. Aliud Coactum. Aliud fit verbis, aliud signis. Aliud Licitum, aliud non licitum, quod patet ex ipsis terminis.

Q. *Qua requirantur ad Juramentum licitum Conditiones?* R. Veritas, Justitia, & Necessitas. Hinc Juramentum est Actus Religionis, si fiat cum dictis conditionibus.

Q. *Quomodo peccant ex levitate vel consuetudine in familiari discursu iurantes?* R. Si verè jurant his aut similibus verbis: *DEUM testor, vel DEUS mihi testis, vel Juro per DEUM,* (hæc verò: *Ut sum Sacerdos, vel, Ut sum Catholicus,* non esse formulas juramenti docet Engel. Less.) & sine necessitate, peccant venialiter, non enim in vanum debet Nomen DEI assumi.

Si verò falsa jurant? mortaliter; Quia simul mendacium committunt, & maxime si in tali perjurio aliquam deliberationem habent.

Q. *An licet jurare cum restrictione mentis?* R.

Hæc



Hæc difficultas pendet ab ill: an licet uti restricta one mentali.

*Restriçtio Mentalis* 2plex est, *Pure Mentalis*, quæ tunc habetur, dum aliud omnimode verba sonant, & aliud est in mente loquentis, ita ut adhibita omni diligentia non possit audiens devenire in alium sensum, præter illū quem verba sonant.

Et *non pure mentalis* est, quando illud quod retinetur in mente ex signo aliquo externo, æquivocis verbis, vel ex circumstantiis aliquibus cognosci debet, ut si Confessarius interrogaretur de peccatis pœnitentis, responderet, quod nullam haberet scientiam de peccatis, in mente retinendo propter te.

Porro *Restriçtio pure mentalis mendacium* est, & si fiat cum juramento est perjurium. Imo etiam in materia jocosa & leviori non est licita *Restriçtio pure mentalis æquivoca*.

Nunc R. Quando se aliquis sponte offert ad juramentum vel à Judice legitime requisitus, peccat mortaliter, si æquivocè jurat. Quia sic omne judicium facile perverti potest.

Q. An teneatur juramento, qui juravit per hæc Evangelia, credens esse librum Evangeliorum, & fuit liber profanus? R. Tenetur, quia licet erravit in materia, non erravit in proposito.

Q. An promissio jurata de re contra justitiam, contra bonos mores vel contra consilia Evangelica obliget ad Executionem? R. Non, quia juramen-

tum

tum non debet esse vinculum iniquitatis.

Q. An qui contraxit Sponsalia cum una absque juramento deinde contrahit Sponsalia jurata cum alia teneatur adimplere juramentum? R. Non, quia juramentum est invalidum tanquam factum de re injusta.

Imo nec tenetur ducere secundam & si prima voluntarie remitteret sua Sponsalia, quia quod ab initio non valuit, tractu temporis non convalescit, nisi post dictam remissionem renovetur promissio cum illa 2da.

Q. An Juramentum vel per errorem vel per dolum extortum obligat jurantem? R. Non, si error vel dolum versetur in substantia, quæ dedit causam juramento, quia ubi est error, nullus est consensus, secus si sit in accidentalibus tantum, vel quando Viator coactus à Prædicatoribus juravit se illis daturum pecuniam quævis in hoc casu possit peti relaxatio.

Q. Quomodo peccat qui jurat se facturum rem malam? R. Si mortaliter malam? mortaliter, si venialiter malam? venialiter peccat, nec tenetur id perficere.

Q. Quid est Perjurium? R. Est quando quis invocat DEUM in Testem suæ falsitatis. Hinc ille censetur esse perjurus, qui falso jurat, vel qui non servat, vel non satisfacit juramento, & ideo peccat mortaliter in re gravi, venialiter in re levi.

Q. Quæ pena puniatur Perjurus? R. Jure Pontif.



**Pontificio sit infamis, & n̄ est Clericus? den-  
ponitur à Beneficio & Ordine, & si Beneficium  
perjuro conferatur? Collatio ipso facto est  
nulla &c.**

**Q. An in perjurio datur parvitas materia? R.**  
Quotiescunq; quis de præsenti falso jurat rem  
ita se habere, vel promittere, non datur para-  
vitas, si rem parvam promissam juramento  
non præstat datur juxta nonnullos.

**S. II. MUS.**

**Reliqua de Juramento.**

**Q. Quod & quibus modis cessat obligatio Jura-  
menti? R. 4. modis Irritatione, Remissione,  
Dispensatione, sive Relaxatione & commu-  
tatione.**

**Q. Quis potest irritare Juramenta? R. Supe-  
rior ipsius jurantis nempe Pater, Prælati, Vir,  
Dominus, respectu suorum subditorum.**

**Q. Quis potest remittere obligationem Juramenti?  
R. Ille in cujus utilitatem vel favorem facta  
fuit promissio jurata.**

**Q. An qui habet privilegium relaxandi vota pro  
foro interno, possit etiam relaxare juramenta? R.**  
**Potest. Pont. Sua. Tamen.**

**Q. Qui possunt Juramenta relaxare? R. Papa  
pro tota Ecclesia, deinde omnes Prælati ha-  
bentes jurisdictionem Spiritualem respectu  
suorum subditorum.**

**Q. An Judex Laicus potest relaxare juramenta?  
R. Nō; quia est quid spirituale, nisi electi in  
fui**

facti favorem facta, quia tunc posset ea remittere.

Q. *Quae excusent ab implatione juramenti?* R.

1. Si quod bonum erat tempore juramenti, propter circumstantias postea sit illicitum, vel vanum, impeditivum majoris boni. 2. Si juramentum mutetur in opus aperte melius, & DEO gratius, nisi esset factum in gratiam hominis. 3. Si status rei notabiliter mutetur. 4. Si res jurata facta sit inutilis ad finem intentum. 5. Si ita ferant conditiones, quae in quovis juramento promissorio tacite includuntur, vg. Si potero, salvo jure Superioris, vel nisi obligatio tollatur &c.

§. 122us.

De Adjuratione.

Q. *Quid est Adjuratio?* R. Est cum inducitur aliqua Persona ad aliquid faciendum, vel omittendum aliquid in vocatione DEI, vel alicujus rei Sacrae.

Q. *Quot modis potest fieri adjuratio?* R. uno Per petitionem, orationem, & obsecrationem. alio Per imperium & coactionem, si fiat cum debitis requisitis, est scilicet religionis, ut autem sit licita? requiruntur: veritas, iudicium & iustitia.

Q. *Quomodo adjurare liceat?* R. Cum debita humilitate possum orando, & deprecando adjurare DEUM ipsum per JESUM Christum, per Sacra Mysteria Passionis.



**Q.** Num creaturae irrationales, ut animalia no-  
civa, grandines, tempestates &c. possunt adjurari?  
**R.** Secundum se directè & propriè non pos-  
sunt, quia non sunt capaces rationis, ut pos-  
sint per adjurationem moveri ad aliquid;  
Quatenus verò moventur sive à DEO in pœ-  
nam peccatorum, sive à dæmone ad nocen-  
dum? possunt indirectè adjurari, sive adju-  
ratione deprecativâ, in ordine ad DEUM:  
sive imperativâ in ordine ad dæmonem. Et  
ad hoc serviunt Exorcismi.

**Q.** An licitè possunt adjurari demones, ut pe-  
lantur à corporibus obsessis? **R.** Possunt adjuratio-  
ne imperativa & coactivâ in Nomine DEI &  
Sanctorum. Nullo autem modo adjuratione  
deprecativâ, nam regulariter esset mortale.

§. 13<sup>tius</sup>.

De 3<sup>tio</sup> Præcepto Decalogi.

**Q.** Quid hoc Præcepto præcipitur? **R.** Obser-  
vatio Festorum, in quibus cessandum est ab  
omni opere servili, & vacandum devotioni  
sub gravi peccato.

**Q.** Quis diē Dominicam loco diei Sabbathi san-  
ctificandum assignavit? **R.** SS. Apostoli ut patet  
ex Apoc. 1. dicente S. Joanne: *Fui in Spiritu  
in die Dominica.*

**Q.** Qua hujus ratio? **R.** 1. In memoriam  
Resurrectionis Christi. 2. Ne videremur  
convenire cum Judæis. Ut sciat. Sacerdos  
rationem Judæis reddere, ex S. Scriptura, da-  
tur,

*itur. 3tia ratio ex illo Mat 66. Ubi Propheta postquam v. 11. de tempore Adventus Messie dissuaserit in Persona DEI, de creatione novorum Sacerdotum, subdit v. 23. Eteris mensis ex mense, & Sabbathum ex Sabbatho. Quid clarius his verbis contra Judæos.*

*Q. Quæ opera sunt prohibita fieri die Dominico?*

*R. Artes Mechanicæ, omnia opera servilia, & quæ versantur circa materiam externam, vg. ligna secare &c. siue illa fiunt ex lucro, siue ex recreatione, minus excusant à peccato.*

*Possunt autem exerceri artes liberales, quia hæ principaliter occupant liberam mentem hominis, licet aliquando sint etiam cum defatigatione corporis, sed hoc per accidens est.*

*Q. Quæ sunt artes liberales, & quæ Mechanicæ siue Factivæ? R. Artes liberales communiter numerantur 7. hoc versu expressæ.*

*Lingvæ, Tropus, Ratio, Numerus, Sonus, Angulus, Astra.*

*Ex quo deducitur Artem Grammaticam, Poëticam, Oratoriam, Discursivam, Arithmeticam, Musicam, Geometricam, Astronomicam, Mathematicam, &c. esse licitam quo ad exercitium Die Festo.*

*Q. Quæ sunt artes Mechanicæ? R. Sunt communiter hoc versu expressæ.*

*Rus, Nemus, Arma, Faber, Vulnera, Lana, Rates.*

*Ex quo deducitur illicitam esse die Festo  
Agricul*



Agriculturam, Venationem, Artem militarem, Fabrillem, Chirurgicam, Textoriam, & Nau-  
ticam; ac præsertim quo ad illas partes, quæ  
sunt opera servilia.

Q. In quibus casibus potest quis exercere servilia  
diebus Festivis absq; peccato mortali? R. 1. In  
servitium DEI, ut pulsare campanas, munda-  
re Ecclesiam, &c. 2. In servitium quotidia-  
num & necessarium hominibus, ut curare in-  
firmos, mundare domos, coquere cibos &c.  
3. In necessitatem corporalem, ut si quis ita  
sit pauper, ut non possit præbere sibi vel suæ  
familie cibum, nisi die Festo laboret. 4.  
Propter communem necessitatem. 5. Ad evi-  
tanda majora damna, ut tempore Belli. Tem-  
pestatibus, incendii &c.

6. Ratione pietatis ut sepelire mortuos &c.  
in Beneficium publicum Reipublicæ.

Q. Cui imputandum peccatum, si subditi violens  
Festa? R. Si inviti id faciunt, sed ex manda-  
to Domini præcipientis? Soli Domini præci-  
pientes peccant, si verò ex suo arbitrio la-  
borant publice? peccant principaliter, sed &  
Parochus, & ipse Dominus minime excusa-  
tur à peccato, Quia sunt Superiores, adeoq;  
si possunt corrigere, & negligunt participes  
sunt illius mali.

Q. Si quis Hebreo aut alteri non baptizato opus  
servile pro integro Festo committeret, num peccaret?  
R. Affirmat Tab: §. 1. n. 16. Nam tamen

non

non baptizatus ex se sine peccato diebus Fe-  
stis laborare possit, quia non est legibus Ec-  
clesiasticis subditus, fidelis tamen non poterit  
sine culpa laborem injungere, quia altero ho-  
mine laborante ipse moraliter laborat, opera  
servilia non modo immediate per nos ipsos  
exercenda, sed etiam mediatè & per alios  
homines prohibentur. *Matheu. pag. 354. &c.*

Q. *Quo tempore dies Festus incipit?* R. Or-  
dinariè loquendo juxta morem à media nocte  
vg. Sabbathi, & terminatur nocte mediâ se-  
quenti.

Q. *Quid judicandum de secatione lignorum ad  
culinam die Festo?* R. In hoc verè servili ope-  
re non mihi videtur famulari consuetudo.  
Unde si nulla adest necessitas & potuissent  
commodè hæc præparari ante diem Festum,  
peccant mortaliter Domini sic disponentes,  
nisi sit modicus labor, quia si hoc licitum  
foret, nullum Festum rite posset celebrari.

Q. *Qui sunt actus ferenses, à quibus abstinendū  
est diebus Festis?* R. Citationes, formationes  
processuum, Expeditiones, ac sententiæ, quæ  
non solum sunt illicitæ, sed nullæ, & invali-  
dæ, si fiant in die Festo, nisi agatur de Reli-  
gione, vel de Personis miserabilibus suble-  
vandis. Testes tamen examinari possunt.

Q. *An Regulares possunt annuntiare Festa, &  
Vigilias populo?* R. Non, quia hoc spectat ad  
Parochos, ut notat *Nico. in Flo.* verbo Festum



De 4<sup>to</sup> Præcepto Decalogi.

Q. Quid hoc Præcepto præcipitur? R. Honor Parentibus debitus, imo & omnibus Superioribus.

Q. Qualis honor his debetur? R. Amoris, Obsequentia, & Reverentia.

Q. In quo consistit hic honor Parentum? R. In Reverentia interiori & exteriori: eos adjuvando in necessitatibus corporalibus, sustentando illos propriis bonis.

Q. Quomodo & quando filius censetur peccare contra amorem Parentum? R. Si signa odii ostendat erga Parentes, si consulo & ex malitia contrarium mandatis eorum faciat, si torvo oculo eos aspiciat, & durè eos alloquatur, si non subveniat eorum necessitatibus, si mortem illis exoptet, si non impleat eorum testamenta, &c. In his omnibus pro gravitate delicti peccat mortaliter.

Q. Quomodo obligamur ad sustentandos Parentes? R. Jure naturali. Et ideo si sint in extrema necessitate Parentes, & filius jam sit ingressus aliquam Religionem ac professus? tenetur egredi petita prius, licet non obtenta licentiâ à suis Superioribus.

Q. An filius potest aliquando privari hereditate à Patre? R. Potest ex justa causa, vg. Si fuerit ingratus Patri, afficiendo illum gravi injuriâ. Si vitæ Patris insidiatus fuerit. Si maleficus.

maleficis se immiscuit. Si Novercam idest  
Patris secundam Uxorem carnaliter cognove-  
rit. Si Patri in carcere detento succurrere  
noluerit. Si bona dilapidaverit.

Hæ causæ pro tunc valent, quando filio  
provisum est aliunde, unde vivat, nam ali-  
mentis ad vitam necessariis privari non potest  
per jus Civile, cum debeantur jure naturali.

Q. An obligantur Domini dare mercedem servis  
infirmis ad obsequium inutilibus? R. Si non ex  
occasione ipsorum infirmitas acciderit? non  
tenentur quidem ex iustitia, nisi ex charitate,  
si sint in magna necessitate. Imo sumptus pro  
ejus curatione poterit Dominus ex salario de-  
bito repetere. Escob. 1. 3. C. 9.

Q. Utrum Dominus expellens servum domo non-  
dum completo tempore constituto, teneatur ei solvere  
integrum anni salarium? R. Bona: &c, DD. af-  
firmant, nisi pulsus esset ob suam culpam.

§. 15tus.

De 5to Præcepto.

Q. Quid est homicidium? R. Est injusta ho-  
minis occisio. Dicitur *injusta occisio*, ut scia-  
mus non esse homicidia: necare homines im-  
probos ex publica auctoritate. Dicitur *ho-*  
*minis* tam alterius quam sui ipsius, quia nul-  
lus est Dominus vitæ suæ, aut membrorum,  
& sic nemo potest se ipsum occidere.

Q. Quotuplex est homicidium? R. 2plex: Vo-  
luntarium & Casuale, quod patet ex terminis.

Q 2

Aliud



**Aliud Simplex**, quod solet communiter fieri.  
**Aliud Qualificatum**, quod ratione alicujus qualitatis Personæ occidentis, aut occisæ, vel aliarum Circumstantiarum habet sibi speciale annexam malitiam, & poenam.

Et tale est Homicidium: Occisio Parentum, Consanguineorum, quod vulgo *Parricidium* appellatur, vel occisio Clerici, aut alterius Personæ Sacræ, & erit Homicidium Sacrilegum.

Q. *Quot modis committi potest homicidium?* R. 6. Facto, consilio, mandato, defensione, permissione, & auxilio.

Q. *An licitum est aliquando homicidium?* R. Licitum, imo Quando malefactores publica auctoritate necantur. 2do In defensione sui, ac bonorum necessariorum pro sustentatione vitæ, dummodo fiat defensio cum moderamine inculpatae tutelæ.

Q. *Qua requirit moderamen inculpatae tutelæ?* R. Tria, imo Ut sit æqualitas armorum, quia non licet pignore ferire illum, à quo quis impetitur pignus. 2do Ut repercussio fiat incontinenti, si enim intercedat aliquod temporis, spatium, erit vindicta, non necessaria defensio. 3tio Ut aggressus non possit aliter salvare suam vitam, nisi percutiendo aggressorem, si enim potest se custodire in loco tuto, vel fugere, & occidat aggressorem, reus erit homicidii.

Q. *An licitum civis suum aggressorem occidere?*  
cum

*cum moderamine inculpata tutele?* R. Licitum tam Sæcularibus, quàm Spiritualibus.

Q. *An licet procurare abortum fetus inanimatæ ne puella gravida infametur, aut occidatur à suis Parentibus?* R. Non licet Sententia contraria dam: est ab Innoc. XI.

Q. *Quando in procuratione abortus incurritur Irregularitas?* R. Juxta communem sententiam solum pro tunc, quando est fetus animatus, quia pro tunc duntaxat committitur verum homicidium, cum sit hominis viventis.

Q. *Quo tempore solet fetus animari?* R. Omnis variis opinionibus. communior sententia. Glossa Clem: Est, quæ docet animationem Masculi 40, Fœminæ autem 80. à conceptione die, fieri.

Sed omiſſa hæc doctrinâ adhuc nulli poterit esse omnino certum, an jam sint tot dies, vel non, à conceptione siquidem multiplicatis copulis, & ipsa Fœmina ignorare potest, in quo concepit.

Q. *Quomodo judicandum Confessario in dubio fetus animati?* R. Si nullum habeat judiciû neq; pro hac, neq; pro altera parte, quod scilicet fetus fuerit jam vivens, vel necdum, quando procuratio abortus intercessit? Censendum est: non fuisse animatum, quia sicut in aliis dubiis semper judicium in favorem Rei, ita & in hoc casu.

Q. *An soli sint obnoxii peccato & penis contra pravi.*



*procurantes abortum, qui procurant?* R. Etiam comprehenduntur: Consulentes Consentientes, & mandantes juxta Bullam Sixti V. & Gregorii XIV.

Q. *Quibus pœnis subjacent abortum procurantes?* R. Excommunicationi, tamen non reservatæ, & omnibus aliis pœnis, in utroq; jure tam Civili, quàm Canonico contra homicidas latis.

2do Si procurantes sunt Clerici cujuscunq; statûs, & dignitatis? privantur beneficio Ecclesiastico, & sunt inhabiles in posterum obtinendi illud pro foro externo.

3tio Item injuncta est talibus Degradatio, & Traditio Curie Sæculari.

Has pœnas non tantum incurrunt procurantes abortum fœtus animati, sed etiam inanimati, ( ut patet legenti Bullam Sixti V. quæ incipit *Effrenatam* ) imo & Consulentes, aut præbentes venena sterilitatis mulieris: exceptâ Irregularitate, quam incurrunt, illi solum, qui procurant abortum fœtus animati.

Q. *An Irregularitas incurritur, etiamsi delictum procreationis abortûs sit occultum?* R. Affirm: Ideo taliter delinquens Missam celebrare, & actus Ordinis exercere non posset, donec à Sede Apostolica dispenseretur. Nisi timeretur suspicio, seu propalatio aliqua, vg. Si unic9 Sacerdos esset in Pago? etenim tunc celebrare posset, sed quamprimum poterit, tenetur procurare Dispensationem.

Q. Si

Q. Si factus sit animatus, licetne dare medica-  
menta tendentia ad expulsiōē fatūs mulieri pregnan-  
ti graviter infirmæ, ex quo cum salute Matris se-  
queretur indigetē fatūs mors? R. Non licet, nā  
ordo charitatis Christianæ exigit, ut vita Spi-  
ritualis animati fatūs præferatur vitæ corpo-  
rali ipsius Matris. *Mathen, pag: 255.*

Q. An liceat calumniatorem occidere, qui verbo  
aut alapa, ignominiam intulit, honorato Viro, &  
aliter, hac ignominia, recuperari non potest? R. Nō  
licet, ob damnatam propo: ab Innoc: XI.  
ordine 30.

Q. Utq; licet occidere aggressorem in fortuna  
bonis, quare non etiam in bonis fama? R. Quia  
si id permetteretur, tenderet in maximam  
perniciem Reipublicæ, sic enim multiplicæ-  
rentur duella & homicidia infinita.

2do. Quia per occisionem furis possunt re-  
cuperari bona fortunæ, non verò famæ, qui-  
nimo per occisionem diffamatoris, magis di-  
minueretur bona æstimatio occidentis, cum  
& jus Civile id prohibeat.

3tio. Quia contra diffamatorem offensus  
potest jure, & judicio procedere, ac sic tuam  
famam repetere, Non verò contra furem,  
qui subito cum furto evanescit.

Q. An liceat prævenire occidendo illum, à quo  
quis occidendus est? R. Probabilius licet, quan-  
do quis aliter vitam propriam, vel bona for-  
tunæ ad sustentandam vitam omnino neces-  
saria.



saria & magni pretii defendere non potest ab aggressore seu fure armis contra se irruente.

Q. Petrus infecit vinum venenò pro suo inimico, hinc supervenit Paulus amicus Petri, & ebibit hocce vinum, brevi post mortuus est. An sit Petrus homicida & irregularis? R. Non. Card. de Lugo Tamb. Si Paulum monere non potuit sine suæ vitæ propriæ periculo, quia mors Pauli Petro fuit involuntaria.

Q. An incurrit irregularitatem, qua contrahitur ex homicidio voluntario mandans in personam unius si factum sit in personam alterius? R. Non S. Cong: apud Nic. Gar.

Q. Qui casu, seu prater intentionem alium occidit vel mutilavit, sitne homicida, & irregularis? R. Affirm: Si fuit in culpa gravi sufficientē diligentiam non adhibendo, quia homicidium est voluntarium in causa. Si verò non fuit in culpa, quatenus nullo pacto periculum advertit, vel si advertit sufficientemq; diligentiam adhibuit, & præcavit seu transeuntes monuit, plures DD. tenent eum Irregularitatem non incurrere, si dedit operam rei licitæ. Incurrere verò: si dederit operam rei illicitæ, ex qua secuta est mors. vg. Si Clericus arma gerens, aut ad venationem peregens casu occidat alium? fieret irregularis. Cap: de Homic.

Q. Quam penitentiam Confessarius debeat injungere

*gere homicida?* R. Ut à propinquis veniam petat, si est notum, ut iisdem damna resarciat, ut Missas, Communiones, Eleemosynas, Ieiunia, Orationes crebrius peragat, vel peragi curet, vel peregrinationem illi aliquam assignet, si id commodè fieri potest.

*Q. Licetne sibi inferre mortem?* R. Non licet, Et si legantur aliquæ S. Virgines id fecisse, id vel per ignorantiam inculpabilem, quia id in quibusdam casibus putarunt, vel ex speciali DEI inspiratione, fecerunt.

*Q. An licitum est se periculo mortis exponere?* R. Ex iusta causa est licitum, in avertendam injuriam DEO, ut fecerunt plures Martyres, vel damnum Reipublicæ, ut solent facere milites in custodiis, & bello constituti.

Item licitum est se obicere telo, vel igni ad servandam vitam Principis, vel amici iniuste occidendis. Item Servire peste infectis. Etiam ad servandam Virginitatem licet se mortis periculo exponere, non tamen directè occidere. Etiam ad fugiendum certum incendium ex alto præcipitem se dare.

*Q. Petrus meo nomine homicidium fecit, quod mihi significatum ratum habui, nunc scrupulis angor sumne irregularis, vel an teneor ad resarcienda damna?* R. Non; quia ratum habere, non est mandare, neq; consulere, Tamb. &c. ubi tamen advertit, quod qui ratam habet occisionem Clerici suo nomine factam, incurrit Ex-

COMMU-



communicationem, quia hoc specialiter ita  
statutum est in jure per Tex. in Cap. Cū quis  
de sent. Excom.

§. 16tus.

De Bello.

Q. Quid est Bellum? R. Est conflictus ar-  
morum autoritate Superiorem non cognos-  
centis indictus.

Q. An bellum ex natura sua sit licitum? R.  
Sive defensivum sive offensivum, dummodo  
sit justum, & habeat omnes conditiones justi-  
tiae? est licitum, quia jure naturæ licitum est  
v m vi repellere.

Q. Quot & quæ conditiones requiruntur ad bel-  
lum justum? R. 3. Autoritas legitima Principis  
Superiorem non cognoscentis. 2. Justa  
causa. 3. Recta intentio. Si adsit defectus  
conditionis primæ vel 2dæ? erit bellum injus-  
tum cum onere restituendi damna illata. Si  
desit tertia conditio? erit contra charitatem.

§. 17mus.

De Duello.

Q. Quid est Duellum? R. Est pugna singu-  
laris duorum vel plurium ex privato motivo,  
& ex mutuo condicto ad certum tempus, ac  
locum designata & facta. Ex genere suo est  
mortale, tam jure naturæ quàm Canonico,  
& Civili sub gravissimis pœnis prohibetur.

Q. An licitum sit Duellum? R. In omnibus  
privatis inimicis, damnis, offensionibus il-  
licitum

licitum est suscipere duellum; quia nullus homo privatus potest esse Judex in propria causa ad vindicandam injuriam. Neq; juvat ratio status militaris, ut acceptetur Duellum, ne alias incurrat timiditatis notā, ob damnatam contrariam ab Alex: VII. propositionē.

R. 1<sup>da</sup> In duobus ad summum casibus licitum est duellum, 1<sup>mo</sup> quando tempore belli, hostis exercitui duellum offert, agitur enim protunc in favorem communis boni, sicut fecit David. 2<sup>do</sup> Quando provocatus ad duellum, videt se injuste occidendum à provocante, neq; alius modus suppetat se à morte liberandi, nisi acceptet duellum: In tali enim casu potius est defensio vitæ, quàm duellatio. *Mastr.*

Q. *Quæ sunt pœna duellantium?* R. Omissis illis, quæ à jure Civili statutæ: incurrunt tales: Excommunicationem Papæ reservatam; Infamiam perpetuam &c.

Incurrunt insuper hanc Excommunicationem duellantes privatè sine Patrinis, seu secundantibus: Principes concedentes locum ad duellum, faventes & non prohibentes: Spectatores ex proposito: Portantes chartam duelli, affigentes, publicantes, imprimentes, vel etiam solo verbo denunciantes: consiliū, favorem præbentes. Ab hac excommunicatione possunt absolvi in foro interno ab habente facultatem absolvendi à Reservatis.



*Q. Mortuus in duello estne sepeliendus in Ecclesia?*

*R.* Si quis moriatur in acie duelli, vel eodē die etiam in alium locum translatus expiret, privatur sepultura Ecclesiastica, etiam si ante obitum susceperit Sacramenta Pœnitentiæ, Eucharistiæ, & Extremæ Unctionis, quas ipsi possunt, & debent administrari. Non verò si elapsis tribus vel quatuor diebus moriatur post duellum, quia hæc pœna à *Triden.* lata est pro illis, qui moriuntur in ipso duello.

*Q. In quibus casibus duelli non incurritur censura?*

*R.* 1. Si in invit tione præfinitur locus, sed non tempus. 2. Si præfinitur tempus sed non locus. 3. Si præfinitur locus & tempus non tamen ad pugnandum armis sed pugnis. 4. Si dicta præfinitur, sed provocatus non accessit. *Leza. Salma. &c.*

§. 18vus.

De 6to Præcepto.

*Q. Quæ prohibentur hoc Præcepto?* *R.* Non solum Adulterium, sed etiam omnis actus illicitus venereus internus & externus.

*Q. Quid est luxuria?* *R.* Vide superius pag. 22.

*Q. Quotuplex est luxuria?* *R.* 2plex. *Perfecta*, quando ordinatur ad habendos actus venereos. Et *Imperfecta*, quando ultimus finis non est executio rei venereæ, sed se continet in morosa delectatione sensitiva, seu sensuorum.

*Q. Quæ*

**Q.** *Quot sunt species luxuria?* **R.** *Sequentes: Simplex fornicatio, adulterium, incestus, stuprum, & hæc dicuntur vitia secundum naturam: Mollities verò, sodomia & bestialitas dicuntur contra naturam.*

**Q.** *Quid est fornicatio?* **R.** *Est inordinatus concubitus soluti cum soluta. Ex genere suo est mortale, & ex se intrinsecè mala. Nam ex vago concubitu incerta redditur proles ex parte Patris, quod est contra rationalis naturæ institutum.*

**Q.** *Quid est adulterium?* **R.** *Est inordinatus concubitus Personarum, quarum ambæ vel una ex illis est ligata vinculo Matrimonii.*

*Unde conjugatus conjugatam cognoscens, duo adulteria committit in Confessione exprimenda ob duas injurias & injustitias, unam suo proprio, alteram alterius conjugi illatâ.*

**Q.** *Quid est stuprum?* **R.** *Est defloratio Virginis ipsâ invitâ. Tunc dicitur invitâ, quando vi aut dolo, timore, aut fictâ promissione Matrimonii inducitur ad copulam.*

*Gravius hoc est adulteriò, cum per illud gravis infertur injuria Virginitati puellæ, quæ maximè æstimari debet. Unde tenetur in foro conscientie illam ducere in uxorem. aut juxta sui possibilitatem, & prudentis arbitrii dotare, ac si esset Virgo.*

**Q.** *In quibus casibus stuprator nõ tenetur dotare?* **R.**  
**A.** *Si Virgo non vivebat honeste servato ve-*  
*secun.*



secundæ pudore. 2. Si puella post stuprum  
patiat<sup>ur</sup> se ab aliis carnaliter cognosci.

Q. *Quid est Incestus?* R. Est inordinatus  
concubitus cum consanguinea vel affine usq;  
ad quartum gradum. Et est ex genere suo  
mortale: additq; specialem malitiam in Con-  
fessione exprimendam.

§. 19<sup>us</sup>.

De Peccatis contra naturam.

Q. *Qua sunt peccata contra naturam?* R.  
Mollities seu Pollutio, Bestialitas, Sodomia,  
& indebitus concumbendi modus.

Q. *Quid est Mollities?* R. Est voluntaria e-  
jectio seminis absq; carnali copula illud foras  
effudendo, ut in Masculis, vel intus in ma-  
tricem diffundendo, ut in Fœminis, quod est  
mortale.

Q. *Estne in Confessione aperienda intentio seu ob-  
jectum, quod sibi representabat pollutionem procurans?*  
R. Affirm: quia peccatum sumit qualitatem  
speciei, quam haberet, si verè cum eo ob-  
jecto copulam habuisset.

Q. *An licet ad tuendam sanitatem, vel etiam  
justam causam procurare pollutionem?* R. In nullo  
casu licitum est, quia est res intrinsecè  
mala.

Q. *An sit peccatum non impedire pollutionem  
jam ceptam in somnis?* R. Non, dummodo nō  
consentiat in ipsam, quia tunc pollutio in  
somnia est mortale, si ante somnum prævi-  
deatur.

debat & desiderata fuit, vel quando post  
somnum eidem consensus datur. *Tamb. lib.*  
7. Cap. 7. Alias enim est pura exoneratio  
naturæ.

Q. Danturne aliqua causa excusantes à  
peccaminosa pollutione? R. Sequentes: 1. licitū  
est tangere se ex necessitate, aut tangi à me-  
dico. 2. sumere medicinam calidam, ex qua  
per accidens sequatur pollutio. 3. equitare.  
4. alloqui foeminam. 5. studere casibus. 6.  
audire Confessiones; Et alia opera ex se ho-  
nesta, ex quibus, si per accidens sequatur pol-  
lutio non officit, dummodo hæc nec ante  
desideretur per diōtas causas, neq; post in  
illam libidinose consentiatur. *San Lef's Bon.*

Q. Quid de illis iudicandum, qui ex levi aspe-  
ctu mulieris habent pollutiones valde frequentes? R.  
1. Si fiat sine ulla delectatione aut valde mo-  
dica commotione, non est de illa curandum;  
Quia talis est potius distillatio quædam humo-  
ris, qui potest vocari salivalis vel spūalis juxta  
*Gerson. p. 2. de Poll.* Et hunc solent habere  
aliqui sine ullo aspectu in foeminam, ut *idem*  
docet.

R. 2. Si fiat cum magna carnis commo-  
tione? est illicitus. quia sic præsumitur vera  
pollutio, maximè si sentitur venerea delecta-  
tio, si tamen aspectus sint improvisti, vel ne-  
cessarii, ut in colloquiis honestis, & ex illis  
non intenditur pollutio, si sequatur, non est  
peccami.



peccaminosa, vel ut plurimum non mortalis; modo illi delectationi voluntas non consentiat, sitq; aliena ab omni periculo proximo.

Q. *Quid est bestialitas?* R. Est, quando homo concumbit cum bestia aliqua, seu cum re animata diversæ speciei ab homine. Est gravissimum peccatū, quod in foro Sæculari pœnâ combustionis punitur.

Q. *An hujus facinoris sit alia specialis iniquitas?* R. Est illa: quâ vir vel mulier coit cum dæmone seu succubo, seu incubo. Huic peccato superadditur malitia contra religionem; & præterea etiam Sodomix, Adulterii vel Incestus juxta affectum Viri vel mulieris cœuntis cum dæmone.

Q. *Quid est Sodomia?* R. Est concubitus Personarum ejusdem sexus. Et vocatur sodomia perfecta. Vel diversi sexus, sed extra vas naturale, & vocatur Imperfecta.

Quotiescunq; reservatur Sodomia? debet intelligi Perfecta masculi cum masculino, non verò cum fœmina, licet sit utrumq; grave.

Q. *An copula sodomitica parit affinitatem?* R. Non, quia affinitas oritur solum ex copula naturali.

Q. *Quando peccant conjuges, si à tergo more brutorum cœunt?* R. Si consultè id faciunt, ut impediunt generationem? peccant mortaliter. Nec venialiter autem peccare docet Mast. Fil. Bon. Si habent justâ causam vg. quia mulier est

lier est pręgnans, vel quia corporis dispositio propter molem aliter fieri non permittit, melius enim sic coire, quęm pollutionem pati.

Q. *An teneatur Vir debitum reddere uxori & e contra?* R. Tenetur, quia unusquisq; illorū non habet jus in suum corpus, sed translātū est per contractū matrimonialem in alterius potestatem. Si verō sine justa causa Mulier denegat Viro debitum, etiā eā ratione ut se liberet à doloribus partūs? peccat, maximē si sit periculum incontinentię aut pollutionis secuturę.

Q. *Quę sunt justę causę denegandi debitum Conjugale?* R. 1. Si Mulier timeat damnum mortis, infirmitatis, aut suffocationis prolis si sit gravida; aut Vir morbo contagioso sit infectus, vg. gallico, aut leprā &c. 2. Si modo illicito petat debitum.

Q. *An peccat mulier, si ex aliquo odio privato sine consensu Viri abscedit, aut alibi dormit, ut sit libera à debito conjugali?* R. Peccat, & quidem pro qualitate incontinentis Viri, & periculo pollutionis ejus, mortaliter. Tales pertina-ces conjuges non sunt facile absolvendę, nisi promittant regressum.

§. 20mus.

Reliqua de peccato contra Castitatem.

Q. *Quid est delectatio morosa?* R. Illa taliter non dicitur à longa temporis mora, sed inde quod voluntas habitā notitiā malitię, immo-

R

tatur



Yatur illi, quod potest in instanti fieri.

Q. An peccant Pictores personas nudas pingentes?

R. Peccant mortaliter, cum incitent homines ad luxuriam.

Q. An peccat mulier ornans se, ut virorum aspectibus offeratur? R. 1. Si se ornat cum recta intentione juxta qualitatem & statum suum ac communem usum, non peccat, quia facit id, quod est juris sui. Quod si ornatus est superfluous peccaret venialiter. Bon. Cajet. Ec.

R. 2. Si ornatus esset rarus cum excessu notabili vg. pectus nudum, peccaret mortaliter. Ideo omnino deterrendæ sunt mulieres à Confessariis & Concionatoribus, ne sua nudent pectora, cum ista sit pessima consuetudo, ideo eliminanda est omnino.

Huic obviando publicavit Innoc. XI. Edit. ad Universam Ecclesiam: *Serio monemus omnes Sacerdotes tam Sæculares quàm Regulares, ne dent absolutionem Sacramentalem, neq; admittant ad S. Synaxim Mulieres Virgines cujuscunq; statûs & dignitatis immodestè imò scandalosè incedentes, nempe monstrantes sua nuda pectora, ut à tali scandalo incedendi modo quàm ocyus alienâ possint esse, meminerint moniti Christi Domini: Va per quem scandalum venit, quod præbent taliter incedentes.*

Q. An tenetur adultera revelare suum crimen marito aut filio legitimis, ut cedant injuriis suis?

R. Non tenetur. Com: DD. ne quidem in mortis articulo, quia id sine sui infamia facere non posset.

Deo

Debet autem diligentiam adhibere in gubernatione domûs, ut ex labore & industria suâ bona possit augere in compensationem illius avulsæ partis, quam illegitima proles sit acceptura.

2. Debet solitos sumptus diminuerere, quantum status ejus permittit, maximè si sit Vi-  
dua. *Comm. DD.*

Q. *Quale peccatum sunt tactus impudici, oscula, verba obscena inter personas Matrimonio non ligatas?*

R. Si fiant: non ex levitate, joco, sed ex affectu impuro, sunt ex genere suo mortale.

Idem dicendum, si quis se ipsum tangat ob delectationem veneream.

Q. *An solus osculans, aut tangens peccat?* R. Non solus, etiam illa persona, quæ sponte permittit se tangi, aut impudice osculari, aut cum risu audit verba obscena, quia in illa præsумitur affectus malus, & consensus ad hæc. Plurà vid: inferius §. 31.

§. 21mus.

De Septimo Præcepto.

Q. *Quid hoc Præcepto prohibetur?* R. Omne damnum, quod caulatur proximo in bonis tēporalibus. Comprehenditur sub hoc Præcepto: Jus, justitia, furtum &c.

Q. *Quo modis damnificatur proximus in bonis temporalibus?* R. 3plicitè: Bona auferendo. Damna illata non reparando, & contractus iniquos perficiendo.

R 2

Q.



Q. *Quid est furtum?* R. Est occulta & iniusta rei alienæ ablatio, vel detentio, invito rationabiliter Domino.

Q. *Quot sunt species furci?* R. Si claua res aufertur? dicitur furtum, si per vim Rapina, si res Sacra vel in locum Sacrum ad depositum data? erit Sacrilegium, si possessio spectans ad Rempublicam? Peculatus, si grex dispersus? Abigeatus, si homo, ut venundatur? Plagium, &c.

Q. *Furtum quale est peccatum?* R. Ex genere suo est mortale, nisi parvitas materiz excuset.

Q. *Quæ quantitas requiritur in furto ut culpa sit mortalis?* R. Ea non est metienda Mathematicè sed moraliter, & ex circumstantiis personæ, cui sit ablatio. Ideo tunc erit mortale, si grave damnum inferatur proximo, vel charitas Christiana graviter lædatur, ut si quis furaretur rem etsi non magni valoris, sed valde charam, aut necessariam Domino, ita ut gravem molestiam pateretur ex ejus ablatione, vel ei summè necessariam ad se sustentandum.

Q. *An liceat aliquando furari?* R. Non licet, nisi in extrema necessitate, quia hæc sola facit rem alterius communem. In gravi necessitate non licet furari, ex Decreto Innoc. XI. A. 1679. 2. Mart.

Q. *Qualia sunt peccata: Furta minuta Domestorum?* R. Si non perveniant ad graviores quantitates.

quantitatem collectivè sumptas sunt tantum venialia, & ad restitutionem illorum tantum sub veniali tenetur fur; quia per illa non læditur graviter proximus: Id autem intelligendum de illis, quæ ad magnam quantitatem non ascendunt.

*Notet Confessarius* quòd dum talia confitentur pœnitentes, interrogandi sunt, an nò habuerint animum plura surripienti, si adesset occasio? quod si adfuerit talis voluntas? jam sufficiet apud DEUM pro peccato mortali.

*2do* Interrogandi sunt, an per talia modica furta non intendebant ditescere, & cumulare notabilem pecuniæ quantitatem, si ita evenit? peccârunt mortaliter pravâ voluntate deliberatè factâ. *Com. DD.*

*Q. Quanam quantitas requiritur ad grave peccatum in minutis furtis?* *R.* potest quidem certa assignari quantitas; Hæc tamen Confessario attendenda erunt. *imo.* Quantitas materiæ ablatæ. *2do.* Persona damnificata per talia furta cum suo statu & situatione ac tempore. *3tio.* Malitia furis, an hæc furta fortuito, ac potius ex malitia fecerit. *4to.* Damnum illatum proximo. *5to.* Prava voluntas furis, puta si plene advertit hæc minuta furta, jam in magnum pretium excrevisse, vel quia habuit voluntatem ex illis ditior fieri, aut plura furari, si occasio adesset.

Interrogandus est etiam pœnitens: An in præce.



præcedenti Confessione similia furta minuta  
nō commiserit? Nam poterit esse, quod præ-  
sens materia in minutis furtis sit levis, con-  
iuncta tamen cum antiquioribus erit gravis,  
consequenter mortalis.

Idem dicendum erit de furtis minutis Sar-  
torum, Textorum, aliorumq; Opificum. Si  
enim reliquæ sunt parvi momenti, de quib9  
Domini parum curare solent? erunt venialia.  
Si maioris ponderis sint? etunt mortalia.

Q. *Quid faciendum est Confessario in praxi cum  
servis defraudantibus Dominos suos?* R. Confessa-  
rius tales itaviter arguere debet, ne nullo  
prætextu id faciant, sunt enim custodes bo-  
norum Domini sui. Hinc si præter esculen-  
ta aliquid aliud auferant, turpius videntur  
peccare, quàm alii, qui ad hanc fidelitatem  
non obligantur. Non attentâ quacunq; ex  
prædictis excusatione, imponatur eis restitu-  
tio. Siquidem in illorum potestate fuit, juxta  
exiguum salarium servire. Imo etiam si illis  
aliquando non solvatur de integro, non per  
hoc debent vi & furtim sibiolvere. Quod si  
non habeant, unde restituant? saltem servitio  
vel oratione compensent damnum.

Q. *An famulus occultè surripieus Domino ad  
compensandam operam suam, quam majorem judicat  
salaris, quod recipit, excusetur à furto?* R. Non.  
Contraria est damnata ab Innoc. XI.

Q. *Utrum in aliquo saltim casu licebit famulo sibi  
compensare*

*compensare?* R. Affirmat Felix Got. 1. Si invitatus fuerit à Domino coactus dolo, minis &c. ad serviendum pretio minori infimo. 2. Si Dominus minus pretiū solvat, quam fuerit in pacto conventum. 3. Si Dominus salarium solvat; non in pecunia, sed in aliis rebus; quibus non eget, & quas cogitur vendere viliori pretio. 4. Si Dominus ultra famulatum, super quo facta est conventio, aliū extraordinarium imponat, qui distincto salario solet conducī, & à distincta persona peragi.

§. 22dus.

De Cooperatoribus ad Furtum.

Q. Quotupliciter potest fieri injusta damnificatio proximi? R. 1. Immediate, ac per se ipsum; ut dum quis per se ipsum furatur. 2. Mediate, ac per alium, sive illi mandando sive contrahendo, ad inferendum damnum proximo suo. Et hoc potest fieri novem modis his versibus expressis.

*Jussio, Consilium, Consensus, Palpo, Recursus, Participans, mutus, non obstands, non manifestans.*

Sex priores modi sunt positivè cooperantes ad furtum vel damnum proximi; Alii verò tres sunt negativè cooperantes, scilicet omittendo id, quod ex Officio atq; iustitia facere tenebantur.

Q. An omnes his 9. modis cooperantes ad furtum alterius, non tantum peccant graviter juxta gravitatem



*tem damni, sed etiam tenentur ad restitutionem?* R. Affir: Hoc tamen servatò ordine quòd, si ille, qui per seipsum fecit damnum alteri, potest facere restitutionem, ipse solus obligatur restituere; In defectu autem illius, tenetur: Jubens, Consulens, & cæteri omnes.

Q. *An hoc totum intelligi etiam debet de Cooperatoribus ad damnum proximo inferendum in bonis famæ?* R. Affirmativè. Utrobiq; enim par ratio habetur.

*Jubens* ille est: qui ita jubet, ut animum alterius ad furtum vel damnum moveat inferendum. At retractatâ jussione suâ, ad damna resarcienda minimè tenetur. Nam actio illius cessat penitus.

*Consilium*, qui pravo consilio, adhortationibus alterum movet ad furtum. Hic etiam retractet suum consilium, ad restitutionem obligatur, quia adhuc influit in effectum. Ex quo patet longè diversa ratio inter jubentem atq; consulentem.

*Consensus*, sine cujus consensu non sequeretur actus.

*Palpo*, Quando ex laudatione vel adulatione tanquam ex causa, vel concausa, sequitur effectus damni.

*Recurfus*, Est receptor furti; est enim causa damnificationis præbendo securitatem, & custodiam prædæ. Unde fures recurfus & animosius furantur.

*Partici.*

*Participans* ille est, qui vel aliquid participat de furto, vel adjuvat damnificantem in actione damni vg. icalas tenendo, excubias faciendo, prædam asportando &c.

*Mutus*, Qui non clamat, cum possit. *Non obstans*, idest non impediens damnum. *Non manifestans*, qui non revelat furtum.

His tribus modis negativis concurrentes, non tenentur ad restitutionem, nisi aliunde obligationem haberent, vg. quia sunt servi, vel custodes. Si autem ex charitate tantum obligabantur ad impediendum, peccarunt quidem juxta gravitatem damni, sed restituere non tenebuntur.

§. 23<sup>tius</sup>.

De Restitutione.

Q. *Quo jure est debita rei alienæ Restitutio?* R. Jure naturali: *Quod tibi non vis &c.* Et Divino: *Non furtum facies, &c.*

Q. *Quid sit obligatio in solidum Restitutionis?* R. Intelligitur illa obligatio, qua quis efficaciter ad furtum vel damnum alterius cooperans obligatur ad restituendum totum id, respectu cujus erat causa efficax. *Ly in solidum*, idem sonat ac: totum.

Q. *Quo ordine tenentur ad Restitutionem cooperantes ad damnum proximi?* R. 1. Tenetur *Jubens* tandem *Consulens*. Quod si autem fur habuit intentionem auferendi vg. 10. aureos, & Petrus consuluit ei, ut acciperet 20.



tunc Petrus consulens tenebitur ad restitutionem tantum 10. aureorum, quia solum fuit causa efficax respectu horum 10. Hac Regula facile judicabit Confessarius, de aliis similibus. Deinde *Consentiens*, & sic deinceps omnes positivè influentes, postremò autem negativè, scilicet *mutus* &c.

Q. *Quid, si res ablata pereat apud furem?* R. Adhuc talis tenetur ad restitutionem, quia restitutio generaliter oritur, vel ex parte rei alienæ, vel injustæ acceptionis, sive damnificationis, quod in causa haberetur.

Q. *Quid si res ablata peritura foret pariter apud suum Dominum, sicuti apud furem, teneturne fur ad restitutionem?* R. Si res furtiva, vel alio modo injustè accepta certò fuisset peritura apud Dominum v.g. inundatione aquarum, incendiò, aut incurfione hostium &c, tunc fur peccavit quidem juxta qualitatem materiz, sed ad restitutionem non tenetur. *Less. Sylv. Covar. &c.* Quia in tali casu nullū notabile damnum Domino illius rei accidit, eo quod perierit apud Raptorem, & non apud ipsum.

Secus dicendum, si dubium sit, an fuerit peritura, nam in dubiis standum est pro parte, & certitudine proprii Domini.

Q. *Quæ Regula observanda sunt in restitutione?* R. *1ma Regula*, Restitutio imprimis facienda est ipsi Domino, sive damnificato, si possibile est. *2da* Si sit impossibile restituere ipsi damnificato,

mnificato, quia vg. mortuus est, restituendū  
erit Hæredibus, vel Propinquis.

Hæc Regula bene adnotanda est Confessa-  
riis; nam sæpius pœnitentes mortuo damni-  
ficato, putant se esse liberos à restitutione.  
Vel si sint prompti ad restituendum? sæpius  
Confessarii omissis Propinquis, & Hæredibus  
solent assignare restitutionem ad pias causas,  
vg. in Sacrificia Missæ & alias, quod non est  
faciendum, quia jus naturæ, prævalet piis  
causis.

*3<sup>ia</sup>* Qued si Hæres sit mortuus, aut igno-  
tus, vel longè distans, ad quem impossibile  
fuerit devenire restitutionem, tunc ultimò  
erogandum est in causas pias, vel pauperes.  
Potest Confessarius ipsi damnificanti, si est  
verè pauper, hanc restitutionem applicare cū  
injunctione precum, sicut pro eleemosyna so-  
lent facere alii pauperes.

*Q.* *Quid observandum est, in Restitutione illius  
rei, quam Possessor bona fide apud se retinuit?* *R.*  
*1<sup>mo</sup>* Si bonæ fidei Possessor rem alienam re-  
tinet in specie, postquam devenerit in cogni-  
tionem, quod sit res aliena, tenetur ad re-  
stitutionem illius proprio Domino. Si verò  
illam rem bonâ fide alienavit, vel contum-  
psit? neq; ex hac alienatione factus sit ditior,  
non tenebitur ex conscientia. *Reiffensl Sc.*

*R. 2<sup>do</sup>* Quod si ex re aliena apud se retene-  
ta ditior factus sit, non tantum tenetur resti-  
tuere



tuere rem illam Domino proprio, sed etiam  
lucrum illud ex eadem emergens, & præse-  
tim illud, quod sine industria & labore talis  
Possessoris evenit.

R. 3<sup>to</sup> Quoties cunq; aliquis possidet bona  
aliena cum dubia conscientia an sint propria  
vel aliena? post cognitionem certam & evi-  
dentem, quod sint aliena, non tantum tene-  
tur reddere bona illa Domino proprio, sed  
etiam lucrum ex illis proveniens, retenta sibi  
parte, quæ evenit ex industria & labore ejus.  
Quod maximè certum est, quando tale dubiū  
non curavit deponere, & consulto omittebat  
ad notitiam evidentiorē rei devenire.

Q. An pro omnibus bonis injuriatis tenemur ad  
Restitutionem? R. imo Bona Hominis propria  
3plicia numerantur. 1. Ex parte *Animæ*. 2.  
Ex parte *Corporis*. 3. Ex parte *Famæ*. Bona  
*Animæ* possunt iterum dici 2plicia. *Physica*  
sunt intellectus, voluntas & memoria. Item  
Sensus interni & externi. Et *Moralia* sunt  
habitus recti, virtutes, conscientia recta seu  
pura. His præmissis.

R. 2<sup>do</sup> Qui aliquem injuriavit in Bonis  
*Physicis* Animæ v.g. si privavit aliquem usu  
rationis per veneficia vel mutilationem? pec-  
cat tantum, sed ad restitutionem non tenetur,  
quis hæc bona non sunt pretiō æstimabilia,  
tenetur tamen ad restitutionem bonorum tē-  
poralium, quæ ex privatione alicujus sensus,  
aut potentiæ amittuntur. R.

R. 3tio Qui nocuit in bonis Moralibus, vg. inducendo ad peccatum, tenetur ad pœnitentiam, & bonos mores inducere.

Q. An ille tenetur ad restitutionem, qui proximum impedivit in bonis consequendis? R. 1. Si bona, quæ consequenda erant ex liberalitate (ut si quidam moriens ex liberalitate testamento assignaturus est vg. Petro 100. flor. & Paulus persuasione impedit) impediuntur ab aliquo? hic tenetur quidem ad restitutionem damni, sed non in solidum, seu non obligatur restituere ei totum illud bonum, sed aliquam duntaxat portionem.

R. 2do Si verò bona consequenda vg. Petro titulo iustitiæ debebantur? Paulus impediens directè tenetur in conscientia ad restitutionem in solidum boni illius habendi.

R. 3tio Si autem vg. Petro aliquis collaturus fuit bonum aliquod titulo liberalitatis? Paulus impediens, non animo nocendi, sed idem bonum sibi, aut suis consanguineis procurandi, ad nullam tenetur restitutionem. Ita Sco. Mastr. Quia quilibet habet jus naturale procurandi sibi magis bonum, quam alteri extraneo.

Q. Quænam causæ sunt excusantes aliquem à restitutione? R. Varii varias assignant juxta Communioem: una est Impotentia: quia ad impossibilia nemo obligatur. Quod si autem fur seu debitor ad pinguiorem fortunam pervenerit,



venerit, tenebitur ad restitutionem. Excipitur tamen ille, qui rem ablatam consumpsit tempore extremæ necessitatis suæ, quia in tali casu sunt omnia communia jure naturali. 2da Periculum infamix, vitæ, vel membrorū. Quæ causa pariter sicut & prima excusat solū ad tempus, nam cessante periculō, cessabit & causa.

3tia Si injuriatus suam condonavit injuriā.

4ta Si res restituenda sit nocitura Creditori.

5ta Religionis ingressus vg. si negotiando vel laborando non possit restituere debita, seu damna, potest tunc relictis omnibūs Creditori, ingredi Religionem.

6ta *Compensatio*: Si quis vg. abstulit tanti pretii rem ab altero, quantum sibi debebatur ab illo.

Ut talis autem compensatio sit licita in foro conscientix requiruntur hæ conditiones:

1. Ut debitum sit certum, & ex iustitia reddendum. 2. Ut res propria alio modo non possit recuperari, aut cum summa molestia, nisi per talem compensationem. 3. Ut compensatio fiat in re propria ipsius Debitoris. 4. Ut non plus accipiatur in compensatione, quàm debetur. 5. Ut taliter sibi compensans attēdat ne illius compensatio, alteri tanquam furtum imputetur, quod sæpissimè evenit; Alias teneretur ad compensandam injuriam innocentis illatam.

7ma Causa exculans à restitutione est *Proscriptio* seu *Usucapio*, quæ est: Acquisitio domini in rem alienam per possessionem ejus certo temporis spatio legibus definito continuatam.

Q. *Quæ conditiones requiruntur ad Prescriptionē?*

R. 1. Bona fides. 2. Titulus ad illam rem saltem probabiliter præsumptus successionis, donationis, vel emptionis, legati vel adjudicationis. 3. Possessio continuata per temp9 à jure statutum.

Q. *Quid circa bonam fidem notandum venit?* R.

Bona fides hic est idem, quod conscientia bona, vel judicium practicum, saltem probabile, quod res quam incipio possidere, sit mea, seu quod hic, & nunc alteri non facio injuriam rem talem tenendo.

Q. *Quid circa continuationem temporis ad præscribendum requisiti notandum venit?* R. Tempus hoc aliud dicitur breve in Jure, quod infra 10. Aliud longum 20. annorum. Aliud longissimū, quod est saltem 30. annorum.

*Notandum:* Dantur res aliquæ, quæ non sunt aptæ præscribi, vel ex natura sua, vel ex dispositione Juris, sic enim non possunt præscribi res ad cultum DEI consecratæ vg. Calices, Tempia &c. cum sint DEI, qui censetur semper possidere per suos Ministros. Item res publicæ, quales sunt viz. plateæ, pontes, &c. quia nemo seorsim potest eorum esse Dominus, quæ sunt omnium.



De Contractibus.

Q. *Quid est Contractus?* R. Est pactum duorum, quo scienter, libere, & legitime se uterq; vicissim, vel saltem una pars, alteri acceptanti obligat aliquo signo externo.

Q. *Quotuplices sunt Contractus?* R. Alii sunt absoluti, alii conditionati, expliciti, impliciti, quorum explicatio patet ex terminis.

*Contractus alius est strictè talis*, Estq; conventio facta voluntate propriâ eorum, qui postea obligantur & dicitur: Pactum obligans ex iustitia commutativa.

Et quasi *Contractus* estq; conventio facta voluntate alterius, qui supplet pro voluntate illius, qui postea obligabitur, ut si Tutor contrahat pro Pupillo.

Alius *Onerosus*, per quem utriq; contrahenti imponitur onus, diciturq; Mutuus, Reciprocus. Alius dicitur: *Nudus*, qui consistit in nudo pacto, uti promissio, emptio, &c. Alius *Vestitus*, qui præter pactum, habet aliud, quo firmatur vg. Juramentum, vel subscriptionem.

Q. *Qua sunt species contractuum nominatorum?* R. Variæ, uti Promissio, Donatio, Emptio, Venditio. Explicatio, patet ex terminis.

Q. *Donatio non solum acceptata, sed etiam tradita quando revocari potest?* R. 1. Ob enormem ingrati-

ingrati tudinem Donatarii; etiam si fuerit iurata. 2. Causa mortis facta, ante mortem potest revocari, uti Testamentum, Legatum &c. quia includit implicitam conditionem: nisi revocetur. 3. Prole carens, si magnam donationem fecit, revocare poterit adveniente Prole.

Q. *Quid est mutuum?* R. Est traditio rei, numero, pondere vel mensura constantis, facta eo animo, ut statim fiat accipiens, cum obligatione restituendi rem similem in bonitate & specie.

*Dicitur mutuum:* quasi ex meo tuum, ita enim à me tibi datur, ut ex meo tuum fiat.

*Dicitur cum obligatione restituendi &c.* quia si esset restituenda res alterius speciei, non esset mutuum, sed permutatio.

*Mutuans* est, qui dat rem mutuo, *Mutuarius*, qui accipit rem mutuo sibi concessam, in quam habet plenum dominium, ac si foret propria. Unde si aliquo casu res *Mutuo* tradita auferetur Mutuatario, ejus erit damnum, non mutuantis, quia quælibet res Domino suo perit, mutuum est sæpè in rebus consumptibilibus.

Q. *An licet aliquid exigere lucri pro mutatione rei?* R. Non, quia alias foret usura, quæ est prohibita in lege veteri Levit. 25. & in lege nova Luca 6. Bene facite, & mutuum date nihil inde sperantes.



*Q. Quid est: Commodatum?* R. Est quousus alicujus rei mobilis gratis alicui conceditur sine translatione domini.

*Depositum* est, quo aliquid alteri custodiendum traditur, sine usu rei, sive cum pretio, sive sine pretio.

*Locatum* est, quo alicui traditur usus alicujus rei immobilis sine translatione domini, ad tempus, sed adhibito aliquo pretio annuatim solvendo vg. domus incolenda, ille autem, qui eam sic incolit, dicitur Conductor.

*Emphiteusis* est contractus rei immobilis, cuius tantum dominium utile transfertur in accipientem, retento directo apud concedentem, cum pacto certæ pensionis proprietario annuatim solvendæ in recognitionem domini directi. Qui accipit, dicitur Emphiteuta, qui concedit, Proprietarius.

*Feudum*, est contractus, quo res immobilis alicui conceditur, quo ad dominium utile cum onere exhibendi fidei litatem, & obsequium personale Domino directo. Feudatarius seu feudi acceptor vocatur Vassallus, qui, si non præstat obsequium, & fidelitatem promissam, amittit Feudum.

*Pignus* est contractus, quo rem debitor dat suo Creditori aliquā, ut pæne mobilem hucusq; quousq; non reddet debitum.

*Hypotheca* est similis pignori, solum differt per hoc, quod per Hypothecam dantur res  
semper

semper immobiles. & sic in iure dicuntur sepe: Bona hypotheca.

*Cambium* significat permutationem pecuniarum, & est contractus, quo unus campsor, alteri scilicet campsario cambit, seu permutat pecuniam, quam refundit, vg. Romæ, scribens ad suos Factores, vocaturq; cambium per literas. Quidquid supra sortem ex cambio accipitur, non est usura, si fiat ex consuetudine Patriæ vel loci, & alio iusto titulo.

*Monopolium* est, quo unus vel plures Mercatores inter se propriâ auctoritate conveniunt, ut cômendo merces certi generis, eas carius divendant, efficiendo, ut vix alibi inveniri possint. Est autem injustum.

*Negotiatio* est, quando quis rem comparat eo sibi animo, ut eam vendat carius, aut permutet cum aliquo lucro.

*Sponsio* est contractus duorum vel plurium, qui de eventu rei certant, & de veritate rei, invicem promittentes aliquid, ita, ut qui vicerit, res promissa illius sit.

Q. *Quæ requiruntur conditiones ut fiat licita sponsio?* R. 1. Ut fiat super re dubia, & eventu dubio. Si verò unus sponsonem fecit de re & eventu tali, quem scit infallibiliter, peccat, quia alium decipit, & sponsio nulla est, nisi pars altera acceptet.

2. Ut sit æqualitas in re, quæ spondetur.  
3. Ut uterq; eodem sensu accipiat.



*Contractus societatis* est, cum multi aliqui in-  
eunt societatem, & contribuunt pecuniam  
pro comparandis mercibus, & tandem da-  
mnum vel lucrum proveniens ex negotiatio-  
ne juxta proportionem damni vel lucri in-  
ter se dividunt.

*Affecuratio seu Fidejussio* est contractus, quan-  
do quis rei alienæ periculum in se suscipit,  
obligando se, quod, in casu rei perdatæ, aut  
non exhibeat sollicitudinis, ipsemet Fidejussor  
pro principali solvet, aut rem reddet.

Q. *Contractus validus quomodo obligat?* R.  
Obligat in conscientia, & si læditur, etiam  
ad restitutionem.

Contractus initii cum metu gravi iniuste  
incusso, sunt jure naturæ invalidi, quia si con-  
tractus cum metu initus esset validus, tunc  
ex injustitia oriretur justitia, quod implicat.

Q. *Petrus invenit anulum cum lucido lapillo,  
quem vitreum esse putans vendidit vili pretio Paulo,  
qui pariter lapillum vitreum esse putabat: certior po-  
stea factus Paulus, quod sit adamas, an teneatur  
contractum rescindere?* R. Affi: quia mutuo con-  
trahentium consensui ad valorem cujuscunque  
contractus requisito nihil ex communi axio-  
mate est tam contrarium, quam error. Ita  
D. Tho: p. 2. q. 6. Cirib: &c.

§. 251us.

De Ura & Censu.

Q. *Quid est Usura?* R. Est lucrum imme-  
diatè

diatè ex mutuo proveniens. Ita CC. DD. dicitur autem *immediate*, qui si mutuarius propria sponte in vim gratitudinis aliquid tribuat, non erit usura, dummodo illud non exigatur à Creditore per modum debiti, nam hoc damnatum est ab Innoc: XI Prop: 24.

Q. *Quale peccatum est usura?* R. Est quidem ex genere suo mortale, potest tamen à mortali excusare parvitas materiæ, seu lucri ex mutuo provenientis.

Q. *Quotuplex est?* R. *Expressa*, quando expressè aliquid exigitur pretium pro mutuo, Et *Palliata*, quando ob solam dilationem solutionis mutui exigitur plus aliquid iustò.

Q. *An licitum est dare mutuo frumentum, ut post messem majori mensura, aut meliori reddatur grano, vel pro mutuo ut aliquot diebus tempore messis laboret mutuarius?* R. Omnia ista onera ex vi mutui impo- sita sunt illicita & peccamina- la, quia sunt usuraria. Secus erunt licita, si non exigantur, sed titulo gratitudinis sponte offerantur à mutuuario.

Q. *An licitum est in aliquo casu accipere aliquid ex vi mutui?* R. Licitum. 1. Ratione Lucri cessantis.

2do Ratione damni emergentis, quia hoc non est lucrum ex vi mutui, quod est usura, sed compensatio damni, sibi ex mutatione illa- ti, quod compensandum jus naturæ non prohibet.



3tio. Ratione periculi sortis principalis seu capitalis amittendæ, quia v.g. difficulter & cum expensâ, summa mutuo data recuperari metuitur. Quia tam periculum, quàm difficultas recuperandæ suæ pecuniæ æquivalent damno sibi ex mutuo illato.

Q. An licitum est mutuo danti suam pecuniam obligare mutuatarium, ut si statuto tempore non solverit, ultra sortem principalem teneatur pro mora & culpa aliquid solvere? R. Affir: quia id non exigitur per modum usuræ ex vi mutui, sed in poenam retardationis reddendæ sibi pecuniæ opportuno tempore.

Q. An pro sola carentia pecuniæ possit in mutuo quid plus exigi? R. Non potest; contraria est damnata ab Alex: VII. n. 92.

Q. Quid est Census? R. Est jus contractû aliquo institutum percipiendi annuam pensionem ex re, vel persona alterius. Census dicitur aliter provisio, pensio, seu potius jus ad pensionem.

Q. Quæ est differentia inter censum & mutuum? R. 1. Quia in mutuo debet reddi res similis in specie & bonitate; in censu verò non tenetur censuarista reddere sortem sive capitalem summam, sed tantum annuam pensionem. Quia in censu emitur jus percipiendi certos fructus, in mutuo verò nullum tale jus emitur.

Q. An licitum est accipere provisionem seu censum pro futuro tempore anni statim dum datur summa capitalis?

*pitalis?* R. Illicitum est, quia Censuarius haberet injuriam, siquidem per annum hac provisionis pecunia potuisset aliquid lucrari.

*Q. An licitum est ex provisionibus retentis apud censuarium iterum alias provisiones recipere adjungendo illas capitali summa?* R. Loquendo de provisionibus iustis, videtur licitum esse, quia si vg. Petrus debitor solvisset per annum taxatam provisionem Paulo, potuisset hic iterum sibi hac pecunia aliquid lucrari, vel alteri dare ad provisionem iusto titulo percipiendam, adeoq; resarciendo damnum suum & lucrum cessans, poterit hanc retentam pecuniam adungere capitali summa.

*Q. Quo jure usura est prohibita?* R. Divino. Levit: 25. Exod: 18. Naturali, multo magis humani.

*Q. Quae sunt poenae usurariorum?* R. 3. sunt praecipue ex Jure. 1. Notorius usurarius est ipso jure infamis Cap: infames. 2. Non est admittendus ad S. Eucharistiam, imo neq; mortuus gaudet Ecclesiastica sepultura. 3. Testamentum usurarii ipso jure irritum est, nisi ante mortem restituerit, quae per usuras acquisivit. Hae poenae intelligi debent de usurariis manifestis, non vero occultis.

§. 261us.

De Testamento.

*Q. Quid est Testamentum?* R. Est nostrae voluntatis iusta sententia de eo, quod de bonis suis



suis quis vult fieri post mortem suam cum institutione Hæredis.

Q. *Quotuplex est?* R. Unum est *Scriptum*, quod sit scripto cum obsignatione Testium. Aliud *Nuncupativum*, quod sit sine scriptura coram Testibus.

Q. *Ad quid teneantur Executores?* R. 1. Non debent sibi aliquid appropriare de bonis Testatoris, quia hoc officium est voluntarium pietatis & amicitiz. Nisi inde à propriis negotiis impedirentur cum suo damno.

2do. Teneantur Hæredem admonere, imo & jure compellere ad executionem ultimæ voluntatis Testatoris.

3tio. Si habeant pecuniam à Testatore acceptam distribuendam pauperibus, poterunt illam applicare Consanguineis & amicis suis, si sunt verè pauperes, imo & sibi, (verum tamen caveatur avaritia, & non adeo iusta commiseratio) quia per assumptum Executoris officium non evadunt deterioris conditionis, quam si pauperes.

Q. *Ad quid teneatur Hæres Testatoris?* R. Teneatur non solum bona Testatoris possidere, sed etiam omnia ejus onera ac debitaolvere. Qui enim succedit in bona, succedit & in onera.

2do. Quod si hæres sit naturalis, prius potest suam partem legitimam ex testamento detrabere. Vide apud Juristas & Theologos,

& da

& de reliquo proportionate omnibus legatis  
satisfacere.

3<sup>io</sup>. Hoc ordine satisfaciet oneri Testatoris.

1. Aēs alienum solvet. 2. Expensas funeris.  
3. Partem aliis Successoribus. 4. Vota realia  
defuncti. 5. Tandem pia legata.

§. 27<sup>us</sup>.

De Judicio.

Q. *Quid est Judicium?* R. Est actus legiti-  
mus, in quo discutitur & judicantur publi-  
cè litigantium & rerum causæ.

Q. *Quis potest dare jurisdictionem ordinariam?*

R. Lex, v l Canon, Papæ, Consuetudo, &  
Communitas approbata.

Q. *Judex debetne auferre appellationes & defen-  
siones partibus?* R. Non, nec debet facere alias  
vexationes appellantibus, quia appellatio est  
jure naturali & propria defensio rei.

Q. *Dum Judex scit aliquem esse innocentem, num  
tenetur eum liberare?* R. Omnibus modis debet  
curare, ut liberetur, v l dextre examinando  
Testes, vel remittendo ad Superiorem, v l  
protrahendo judicium, vel aperiendo eorum,  
si sine scandalo possit, v l deponendo Perfo-  
nam Judicis & assumendo Personam Testis.

Q. *Quæ sunt obligationes Judicis?* R. Servare  
Processum Juridicum. 2. Sententiam non  
differre in damnum vel fraudem litiganti-  
um. 3. Personas non respicere nec averse-  
ra, sed justitiam.

Q. *Quæ*



*Q. Quæ sunt obligationes Notarii?* R. 1. Debet omnia pertinentia ad acta fideliter sub peccato connotare. 2. Debet fideliter extradere decreta. 3. Non debet detinere causarum expeditiones, nec aliquid supra jura Cancellariæ extorquere. 4. Juris solemnitates servare debet.

*Q. Quæ requiruntur in Advocato, seu Patrone, Procuratore?* R. Scientia, Fidelitas, timorata conscientia.

*Q. Quæ sunt ejusdem obligationes?* R. 1. Ut non suscipiat causam ad defendendum, quam scit esse injustam. 2. Non debet diffugia adinvenire in damnum adversæ partis, nec sui principalis. 3. Non plus justo à suo principali extorquere.

*Q. Quæ sunt obligationes Rei?* R. Teneretur fateri crimen suum si legitime, & à legitimo Judice interrogetur. 2. Tenetur latam contra se sententiam acceptare, si est justa, si injusta? potest ab illa appellare.

§. 28vvs.

De 8vo Præcepto.

*Q. Estne grave peccatum dare falsum testimoniū?* R. Est sane, & unum inter ea, quæ DEUS maximè detestatur.

*Q. Quid præterea hoc præcepto prohibetur?* R. Detractio, quæ est famæ alienæ occulta & injusta diminutio vel denigratio. Differt à Contumelia, quæ est honoris alieni injusta violatio

latio adinstar rapinæ aperte contra præsentem.  
Detractio ut plurimum est contra absentem  
adinstar furti.

Q. *Quot modis solet fieri detractio?* R. 2bus;  
*Directe*, vg. imponendo crimen falsum. 2.  
Amplificando seu exaggerando crimen verum.  
3. Revelando crimen occultum. 4. Sinistre  
interpretando opus bonum, aut salum indife-  
rens alterius.

Et *indirectè*. vg. negando rectefacta, ut  
dotes alterius. 2. Illa extenuando sive mi-  
nuendo. 3. Tacendo bona alterius eo loco  
& tempore, quo silentium tale alii interpre-  
tantur tacitam vituperationem illius, de quo  
est sermo. 4. Simulate & frigide laudando  
alterum, ita, ut simulet se quidem laudare eum,  
nihil tamen adfert laude dignum. Omnes  
istî octo modi his verbis exprimuntur:

*Imponens, Augens, Manifestans, in Mala vertens,  
Qui negat, aut minuit, reticet, laudatq; remisse.*

Q. *Quale est peccatum Detractionis?* R. Ex ge-  
nere suo est mortale, sive facta sit viventi,  
sive mortuo. *Dixi ex genere suo*, quia detrac-  
tio sæpius solet esse veniale, vel ob levitatem  
materie, vel ob imperfectionem actûs.

Universaliter loquendo exinde Confessio-  
rius poterit devenire an detractio fuerit gra-  
vis vel levis, si considerabit conditionem, Perso-  
nam, dignitatem, & statum ipsius læsi, an  
scilicet ex tali detractioe graviter vel levis



ter contristaretur, si ei ad oculum similia verba proponerentur.

Q. *Quotuplex est detractio?* R. *zplex: Materialis*, quando quis non intendit famam laedere proximi, sed ex quadam loquacitate narrat peccata, vel defectus ipsius unde laederetur bona fama ejus.

Et *Formalis*, quæ fit ex intentione & proposito alienam famam denigrandi. Utraque detractio toties est mortale, quoties detrahens graviter denigrat famam proximi, etiam si talis denigratio non sequatur propter aliquam circumstantiam, vg. quia detrahens non est fide dignus.

Q. *An licitum sit aliquando revelare crimen occultum proximi?* R. Licitum præsertim in his casibus: 1. Si quis post fraternam correctionem patefaceret Testibus vel Superiori crimen Fratris sui in bonum ipsius, ut scilicet emendetur.

2. Ad impediendum notabile damnum proximo vel toti alieni Communitati.

3. Quando agitur de officio conferendo, aut matrimonio contrahendo, vel de Religione suscipienda, possunt imo quandoq; debent iusta impedimenta etiam occulta manifestari, si ex illis notabile incommodum prævideatur secuturum.

Q. *An qui detractiorem audit peccat mortaliter, an restitutionem fama teneatur?* R. 1. Qui detractio-

tractorem audit cum complacentia non resistendo ei, peccat eodem peccato; quo & ipse detrahens, si tamen non cooperatur ad illam, non tenetur ad restitutionem.

R. 2do Qui in detractione sibi non complacet, sed ex timore vel negligentia aut verecundia omitteret corrigere detrahentem peccat quidem, sed multominus, quam ipse detrahens, & plerumq; venialiter.

R. 3tio. Qui detractorem audiens non potest illum corrigere absq; suo incommodo, non tenetur detractionem impedire, neque talis peccat, quia charitas proximi cum gravi suo incommodo non obligat. Com: DD.

Q. *Quis modus potest a Confessario dari penitenti resistendi detractori?* R. Svadeat: ut redarguat detractorem modestis verbis subiungendo id non licere loqui de fama proximi sui: vel interrompendo sermonem: vel surgendo de loco, vel displicentiam ostendendo.

Q. *An peccat graviter, si revelet occultum crimen coram aliis Personis illis incognitis?* R. Non videtur peccare, si Personam non nominet, & ita discursum accomodet, ut ex illo audientes non veniant in cognitionem illius, cui detrahitur.

Q. *Quomodo practice interrogandus est penitens in Confessione detrahens alteri proximo?* R. 1. Interrogandus est, an fuerit detrahitio in levi vel gravi materia. 2. Si in gravi: an assertiv



tivè dixerit, vel solum relativè nihil addendo, sed prout ab aliis audivit? 3. *Quod si assertivè dixerit?* An illa res detrahens famæ proximi sit vera, vel falsa? an oeculta vel publica? Quoties deliberatè id fuit. Tandem reflexione f. d. a. iungat ei restitutionem famæ proximi, si nulla aderit causa excusans à restitutione.

§. 29<sup>us</sup>.

De Restitutione Famæ & Honoris.

Q. *Quomodo restitutio fieri debeat ab eo, qui falsum crimen alteri imposuit coram aliis?* R. Talis tenetur retrahere verbum suum coram illis, quibus dixit, non obstante quod talis restitutio sit cum graviore incommodo ipsius detrahentis. D. Thom. Seco: Quia id exigit iustitia in reddendo proximo, quod suum est, quæ alias non servaretur.

R. 2do. Si potest fama proximi læsa sufficienter caveri, satis erit, si infamator dicat (coram illis, coram quibus falsum crimen proximo imposuit) se fuisse deceptum, vel aliter rem intellexisse &c.

Q. *Ad quid teneatur alterum diffamans cum damno non tantum famæ, sed etiam fortune?* R. Si deliberate & ex proposito fiat talis diffamatio, tunc diffamans non tantum tenetur famam bonam restituere diffamato, sed etiam damni illati compensationem facere. *Lev. 19. 2.*

Q. *Qui autem inconsideratè ex sola loquacitate alterum diffamavit cum damno?* R. Tenetur illud resarcire

refarcire si non est iustitia, saltem ex charitate. *La. Cro: l. 2.*

Q. Si quis coram iis, quibus fuit occultum, manifestat crimen alicujus notum publicum & verum, teneturne ad restitutionem? R. Non tenetur, sed tantum peccat contra charitatem. Idem dicendum est de audiente detrahentem.

Q. Quae conditiones requirantur ad hoc, ut fama per detractionem laesa sit restituenda? R. 1. Ut fama proximo sit reipsa ablata. 2. Ut sit injuste ablata. 3. Ut eadem fama possit de novo obtineri, & non fuerit jam aliunde recuperata. Quod si ex his conditionibus aliqua deficiat, cessat obligatio restitutionis. *Reiffenst: Tr: 9.*

Q. Quae sunt causae excusantes à restitutione famae & honoris? R. Si ex obloquutione detrahentis nulla secuta fuit infamia, vel quia nullius erat fidei, vel quia audientes jam aliunde sciverunt.

2da. Si id, quod contra bonam famam alterius aliquis locutus fuerat, jam in oblivionem prudenter abiisse existimatur, quia in tali casu, si teneretur ad restitutionem detrahens, in memoriam iterum revocaret crimen.

3tia. Si crimen occultum, quod aliquis illicito modo aliis revelavit, fiat aliunde publicum.

4ta. Si famae restitutio fiat impossibilis, vel quia amplius non credent ei, qui attentaret restitutionem, vel ex alio capite.

5ta. Si



sta. Si non possit fieri restitutio sine avaritia  
sive famae suae, quae sit longe majoris mo-  
menti.

6ta. Quando is, qui alterum infamavit, fe-  
cit id propter bonum ejus spirituale, v.g. dum  
Sacerdoti detulit aliquod peccatum, sed neq;  
hoc potest dici proprie diffamatio.

7ma. Quando quis solum narravit audita,  
& dixit se audisse talia, nihil addendo, ex  
quo faceret credulitatem, quia talibus dictis  
raro creditur.

8ta. Si is, cui detraxi, mihi pariter detra-  
xerit, nec restituere velit, &c.

§. 30mus.

De judicio temerario, Mendacio, & aliis.

Q. Quid est Judicium temerarium? R. Cum  
quis ex malitia absq; sufficiente fundamento  
judicat malum de proximo.

Q. Quae conditiones requiruntur ad illud, ut sit  
mortale? R. 1. Ut sit materia gravis. 2. Ut  
judicium formetur tanquam mortaliter certum.  
3. Ut judicium sit ex levibus conjecturis.  
4. Ut sit plene deliberatum. Non obligat  
ad restitutionem cum sit actus internus, nisi  
manifestetur exterius. In scrupulosis raro ju-  
dicium temerarium excedit veniale, quia vix  
aliquando habent vera judicia, quamvis se  
habere putant.

Q. Quid sit suspicio? R. Est assensus debilis  
de vitio proximi junctus cum dubitatione de  
opposito. Per se est peccatum veniale.

Q. *Quid est susurratio?* R. Est peccatum lingvæ, dum quis occultè de proximo male loquendo odium ac dissensionem animorum molitur. Hæc est gravior detractio, quia includit odium fraternæ charitatis, si cætera sint paria.

Q. *Quid est libellus famosus?* R. Est Scriptura, quæ infamiam alterius continet nondum publicatam, ut edatur, & publica fiat. Et est mortale.

Q. *Quid est mendacium?* R. Est enunciatio falsa cum conscientia oppositi, & cum voluntate fallendi.

*Dixi cum conscientia oppositi*, quia si quis falsum dicit eò, quia taliter ab aliis audivit, vel sic esse supposuit, pro tunc non erit mendacium, sed error, quod bene notandû est.

Q. *Quotuplex est mendacium?* R. 3plex: *Periculosum*, quod fit in damnum alterius, & est ex genere suo mortale, & mendax tenetur ad restitutionem damni ex tali mendacio emergentis proximo. 2. *Jocosum* ob recreationē animi. 3. *Officiosum* ob utilitatem sui, vel aliorum. Hæc mendacia regulariter sunt venialia, nisi aliam habeant annexam circumstantiam.

Q. *Quotuplex est falsum testimonium?* R. 1. *Affirmativum*, per quod affirmatur id quod negari deberet. Alterû *Negativum*, per quod negatur id, quod affirmari deberet.



De 9no & 10mo Præcepto Decalogi.

Q. *Qua nam his 2bus Præceptis prohibentur?*

R. Specialiter peccata cordis, & prava desideria. In illis enim octo Præceptis prohibentur peccata externa, & operis, sive facti. His verò 2bus ultimis tanquam complemento aliorum præceptorum prohibentur etiam peccata voluntatis desiderio elicitata.

Q. *Quandonam motus concupiscentia sunt in nobis peccatum?* R. Cum Com. Catholicorum, protine quando accedit consensus voluntatis, quia non est peccatum, nisi voluntarium.

Q. *Quandonam concupiscentia est peccatum mortale, & quando veniale?* R. Est mortale, quando consensus voluntarius erit perfectus, & deliberatus, & materia circa quam versetur, erit gravis; sinsecus, erit veniale, ut dum quis vellet furari alteri unum solidum.

Q. *Quinam peccant contra 10. Præceptum?* R. 1. Illi, qui nimia aviditate divitias expetunt, & modis pravis ac artibus illicitis augere concupiscunt. 2. Milites, qui bellum desiderant, ut habeant facultatem furandi. 3. Principaliter omnes illi peccant, qui rem alienam pretio æstimabilem concupiscunt.

Q. *In delectatione venerea deliberata daturne parvitas materiæ, ut excusetur à mortali?* R. Non datur. Opposita sententia est damnata à Clemente VIII.

Q. *Quid*

*Q. Quid est delectatio venerea? R. Est simplex amor & complacentia in re venerea absque tamen desiderio executionis; per quod differt à desiderio. Quia hoc: est ille actus, quo voluntas vult & desiderat actum peccaminosum externum ipso opere perpetrare, si adesset facultas.*

*Q. Quomodo cognoscendum est Confessario an penitens in cogitationibus venereis consensum prabuerit? vel non? qui positive non restitit, neq; scit determinate se consensisse vel non? R. 1. Consideranda est personæ qualitas, an sit timorata, vel laxa conscientiæ. 2. Qualitas delectationis venereæ. An fuerit gravis vel levis, brevis vel diuturna? 3. Causa & occasio talis delectationis an deliberata, vel non? An aliquam displicentiam habuerit, vel nullam.*

## C A P U T 8vum.

### De Præceptis Ecclesiæ.

#### §. I mus.

#### De I mo Præcepto.

*Ubi agebatur de 3tio Præcepto Decalogi dictum est de observatione Fæstorum, hic reliqua adduntur de eadem materia.*

*Q. An liceat die Fæsto molere frumentum, quando molendinum agitur aquâ vel vento? R. Si nulla est necessitas urgens molendi die Fæsto,*



& molitores multum temporis in hoc negotio consumant, non excusantur à mortali ob scandalum, & servilem laborem intervenientē.

Porro necessitas esse potest, & hæc excusans à mortali, si nimirū diebus feriatis non possit in molendino satisfieri populi concursui. Melius tamen ut Parochi saltem de mane usq; ad meridiem abstinere Christianos jubeant, ut satisfaciant Molitores præcepto Ecclesiæ de audienda Missa.

Q. *Quid considerandum sit Confessario in praxi, quo ad penitentes passim laborantes diebus festivis?* R. Interrogandi sunt, an similes labores soleant fieri passim ab aliis viris communiter etiam conscientiosis, quod si sic? non erunt arguendi alicujus gravis peccati. Hoc tamen non obstante arguendi sunt à Confessario & adducendi in emendationem, ne in posterum majores licentias sibi concedant.

*Nota:* Laborans die Festo per 2. horas, peccat mortaliter jux: Syl. Case. Laborare minus unâ horâ, non erit nisi veniale ratione parvitatæ materiæ. *Idem.*

Q. *Potestne quis tuta conscientia ex loco, ubi est Festum ire ad locum alium, ubi non est Festum causa laborandi?* R. Affirmat Nav. &c. dummodo Missam audiat in loco, ubi est Festum. Verum si hoc faciat non ex aliqua justa causa, sed solum ad fugiendum præceptum? peccat; quia fraus & dolus ei non patrociniatur.

§. 2dus.

De 2do Præcepto Ecclesiæ.

Q. *Quomodo hoc Præceptum obligat ad audiendā Missam diebus Festivis?* R. Sub mortali, nisi adsit iusta causa dispensans & excusans.

Q. *Quinam obligantur ad audiendam Missam?* R. Omnes fideles non tantum Laici, sed & Clerici, & Sacerdotes, si illo die Missam non celebrent. Celebrantes autem hoc ipso eminen-  
ter audiunt.

Pueri ante completum septennium non obligantur, etiam si jam habeant usum rationis. Gobat.

Q. *Quomodo audienda est Missa ad satisfaciendū Præcepto?* R. Missam audire non consistit in hoc ut verba intelligantur, aut audiantur à Sacerdote prolata, aliàs surdi & rudes nunquam satisfacerent; Neq; ipsum celebrantem videre, quia cæci & in magno concursu pusillæ staturæ nunquam aut rarò audirent, ut oportet. Sed consistit in devota præsentia corporis, & attentione mentis ad Sacrificium. Com. DD.

Aliqui Doctores volunt non peccare mortaliter eum, qui venit finitâ Epistolâ ad Evangelium, Laym. Gob. Suar. &c. Imo excusant eum à mortali, qui venit ad Offertorium dūmodo in fine adsit Evangelio ultimo Missæ.

Q. *An satisfacit Præcepto, qui duas partes Missæ, imo quatuor simul à diversis celebrantibus audit?* R. Non.



**Non,** contraria est damnata ab Innoc: XI.

**Q.** *Qui audit dimidiam Missam ab uno Sacerdote, & aliam dimidiam ab alio successive satisfaciunt Præcepto?* **R.** Alii affirmant, alii probabilius negant, cum sint duæ partes Missarum non una Missa. Sententia tamen affirmans potest servire pro casu illi, qui nimis est occupatus, ut unam integram unius celebrantis non possit audire.

**Q.** *Quanam sunt causa excusantes fideles ab obligatione audiendi Missam die festo?* **R.** Impotentia physica & moralis: Sic excusantur: Incarcerati, Infirmi, Itinerantes.

Excusantur ob impotentiam *moralem*: qui timent adire Ecclesiam, ne incidunt in periculum peccandi, ut vg. tempore persecutionis ne comprehendantur ab infidelibus, à quibus impellerentur ad negandam fidem Catholicam: Vel si virgo prævideat periculum stupri, sibi in via inferendi.

Qui timent in via Sicarios vel reincidentiam in morbum. item qui non habent vestem decentem, ita ut nequeant absq; dedecore & gravi irrisione, ac notabili pudore in publico comparere. Et illi excusantur, quibus imminet damnum fortunæ, si audirent Missam, ut custodes domus.

*Item* excusantur ratione *Pietatis*, qui inserviunt ægroto, quorum præsentia est necessaria, quia major est obligatio charitatis proximi.

mi, quàm audiendæ Missæ, utpote illud est præceptum naturæ, hoc autem de jure Ecclesiastico.

*Item* ratione *Officii* excusantur Excubitores ad Portas, Valla, & Turres &c. *Item* Pecorum custodes, & hortorum &c. Qui tamen tenentur mutare vices, & adesse Sacris, si plura in Ecclesia absolvantur Sacrificia. Quæ obligatio manet circa Dominos, ut talem dispositionem faciant.

*Q. An distantia loci excuset ab audienda Missa?*

*R.* Affirm: quia sæpius involvit impotentiam *moralem*. Non potest autem absolute determinari, quæ distantia excuset: sed hæc res prudentum judicio relinquenda est attentis omnibus circumstantiis loci nimirum distantis, temporis, auriæ, & Personæ. Nonnulli dicunt DD. sufficere pro excusatione peditis distantiam itineris unius bonæ horæ vel 5q; quadrantum. Alii majorem requirunt distantiam.

*Q. Ad quid tenentur illi, qui die festo non possunt adesse Sacrificio Missæ?* *R.* Ut domi vacent orationi, lectioni spirituali &c. Talis autem domi devotio est solum consilii non præcepti.

§. 3<sup>tius</sup>.

De 3<sup>tio</sup> Præcepto Ecclesiæ.

*Q. Quid est Jejunium?* *R.* Est abstinencia ciborum ad carnis vitia comprimenda, peccatorumq; penas expiandas.

*Q. Jejunium videtur non recte institutum esse ab Ecclesiâ.*



*Ecclesia; Christus enim Luc. 10 dixit Discipulis: Manducate, quæ apponuntur vobis. Item Math. 15. ait: Non, quod intrat in os coinquinat hominem? R. ad 1mum Christus ibi voluit suos Discipulos esse contentos appositis cibis, & si viliores sint, sectari frugalitatem, non lautitias in cibis.*

*R. ad 2dum Christus loquitur de cibis secundum se spectatis, non ut prohibitis à legitima potestate. Cibi secundum se & ex natura sua sunt boni, & non coinquinant corpus; si tamen prohibeantur, & tamen sumantur, coinquinant animam, hoc est peccatricem faciunt.*

*Sciendum: Res alia est ex se & naturâ suâ mala: alia est ideo mala, quia prohibita; sic efus pomi in Paradiso, ideo fuit malus, quia prohibitus, quod pomum nisi fuisset prohibitum à DEO, nec Adamo, nec nobis nocuisset.*

*Q. Quotuplex est jejunium? R. 2plex. Naturale, quod frangitur cujuscunq; rei sumptione. Tale jejunium requiritur ad summendam Eucharistiam, vel celebrandam Missam. Incipitq; à media nocte.*

*Aliud Ecclesiasticum estq; vetitorum ciborum certis diebus abstinencia, & est institutum ab Ecclesia.*

*Q. A quo ætatis anno incipit obligatio jejunandi? R. A 22. inchoato.*

*Q. Qui autem dubitat an expleverit 21. annum vel an*

*vel an non hodie sit jejunium?* R. Non tenetur jejunare, tenetur autem interrogare.

*Q. In quo consistit jejunium Ecclesiasticum?* R.

1. In quantitate, hoc est semel tantum de die comedere ad satietatem, vespere potest sumi modica refectio. Unde si quis bis die ad satietatem comederet, peccaret mortaliter.

2. Consistit in qualitate hoc est abstinere se ab esu carnum, & lacteiniurum.

3. Consistit in certa hora uestitionis, quæ est circa meridiem, nisi aliud consuetudo loci ferat.

*Q. Potestne anticipari hora refectiois?* R. 1. Si sine rationabili causa? foret veniale, perverteret enim ordinem ab Ecclesia præscriptum. *Tol.*

Si esset causa rationabilis, vg. quia iter eundum urget, vel quia horâ certâ in tali, aut tali confectu comparere: vel quia alicui societati, quæ horâ 9. aut 10. prandet, se tenetur accomodare? nullum esset peccatum. *Lay.*

*Q. Quantum unusquisq; tempore jejunii ad collationem manducare debeat?* R. Sumenda est regula comedendæ collationis ex consuetudine in singulis regionibus recepta. Quia ista refectiuncula per consuetudinem est introducta, adeoq; & mensurari debet juxta limites ejusdem consuetudinis.

Hac responsione solvuntur plures difficultates.



tates, quæ obvenire possunt Confessario legenti varios Authores de jejunio scribentes. Ratio hujus diversitatis est, consuetudo diversa in diversis partibus recepta. Cum ergo in Regno Poloniæ est illa consuetudo, ut pro collatione cibi cocti apponantur tempore jejunii, hinc Confessarius non statim debet judicare pœnitentes obnoxios esse peccati mortalis. Excusat nos aliquomodo frigidior aëra, quæ majorem famem provocat propter subtilitatem suam. Specialiter cum pauperibus & plebejis non scrupulizet Confessarius, quia exculantur tum propter continuum laborem, tumquia olera in majore parte habent pro cibo, quæ modicum nutriunt, tumquia sæpius in prandio non satiant appetitum, quæ omnia & singula attendi debent.

*Q. Quæ jejunia sub hoc Præcepto continentur?*

*R.* Post promulgatum Breve Pii VI. in Regno Poloniæ A. 1775.: Vigilia Nativitatis Dni: Assumptionis B. V. M; Sanctorum Petri & Pauli; Omnium SS.; Item tota Quadragesima; 4. Temporum; In Adventu. Feria 4ta, & 6ta.

*Nota 1.* In pervigiliis aliorum Fæstorum B. V. M. est jejunium ex pia consuetudine tantum, vim legis habente.

*Nota 2.* In Quadragesima: Dies Dominicæ excipiuntur à quantitate, ideo licitum est bis comedere ad satietatem; idem dicendum est de

de Feriis 6. per Annum. V. Barthold.

Feria 4. & die Sabbathi ante Dominicam  
SS. Trinitatis licet vesci lacticiis, ex con-  
suetudine, & si sit jejunium 4. Temporum.

Q. *Quid de Caffè judicandum venit?* R. Pro-  
babilius venialiter peccant, qui bibunt cum  
lacte absq; ulla necessitate ob solum gustum.  
Secus verò judicandum est de illis, quibus so-  
lum caffè nocet, neq; possunt de amygdalis  
lac bibere. Pi. par. 2. S. 4.

Q. *Petrus abest à Patria sua, teneturne jejunare  
illà die, in qua nullum est præceptum jejunandi in  
loco, ubi est, nisi in Patria sua?* R. Statuta Diæ-  
cesana, seu localia extra Diæcesim & Patriam  
non obligant, nam hujusmodi statuta & con-  
suetudines locales affixæ sunt loco, & solum  
obligant existentes in eo. *Les. Fil.* Dum  
modo à Patria sua non absit in fraudè jejunii.

Q. *Quomodo obligat Præceptum Ecclesiæ de ser-  
vando jejunio?* R. Sub mortali sine justa causa.  
Obligatio autem jejunii est personalis quia  
fins hujus Præcepti est moderate affligere  
corpus proprium.

Q. *An satisfacit Præcepto huic, qui sine justa  
causa frangit jejunium die ab Ecclesiâ determinato,  
& alio jejundet?* R. Non satisfacit, quia hæc  
obligatio est determinata huic diei, & non  
alteri. Sicut recitatio Divini Officii, aut  
auditio Missæ die Festo.

Q. *Quot peccata cōmittit, qui violat jejunium ex  
duplice*



*duplici præcepto obligans* *vg. Vigilia & 4. Temporum?* R. Unum peccatum committit, quia licet sit duplex præceptum, ex eadem tamen motivo temperantiæ utrumq; obligat. Com. DD.

Q. *Quot peccata committit, qui deliberate statuerat, per totam Quadragesimam non jejunare?* R. Tot peccata committit, quot diebus non jejunat, quia jejunium est onus singulis diebus annexum. Matheu. Sylv. &c.

Q. *An qui sæpius comedit in die jejunii toties peccat, quoties comedit?* R. 1. Si comedit cibos vetitos, puta carnes, toties peccabit, quoties distinctis comestionibus manducat tales cibos.

R. 2. Si verò sæpius comedit in die cibos quadragesimales? solum per 2dam comestionem violat jejunium, & peccat. *Mastr.* Quia per 3tiam vel 4tam comestionem amplius non violatur jejunium, cum jam sit violatum; quãvis peccet contra virtutem temperantiæ.

Q. *An, & quomodo peccent inducentes alium ad frangendum jejunium?* R. Mortaliter. CC. DD.

Q. *An sæpius in die bibendo violatur jejunium?* R. Non, quia hoc Præcepto tantum comestio prohibetur.

Si autem ita biberet, ut fiat ebrius? peccaret mortaliter contra temperantiam. Ad hoc autem, ut sit quis ebrius mortaliter, opus est, ut saltem unâ horâ privetur usu rationis. *Laco. n. 327.*

Q. *Quanam sunt causa excusantes à quantitate jejuniis*

*jejunii?* R. Ordinariè sunt 3. 1. *Impotentia* tam physica quàm moralis, ratione cujus excusantur illi, qui sine gravi aliquo incommodo vel notabili damno jejunare non possunt. 2. *Infirmi convalescentes, prægnautes, vel Nutrices lactantes. Senes, quia senectus ipsa est morbus, vg. 60. annorum.*

2. *Causa est pietas, ratione cujus excusantur universaliter illi, qui præstantioribus operibus incumbunt, quæ cum jejunio absq; gravi incòmodo perficere non possunt vg. docere, cantare, concionari, Sacramentum Pœnitentiæ administrare, &c.*

3. *Causa est necessitas, ratione hujus universaliter excusantur omnes illi, qui gravi suo labore victitant, cum quo jejunium stare non potest. Tales sunt omnes Mechanici, qui cum gravi sui corporis defatigatione suas exercent artes vg. Agricola, Ferrifabri Itinerantes dummodo non sit iter unius diei tantû.*

*Q. Quinam possunt dispensare à jejunio?* R. Episcopus, Prælati, Religiosi cum suis Religiosis. Imo & Parochus ex rationabili causa cum suis particularibus Parochianis. *Mastr.*

*Q. Quando nam recurrendum est pro dispensatione de jejunio ad Superiores?* R. Protunc quando causa excusans videtur quidem sufficiens, sed de ejus sufficientia adhuc dubitatur, & ideo ad superiorem recursus fieri debet, ut ipsius auctoritate suppleatur causa. In aliis verò causis



causis licet sit laudabile recurrere pro dispensatione, non est tamen omnino necessarium.

Q. *An peccent, qui sine rationabili causa dispensant in jejuniis?* R. Peccant, & quidem graviter, imò & dispensatio illorum est non tantum illicita, sed etiam invalida, ita ut dispensatio non possit tuta conscientia manducare, si dispensationem agnoverit fundari in frivola ratione. Hinc sciendum est: peccare graviter illos Medicos, qui adulando magnatibus judicant & persuadent carnes necesse manducari ab illis tempore jejunii absque justa causa. Com. DD.

Q. *Ad quid teneantur licentiatii in jejuniis vestii carnibus?* R. Ex Rescripto Bened: XIV. Constitit: Non abigimus Bullar: T. 1. obligantur ad duas conditiones. 1. Ut unicam commestionem de die servant. 2. Ut non permisceant epulas, id est non manducent pisces, hoc enim denotat frivolum causam dispensationis: ideo enim supponuntur esse dispensati, quia illis nocent pisces. Nisi sint tantum dispensati ad lacticia.

Q. *An potest Catholicus comedere carnes die vetitae cognoscatur ab Hereticis?* R. Non, si dictis cibis paretur ad confitendam vel negandam fidem.

§. 4tus.

De 4to & 5to Praecepto Ecclesiae.

Q. *Quid praecipitur 4to & 5to praeecepto Ecclesiae?*

R. Qui

R. Quilibet fidelis postquam ad annos discretionis pervenerit, sub mortali tenetur semel saltem in anno specialiter tempore Paschali confiteri & communicare.

Quod si d. d. to tempore sive per negligentia, sive per malitiam id non fecerit, debet omnino alio tempore quamprimum id poterit peragere. Siquidem lex Ecclesie Cap: *Utriusq; Sexus*, involuit duo Præcepta, alterum: communicandi saltem semel in Anno, quod concernit substantiam Præcepti; alterum: communicandi in Paschate, quod pertinet ad congruam temporis determinationem.

Q. An & quando tenemur præcepto Divino confiteri? R. 1. In articulo mortis aut periculo probabili mortis. 2. Si prævideat postea non habiturum copiam Confessarii. 3. Si quis sit in mortali, & velit communicare aut celebrare.

Q. An sati sit præcepto annue Confessionis per sacrilegam Confessionem seu Communionem? R. Non, quia eo ipso nullum recipit Sacramentum Pœnitentie. Opposita est damnata ab Alex: VII. n. 14. Et Innoc: XI. n. 55.

Q. Quâ penâ puniuntur non confitentes neq; communicantes tempore Paschali? R. Viventes arcantur ab Ecclesia, mortui verò privantur Ecclesiasticâ sepulturâ. Verum hæc sunt ferendæ tantum sententiæ.

Q. Cui faciendâ est Confessio Paschalis seu annua? R. Parocho proprio ut patet ex Conc: Later:



**Later:** *Omnis utriusq;* &c. vel coram Sacerdote regulari idq; ex medicantibus, ut constat ex Bull: Clem: X. *Superna.* Item Leon: X. Pii V. Pauli V. Clem: VIII. ex quibus patet eosdem regulares Mendicantes posse excipere Confessionem Paschalem & infirmorum, dummodo sint approbati à loci Ordinario, & de Confessionibus sibi factis, certiore reddant Parochū, extra hos, si quis velit facere Confessionem Paschalem coram alio Sacerdote Sæculari vel Regulari debet petere licentiam à Parocho suo, quæ omnia intelligenda sunt de sola Confessione, Communio enim Paschalis & Viaticum omnino sumenda sunt à proprio Parocho, nisi is alteri dederit licentiam.

*Q. Quanam conditiones requirantur, ut frustum censeatur jejunium naturale in ordine ad celebrandū, vel communicandū?* *R.* Hæ quatuor. 1. *Ut illud, quod sumitur habeat rationem cibi, potūs, vel medicinæ.* 2. *Debet sumi ore ab extra.* 3. *Ante S. Species.* 4. *Aliter debet sumi, quàm per modum salivæ.*

Ex his multi quietari possunt scrupuli, ac scrupulosi excusari à fractione jejunii. 1. Illi, qui deglutiunt frustum metalli ligni, Papyri &c. 2. Sumentes reliquias cibi inter dentes residuas. 3. Sugentes humores ex pustulis dentium, vel sanguinem ex gingivis. 4. Subito attrahentes per nares guttulam aquæ odoriferæ, vel tabaci pulverizati. 5. *Masticantes*

cantes aromata, si parum quid inseparabiliter  
salivæ adhæreret. 6. Lavando os, si una vel  
altera gutta aquæ, aut musca cum respiratio-  
ne trahatur.

§. 5tus.

De Consiliis Evangelicis.

Q. *Quæ sunt præcipua consilia Evangelica?* R. Hæc tria: Voluntaria & Religiosa Paupertas, Castitas & Obedientia.

Q. *Reperiunturne ista in Scriptura S.?* R. O. minino: De paupertate Math: 19. v. 21. Et v. 29. De Castitate Math: 19. v. 10. 11. 12. Cor. 7. v. 25. De Obedientia: Hebr: 13. v. 17. 1. Petri 5. v. 1.

Q. *Tenemurne hæc consilia observare?* R. Non, cum non sint præcepta. Qui tamen talia DEO libere voverunt, hi ad observationem eorū gravissimè Præcepto Divino obligantur.

Q. *Ad quid nobis profunt hæc consilia?* R. Ut vitam æternam securiùs, & abundantius habere valeamus.

Q. *Estne acceptabile DEO id vovere, quod est bonum, & perfectius?* R. Procul dubio. Proph: ait Psal: 76. *Vovete, & reddite Domino DEO vestro &c.*

Q. *Dissidentes obijciunt: quod Catholici nimium extollunt statum religiosum in præjudicium Sacramentorum?* R. Inter Baptismum & Professionem Religiosam faciunt quidem Catholici aliquā similitudinem, quatenus homo in utroq; re-

U

nun.



nunciat explicite diabolo. & novæ sit inchoatio vite Spiritu-  
lis, non tamen omnino æ-  
quant, sed p[er] tantum putant per Professionē  
Religiosam etiam omnem p[en]am peccatis de-  
bitam aboleri, quod fieri per Baptismum fide  
Divinā, & certò credunt.

*Nota Opera Supererogatoria, & opera consili-  
sumi pro eodem, & nihil esse aliud, quam  
opera quæ nullibi præcipiuntur, sed solum  
sivadentur, vel sponte suscipiuntur, quia cre-  
duntur placere DEO.*

## C A P U T 9num.

§. I. mus.

De Sacramentis in genere.

Q. *Quid est Sacramentum?* R. Est invisibilis  
gratiæ signum visibile ad nostram justificatio-  
nem Divinitus institutum. Hæc definitio cō-  
venit etiam Sacramentis veteris legis.

Q. *Det definitionem Sacramentorum novæ legis?*  
R. Est res sensibilibus ex institutione Christi ha-  
bens vim sanctitatis, sive gratiæ justificantis  
efficiendæ & significandæ.

Q. *Quenam fuerant Sacramenta in veteri lege?*  
R. Ab Adam usq; ad Abraham tam pro Mac-  
sculis, quàm pro Fœminis fuit deletiva culpæ  
originalis: Protestatio fidei à Parentibus signo  
sensibili facta DEO in venturum Messiam.

Ab

Ab Abraham verò usq; ad Adventum Christi pro masculis fuit *Circumcisio*. Pro Fœminis autem fuit eadem protestatio fidei &c. Item esus Agni Paschalis. oblationes &c.

Q. *Per quid differunt Sacramenta antiquæ legis à nostris Sacramentis?* R. Per hoc, quia illa non causabant gratiam ex opere operato, sicuti novæ Legis. Vel si causabant gratiam ex meritis venturi Messiae, ut volunt aliqui, nō tamen ita uberem sicut causant Sacramenta legis gratiæ. 2. Vetera Sacramenta erant tantum signa seu figuræ nostrorum Sacramentorum.

Q. *Suntne omnia Sacramenta permanentia?* R. Non, sed omnia sunt successiva præter solam Eucharistiam, quæ est *Permanentis*. Cætera enim post dictam formam desinunt esse in re & solum manent in effectu. Eucharistia verò post verba consecrationis manet.

Q. *Suntne omnia aq̃e digna?* R. Sunt in ratione Institutentis, omnia enim sunt ab eodem Christo instituta. Non sunt tamen æqualia in ratione continentis ut docet *Trident. Sess. 7.* nam alia continent solum gratiam Christi. Eucharistia verò & gratiam & Christum realiter in se continet.

Q. *Quā necessitate necessaria sunt Sacramenta?* R. Duo sunt necessaria necessitate *medii*, scilicet *Baptismus* respectu infantium. Et *Pœnitentia*, vel in re vel in voto respectu adultorum.



rum in peccato mortali existentium.

Q. *Quare dictum est respectu Infantium, cum Baptismus necessarius sit etiam adultis?* R. quia adulti, qui non possunt pervenire ad Sacramentum Baptismi seu fluminis, salvari possunt per Baptismum fluminis, seu desiderii cum contritione.

Alia sunt necessaria necessitate precepti: ut Eucharistia, Extrema Unctio, & Confirmatio. Duo verò sunt consilii: Ordo & Matrimonium.

Q. *Nonne potest DEUS salvare hominem sine Sacramentis?* R. De potentia absoluta potest; de potentia verò ordinaria non potest sine aliquibus Sacramentis saltem in voto, hoc est ut habeat saltem desiderium & voluntatem ea suscipiendi.

Q. *Quid est potentia DEI absoluta, & quid ordinaria?* R. *ima* Est quâ DEUS potest facere, quidquid nō implicat contradictionē. *2da* Verò est, qua potest efficere, quod ab æterno decrevit facere.

Q. *Sacramentum qualium verum est signum?* R. *Trium*, Est scilicet rememorativum Passionis Christi: Demonstrativum gratiæ & prognosticon seu prænunciativum vitæ æternæ.

Q. *Potestne Papa aut Ecclesia instituere aliquod Sacramentum?* R. Non potest, quia per Sacramentum confertur gratia DEI, quam nullus purus homo propria auctoritate aliis conferre valet.

Q.

Q. *Quis est Author Sacramentorum?* R. Christus DEI Filius. Ex ejus enim Passione & morte omnia Sacramenta suam vim & efficaciam habent. Hic ergo instituit omnia Sacramenta per potestatem sive per potentiam excellentiæ, quam habet ratione *Unionis Hypostaticæ*.

Q. *Quid est Unio Hypostatica?* R. Est illa unio, quæ unit naturam humanam cum Verbo Divino, & hæc unio est supernaturalis, quo ad substantiam.

§. 2<sup>do</sup>.

De Divisione Sacramentorum.

Q. *Cur Sacramenta tantum sunt 7. & non plura?*

R. Ob similitudinem vitæ corporalis, nam homo 1. nascitur. 2. augetur. 3. nutritur. 4. si in morbum incidit, sanatur. 5. Imbecillitas virium refocillatur. 6. Magistratûs auctoritate regitur. 7. Per legitimam sobolem propagatur.

Ita spiritualiter homo per Baptismum renascitur, per Confirmationem augetur, per Eucharistiam alitur, ab infirmitatibus animæ per pœnitentiam sanatur, robur animi per Extremam Unctionem acquirit, per Ordinem regitur, tandē per Matrimonium propagatur.

Q. *Quotuplicia sunt Sacramenta?* R. Alia sunt necessaria necessitate mediæ ut dictum superius. Alia sunt *iterabilia*, quæ multoties iterari, aut suscipi possunt, uti Eucharistia, Ex-

trema



trema Unctio, Pœnitentia, & Matrimoniu;  
Alia *initerabilia*, quæ non possunt iterari, ideo  
imprimunt characterem, uti Baptismus, Con-  
firmatio, & Ordo.

Alia sunt *vivorum*, quæ suscipi debent ab  
homine in gratia DEI existente, & talia sunt  
Confirmatio, Eucharistia, Extrema Unctio,  
Ordo, & Matrimonium. Hæc Sacramenta  
instituta sunt ad secundam gratiam producen-  
dam, seu ad augmentum gratiæ.

Alia *mortuorum*, quæ in suscipientibus sup-  
ponunt peccatum, (tanquam animæ mortē)  
sive originale ut Baptismus, sive personale  
mortale, ut Pœnitentia. Quæ sunt instituta  
ad conferendam primam gratiam.

Alia vocantur *formata*, quæ in suscipiente  
habent suum effectum, & causant gratiam.  
Alia *informia*, quæ quidem validè suscipiuntur,  
effectum tamen suum non habent ob peccatū  
in suscipiente existens, vel ob indebitam di-  
spositionem seu præparationem.

Alia sunt *Priora*, Ordine, *Necessitatis*. Alia  
ordine dignitatis, sic ordine necessitatis Ba-  
ptismus & Pœnitentia prius est Sacramentū,  
quàm Eucharistia. Ordine autem dignitatis  
est Eucharistia quàm Baptismus.

Aliud vocatur Sacramentum *transiens*, aliud  
permanens, sed hoc jam dictum superius.

Q. Quando Christus instituit Sacramenta? R.  
Baptismum; Math: 22. dum dixit: Euntes præ-  
dicato &c. Confr;

*Confirmationem:* dum dixit Luc: 24. Sedete in Civitate.

*Eucharistiam:* Math: 26. Accipite & manducate.

*Pœnitentiam:* dum dixit Joan: 20. Accipite Spiritum S.

*Extremam Unctionem:* cùm Apostoli missi sunt à Domino, ungebant oleo multos ægrotos. Matth: 6.

*Ordinem:* cùm dixit: Sicut me misit vivens Pater. Joan: 20

*Matrimonium* instituit vel potius ad rationem Sacramenti elevavit, cùm dixit: Quod DEUS conjunxit &c. Math: 19.

§. 3<sup>tius</sup>.

De Essentialibus Sacramenti.

Q. *Quæ requiruntur ad valorem Sacramenti?* R. Materia, Forma, & Intentio. Materia sunt res quædam sensibiles ex institutione Christi efficaciter significantes gratiam. Forma sunt verba à Ministro prolata in applicatione materiæ.

Q. *Quotuplex est materia Sacramentorum?* R. 2plex: Remota, ut vg. in Baptismo aqua, in Confirmatione Chrisma, in Eucharistia Panis & Vinum; In Pœnitentia peccata, in Extrema Unctione Oleum benedictum, in Ordine res quæ traduntur ordinandis, in Matrimonio Personæ contrahentes.

Et materia Proxima in Baptismo: ablutio, in Confirmatione & Extrema Unctione: unctio, in Eucharistia: positio specierum Panis & vini, In Pœ.



In *Pœnitentia*: actus pœnitentis scilicet: dolor; & Confessio, In *Ordine*: tradito materiæ remotæ, In *Matrimonio*: corporum traditio.

Q. *An, & quomodo materia & forma Sacramentorum à Christo Domino sunt determinata?* R. Materiæ aliquorum sunt determinatæ in specie, ut Baptismi: aqua, *Eucharistia* Panis triticeus, & Vinum de vite. *Extrema Unctionis* Oleum olivarum, ut constat Marci 6. & Jacob: 5. *Matrimonii* contractus, quo significatur traditio corporum inter sponfos.

Aliquorum Sacramentorum tantum in genere ut *Confirmationis* Chrisma, quod confici potest ex Oleo & Balsamo: *Pœnitentiæ*: dolor, sive sit contritio sive attritio: *Ordinis* aliquod instrumentum significativum potestatis quæ confertur, relicta Ecclesiæ potestate determinandi illud in specie.

Quo ad formam: hæc etiam in quibusdam Sacramentis est determinata à Christo Domino in specie, In *Baptismo* baptizantes eos in Nomine Patris &c. In *Eucharistia*: Hoc est enim &c. Hic est enim Calix &c. Idem videtur posse dici in *Matrimonio* scilicet acceptance corporum. In aliis determinata est tantum in genere; Horum ratio: est voluntas Christi Domini. quæ patet nobis partim ex Scriptura, partim ex Conciliis, Patribus, & Praxi totius Ecclesiæ.

Q. *An Ecclesia potest mutare Materiam vel Formam*

*nam Sacramentorum?* R. Secundum quod de-  
terminatæ sunt à Christo, non possunt muta-  
ri ab Ecclesia proximè & formaliter, idest di-  
rectè tollendo, seu non retinendo prædicatū  
illud in Materia, vel illam significationem in  
forma, quam Christus in illis esse voluit.

Potest Ecclesia mutare remotè, & materia-  
liter substantias Sacramentorum, dummodo,  
illa quæ ab Ecclesia substituuntur, retineant  
prædicatum illud in Materia, & illam signifi-  
cationem, quam Christus voluit. Sic Eccle-  
sia apposuit aliquas condiciones certas Sacra-  
mentis, uti Contractui *Matrimonii* ( ne sit  
clandestinus ) præsentiam Parochi, & duorū  
saltem testium. *Pœnitentiæ*: approbationem;  
per hoc tamen non mutavit materiam & for-  
mam propriè, & formaliter, nisi impropriè,  
& remotè, inquantum materia v.g. *Matrimo-  
nii* consensus, qui fuit antea validus, sine  
hac conditione nunc sit invalidus. Interim  
materia nunc est eadem, quæ fuit antea.

Q. *An materia mutata redderet Sacramentum  
invalidum?* R. *imò*; 2plex potest esse mutatio  
materiæ *Substantialis*, quando secundum com-  
munem utum, & æstimationem differt nomi-  
ne & re ab ea, quam Christus instituit, &  
quâ Romanâ Ecclesia utitur, ut si quis ba-  
ptizaret aquâ artificiali ex floribus & herbis  
expressa, esset materia substantialitèr mutata,  
ab aqua pura Elementari. *Accidentalis* verò  
mutatio,



*mutatio dicitur: quando manet eadem materia secundum speciem Physicam, mutatur tamen quò ad aliqua accidentia, ut si ad Baptismum assumatur aqua calida, vel non benedicta.*

*R. 2do Mutatio Substantialis materiae reddit Sacramentum invalidum, secùs Accidentaliter.*

*Q. An valide quis baptizaretur glacie aut nive?*

*R. Non, quia etsi nix & glacies sint materia nutrita solum accidentaliter Physicè; sed Theologicè est mutata substantialiter, nequit enim abluere corpus, nisi liquefiat.*

*Q. An possunt Sacramenta administrari sub conditione? R. Si conditio sit de praterito, vel de praesenti possunt, cùm talis conditio Sacramenti effectum non suspendit.*

*Non possunt autem administrari sub conditione de futuro, nam Sacramentum sub tali conditione dum administraretur, non esset validum, cùm Minister tunc non intenderet ipsum conficere: Nec etiam validum esset conditione adimpletâ, quia materia & forma tunc jam non existeret.*

*Q. Materia quomodo debet esse Ministro praesens?*

*R. Moraliter, ita ut oculis cerni, manibus tractari possit, non est tamen necessaria actualis visio, vel tractatio.*

§. 4tus.

*De Forma Sacramentorum.*

*Q. Quotuplex est Forma Sacramentorum? R. 2plex: Absoluta, quæ sine ulla conditione profertur,*

fertur; & *Conditionata*. quæ sub conditione pronuntiatur, vg. *Absolvo te, si es capax, vel, si non es baptizatus, ego te baptizo, &c.*

Q. *Quotuplex potest esse mutatio Formæ?* R. 2plex: *Substantialis*, quando non manet idem sensus verborum formæ. à Christo institutæ, ut si in forma Eucharistiæ locò verborum: *Hoc est Corpus meum* dicat quis: *Hoc significat corpus meum.*

*Accidentalis*, quando manet idem sensus, sed verba duntaxat mutantur, ut si dicat quis: *Hac res est corpus meum.* Prima mutatio formæ reddit Sacramentum invalidū, secūs secunda.

Q. *Quot modis potest contingere formam variari?* R. imo *Additione* ut cūm dicitur: ego baptizo in Nomine Patris, quæ te creavit &c. 2do *Diminutione*: vg. baptizo te omittendo ly ego. 3tio *Trāspōsitione* vg. ego te baptizo in Nomine Filii, Patris, &c. 4to *Interpolatione* vg. Ego te baptizo & casu interponendo: *amove manū* &c. 5to *Corruptione* vg. ego te baptizo in Nomine Patris &c. 6to per verba æquivoca. 7mo per verba Synonyma. 8vo per idiomatis mutationem, ut si locò Latinæ lingvæ utaris Gallica, vel Polonica.

Q. *An & quale est peccatum, mutare formam?* R. Peccatum ex quacūq; mutatione admissum, est Sacrilegum, & ex genere suo mortale, si veritatem formæ, aut Sacramentum dubium reddit.



In nullo Sacramento loco verborum, pos-  
sunt adhiberi Scriptura, nutus, vel signa, cū  
hæc non sunt à Christo instituta; Excepto  
Matrimonio, quod cū sit quidam contractus,  
potest celebrari nutibus.

*De Intentione vid. dicta Cap: 3. §. 9.*

§. 5<sup>us</sup>.

*De Ministro.*

Q. *Quis est Minister Sacramentorum?* R. De  
lege ordinaria solus homo Viator, quia sunt  
instituta ad salutem hominis Viatoris, Ange-  
lus non valet conficere, quia ad hoc non est  
deputatus à Christo ut Minister, idē dici po-  
test de anima, quia etsi retineat caract rem,  
re vera tamen non est homo Viator, quia  
non est in via merendi, vel demerendi, quod  
propriū est Viatoris.

Q. *Quotuplex potest esse Minister Sacramentorū?*  
R. 2plex: imo Solemnitatis sive ex officio, ille  
est, qui conficit aut administrat, specialiter  
ad hoc deputatus & consecratus. 2do necessi-  
tatis, qui sine deputatione speciali Sacramen-  
ta conficit. Sic Minister Baptismi potest esse  
Femina, Judæus &c.

Q. *Probitas seu status gratia requiritur in  
Ministro?* R. Affirm: in Ministro solemnitatis  
(non tamen de valore Sacramenti) sed ad  
dignam administrationem, quia Sancta sancte  
sunt tractanda, nisi adsit necessitas vg. abso-  
lvi moribundum, tunc enim nullum fore  
peccatum

peccatum docet *S. Thomas*, præcipue si nec minimum eliciendi contritionem sufficeret tempus.

Q. Quotuplex est servandus ritus à Ministro in administrandis Sacramentis? R. 2plex: Unus præscriptus à Christo, nimirum Materia, Forma. & Intentio. Alter præscriptus ab Ecclesia, ut sunt Cæremoniæ externæ.

Q. Estne uterq; ritus necessario servandus? R. Affirmat: cum hac tamen distinctione, quod primus servandus est ex necessitate Sacramenti, posterior verò ex necessitate præcepti, ob Majorem rei sacræ significationem, vel Ministerii ornatum.

Q. An & quomodo peccat Minister, si in administrandis Sacramentis, contemnat, vel omittat, vel mutet ritus ab Ecclesia præscriptos? R. Si contemnat? semper delinquit mortaliter; si tantum est negligens circa observationem Cæremoniarum? delinquit graviter, vel leviter juxta advertentiam ad culpam gravem, vel levem, aut quantitatem materiæ.

Q. An duo Ministri possunt conficere unum & idem Sacramentum? R. imo In Matrimonio duo Ministri sunt necessarii, ad administrationem unius Sacramenti, quia natu à talis contractus ita exigit ut scilicet unus tradat, alter accipiat.

R. 2do In Ordinatione ad Presbyteratum, si duo vel plures cum Episcopo proferant, & simul siniant formam, omnes simul conficiunt unum Sacramentum Eucharistiæ.



R. *3tio Extrema Unctio*, quia plures habet formas partiales valide potest conferri à pluribus Ministris, & licite in casu necessitatis. In *Eucharistia* quoq; saltem valide potest unus Sacerdos consecrare Hostiam, & alter Calicē; secus dicendum de aliis Sacramentis.

Q. *An Minister licite potest uti materia, vel formâ dubiâ?* R. Per se loquendo, non licet, quando potest haberi certa, nisi in necessitate, & tunc adhibenda est illa, quæ videtur probabilior, & certior.

Q. *Quandonam Minister reiterare potest Sacramentum?* R. Quando prudens dubium est de valore, reiterare debet sub conditione. Quando nulla est prudens causa dubitandi de valore Sacramenti, sed oriuntur tantum leves scrupuli? ne quidem sub conditione est iterandum.

Q. *In dubio an protulerit formam Minister, vg. an re ipsa consecraverit, num debet repetere formâ?* R. Si hoc dubium oriatur ex eo, quia cum jam processerit longius, non recordatur se protulisse, non ideo poterit repetere, sed debet pergere iudicando se benè fecisse omnia, si alias errare non solebat. S. Thomas quest. 83. Suer. Ec.

Q. *An Minister ob metum gravem licite simulare potest administrationem Sacramenti?* R. Non; contraria est damnata ab Innoc. XI. Non est Simulatio Sacramenti, quando Sacerdos loco  
absolu.

absolutionis indipolito dandæ, orationem solum dicit, & Crucem format, nam pœnitens tunc scit se non absolutum fore, consequenter non decipitur. *Simulatio* est positio signi, de se indifferentis ad plura, cum prævisione, quod al quis per illud sit decipiendus, eò quod accepturus sit illud in sensu, qui non est verus.

§. 6tus.

De Subjecto seu Sùscipiente.

Q. *Quis est capax recipere Sacramenta?* R. Solus homo Viator?

Q. *Anima in Purgatorio suntne Viatores?* R. Non, quia non sunt in via merendi, vel demerendi, quod est proprium Viatoris, neque etiam sunt in termino, sed manent in statu medio inter Viam & Patriam.

Q. *Quæ dispositio requiritur in suscipiente?* R. Ad valorem Sacramenti requiritur intentio in Adultis, seu voluntas suscipiendi Sacramentum. Hinc sequitur hominem omninò invitum invalidè Sacramentum recipere, exceptâ Sanctissimâ Eucharistiâ, quæ validè sine intentione susciperetur, sed sine fructu.

Q. *Sufficitne dicta dispositio, idest intentio etiam ad fructum percipiendum ex Sacramentis?* R. Non; sed præterea ad fructum & effectum in Baptismo & Pœnitentia, requiruntur saltem attritio supernaturalis. Ad reliqua vero Sacramenta requiritur ut suscipiens sit in gratia.

Q.



Q. Intentio ad valorem Sacramenti requisita, an debet esse in omnibus Sacramentis eadem, & uniformis? R. Non; imo ad Baptismum sufficit habitualis. 2do ad Confirmationem? Extremam Unionem: Eucharistiam: Pœnitentiam: etiam sufficit habitualis, imo sufficit & interpretativa seu implicita, dummodò dolorem aliquò signò externo expressisset, quod signum esset locò Confessionis.

Q. Cur Intentio interpretativa sufficit potius ad 4. dicta Sacramenta, quam ad alia? R. Quia dicta 4. Sacramenta minùs oneris afferunt secù, ergo faciliùs præsумitur volitio generalis habendi talia bona, alioquin nò facîle obtinibilia.

Ad Ordinem non sufficit interpretativa, cū enim Ordo sit immutatio totius statùs, afferatq; gravia onera illi, qui illum adultus suscipit, ergo ex eo, quod aliquis volitione generali velit sibi media ad salutem, non ideo vult Ordinem.

Ad Matrimonium etiam non sufficit interpretativa ob rationem immediatè datā. Quandoq; tamen sufficit habitualis.

§. 7mus.

De effectu Sacramentorum scilicet Gratia.

Q. Qui, & quot sunt effectus Sacramentorum? R. 3. Gratia sanctificans ex opere operato, 2. Character, 3. auxilia quædam actualia ad obtinendum finem, in quem singula Sacramenta sunt à Christo Domino instituta. Pri-

mus

mus effectus idest *Gratia sanctificans* est cōmunis omnibus Sacramentis. 2dus Character reperitur in 3bus tantum scilicet in *Baptismo*, *Confirmatione*, & *Ordine*; 3tus est proprius omnibus Sacramentis, tamen juxta diversitatem Sacramenti diversa dantur auxilia.

Q. *Quotuplex est Gratia?* R. 2plex: *Naturalis* estq; donum DEI naturale, quod DEUS potest non conferre creaturæ sine illius injuria, & hujusmodi est vg. status nobilis, memoria, sanitas, & cætera talenta naturalia. Et *Gratia supernaturalis* estq; donum DEI gratuitum supernaturale creaturæ rationali conferibile ex meritis Christi, ordinatum ad cōsequendum finem supernaturalem.

Q. *Quotuplex est gratia supernaturalis?* R. Alia est supernaturalis quo ad *Substantiam*, quæ est indebita omni naturæ creatæ, uti est gratia sanctificans &c. Alia est supernaturalis quod ad *modum*, quæ solum in aliquibus circumstantiis est debita, talis est vg. Sapientia, si illam DEUS alicui infanti infunderet.

Q. *Quotuplex est adhuc Gratia DEI?* R. Alia est *Interna*, quæ hominem interius afficit, sive per modum *permanentis*, ut est gratia habitualis, sive *transientis*, ut est gratia actualis. Alia est gratia *externa*, quæ hominem interius non afficit, sed tantum movet sensus, ut est *Prædicatio*, *Miracula* &c.

*Gratia Interna* alia est *gratis data*, quæ alicui



cui à DEO datur, principaliter propter salutem aliorum, ut est Gratia prædicandi &c. & hæc dividitur in præcipuas 9. species ut videre est ad Eph. 4.

Alia est *Gratum faciens*, quæ principaliter datur alicui propter ipsius salutem, ut est vg. jejunandi, meditandi &c.

*Gratia gratum faciens*, Alia est *actualis*, quæ est *auxilium* actu à DEO alicui collatum. Alia *habitualis*, quæ est qualitas Spiritualis infusa à DEO, permanenter inhærens animæ & sanctificans illam.

Q. *Quotuplex est Gratia Actualis?* R. Alia est *Excitans*, per quam ex peccato retrahimur, & quasi à somno mortis excitamur. Alia est *adjuvans*, per quam à DEO in nostris bonis operibus adjuvamus. *Prima* vocatur *antecedens*, quæ antecedit actum voluntatis nostræ. *Secunda* dicitur *concomitans*, quia adjuvando voluntatem, est quasi comes illius.

*Gratia Excitans*. Alia est *sufficiens* estq; illud auxilium DEI, à quo quidem excitamur, illi tamen non contentimus, & *efficax* est illud auxilium, cui contentimus, unde quia efficit hoc in nobis, ad quod nos excitat, ideo vocatur *efficax*.

Q. *Quotuplex est gratia habitualis?* R. 2plex: Alia vocatur *ima*, quæ ante te aliam nō supponit, alia *ada*, quæ ante te aliam supponit, estq; augmentum gratiæ primæ.

Q.

Q. *Gratia habitualis qui sunt effectus?* R. Inter alios præcipuè sunt sequentes. I. Reddit & efficit nos Filios DEI adoptivos.

II. Reddit nos DEO gratos & dilectos amicos, qui in peccato mortali existentes eramus ingrati, & inimici odibiles DEO.

III. Per gratiam *Sanctificantem* fit remissio peccatorum, quia ut primum hæc gratia animæ infunditur, statim peccata desinunt esse, & penitus delentur.

IV. *Gratia Sanctificans* dat ius ad gloriam æternam, quia est semen vitæ æternæ & est causa nostræ salutis.

V. Addit valorem, & dignificat opera nostra bona supernaturalia, reddit illa salutaria, & condignè meritoria vitæ æternæ.

*Gratia* alia dicitur *ex opere operato*, ex eo, quia confertur independentè à meritis operantis, sed ex meritis Christi Domini, ex vi solius Sacramenti.

*Gratia ex opere operantis*, causatur tunc, quando confertur intuitu meritorum & bonorum operum ipsius operantis, idest secundum mensuram dispositionis, & meriti suscipientis, vel ministrantis.

Q. *Gratia Sacramentalis quæ sunt causæ?* R. Solus DEUS est causa Physica principalis. Christus Dominus est causa meritoria principalis. Sacramenta sunt causæ instrumentales morales.



*Q. Qualem gratiam causant Sacramenta? R.* Omnia causant, Habitualement & quidem ex opere operato, Non tamen omnia primam Gratiam, sed solum Baptismus & Pœnitentia. Reliqua verò Sacramenta causant per se, & ex institutione sua Gratiam habitualement secundam.

*Q. Sacramenta quæ ex institutione sua, causant Gratiam secundam possuntne per accidens causare gratiam primam & delere peccatum mortale? R.* Possunt v.g. si quis accederet ad Eucharistiam cum peccato mortali inculpabiliter oblito, & non confessio, in tali casu per Eucharistiam & deleretur illud peccatū, & causaretur gratia prima, si tamen cum attritione accedit; licet postea teneretur confiteri illud post remissionem, ut satisfaciat præcepto Divino.

*Q. An Sacramenta omnibus æqualem gratiam conferant? R.* Affir: si æqualiter dispositi sunt; secus si inæqualiter. Nam secundum bonam suscipientis, præsertim actualement dispositionem, devotionemq; gratia uberior confertur.

*Q. Quæ sunt illa specialia auxilia ad finem Sacramenti ordinata? R.* In Bapt: confertur peculiaris qualificatio, ad reliqua Sacramenta dignè suscipienda. In Confir: ad Fidem publicè confitendam, & contra inimicos Ecclesiæ defendendam, In Euch: Spiritualis delectationis, & devotionis augmentum, seu auxilium ad vincendas tentationes. In Pœnit: dantur auxilia ad persistendum in gratia. In Extr: Unâ:

robur

robatur contra tentationes dæmonum, qui in extremis nos in desperationem ducere conantur. In Ordine dantur auxilia ad bene fungendum suo officio. In *Matrimo*: deniq; cōfertur peculiare auxilium, ad mutuum conjugum amorem fovendum, ad fidem conjugalem servandam, & ad proles rectè educandas.

Q. *An gratia habitualis potest stare, cum peccato mortali in eodem subjecto?* R. Certum est, quod secundum potentiam ordinariam non possunt secum stare, quia secundum præsentia DEI decreta, quodocunq; gratia infunditur, DEUS condonat, & delet peccata. de possibili verò disputant TT.

§. 8vus.

De Merito.

Q. *An homo potest aliquid à DEO mereri?* R. Potest verè, & propriè.

Q. *Quid est meritum?* R. Est obsequium DEO factum ex se potens movere DEUM, ad dandum præmium supernaturale.

Q. *Quotuplex est meritum?* R. 2plex: de *Condigno*, per quod intelligitur meritum illud, quod mercede ac præmio ex se dignum est, cui ex quadam justitia debetur merces. Et *Meritum de Congruo*, per quod intelligitur quod, quamvis mercede non sit ex justitia dignum, illi tamen ex decentia quadam, & congruitate debetur.

Q. *Quanam condiciones requiruntur ad meritum?*

R.



R. imo ex parte operantis ut sit actus positivus; scilicet: opus aliquod bonum, nam actus negativus v.g. *omissio peccatorum*, non potest dici meritum. 2do ut sit actus *supernaturalis*, liber, sive ex motivo supernaturali elicitus; ut sit actus dignificatus, à gratia sanctificante. 3tio Ut fiat cum aliqua difficultate superanda.

Q. Per quid differt meritum ab impetratione & satisfactione? R. Quia impetratio movet ad aliquid obtinendum, per modum submissæ petitionis; Satisfactio est quædā redditio æquivalens injuriæ.

Q. An homo potest mereri primam gratiam actualem? R. Nō, neq; de condigno, neq; de congruo. DEUS enim in nobis nullis præcedentibus meritis, & fidem & amorem inspirat. Conc. Ara: 26.

Neq; gratiam habitualement primam mereri potest de condigno, potest tamen de congruo. CC. TT.

Q. Beati in Cælo an merentur? R. Non, quamvis intensissimè eliciant actus bonos v.g. amoris &c. Quia ad meritum requiritur status viæ, jam verò SS. in Cælo non sunt Viatores, sed comprehensores.

Obtinent quidem nobis gratiam, viâ impetrationis, orando DEUM, qui eorum preces exaudiens, concedit gratiam, & alia bona nobis viatoribus. Viâ tamen meriti nihil obtinent, quia sunt extra statum meritorum.

Q.

Q. *Quid est predestinatio ad gloriam?* R. Est decretum DEI, quò DEUS prævisis creaturæ meritis, & salutaribus operibus, decrevit dare gloriam æternam.

Q. *Quid est Reprobatio?* R. Est decretum DEI, quo DEUS post prævisa absolute creaturæ demerita, decrevit illam ad pœnam æternam.

§. unus.

De Justificatione peccatoris.

Q. *Quid est Justificatio seu Sanctificatio?* R. Est supernaturalis emundatio peccatoris à peccatis per infusionem gratiæ sanctificantis, vel est transitus à statu peccati ad statum gratiæ.

Q. *Justificatio quotupliciter sumi potest?* R. tripliciter: 1. *Activè & efficienter*, & sic est ipsa actio DEI, per quam nos DEUS justificat, & emundat à peccato per infusionem gratiæ habitualis. 2. *Passivè seu subjectivè* & est ipsa emundatio peccatoris, & receptio ejusdem gratiæ sanctificantis.

Q. *Quomodo fit justificatio?* R. Secundum præsentia DEI decreta fit per infusionem gratiæ sanctificantis inhærentis animæ. *Est de Fide defin: in Triden: sess. 6.* Quia in justificatione nominamur & effieimur Filii DEI participes naturæ Divinæ, jam verò participatio hæc naturæ Divinæ, non potest aliter explicari, nisi per gratiam sanctificantem intrinsecam, & inhærentem animæ.

Q. *Ad justificationem hominis an requiritur alia*  
qua



*qua dispositio?* R. Ad justificationem adultorū: requiruntur quædam dispositiones, idq; supernaturales, Fidei, Spei, Charitatis, dolor, & propositum amplius non peccandi, Baptismus in re, vel in veto, timor DEI.

*Dixi: Adultorum,* quia in infantibus nulla requiritur dispositio, defacto enim in Baptismo justificantur, absq; ulla dispositione, nullum enim possunt habere actum liberum.

Q. Sanctus Paulus ait Rom: 3. 28. *Arbitramur justificari hominem per Fidem sine operibus legis?* R. 1. S. verò Jacobus ait Cap: 3. 20. *Hominem ex operibus justificari.*

R. 2. Sanctus Paulus voluit à Justificatione peccatoris præcisè excludere opera ceremonialia legis Mosaicæ, non autem pœnitentiam, quam toties in Epistolis suis rigorosissimè exigit.

Q. *An potest quis certus esse de sua justificatione?* R. Non potest sine speciali DEI relatione. *Nescit homo, utrum amore vel odio dignus sit.* Eccl: 9.

#### §. 10mus.

De Necessitate bonorum operum.

Q. *An sola fides sufficit ad salutem consequendam?* R. Non, sed insuper requiruntur bona opera Math. 19. dicitur: *Si vis ad vitam ingredi, serva mandata.* Item 1. Corint. 13. Ubi per charitatem observatio mandatorum intelligitur, innumerisq; sacrae Scripturæ locis vita æterna,

& quidem veluti merces, & præmium bonis operibus promittitur. Uti *Math. 5. 1. Corint. 3.* Salvantur ergo aliqui ex solis meritis X<sup>ri</sup> Domini, ut sunt: infantes baptizati. *Adulti* verò habentes usum rationis, similiter salvantur, ex meritis Christi Domini, ita tamen, ut etiã requirantur merita propria, & bona opera. Quia secundùm præsentia DEI Decreta requiritur, ut homo libertate præditus, per propria bona, auxiliante & cooperante gratiã super-naturali, se disponat ad Cœlestem Gloriam, illamq; mereatur.

Q. *Quid ad hæc dissidentium Pastores?* R. Ex his complures, doctrinam illam Lutheri (*Nisi Fides absq; omnibus, etiã minimis bonis operibus fuerit, non iustificat.* Tom. 1. Lat. Vitember. fol. 371. par. 2. prop. 3. rigoroſe usq; ad hunc diem sequuntur.

Q. *Utrq; in nonnullis libellis suis observationem Præceptorum ferè instar Catholicorum commendare solent?* R. Hæc solum ad speciem dicunt, re vera sic intelligenda esse volunt: Præcepta DEI sunt quidem observanda, nihilominus etiã ille qui id non faceret, modo firmiter credat, se omninò salvatum iri per Christum, infallibiliter salvabitur. Imò expresse docent Præcepta DEI servatu esse impossibilia, restantur id libri eorundẽ.

Q. *Quid ex hac tota doctrina sequitur?* R. Aperitur via lata: quis enim tali insistendo persuasioni, Præcepta DEI observaret, si absq;  
tot



tot impensis, æquè benè per solam Fidem salvari possit?

Q. Nunquid non Fidei toties in S. Scriptura vita æterna appromittitur? R. Sed non soli fidei, verùm in aliis locis, etiam operibus.

Q. Utq; Christus ait Luc. 17. Cum omnia feceritis, dicite servi inutiles sumus, igitur non debemus exigere gloriam à DEO? R. Cum enim ex nobis, nostrisq; operibus, nullum jus ad gloriã Cœlestem habeamus, sine gratia DEI eam exigere non valemus.

Item: Quoniam gloria æterna, ex sola DEI misericordia nostris operibus appromissa est, hæcq; opera, non ex naturæ viribus, sed per Christi gratiam redduntur digna promissionib; Divinis, idèò, meritò etiam postquam omnia bene fecerimus, dicere debemus: *Servi (quantum ex nobis) inutiles sumus, nec gloriari possumus, nisi fortè ita prout S. Paulus 1. Cori 15. Non ego, sed gratia DEI mecum.*

Q. Opera hominum bene quotupliciter possunt considerari? R. 3plicitè: I. Opera viva sunt illa, quæ sunt in statu gratiæ, neq; sunt per peccatum mortale subsequens mortificata, seu impedita ad effectum vitæ æternæ.

II. Opera mortua: quæ sunt in statu peccati mortalis, peccatum enim mortale est mortis animæ.

III. Opera mortificata sunt illa: quæ prius facta sunt in statu gratiæ, postea per peccatum mortale

Q. Merita seu opera bona mortificata an reviviscunt? R. Remoto obice per poenitentiam reviviscunt, idest recuperant suum pristinum valorem promerendi vitam aeternam, tunc quando peccator per veram poenitentiam iustificatur. Com: TT.

*Notandum tamen:* Opera bona naturalia mortua id est: in statu peccati mortalis facta, (quamvis non sint actus meritorii vite æternæ) tamen non sunt penitus inutilia, neque ideo ab homine sunt intermittenda. Ita omnes DD. Cath. Quia homo per opera talia ex misericordia DEI præservatur à gravioribus peccatis. Tum quia talis homo sensim adestit ex exercitio bonorum operum, & facilius de peccatis commissis agit poenitentiam.

De libero Arbitrio Hominis.

Q.



Q. *Igitur DEUS neminem necessitat ad peccatū?*  
 R. Certè non; Eccl: 15. 4. 11. &c. Neque  
 etiam DEUS necessitat gratiā suā ad bonum,  
 inquit enim Christus Math: 23. 37. *Quorū*  
*volui congregare filios &c.*

Q. *Satisfactio pro peccatis nostris an fuit condigna?* R. Non solum fuit condigna, hoc est  
 æqualis, sed etiam superabundans.

Q. *Si fuit condigna & superabundans, quare non*  
*omnes homines salvantur?* R. Quia plurimi red-  
 dunt se indignos satisfactione Christi, non  
 applicando sibi eadem merita, per Sacramen-  
 ta, & pœnitentiam, sed potius abutendo; Jā  
 verò satisfactio Christi ut in actu 2do suum  
 effectum sortiatur, requiritur nostra applica-  
 tio, & cooperatio per bona opera salutaria.  
*Est de Fide.*

Q. *Desideratne DEUS sincere quantum de se os*  
*unium hominum salutem?* R. Affir: testante S.  
 Paulo 1. Tim. 2. 4. DEUS enim dat omnibus  
 gratias sufficientes, & media necessaria, tam  
 ad servanda mandata sua, quàm ad conse-  
 quendam salutem, modò ipsi velint.

Q. *Sed forte aliquid saltem ex parte DEI neces-*  
*sario requisitum deest peccatoribus, dum non conver-*  
*tuntur?* R. Non, protestatur enim Isaiæ 5. 4.  
*Quid est, quod debui ultra facere &c.*

Q. *Igitur possunt homines resistere gratiæ DEI?*  
*eiq; non cooperari?* R. Possunt, & frequentissi-  
 me solent. Patet ex Act: 7. 51. *Durā cervicē*  
*& incircumcisīs cordibus &c.*

Q. *Quomodo appellari solent huiusmodi gratia?*  
 R. Dum homo gratiæ Divinæ resistit, seu nō cooperatur dicitur *Gratia pure sufficiens*, dū autem cooperatur: *Gratia efficax*.

Q. *Quid in re sunt gratia actuales, quibus nos DEUS ad bonum excitare & adjuvare solet?* R. Sunt illuminationes supernæ intellectūs, & piæ inspirationes voluntatis. De quibus Scriptura Eph: 5. *Surge, qui dormis &c.* & Joann: 6. 45. *Omnis qui audit &c.*

Q. *Præter has gratias transientes soletne quoq; dari ex meritis Christi gratia permanens, & inherens anima hominis?* R. Datur defacto in omnibus iustis, diciturq; iustitia & Filiatio DEI adoptiva, & gratia sanctificans. Hanc per peccatum mortale amittimus, per pœnitentiam recuperamus, per bona opera augemus.

Q. *An potest homo velle, aut facere bonum, sine gratia (intellige) actuali?* R. Non potest sine speciali auxilio velle, aut perficere opus bonum, quod ad salutem æternam consequendam conferat, hoc autem auxilium est ipsa gratia actualis.

§. 12mus.

De Sacramentalibus & Benedictionibus &c.

Q. *Quid sunt Sacramentalia?* R. Sunt res quædam ab Ecclesia institutæ in eum finem, ut per eorum usum venialium peccatorum remissio obtineatur, idq; virtute doloris, quæ exerceat is, qui eis utitur, qui dolor concipi-

tur



tur virtute gratiarum excitantium, quas sæpe sæpius concedit DEUS in devoto Sacramentalium usu, propter Ecclesiæ preces, & merita quam sæpe exaudivit, sunt autem 6. sequenti versu expressa:

1. Orans, 2. Tinctus, 3. Edens, 4. Confessio, 5. Dans, 6. Benedicens.

1. Oratio Dominica, vel illa quæ fit in Ecclesia consecrata. 2. Aqua benedicta. 3. Intelligitur usus Eulogiorum olim in usu, vel Panis aut Vini benedictio. 4. Confessio generalis v.g. Confiteor DEO &c. 5. Eleemosyna, aut etiam alia opera misericordiae. 6. Benedictio Episcopi. Hic revocantur multæ actiones sacrae uti; Exorcismi, Insufflationes: una Tonura &c.

Q. Quomodo differant Sacramentalia à Sacramentis? R. Sacramenta sunt instituta à Christo; Sacramentalia ab Ecclesia. 2. Illa conferunt gratiam ex opere operato, ex seipsis; hæc non ex seipsis sed tantum virtute doloris, quando is exercetur, id est ex opere operantis. 3. Illa instituta sunt etiam ad remissionem mortalium; hæc ad remissionem venialium. 4. Illa infallibilem consequuntur effectum in non ponentibus obicem; secus hæc.

Q. Quomodo peccat, qui in Sacramentalibus falsam materiam supponit, v.g. pro Benedicta Aqua, non benedictam? R. Mortaliter. CC. DD. Neq; tunc obtinetur ulla venialium remissio, dum

quis

quis utitur aquâ non benedictâ putans esse benedictam.

Q. *Cæremonia in quolibet cultu Divino rectene, & utiliter adhibentur?* R. Affir: I. *Ut omnia honeste, & secundum ordinem fiant.* 1. Cor. 14.

II. *Ab exemplo Christi, qui quamvis potuisset sine ulla cæremonia conferre gratiam, sanare tam corpus, quàm animam, tamen adhibuit cæremonias; scil: insufflavit in Apostolos, Joa. 20. homines à dæmone oblesos exorcizavit. Ma. 5. ex sputo lutum fecit, Joa. 9. elevatis manibus benedixit. Luc. 24.*

III. *Ex perpetua praxi, & antiquissima Traditione Ecclæ, ut constat ex SS. PP. Dion. Cyp. &c.*

IV. *Ex utilitate multiplici, & sine honesto, quia per cæremonias defertur DEO cultus externus, nutritur devotio, augetur reverentia in suscipientibus Sacramenta, dum quædâ Majestas cultûs Divini Oculis objicitur, instruuntur fideles, discernuntur ab hæreticis &c. &c.*

Q. *Quare benedicimus creaturas vg. aquam, cereum &c. cum hæc bonæ sunt?* R. 1. *Ut usus earum sit nobis cum benedictione Divina proficuum, atq; à diaboli fraudibus immunis, sciamus etenim diabolum sæpe abuti istis creaturis ad nocendum hominibus. Omnis creatura bona est, sanctificatur enim per verbum DEL, & orationem.* Aut S. Paul: 1. Tim: 4.

2. *Ad significanda certa mylteria, & effectus spiri-*



spirituales: *Cereus Paschalis* significat Resurrectionem Christi; *Oleum*, ejus misericordiam, *Cineres* nostram poenitentiam, *Aqua* purgationem animæ &c. &c.

Q. *Christus has omnes caeremonias non instituit?*  
R. Etsi non instituit per se immediate, sed mediate omnes instituit, id est per suos Vicarios. Christus Ecclesiæ dedit potestatem solvendi & ligandi etiam in conscientia; ergo Ecclesia potest sub præcepto fideles adstringere ad aliquas caeremonias.

Interrogemus hic Dissidentes ubi Christus instituerit vel præceperit: ut Christiani orationes suas in pileum immurmurent, (si tamen orent) eoq; faciem tegant? quo nihil est magis ridiculum.

§. 13tius.

De Baptismo.

Q. *Quid est Baptismus?* R. Est Sacramentum consistens in ablutione corporis exteriori sub præscripta verborum forma à Christo institutum ad regenerationem spiritualem. *Baptismus* est vox Græca, significans immersionem, tinctionem, seu ablutionem.

Q. *Quotuplex est Baptismus?* R. 3plex: I. *Fluminis*, qui immediate est definitus. II. *Flaminis*, qui est desiderium suscipiendi Baptismum *Fluminis*, quod desiderium debet includere contritionem; & solum adultis rationis usu pollentibus competit. III. *Sanguinis* scilicet:

nis scil: Martyrium pro Fide Christi, aut pro vera virtute.

Solus Baptismus *Fluminis* est proprie Sacramentum, ac janua ad reliqua Sacramenta, ante cujus susceptionem, nulum Sacramentum susciperetur validè, exceptâ SS. Eucharistiâ, nâ non baptizatus acciperet quidem verum Corpus Christi, sed infructuosè; Alii duo Baptismi sic solum nominantur, ut primi Baptismi vices suppleant, potestq; homo per ea salvari.

Q. Cur vocatur Baptismus janua Sacramentorû?

R. Quia in susceptione Baptismi præter primam gratiam, quæ animam sanctificat, confertur character, quo homo redditur aptus ad recipienda alia Sacramenta.

Q. In quo differunt hi 3. Baptismi? R. 1. In eo quod Baptismus *Fluminis* & *Sanguinis* non imprimant characterem, & si resuscitaretur mortuus, cum Baptismo *Fluminis*? iterum baptizandus esset Baptismo *Fluminis*, ut satisfaciat legi Christi.

R. 2. In Baptismo *Fluminis* sufficit attritio, jam verò in *Fluminis*: Contritio.

§. 14tus.

De Materia Baptismi.

Quæ est Materia Baptismi? dictum est Cap: 9. §. 3.

Q. Quæ est Materia Baptismi dubia? R. Aqua terreea, ex sale resoluta, liquores ex arboribus emanantes, vel per distillationem



ex herbis, floribus, &c. educti, item iusculis, cerevisia tenuis.

Materia verò invalida est Vinum, urina, sanguis, oleum &c. idem dicendum, de nive, glacie, grandine, nisi resolvantur.

Q. *Requiriturne trina infusio?* R. Etsi hodie sic exigitur, validè tamen baptizaretur unica infusione, immersione, vel notabili asperusione, saltim 3. vel 6. guttarum. Asperusione non licet baptizare, nisi in necessitate v.g. Peste &c.

Q. *Quoniam Baptismus fieri possit immersione, si ergo puella ad celandum partum, animo baptizandi infantem, vel alius quispiam jam agonizantem (in supposito quod nullum est remedium aliud, præter proijciendi eum) projiciat in puteum, utrum validus esset Baptismus talis?* R. Controvertunt DD. ideo dico Baptismum fore dubium. Actio enim talis non potest dici immersio, sed potius submersio vocanda. De illicitate conveniunt ferè omnes, quod talis mortaliter peccaret, etsi Vir projiceret? fieret Irregularis; eò quod saltim indirecte occideret innocentem.

§. 151us.

De Forma Baptismi & Ministro.

Q. *Qua est forma Baptismi?* R. Hæc (Ego te baptizo in Nomine Patris, & Filii, & Spiritus S.) de valore Sacramenti.

Q. *Apostoli baptizabant in Nomine Christi?* R.

Id

Id fuit ex speciali privilegio Redemptoris, ut  
ejus Nomen omnibus innotesceret. Vel juxta  
alios dicendum est: Apostolos eandem formā  
adhibuisse, quæ modo adhibetur, ut patet ex  
*Actis 19.* Ubi cum Discipuli quidam respon-  
dissent Paulos: *sed neq; si Spiritus S. est audivim9.*  
Dixit eis: *In quo ergo baptizati estis?* Ex quib9  
verbis patet Apostolos, usurpasse in Baptismo  
Nomen Spiritus S, adeoq; & totius Ssmæ  
Trinitatis, quod autem dicuntur baptizasse:  
*in Nomine Christi,* intelligendum: vice & pote-  
state Christi, seu à Christo acceptā illis ver-  
bis: *Euntes in universum mundum, &c.* quæ sen-  
tentia magis certa est.

Q. *Quæ forma adhibenda est, si plures vg. in  
navfragio foront baptizandi?* R. Ego vos bapti-  
zo in Nomine Patris &c.

Q. *Quis est Minister Baptismi?* R. 2plex est,  
unus solemnitatis, seu ex officio scil: Sacerdos.  
Alter necessitatis scil: omnis homo viator, Lai-  
cus, Fœmina, Judæus. Non debet autem  
infidelis baptizare, præsentē fidei; nec mu-  
lier, si Vir est; nec Laicus, si Clericus adest.

Q. *Licitumne est Parocho infantem alterius Pa-  
rochia solemniter baptizare absq; necessitate, vel sine  
licentia proprii Parochi, aut Episcopi?* R. Si nul-  
la est necessitas, non licet, imò graviter pec-  
caret, usurpando jus alterius, nullam tamen  
censuram, aut irregularitatem incurreret.

Q. *Potestne Sacerdos in pago unicus existens Mis.*



*sam celebrans recedere ab Altari ad baptizandum infantem in periculo mortis?* R. Potest, si nemo tunc sciret modum baptizandi, etiamsi post consecrationem, peracto Baptismo, redire debet ad conficiendum Sacrificium.

*Q. An potest quis seipsum baptizare?* R. Non potest Baptismo Fluminis, nisi Fluminis, seu desiderii. Quia Christus requirit distinctam Personam, cum ipsemet baptizatus sit à Joanne.

*Q. An valet Baptismus collatus à Ministro. qui omnem ritum externum formamq; baptizandi observat, intus verò in corde suo dicit, non intendo facere quod facit Ecclesia?* R. Non, contraria est damnata propositio ab Innoc: VIII.

*Q. An si Baptismus semel solemniter administratus, postea reperiatur nullus fuisse, caeremonia iterum sunt repetenda?* R. Sentiebant nonnulli DD., sed nunc contrarium à plerisq; docetur, eo quod finis quem Ecclesia per Cæremonias intendit, jam per primam earum administrationem sit obtentus.

*Q. An peccat Sacerdos negligens seu omittens scilicet inscriptionem in Librum Matrices, postquam baptizavit infantem?* R. Mortaliter peccat CC. DD. Plura etenim inde sequuntur damna, & incommoda, quando aliunde sæpè sciri non potest ætas pro Ordinando, Professione Religiosa, Matrimonio, Jejunii obligatione, Item cognatio spiritualis &c.

Q. Quodsi infans sit spurius, & illegitimus quomodo inscribi debet? R. Baptizavi infantem illegitimi thori filium Matris N. N. &c. Nulla est necessitas inscribi tunc nomen Patris, etenim contingere potest, quod malitiosæ Matres verum Patrem celarent, & crimen in alium conjicerent.

Q. Quid Parocho servandum est circa Puerperas post partum? R. Ante 14. saltim à partu diem egredi domo ad Ecclesiam non permittantur. 2. Non domi, non alibi, nisi in Ecclesia benedicantur, nisi Principum conjuges. 3. Quæ ex illicito concubitu pepererunt, & extra Matrimonium sunt? non benedicantur in pœnâ peccati, sub pœna suspensionis ipso facto à Ministro incurrendæ. 4. Non substituatur alia mulier in locum puerperæ defunctæ purificanda. Purificatio enim non est præcepti in nova lege, sed solum devotionis actus. 5. Nec ad cadaver defunctæ in partu, legantur preces purificationis. 6. Puerpera Acatolica ab ista benedictione excludenda est.

§. 16tus.

De Subiecto Baptismi.

Q. Quod est subiectum Baptismi? R. Est homo viator ab Adamo descendens, tã infans, quàm adultus, cum hoc tamen discrimine, quod in infantibus nulla requiritur dispositio. In adulto autem communiter debent præcedere hæc 3. dispositiones.



*ima Consensus*, nullum enim DEUS omnino invitum vult Familiæ suæ adscribi.

*ada Dispositio* est Fides juxta illud Mathi 25. *Docete omnes Gentes, qui crediderit &c.* tenetur ante Baptismum actum Fidei, Spei, Charitatis elicere.

*3<sup>ia</sup>* Requiritur aliqua pœnitentia, ac displicentia peccatorum personalium mortalium commissorum, seu attritio saltem, sine confessione Sacramentali.

Q. *Quodsi adultus habens peccata mortalia vellet serio baptizari, non tamen pœnitere?* R. Talis validè quidem, sed non fructuose, reciperet Sacramentum, haberet characterem, non tamen gratiam.

Unde consensus in adultis requiritur ad valide, Fides autem & Pœnitentia ad fructuose suscipiendum Baptismum.

Q. Scriptura dicit Mar: 16. *Qui crediderit & baptizatus fuerit &c.* Cur ergo infantes qui nondum credere valent, baptizantur? R. Quia sic nobis oretenus traditum est, ab ipsis Apostolis, siquidem Christus Dominus Joan. 3. in re strictè monuerat: *Nisi quis renatus fuerit ex aqua &c.* Textus Mar: 16. intelligi de adultis.

Q. *An extra necessitatem liceat domi baptizare sine Ceremoniis.* Et postea tempore Parentibus aut Patrini oportuno in Ecclesia peragere Ceremonias? R. Cum Manig. Nav. Multi per crassam ignorantiam id practicanr, & maximè errant, quia extat

extat Clemen: de Baptismo expresse prohibens baptizare extra Ecclesiam, nisi in necessitate, aut Principis Filium, vel ad evitandam Matris infamiam, aut aliquod aliud grave incommodum.

Q. *An infans ab obstetrice baptizatus debeat iterum baptizari saltem sub conditione?* R. Cum communiori Affir: etenim experientia docet, in tali casu esse valde perplexas obstetrices, alias veneficas posse esse, ut adeo prudens dubium concipi possit de valore Baptismi.

Q. *Quandiu differri potest Baptismus infantis?* R. Tempus indefinitum est, latoq; edicto mandatum fuit Romæ A. 1723. ut intra triduum infans lavetur ex Fonte, Bened. XIV. Insti. Eccl. 92.

Q. *Si nascatur ex Fœmina monstrum habens caput ferinum, cetera membra humana?* R. Non esset prius baptizandum, quam contlet esse hominem, dempto casu mortis, & tunc sub conditione. Idem dicendum est, si dubium est an infans vivat, ne forte si vivus foret, permitteretur sine medio salutis mori.

Idem dicendum: Si infans schedulam Baptismi collo appensam habeat. Nam fieri potest, ut hæc schedula in fraudem ab infideli appendatur, ne infans postea baptizetur.

Q. *Si infans aliqua corporis sui parte non verò capite prodiret?* R. Baptizandus est, sub conditione in ea parte, quæcunq; illa fuerit, iterumq;



rumq; sub conditione in capite baptizandus est, si totus exierit, si verò caput unice detectum fuerit absolute baptizandus est, Bened: XIV. Syno: Dia: lib: 7. §. 7.

Q. *An fetus licet imperfecte figuratus, si aliquod signum vite, per motum prabeat, baptizari possit?* R. Potest.

Q. *An officit validitati Baptismi error privatus v.g. putans esse marem pro femina?* R. Nihil officit dummodo in materia & forma nihil innovetur, neq; adsit intentio contraria prævalens intentioni Ecclesiæ. Etenim quivis Minister habet intentionem præsentem, infantem baptizare.

Q. *Qui sacrilegè iteraret Baptismum, quam penam incurreret?* R. Tam baptizans, quam taliter baptizatus fieret irregularis. Bened: XIV. Insti. Eccl: §. 18.

Q. *An infideles invitis Parentibus vel tutoribus licite possunt baptizari?* R. Non, nisi infantes fuerint in mortis extremo, vel expositi tanquam à Parentibus derelicti. Si verò quis expositum assumpserit, potest illi salutare lavacrum impertiri, etiam Synagogâ vel Parentibus reclamantibus. Idem Bull: T. 3. n. 54. Si verò aliquis infidelis baptizatus foret Parentibus invitis, baptizans peccaret mortaliter: sed baptizatus non debet restitui Parentibus, sed penes Christianos educari. Idem ibidem.

Q. *An baptizandus sit infans in utero Matris, si nulla*

nulla ejus pars aque perfundi possit appareat? R. Non; cum Baptismus sic collatus nihil proderet. *Idem de Syno. Dia.*

Q. *Quenam pars corporis in baptismo abluī debet?*

R. I. De capite, scapulis, & pectore, dubiū non est. II. De pede autem tantum, manu, vel digitis abluendo? controversa est inter DD. Ideo in tali casu denuo sub conditione baptizandus esset infans. *Vas. Hen.*

§. 17mus.

De Effectu & Patrinis Baptismi.

Q. *Qui sunt effectus Baptismi?* R. Remissio peccati originalis & omnium actualiū Baptismum præcedentium. 2do Remissio plena poenæ peccato debitæ absq; satisfactione. 3tio Infusio gratiæ justificantis. 4to Jus ad auxilia fini ejus proportionata, nempe ad sanctē, ac Xstiane vivendum. 5to Unio moralis cū Xstō, ut capite ad participanda ipsius merita. 6to Character. Præter hos effectus, qui sunt ex institutione Xsti, est alius ex determinatione Ecclesiæ scilicet: Cognatio spiritualis, & Ablatio irregularitatis ex delicto provenientis, non verò ex Bigamia, seu ex defectu Natalium, ortæ. Unde spurius infidelis, deinde baptizatus nequit ad Ordines, dignitatesq; Ecclesiasticas promoveri sine dispensatione.

Q. *An Baptismus liberet à poenis in foro externo debitis?* R. Non, sic Baptismus nō tollit à fure suspē-



suspensum, cum homines debent edificari ex poena, sicut scandalizati sunt ex culpa.

Q. Quid est Patrinus? R. Sic dicitur quasi Spiritualis Pater, seu Pædagogus baptizandi, sive ille, qui spondet se habiturum paternam spiritualem curam ejus, quis Baptismum suscepit.

Q. Quæ est obligatio Patrinorum? R. In Fide instruere eos, quos levarunt ex fonte sive per se, sive per alios. Patrini non quidem de valore, sed de præcepto necessarii sunt ad Baptismum.

Q. Quæ requiruntur, ut quis validè sit Patrinus, contrahens cognationem spiritualem? R. Ut sit baptizatus. 2. Ut sit compos rationis. 3. Ut intentionem agendi more Ecclesiæ Patrinum habeat. 4. Ut baptizatum per se, vel per Procuratorem tangat, seu teneat. 5. Ut designetur à parentibus baptizandi, vel à Parocho.

Q. Quæ requiruntur, ut quis licitè Patrinū agat? R. 1. Ne sit Hæreticus vel publice excommunicatus. 2. Ne sit moribus depravatus, ne sit ignarus mysteriorum Fidei. 3. Bulla Pii V. prohibet, ne Religiosi & Sanctimonias les fiant Patrini.

Q. An Hæreticus potest aliquando admitti pro Patrinis? Et an tunc contraheret cognationem spiritualem? R. Affirmat utrumq; Castrop. si Sacerdos timeat Parentes baptizandi graviter esse offendendos ob repulsam talis Patrini. 2. Si timeat

timeat delaturos esse infantem Ministro Hæretico baptizandum, quia eo casu Sacerdos minus malum permittit.

Q. *Utrum Catholicus rogatus à Lutheranis obsequi possit?* R. Affirmant nonnulli ob praxim in partibus septemtrionalibus, maxime si protestetur se nolle administrationem Hæreticam approbare, neq; juxta illum ritum sponsonē facere, sed juxta Ecclesiæ Rom: morem.

Q. *An in privato Baptismo Patrinus adhiberi debeat?* R. Nega: cum Com. apud Lay. eo quod in tali casu necessitatis Parentes ferme non possint eligere idoneos ad munus Patrini, atq; adeo credibile non sit Ecclesiam illis talem obligationem imponere voluisse.

Q. *Quot Patrimi requiruntur?* R. Vel unus tantum, sive Vir sive mulier, vel ad summū unus & una. Si autem plures à Parentibus designati se ingerant, ad tenendum? Sacerdos potest initio dissimulare, sed postea dicat satis esse si unus vel unus & una infantem tangat, aut si permittat omnes tangere designet cum aliquo signo externo unum tantū, vel unum & unam, quibus solis tradet infantem baptizatum, & illos solos annotet esse Patrimos, reliquos fuisse assistentes.

Q. *Pater in necessitate suum, vel sue uxoris filium baptizans contrahitne cognationem?* R. Non, nec privatur jure petendi debitum, quia æquum non est, ut qui obligationi suæ satisfacit, ideo pœnam subeat. CC. DD.



Nec uxor privaretur jure petendi, et si Maritus ex malitia & fraude ideo baptizaret, vel levaret filium, quatenus non esset obligatus reddere debitum uxori, quia fraus nemini patrocinator.

Sacerdos baptizans potest fieri Patrinus, si substituat sibi alium, qui nomine suo levat. Item duo conjuges etiam possunt simul levare eundem infantem. *March. Aver. &c.*

Q. *Qua Personae contrahunt cognationem spirituales in Baptismo?* R. 1. Baptizans cum baptizato, Patre ac Matre baptizati. 2. Levantes cum levato, ejusq; Patre ac Matre. Cognatio hæc inter has solas Personas dirimit Matrimonium non extendendo se ad alias.

Dicta cognatio contrahitur etiam in Baptismo sine solemnitatibus ob necessitate domini peracto, S. Cong: 5. Mar: 1658.

Non contrahit autem, qui procuratorio nomine tantum tenet, tunc enim ejus principalis contrahit. Nec ille qui tunc tenet, dum Cæremoniæ solum peraguntur.

§. 18vus.

De Confirmatione.

Q. *Quid est Confirmatio?* R. Est Sacramentum quo homo viator baptizatus ungitur in fronte ab Episcopo cum Chrismate sub præscripta forma verborum ad Fidei robur consequendum.

Q. *Quando institutum est, & qua ejus materia?* R. Dictum est ubi de Sacram: in genere.

Notæ:

*Nota:* Quod Apostoli in primitiva Ecclesia per solam impositionem manuum hoc Sacramentum ministrasse leguntur *Act: 8.* hoc autē faciebant ex speciali dispensatione Christi pro illo solum tempore, quo Spiritus S. supra fideles sub visibilibus signis descendebat, ac proinde tunc non erat necessaria visibilis materia Sacramentalis. Quando verò hujusmodi signa cessarunt, usi sunt Apostoli Chrismate in collatione Confirmationis. *S. Tho; q. 62. Art: 2.*

*Q. An ad valorem hujus Sacramenti requiritur ut Chrisma ab Episcopo sit benedictū? R. Omnino.*

*Q. Quae est Forma? R. Sunt verba ab Episcopo prolata: Signo te &c.*

*Q. Quis est Minister hujus Sacramenti? R. Ordinarius Episcopus; potest autem ex commissione Papae etiā simplex Sacerdos esse Minister.*

*Q. Qui est effectus Confirmationis? R. 1. Gratia habitualis. 2. Character. 3. Cognatio spiritualis sicuti in Baptismo. 4. Gratia Sacramentalis, quae est speciale auxilium tempore opportuno conferendum ad Fidem Christi fortiter, & intrepidè confitendam.*

*Q. Quare infligitur alapa in Confirmatione? R. Ut sciat confirmatus se ab hinc paratum fore ad ludibria, & alapas pro Christo subeundas; Tum ut Confirmationis sit memor.*

*Q. An incurreret ille Irregularitatem, qui reiteraret Confirmationem, vel bis eandem Personam confirmaret*



firmaret prout de Baptismo statutum est? R. Mul-  
torum TT. opinio est *Negativa*, cum nullo  
expresso jure id caveatur. *Jord. Sc.*

Q. *Quæ dispositio requiritur in suscipiente Confir-  
mationem?* R. Intentio in adulto. 2. Fides,  
ut cum fructu recipiatur. 3. Confessio, si  
est in mortali, vel contritio perfecta.

Q. *Quomodo obligat hoc Sacramentum ad sui  
suscceptionem?* R. Ad summum sub veniali (cū  
enim non sit necessarium necessitate medii,  
nec stricte præcepti) nisi adsit contemptus.

Q. *Estne de necessitate præcepti assumere Patrinū  
in Confirmatione?* R. Est; quod transgredi sub  
mortali non licet. Sufficit autem unus, vel  
ad summum unus & una, qui debent esse  
confirmati. Nec potest idem esse Patrinus  
Baptismi & Confirmationis, nisi urgente ne-  
cessitate; Et tunc potest Mulier tenere Virū,  
& e converso.

Q. *Ob quam causam adhibetur in Confirmatione  
Patrinus?* R. Sicut in Baptismo Patrinus de-  
bet instituere baptizatum in fide, ita Patrinus  
confirmatum debet corroborare in fide, dum  
mors pro X<sup>to</sup> subeunda immineret.

Q. *Quid significat Oleum & Balsamum?* R.  
imum Conscientiæ nitorem. 2dum Significat  
bonæ famæ odorem.

Q. *Quis est capax hujus Sacramenti?* R. Omnis  
homo baptizatus, Viator, saltem 7. annos  
habens.

Q.

*Q. Episcopus in sua Diacesi potestne alterius Diacesis subditos confirmare? R. Affirmative, quia presumi potest Episcopum proprium id ratum habere. Non potest autem licite in aliena Diacesi etiam proprium subditum confirmare. Tamb: &c.*

## C A P U T Iomum.

§. I. mus.

### De Presbyteratu.

*Q. Quid est Presbyteratus? R. Est spiritualis potestas, quā ordinatus in Presbyterum, seu Sacerdotem, potest consecrare Corpus & Sanguinem Xsti, & à peccatis fideles absolvere.*

*Q. Ubi hic ordo prefiguratus fuit? R. In Filiis Aaron Sacerdotibus.*

*Q. Qua est materia hujus Ordinis? R. Est duplex, nam duplex datur potestas Sacerdoti, scilicet in Corpus Xsti, *Physicum*, seu verum, & in Corpus Xsti *Mysticum*, id est Fideles.*

*Materia Remota primæ potestatis est Calix cum vino, aquâ mixto, & Patena cum Hostia. Proxima est eorundem traditio.*

*Secundæ potestatis Materia Remota Manus Episcopi. Proxima vero est impositio manuum. Forma sunt verba in traditione dictarum materiarum prolata.*

*Q. An valida esset ordinatio si ordinandus tan-*  
gat



gat Calicem & Patenam, non verò immediate Hostiam? R. Affir: satis namq; dicitur tangere, & acceptare Hostiam, dum tangit & acceptat Vas, in quo est Hostia.

Q. Validane esset ordinatio si tradatur Hostia immediate, vel si tradatur Hostia & vinum simul mixta in Calice? R. Affir: de essentia est ordinis illarum substantiarum traditio, & solū per congruentiam ex præcepto traduntur in Calice & Patena.

Q. Si autem solus Calix tangatur, absq; eo quod immediate tangatur ipsa Patena? R. Valida esset ordinatio, quia Calix & Patena ei superposita videntur facere unum, ex præcepto tamen tam Calix quàm Patena sunt tangenda.

Q. An valide quis ordinaretur: si ei ex oblivione traderetur Calix sine vino? R. Affirmant nonnulli; verum securior est negativa, nam materia ordinis Presbyteratus est traditio Patenæ cum Hostia, & Calicis cum vino, proinde deesset materia necessaria.

Q. An valida ordinatio esset, si traderetur vinū aquā non mixtum? R. Affir: quia aqua solum ex præcepto requiritur, non autem de valore.

Q. An valide ordinaretur: si una manu solum tangat materiam? R. Affir.

Q. Si quis ordinaretur in Presbyterū omisso Diaconatu & Subdiaconatu, vel omnibus Ordinibus? R. Valide esset ordinatus, sed illicitè & tamdiu esset suspensus, donec reciperet Ordines omnes

fos;

fos; Etsi interim exercuisset Ordinem suscep-  
tum? incurrisset irregularitatem, & opus  
esset dispensatione. *Fag. Ec.*

Q. Si Episcopus diceret; accipe potestatem offeren-  
di Sacrificium pro vivis; & non diceret & pro defun-  
ctis; taliter ordinatus an posset celebrare pro defunctis?  
R. Potest, quia haberet potestatem consecran-  
di Panem & Vinum, & conficiendi Corpus  
& Sangvinem Xti, quod est de essentia. Jā  
verò hoc est per accidens, quod pro vivis aut  
defunctis offeratur.

Q. An ordinatus acceptā primā potestate in Cor-  
pus Xti verum, antequam accipiat secundā, validè  
consecraret Corpus & Sangvinem Christi? R. Affir-  
ma, quia jam tunc habet plenam potestatem in  
Corpus Xti & vere dici potest Sacerdos. An  
autem tunc posset absolvere à peccatis? Cer-  
tius quod non; quia sunt distinctæ potestates,  
quæ non conferuntur nisi adhibitis debitis  
Materiā & Formā.

Q. An, si quis per errorem acciperet secundā po-  
testatem sine prima validè absolveret? R. Nō, quia  
potestas in Corpus Xti mysticum essentialiter  
præsupponit potestatem in Corpus Xti verū,  
liquidem per hanc proprie fit quis Sacerdos,  
& secunda potestas dari nequit nisi Sacerdoti.

Q. Quod est officium Presbyteri? R. Præcipuū  
& principale est: Missam celebrare, & Fideles  
à peccatis absolvere.

Q. Qua est obligatio? R. Horas Canonicas  
reci.



recitare, & castitatem perpetuo servare.

Q. Quot sunt effectus Presbyteratus? R. 3. Gratia habitualis, Character, & Gratia Sacramentalis.

Q. Quando fuit institutus Presbyteratus? R. Quo ad imam potestatem in ultima Cena. Quo ad secundam? dum dixit Xñs. Joan. 20. Quorum remisistis &c.

Q. Quam scientiam debet habere ordinandus in Presbyterum? R. Ex Trid: tanta scientia requiritur, quâ ad populum docendum ea, quae scire omnibus necessarium est ad salutem, ad administrandâ Sacramenta diligenti examine precedente idonei comprobentur. Atq; ita pietate ac castis moribus conspicui, ut præclarum bonorum operum exemplum, & vitæ monita ab eis possint expectari.

Q. Quomodo Sacerdotes novi se gerere debent in ordinatione quando celebrant cum Episcopo? R. 1. Ut nullo modo præveniant Episcopum in prolatione verborum Consecrationis, sed curent cum eo simul dicere. 2. Intentionem faciant formam proferre eo meliori modo, quam intendit Ecclesia.

Q. An teneantur inchoare cum celebrante omnino ab initio Missæ? R. Non, sed sufficit, si incipiant ab oblatione panis, S. R. C. 20. Sept. 1749. Nec tenentur easdem benedictiones vel actiones peragere, quas facit Episcopus. Nec omnino tenentur de calice illo, quem in ordina-

ordinatione tetigerunt sumere S. R. C. ut supra statuit.

*Nota:* Missæ votivæ tres assignatæ ab Episcopo absolvendæ sunt, in diebus, in quibus legi possunt Votivæ ex præscripto Rubricarum.

§. 2<sup>us</sup>.

De Eucharistia.

Q. *Quid est Eucharistia?* R. Est Sacramentum sub speciebus panis & vini consecratis, vel alterius eorum, verum Christi Corpus & Sanguinem realiter continens ad spirituales vitæ nutritionem institutum.

Q. *Propter quos fines institutum est?* R. 1. Ut in medio populi Christiani Christus sit realiter, licet latenter præsens usq; ad consummationem sæculi *Math. 28.* 2. Ut fideles habeant refectionem spiritualem. 3. Ut detur Sacrificium in Ecclesia. 4. Ut detur signum infiniti amoris, quo Christus dilexit nos. 5. Ut esset memoriale Passionis; tandem ut detur pignus æternæ beatitudinis.

Q. *Existitne cum Corpore Christi panis?* R. Non nam tota substantia Panis per consecrationem omnipotentia DEI, & virtute verborum consecrationis convertitur in Corpus Christi, solæq; manent species panis, scilicet odor, color &c. idem eentendum de speciebus vini, & inde orta est hæc vox: *Transubstantiatio.*

Q. *Quid est transubstantiatio?* R. Est transitus



seu conversio totius substantiæ panis & vini  
in substantiam Corporis & Sangvinis Christi  
sub speciebus panis & vini.

Sub his autem speciebus existit X<sup>us</sup> quo  
ad totum modum existendi non *circumscriptivè*,  
ita ut singulæ partes sint extra se invicem  
positæ, & occupant distinctam spatium; sed  
*definitive Sacramentaliter* in hoc sensu; quod to-  
tus X<sup>us</sup> sit in tota Hostia, & totus in qua-  
libet parte Hostiæ sive divise sive conjunctæ.  
Dixi: *Definitive Sacramentaliter* id est mirabilio-  
ri modo, quam aliæ ubicationes definitive;  
quia ubicatio definitiva proprie tunc est, quan-  
do totum existit in toto loco, & totum in  
qualibet parte loci, ita ut non existat alibi;  
Jam verò X<sup>us</sup> D<sup>ns</sup> ita existit in Euchari-  
stia, ut existat alibi; consequenter non defi-  
nitur, seu non terminatur spatium loci sicut  
anima & Angelus.

Q. Quomodo accidentia panis manent sine sub-  
stantia ipsius panis? R. Manent miraculosè, quia  
sustinentur à DEO separata à subjecto, & in  
genere causæ efficientis ab ipso DEO man-  
tenentur in realitate, quam prius habebant,  
supplendo id, quod subjectum faciebat.

Q. S. Eucharistia dicitur panis? R. Non  
qualiscunq; Panis dicitur, sed qui de Cælo  
descendit, id est Filius DEI sub sola extrin-  
seca Panis specie.

Q. Daturne sub specie Panis non solum Corpus,  
sed &

sed & Sanguis Christi? Item: sub specie vini tam Sanguis quam Corpus Xsti? R. Omnino: Cum sub specie Panis idem numero Corpus sumitur, quod ad dextram DEI sedet: Porro hoc exsangve non est. Et nefas foret dicere Xsti Corpus post Resurrectionem saparari à Sanguine, & mori posse.

Q. Quid inde colligitur? R. Eos multum delinquere, qui nobis impropere dicentes: populum Catholicum non sumere Xsti Sanguinem; quasi verò sub specie panis: Corpus Xsti exsangve, & mortuum dari posset.

Q. Satisne ergo est Eucharistiam sub una tantam specie, scilicet panis sumere? R. Satis, imò Ob rationem mediatè datam. 2da Quia nullibi Xstus præcipit omnino sub utraq; specie communicandum esse, sed liberum Ecclesiæ suæ reliquit Sacramentum hoc, sive sub una sive sub duplici specie prout pro circumstantia exigentia fore congruentius, & commodius videbitur dispensare.

3tio. Siquidem etiam tempore Apostolorum contenti fuerant homines unâ specie. Act. 2.

Q. Sumere Xti Sanguinem sub specie panis, utiq; non est bibere? R. 1. Imaginatio nimis profana est, existimare Sanguinem Xti non aliter bibi posse, nisi quemadmodum potum quemacumq; alium de calice, aut amphora haurire consuevimus.

R. 2. Christus ipse abunde declaravit Sanguinem



vinem suum pretiosissimum sufficienter sub specie panis bibi posse: cum Joann: 6. aliquot vicibus vg. v. 35. 48. 50. 51. solius speciei panis expresse mentionem fecerit, atq; sub hac specie communicantibus vitam æternam appromiserit. vg. *Qui manducat hunc Panem, vivet in æternum.*

Q. *Christus Math. 26. dixit: Bibite ex eo omnes.*  
R. Nullum hic denotatur præceptum sumendi calicem, & quidem omnibus hominibus datum; verum Ly: omnes solum protunc præsentibus Apostoli moniti fuerant: dividerent hunc unicum à Christo consecratum Calicem inter se, ita ut nemo solus aut duo, vel tres calicem illum penitus ebiberent; sed omnes quotquot præsentibus aderant de eodem participarent. Unde *Mar: 14. 29.* dicitur: *Et biberunt ex illo omnes.* Responsio hæc firmatur testimonio *Luc: 22. v. 17.* *Mar: 14. 23.* Item *Act: 2. v. 42.* & *Cap: 20. Luc: 24. v. 30.*

Q. *Utrq; Sacerdotes Catholici sub utraq; specie communicant?* R. Tunc solum, dum Missæ Sacrificium juxta Domini mandatum Apostolis, eorumq; Successoribus impositum. *Luc. 22. 19.* actu celebrant.

Extra tamen Sacrificium omnes Presbyteri, Episcopi, ipse etiam Papa lethali affixi strato sub sola specie Panis hoc Sacramentum percipiunt, stola tunc super humeros sibi imposita ab omni infirmo Presbytero communicante.

Q.

Q. Ergo Laici sub una specie non totum Sacramentum recipiunt? R. Recipiunt totum quo ad substantiam, quia sub qualibet specie est totus Xtus, licet non recipiant totum quo ad modum.

Q. Quomodo hoc debet intelligi, quod totus Xtus sit sub speciebus panis, & totus sub speciebus vini? R. Debet intelligi hoc modo: quod Corpus Xti Dni vi verborum ponatur formaliter sub speciebus panis; reliqua vero scilicet Sangvis, & Divinitas concomitanter.

Similiter quod Sangvis Xti Dni: vi verborum ponatur formaliter sub speciebus vini, reliqua vero scilicet Corpus Xti & Divinitas concomitanter. Porro: Hæc concomitantia fundatur vel in unionem Physicam, vel in connexionem naturalem, quia unionis talis est natura, ut uniat extrema; ita ut illâ durante, ubi unum extremum ponatur, ibidem necessario ponatur etiam aliud extremum.

Q. Quid de Patre & Spiritu S. suntne ista Persona Divina in Eucharistia? R. Persona Patris & Spiritus S. neq; offertur, neq; sumitur in Eucharistia, quia non est unita humanitati hypostaticè, uti est Persona Verbi, tamen ob naturalem unionem, quam habent cum eadẽ Persona Verbi ratione Divinæ naturæ, quæ una & eadem est in omnibus Divinis Personis, & cum qua omnes identificantur, necessario sunt, ubi est illa. S. Thom: q. 78. Card de Lugo de Eucha: Co.

Q.



**Q.** *Eucharistia quot modis potest suscipi?* **R.** 4. modis: Corporaliter seu Materialiter tunc fit vg. si quis infidelis sumeret Eucharistiam nō credens ibi esse Corpus Christi verum.

2. *Spiritualiter* tunc vg. si fidelis audiendo Missam cum devotione excitaret in corde suo desiderium suscipiendi Eucharistiam.

3. *Sacramentaliter Corporaliter* tunc: quando Christiani sumunt Eucharistiam sacrilegè in peccato mortali existentes.

4. *Sacramentaliter Corporaliter & Spiritualiter* simul tunc: quando Christiani in gratia existentes cum devotione debita sumunt S. Eucharistiam, qui ex tali perceptione recipiant augmentum gratiæ, ut æternam mercedem recipiant in Patria Cœlesti.

§. 3<sup>tius</sup>.

**De Ministro Sacramenti Eucharistiæ.**

**Q.** *Quotuplex est Minister Eucharistiæ?* **R.** 2plex: *Conficiens*, qui est solus Presbyter & *Distribuens*, qui est Presbyter, & de ejus licentia etiam Diaconus.

**Q.** *An mortaliter peccat Sacerdos Eucharistiam distribuens in mortali?* **R.** Cū probabiliore affir: An autem toties peccat, quot sunt Personæ, quibus dispensat uno eodemq; tempore? Probabilius negant TT. quia ministratio illa & Communio est unica ætio moralis unicumq; convivium.

**Q.** *An licet dare Eucharistiam aliis digitis,* *indice*

*indice & pollice dare nequeat?* R. Si æger sine Viatico moriturus esset? dari potest & debet. Citra Viaticum autem etiam dari potest, si necessitas aliqua foret, quia ratione digitorum tota manus videtur esse consecrata.

*Q. Quid faciendum esset Hostiâ decedente in terram?* R. Locus regendus est (si tempore distributionis Communionis accideret) pallâ, vel re aliquâ mundâ, & postea abluendus.

*Q. Quod si Hostia decidat in sinum seu infra pettus mulieris?* R. Permitti potest, ut ipsamet vel alia mulier manu suâ extrahat, indecens enim foret, si Sacerdos ipse eximeret. Abluendi tamen erunt digiti mulieris. Laudabiliter faciunt, qui tempore distributionis patenam supponunt ori communicantis.

*Q. Quid facere debet Sacerdos distribuens Communionem si vg. feminam videat Sacram Hostiam ex ore in strophium servare?* R. Tacitè illam observare debet, nec tenetur illam publice arguere, per hoc enim fors innocentè infamaretur; quia forte recordatur peccati, & putat melius sic deponere, quàm deglutire, vel forte vomitum præsentit, sed postea serio requirenda erit hæc S. Hostia à Muliere.

*Q. Quid faciendum, si Sacramentum evomi contingat?* R. Si ab aliquo communicante, vel à Sacerdote ipso sine nausea absumi potest, separetur à rejectamentis cæteris, & absumatur, secus in loco separato servetur, donec



nec species corrumpantur, dein comburatur,  
& cineres in Sacrarium mittantur.

Q. *An Sacerdos qui commodè celebrare non potest, seipsum communicare possit in absentia aliorum Sacerdotum?* R. Cessante scandalo, & urgente aliquâ rationabili causa (qualis est etiam simplex devotio) affirmant *Salma. Lay. Card. de Laur.*

*Notandum:* Quod Eucharistia nulli debet administrari Feria 6. Magna seu die Parasceves, nisi infirmis. S. R. C. 19. Febr: 1622.

§. 4tus.

De Suscipiente.

Q. *Quis est capax sumenda S. Eucharistia?* R. Solus & omnis homo baptizatus. Non baptizatus recipere valide, sed solum materialiter, non verò Sacramentaliter.

Q. *Sumptio S. Eucharistia estne jure Divino precepta?* R. Affir: Joan. 6. Obligat verò sub mortali in articulo mortis, sive naturalis, sive violentæ. Deinde etiam in reliqua vita, quoties tali remedio opus est ad perseverandum in statu gratiæ.

Q. *Qua dispositio requiritur ad dignè suscipiendū hoc Sacramentum?* R. Ex parte animæ? Intentio actualis, vel virtualis communicandi, status gratiæ, & ne sit Excommunicatus.

Ex parte corporis? Jejunium naturale. Nihil nocet & si post cibum sumptum ante mediam noctem nullus captus sit somnus, neq; cibus  
conco-

conceditur ante S. Communionem. Expediit quoq; ut in variis devotionis affectibus & virtutum actibus se exerceat.

Q. *Quales virtutum actus ante Communionem eliciendi?* R. Actus Fidei, de vera reali præsencia Domini Nostri JESU Christi sub speciebus Eucharisticis; Spei contritionis, adorationis, Amoris, humiliationis sui, desiderii & alii hujusmodi.

Q. *Quâ horâ sumenda est Communio?* R. Quâvis horâ dummodo sit jejunus homo; horâ tamen congruentior est matutina.

Q. *Qui sunt effectus hujus Sacramenti?* R. Augmentum gratiæ, Præservatio à mortalibus, & liberatâ venialibus: Unio spiritualis cum Christo: auxilium ad sancte vivendum, & ad pellendas tentationes, potest conferre gratiâ primam, ut si quis bonâ fide putans se esse in gratia, revera non est, accedat cum attritione ad hoc sacramentum, recipit primam gratiam, & peccatorum remissionem.

Q. *An majorem gratiam Eucharistia sumpta sub utraq; specie conferat, quam sub una?* R. Major pars. TT. negat, quia utraq; species continet totum Christum. Coto. Mum. 58.

Q. *In dubio num quis fregerit jejunium?* R. Si nulla foret necessitas, præstaret potius abstinere à percipienda Cômunionem. Bened: XIV. De Missæ Sacrif. §. 7.

Q. *Peccatori occulto (id est indigno ritè non confesso)*



fessa) publice Eucharistiam petenti, estne deneganda? R. Non, cum jus naturale ad famam id ex-  
postulet. Bened: XIV. De Syno.

Occulte verò petenti, & noto sibi Sacerdo-  
ti, aliunde quam ex Confessione? tuto po-  
test negari. Si verò pariter aliunde, & simul  
etiam ex Confessione sciat? exprimere debet  
Sacerdos se habere ejus peccati scientiam ex  
certo loco, non tamen nominato eo, à quo  
scit, si sub arcani naturalis sigillo id acceperit.

Si verò noverit rem tantum ex Confessio-  
ne, perinde se gerat, ac si nesciverit, cum id  
exigat arctissimū Confessionis Sigillum. Idem  
Ibidem.

Publicus peccator publicè petens repellen-  
dus est. Publicus verò dicitur: non ille tantū-  
modo, qui talis declaratus est à Judice, sed  
etiam, qui per evidentiam facti, quæ nulla  
possit tergiversatione celari, talis habeatur  
Idem Instit. Eccl: §. 8. Et de Sacrificio Missæ.  
L. 3. C. 20. §. 4.

§. 5. tus.

De Viatico.

Q. Quid Nomine Viatici intelligitur? R. Euc-  
haristia iis dari solita, qui vitâ discessuri bre-  
vi creduntur, ut medio hoc pro via in domū  
æternitatis iis prospiciatur. Confert enim ex  
opere operato specialia auxilia in morte ju-  
vantia, Com: DD. Potest autem dari etiam  
non jejunis, & non tantum certè, sed etiam  
probabiliter morituris.

Q. An graviter peccat infirmus adultus volens  
suscipere Viaticum? R. Affir: Nisi eodem die  
communicasset, quia materia est gravis con-  
ducens valde ad animæ bonum in articulo  
periculosissimo.

Q. An qui hodie communicavit ex devotione, pos-  
sit non jejunus denuo sumere SS. Eucharistiam per  
modum Viatici, si sit periculum mortis? R. Affir:  
Com: DD. Imo in eodem morbo potest sapie-  
dari, si petatur ab infirmo.

Q. Potestne Sacerdos non jejunus celebrare ad  
dandum egroti Viaticum? R. Non, nam præce-  
ptum Viatici obligat quando conferri potest  
juxta ritum Ecclesiæ. Bened: XIV. de Missa Sa-  
crif. Lib: 3. Cap: 12.

Nec licet S. Particulam deferre ad eam ve-  
nerandam, & deosculandam egroti impoten-  
ti Viaticum sumere. Idem Ibidem. Cap: 19.  
§. 4.

Non licet Sacerdoti ad infirmum deferre  
Corpus Domini capite tecto. Decr: S. R. C.  
21. Jan: 1696.

Q. Morituro impotenti Eucharistiam sub specie  
Panis deglutire, an potest Sacramentum administrari  
sub specie Vini; vel sub specie Panis intinctum in  
Vino consecrato? R. Non ob rationem superius  
jam dictam. Idem ibidem §. 6.

Licite autem administrari potest sub specie  
Panis consecrati vino vel aquâ non consecra-  
ta madefacti, ut facilius deglutiatur. Idem  
Ibidem.

Q.



Q. *Damnato ad mortem, si ejus supplicium dis-*  
ferri non potest, an dandum est *Viaticum* non jejuno,  
licet post horam ducendus sit ad mortem? R. Affir.  
Ordinarie tamen dari solet pridie mortis.

Q. *Quid faciet Sacerdos, si infirmus recepto Via-*  
*tico statim moriatur?* R. Si nihil appareat in ore  
defuncti credendum illud deglutivisse. Si par-  
ticula remansit in ore, extrahenda est, & cor-  
ruptis speciebus ponenda in Sacrario, ut di-  
ctum superius de Ministro Euch; penult; calu.

Q. *Quomodo peste infectis administrari possit Via-*  
*ticum?* R. Si neq; scandalum, neq; periculū  
lapsus in terram adest, virgulā oblongā, vel  
alio instrumento.

Quidam curant benedici particulas corpo-  
ralium, in quibus S. Hostiam deponunt loco  
seculo, ad quem agro sit accessus, ut ipse  
sumere possit, quæ pars corporalis, seu in  
volucrum illud igni postea traditur.

Alii capulis, vel parvis vitris utuntur, e  
quibus æger S. Hostiam sumit. Practicatum  
id in Polonia tempore pestis, notum est.

Q. *Sub qua forma dari debeat Viaticum?* R.  
Sub hac: *Accipe (Frater vel Soror) Viaticum*  
*Corporis Dni N. J. C. qui te custodiat ab hoste ma-*  
*ligno, & perducatur te ad vitam æternam Amen.*

Q. *Quibus dari debet S. Viaticum?* R. 1.  
Omnibus usum rationis habentibus, etiam  
surdis & mutis, & si à natiuitate sint tales.  
Lay. Etiam Energumenis, si absq; periculo  
irreverentiæ communicare possunt,

*Q. Celebrans immediate ante suam Communionē rogatur pro dando Viatico? R. Si nulla alia sit Hostia consecrata, potest dare partem de sua hostia. Bened: XIV. de Sacrif. Miss. Id autē per modum communionis administrandæ nequit facere, si nulla adsit rationabilis causa.*

*Q. Si vero sumpto Corpore & Sagvine, non verò ablutione moneatur de Viatico administrando? R. Tunc potest aliam Missam celebrare, secus vero non. Idem. Ibidem.*

*Q. Celebrans Missam etiamsi in necessitate dandi Viatici infirmo absq; uno ē Sacris majoris notæ indumentis, vel sine luminibus peccaretne mortaliter ex irreverentia? R. Affirm: Non enim urget Viatici præceptum, si administrari non possit eo modo, quo debet. Idem. Ibidem. l. 3. c. 7. §. 2.*

§. 6us.

**De Sacrificio Missæ.**

*Q. Quotupliciter sumitur Sacrificium in cōmuni? R. 1. Sumitur improprie pro quolibet opere bono & meritorio. Qui facit misericordiam offert Sacrificium Eccl: 36. 2. proprie pro certo Religionis actu, quo supremum cultum soli DEO debitum exhibemus.*

*Q. Quid est Sacrificium generice sumptum? R. Est actus externus Religionis, per quem res aliqua, certo ritu & ceremonia DEO offertur immolatur & destruitur ad protestandum supremum*



supremum DEI dominium, & in recognitionem servitutis nostræ.

Q. Sacrificium quomodo se habet respectu Missæ?

R. Sacrificium est genus respectu Missæ. Missa est species Sacrificii. Unde omnis Missa est Sacrificium, non tamen è contra.

Proinde: Missa est Sacrificium tantum unicuique novæ legis omnibus Sacrificiis perfectior, continens in se perfectiones omnium Sacrificiorum veteris legis. Christus instituendo Sacrificium Missæ videtur abrogasse omnia alia Sacrificia.

Q. Quid est Missa? R. Est Sacrificium verum & proprium novæ legis, in quo sub speciebus panis & vini, Corpus & Sanguis Domini N. J. C. Eterno Patri offertur in memoriam crucienti Sacrificii olim in Cruce peracti. *Trid. Sess. 22.*

Q. Quis primus Missam celebravit? R. Christus ipse, dum eam in ultima Cæna instituit, suis Discipulis celebrandam præcepit illis verbis: *Hoc facite in meam commemorationem. Luc: 22.*

Q. Quod fundamentum: Xpi in ultima Cæna non solum panem & vinum convertisse in Corpus & Sanguinem suum, verum etiam Corpus & Sanguinem sub speciebus panis & vini obtulisse Eterno Patri pro peccatis totius mundi, seu quod idem est. oblationem & Sacrificium protunc celebrasse? R. I. Dixit enim ait. loc. Hoc est Corpus meum, quod pro vobis traetur. Igitur hoc Corpus debebat obla-

lisse

lisse  
Hæb  
ordin  
chile  
vini  
Q  
R.  
A:  
co p  
Dn  
S. J.  
Q  
semel  
Xtus  
que  
men  
nobis  
instit  
tio  
panis  
Q  
panis  
prou  
stant  
Q  
sint n  
qua  
ornat  
Q  
Evan

lisse Eterno Patri. 2. Quoniam Xtus ad  
Heb: c. 7. 17. dicitur: *Sacerdos in eternum 2dū  
ordinem Melchisedech.* Porro Sacrificium Mel-  
chisedech consistebat in oblatione panis &  
vini, uti est Gen: 14. 18.

Q. Celebraruntne etiā Apostoli Sacrificium Missæ?  
R. celebrarunt, colligitur tum ex illis verbis  
Act: 13. 2. *Ministrantibus* ( seu prout in Græ-  
co paulo clarius habetur: ) *Sacrificantibus illis*  
*Dñs.* Tum ex antiquissimis Liturgiis S. Petri,  
S. Jacobi &c. seu formis celebrandi Missam.

Q. Nunquid non legimus ad Heb. 10. 12. Xtum  
semel tantum in Cruce oblatum esse? R. Semel  
Xtus in Cruce fuit oblatum oblatione cruentā,  
quæ sufficientissima quidem erat; verum ta-  
men, ut hanc cruentam oblationem contiuo  
nobis in memoriam revocando applicaremus,  
instituit propterea oblationē incruentam pre-  
tiosi Corporis & Sanguinis sui sub speciebus  
panis & vini, seu Missam.

Q. Quæ est substantia Missæ? R. Conversio  
panis & vini in Corpus & Sanguinem Xti,  
prout factum in ultima Cæna. Igitur sub-  
stantia Missæ in re est celebratio Cænæ Dñi.

Q. An omnia quæ dicuntur, & fiunt in Missa  
sint necessaria ad Sacrificium? R. Non, quia ali-  
qua spectant ad Sacrificii substantiam, alia ad  
ornatum, alia ad decentiam.

Q. Quid præterea reperitur in Missa? R. Xti  
Evangelium, Lectiones S. Scripturæ, Episto-  
lae



12 SS. Apostolorum, aliiq; varii S. Scripturae  
textus, proportionate ad Festa per annum  
occurentia, ac orationes devotæ ad DEUM.

Q. Quoniam omnia in Missa piissima & Sanctis-  
sima sunt, cur eam nonnulli à Prædicantibus Dis-  
sidentium tam enormibus convitiis afficiunt? R. Certe  
pudere eos hujus facti iuste deberet; Qui-  
dam enim ex illis per ignorantiam culpabile  
delinquant juxta illud: *qui ignorant blasphemant.*  
*Juda Ep: 1. v. 20.* Quidam ex invidia, quoniam  
ipsi hoc Sacrificium ( *uspote à solis rite & valide*  
*per Episcopos Catholicos potestatem legitimam ad id*  
*à Xto & Apostolis per continuam & non interruptam*  
*successionem habentes consecratis Presbyteris celebra-*  
*bile* ) non possunt valide peragere, nec admi-  
nistrare, cum sint puri Laici, nullam potesta-  
tem Sacerdotalem habentes.

Q. Sacrificium Missæ estne idem cum Sacrificio  
Crucis? R. Quo ad substantiam rei oblata est idē  
& quoad principalem offerentem, quia utrobique  
est idem Xrus.

Quo ad modum tamen, ritum, & alias cir-  
cumstantias est diversum: quia in Cruce erat  
cruentum, & fiebat per actionem Physicē de-  
structivam Xti; nunc autem est incruentū,  
& fit per actionem moraliter tantum destru-  
ctivam ejusdem.

Q. Per quid differt Sacrificium Missæ à Sacra-  
mento Eucharistiæ? R. Per ista: 1. Quia requi-  
rit consecrationem utriusq; speciei; Eucha-  
ristia

ristia verò habetur in una specie. 2. Quia est quid transiens, cum in actionibus consistat transeuntibus; Eucharistia verò est permanens. 3. Quia primario ordinatur ad cultum Divinum; Eucharistia verò primario ordinatur ad sanctificandum hominem.

Q. In quo essentialiter consistit Sacrificium Missæ?

R. Probabilius in Consecratione, & sumptione utriusq; speciei.

Igitur nemini unquam permitti potest Cōsecratio sub unica tantum specie, si hoc fieret à Sacerdote, Consecratio quidem valeret, sed graviter peccaret, & Sacramentum non verò Sacrificium consecreret, deesset tunc enim mystica & animæ mactatio. Bened: XIV. De Sacrif. §. 19.

Q. Cui offerri debet Sacrificium? R. Uni soli DEO Patri, Filio, & Spiritui S, est enim cultus Patriæ, qui soli DEO debetur.

Q. Utq; Missæ celebrantur in honorem Sanctorū?

R. Tunc solum intendit Ecclesia intercessionem eorum obtinere apud DEUM.

Q. Cur Ecclesia Occidentalis utitur constanter unico idiomate Latino in Sacrificio? R. 1. Quia S. Mysteriorum Majestas nō debet tantis subesse mutationibus, quales in vernaculis lingvis quotidie fieri experientia docemur. Unde singulis fere sæculis Liturgias immutari oporteres. 2. Quia in hujuscemodi translationes, & mutationes enormes errores irre-



pere possent, maximo cum dispendio debite  
venerationis, ac Christianæ veritatis.

3. Quia unitas Lingvæ Liturgicæ unita-  
tem & communionem fidelium in Ecclesia  
conservat, cum aliàs plurima possent exoriri  
Schismata, inconvenientiæ &c. neq; posset  
vg. Sacerdos Italianus vel Hispanus in Polonia  
vel Germania, aut vicissim, sacris operari.

4. Si lingvæ Liturgicæ servatæ non essent,  
inutiles nobis forent, imo dudum vel cor-  
rupti fuissent, vel omnino periissent SS. Pa-  
trum Canones cum Constitutionibus, Litu-  
rationibus omnibus Græco & Latino sermo-  
ne exaratis. Sicut ergo S. Spiritus per di-  
versitatem linguarum multarum gentes in u-  
nitate fidei congregavit, ita unitatem fidei  
per diversas gentes unitas lingvæ Liturgicæ  
custodivit, & conservavit.

Q. *Quodplex est Sacrificium?* R. Ob varios  
fines, varie dividitur. 1. Dicitur *Lærentiū*,  
inquantum per illud supremus DEO redditur  
cultus *Latria*. 2. *Eucharisticum*, seu *Gratiarū*  
*actum*, per quod redduntur gratiarum actio-  
nes pro Beneficiis exhibitis. 3. *Propitiatorū*,  
quod offertur pro remissione peccatorū; Alter  
vocatur: *Expiatorium*, inquantum per illud ex-  
piantur peccata, non tamen eo modo, quo  
per Baptismum, & pœnitentiam remittuntur  
peccata per Gratiæ infusionem; sed DEUS  
intuitu hujus Sacrificii donum pœnitentiæ lar-  
gitur,

gitur, seu peculiarem gratiam donat, quâ quis excitetur ad contritionem vel absolutionem in Sacramento Pœnitentiæ utiliter cōsequendam.

*Quo ad remissionem pena?* culpâ jam abolitâ, immediatè illam remittit, remittit inquam illi, pro quo offertur, eâ tamen mensurâ, quæ DEO placuerit. Bened. XIV. L. C. lib: 2. c. 13. §. 17. 5. Dicitur *Satisfactorium*, cum iustitiæ Divinæ per Sacrificium satisfacere volumus. 6. *Impetratorium*, spiritualium & temporalium bonorum, hæc tamen omnia sunt in uno Sacrificio, quod unicum institutum est à Christo in Ecclesia, scilicet: *Missa*.

§. 7mus.

De partibus Sacrificiî Missæ:

Q. *Quotuplices sunt partes Sacrificiî Missæ?* R. *triplices: Essentiales*, sine quibus valide fieri non potest; & hæc sunt: Consecratio & consumptio. Aliæ *Integrales*, quæ non sunt de essentia ejus, integrant tamen illud.

Q. *Quotuplices sunt partes integrales in Sacrificio?* R. *Principales*, seu ordinariæ & sunt illæ, quæ in omni Sacrificio habentur. Aliæ *minus principales*, seu non ordinariæ, quæ non habentur in omni Sacrificio, sed tantum aliquando, & tales sunt: *Gloria, Credo: plures Epistola &c.*

Q. *Quot sunt partes Principales integrales?* R. 4. *ima* Incipit ab Introitu ad Offertorium, 2. Ab Offertorio ad Canonem: *Terigitur &c.*



3. à Canone ad sumptionem. 4. Ad finem continuatur.

Q. *Quotplex est oblatio in Missa?* R. *zplex.*  
Una panis & vini, quæ habetur in Offertorio per illa verba: *Suscipe S. Pater.* Altera: Est Oblatio Corporis & Sangvinis Christi, quæ fit post Consecrationem per illa verba: *Unde & memores &c.* Hæc 2da oblatio est de essentia Missæ, nam res oblata in hoc Sacrificio est Corpus & Sangvis Xti, non verò panis & vinum.

§. *gvus.*

De Materia Sacrificii Missæ.

Q. *Quæ Materia est Sacrificii Missæ?* R. *Mi-*  
nus principalis & transiens est panis triticeus de valore; debet autem esse sub mort. li azy mus in Ecclesia Latina; in Græca verò fermentatus. Et vinum de vite.

Q. *An in defectu possit licite consecrari hostia rubra ob admixtum cinobrium?* R. *Neg: CC DD.*  
*An autem valide?* disputant TT. verior sententia est negativa, cum non sit panis usualis. *Cot. Dia.*

Q. *Quo jure necessaria est utraq; species?* R. *Divino,* ut neq; Papa dispensare in hoc possit.

Q. *Foretne materia apta, si magna esset permixtio farina ex aliis frugibus, vel permixtio aquæ vinum superaret?* R. *Neg.*

Q. *Quid si vinum sit congelatum?* R. *Esset materia sufficiens, quia tale vinum per acci-*  
*dens*

dens tantum non esset potabile; si tamen esset totaliter congelatum, illicite consecraretur adum aliquos DD. Non licet celebrare cum vino acido. Quod si vinum factum sit acetum, invalida foret Consecratio. *Quart. Dub. 11.*

*Q. Quo jure admiscetur aqua?* R. Jure Ecclesiastico, & quidem sub mortali. Et si vino jam infusa sit aqua in dolio, vel alias, est tamen omnino miscenda in calice, quia significatio ab Ecclesia intenta tunc primo completur: Sufficiunt autem 2. vel 3. guttae.

*Q. Quod Mystrium significat hac mixtio aquae?* R. Effusionem aquae cum Sangvine ex latere Xii. 2. Unionem hominis cum DEO.

*Q. Quid agendum si advertatur aquam non fuisse mixtam vino?* R. Si ante consecrationem advertatur? miscenda est; secus si post consecrationem, quia jam erit mixtio inutilis.

*Q. An in calice loco aquae naturalis potest infundi v.g. Rosacea vel alia artificialis?* R. Non; Sacramentum quidem teneret; Minister tamen mortaliter peccaret, quia in re gravi mutaret ritum.

Si gnus.

De Forma.

*Q. Quae est forma Consecrationis Panis?* R. Haec verba: Hoc est enim Corpus meum. Forma consecrationis vini haec: Hic est calix Sanguinis mei. Reliquae autem particulae sunt de integritate



gritate formæ ex præcepto sub mortali non  
omittendæ.

Q. *Quis est sensus hujus formæ?* R. Ille:  
Hic potus contentus in calice est Sanguis meus.

Q. *In forma Consecrationis potestne aliquis defectus  
accidere?* R. Potest, qui vel invalidam reddet  
vg. si loco *Hoc* substituatur illud vel hic præ  
adverbio sumptum. Vel illicitam consecratio-  
nem redderet vg. si omittatur vox *enim*.

Q. *Quomodo verba consecrationis pronuntiari de-  
bent?* R. Recitative simul & significative,  
quia id debet Sacerdos recitare, quod Christus  
in ultima Cæna dixit, & simul significare,  
quod fecit. 1<sup>do</sup> Debent proferri in Persona  
Christi, non verò ipsius Sacerdotis, quia alias  
falso diceret celebrans: *Hoc est Corpus meum*,  
siquidem non ejus Corpus, sed Christi, vi ver-  
borum ponitur. 2<sup>do</sup> Debent proferri voce  
depressa, & non clarâ. Nam juxta *Gay. 23.*  
mortaliter peccaret Sacerdos, si audiretur ad  
10. passus verba consecrationis proferri. Eco-  
clesia enim ideo prohibuit hæc verba alta vo-  
ce proferri, ne populus illa audiens postea  
temere, aut ad jocos utatur illis. 3<sup>to</sup> Pro-  
ferri debet forma consecrationis modeste si-  
mul ac mature, nō movendo caput, aut alios  
inutiles gestus faciendo, quia hæc Sacramen-  
to irreverentiam, & populo scandalum, ac  
admirationem pariunt.

Q. *In Consecratione Calicis dicitur: Qui*

*pro*

pro vobis, & pro multis &c. nonne Xtus pro omnibus Sangvinem effudit? R. Effudit pro omnibus sufficienter, nō efficienter, hoc est quantum ad effectum; quia multi non salvantur ob suum defectum, & indispositionē, eo quod ponant obicem Divinæ gratiæ per sua peccata. *Ad Rom. 8. 32.*

§. Iomus.

De Ministro Sacrificii Missæ.

Q. Quis est Minister Sacrificii Missæ? R. Principalis: est ipse Xtus, qui etiam est simul & res oblata. Minus principalis: est solus Sacerdos ritē per Episcopum ordinatus habens intentionem, ita ut si alius facere id attentet, is sane nihil efficiat.

Q. Quotuplex est Minister Sacrificii Missæ? R. duplex: Conficiens & Offerens. Conficiens est Xtus, & in Persona ejus solus Sacerdos. Offerens vero Minister est etiam ipse Xtus, qui ut homo seipsum offert DEO Patri. Et Sacerdos consecrans. 2do Tota Ecclesia offert Sacrificium Missæ mediante Sacerdote. Innoc: III. l. 3. c. 5. Celebrans enim dicit nomine Ecclesiæ Offerimus tibi Domine calicem &c. atq; Specialiter offerunt Sacrificium Missæ dantes pro illo stipendium, vel ministrantes celebrantibus, aut assistentes.

Q. Participantne omnes prædicti de fructu Sacrificii? R. Affirm: si dispositi sint, non aqualiter tamen, sed illi magis participant, qui magis



g's vel propius concurrunt hoc ordine. 1. Sacerdos. 2. Pro quo Missa absolvitur. 3. Ministrantes. 4. Assistentes. Omnes specialiter offerentes non solum participant de fructu Sacrificii Missæ, sed etiam aliis eundem possunt applicare. *Sua. &c.*

Q. *Quæ dispositio requiritur in Sacerdote ad Sacrificium fructuose peragendum?* R. 1. Ut sit jejunus. 2. Ut non sit censuris inodatus, vel irregularis. 3. Ut intentionem, & conscientiam mundam habeat.

Q. *Licetne aliquando celebrare Sacrum non jejunus?* R. Licet in his casibus. 1. Si aquam loco vini ex errore consecraverit, & sumplerit, tunc enim tenetur aliud vinum in calicem infundere cum mixtione aquæ, & offerre incipiendo ab illis verbis: *Simili modo*, tandem consecrare & statim sumere, ut sit integrum Sacrificium. 2do Si post ablationem sumptam reperiat aliquod fragmentum suæ hostiæ super Patenam seu corporale, nam horum fragmentorum sumptio spectat ad unum & idem Sacrificium. 3tio Si post Consecrationem ægritudine correptus Celebrans non possit prosequi Sacrificium, vel è ~~vitis~~ *vitis* excedat, potest, imo debet alius, etiam non jejunus, si jejunus non adsit perficere Sacrificiū (si verò id accidat ante Consecrationem, nō est opus Missam ab alio continuari) at si Missa ab altero non possit perfici ante meridiem?

Item? tunc Hostia & calix cum S. Sangvine  
recondendi sunt in Tabernaculo, ut ad al-  
teram diē reseruentur, & suppleatur. Pasq̃.

Non esset supplendus defectus, si celebrans  
deficeret inchoatā consecratione panis; quia  
accidentalis solum defectus haberetur, cum nō-  
dum pars essentialis esset posita. Si una ma-  
teriā consecratā, aut consumptā deficeret ce-  
lebrans? hæc sola pars in qua deficeret esset  
supplenda per consecrationem aut sumptio-  
nem. 2to Si inter celebrandum recorderetur  
se non esse jejunum, & ab Altari sine scan-  
dalo recedere non possit vel si jam facta sit  
Consecratio. In utroq; casu debet celebrans  
progredi in Sacrificio. S. Thom. 2ua. Ec.

Q. Parochus insperare deglutit guttam aqua die  
festo & est unicus, videt populi concursus, angustatur  
quid nam non jejuno faciendum? R. Si praevidet  
populum omnino non posse, aut saltem vix  
posse sine Missa quietum dimitti? non pecca-  
bit, si celebret ad evitandum scandalum, quia  
lex Ecclesiastica minor debet cedere legi na-  
turalis charitatis majori, quando utraq; simul  
servari non potest.

Q. Si jejunium sit necessarium ad celebrationem  
Missae, cur in natali Dni ter celebramus? R. Quia  
Corpus & Sangvis Xpi Dni non frangit jeju-  
nium. Si autem Sacerdos tunc in prima Mis-  
sa per oblivionem sumpsisset Purificationem,  
non poterit reliquas duas Missas absolvere, quia

iam



jam non foret jejunus, nisi esset ratio imma-  
dite dicta.

Q. Sacerdos comedens in vigilia Nativitatis Dni  
ante 12. horam media noctis potestne post eandem me-  
diam noctem Missam noctis absolvere, & si non dor-  
miverit, neq; cibum digesserit? R. Potest.

Q. Extatne praeceptum die Nativitatis Dni 3.  
Missas absolvendi vel audiendi? R. Non; id enim  
solum fit ex antiquissima consuetudine. Una  
de sufficit, si eo die una scilicet 3tia celebra-  
tur cum oratio ejusdem concordat cum Offi-  
cio diei. & una quaecunq; audiarur.

Q. An? & quoties Sacerdotes tenentur Missam  
celebrare? R. Saltem in praecipuis festis. Imo  
ex Trid. tenentur ex mandato Episcopi cele-  
brare in Dominicis & Festis, nisi legitimo  
impedimento excusentur.

Q. Si Sacerdos verba Consecrationis cum inten-  
tione quidem proferret super panem & vinum, sed con-  
tra Missam: consecraretne valide? R. Affirm: sed  
illicite, nam tota vis Consecrationis in ver-  
bis Xri consistit cum intentione consecrandi  
prolatis. Bened: XIV. De Sacrif. l. 3. c. 11.  
§. 11. Similiter tantum illicite celebraret, si  
lethali crimine sit infectus, vel excommuni-  
catus, haereticus, degradatus.

Q. Potestne aliquando licite Sacerdos celebrare  
peccato mortali obnoxius, & destit Confessarius? R.  
Si gravis necessitas urgeat, potest praevio actu  
contritionis; neq; tunc sufficit Attritio, nisi

ea, quam celebrans sine culpa contritionem existimaverit. *Idem ibidem* §. 9. sed quam primum poterit confiteri tenetur, ad summū intra triduum.

Q. *Quo est ista urgens necessitas?* R. 1. Si Sacerdos eo die non celebrans offensionem esset & scandalo. 2. Si tempore Sacrificii recordetur peccati mortalis non confessi, nec sine scandalo recedere potest.

Q. *Quando Missam Sacerdos applicare debet?* R. Optime, si tunc, cum se ad eam præparat. *Idem ibidem.*

Q. *Quid faciendum est Sacerdoti, si urgeat necessitas celebrandi, & solum adest parva hostia, quæ communicantibus dari solet?* R. Melius tunc taceret, si populum doceret, ne miraretur, si illam adhibet pro majori; potius quam utatur, sententiis aliquorum, qui censent posse tunc extrahi e Tabernaculo hostiam majorem, quæ forte ibi adest, & adhibere illam ad elevationem. *Benedi; XIV. Ibid. §. 9.*

Q. *Sacerdos si plures hostias consecrandas deferat ad Altare cum intentione eas consecrandi, sed in actu consecrationis solius hostia, quam præ manibus habet recordetur, fruantur omnes consecrata?* R. Affirm: *Panop.* Sed quia intentio præcedens perseverat saltem virtualiter.

Q. *Sacerdos consecrans putat solum esse 6. Hostias & sunt v.g. 10. an consecrata sentiantur esse omnes?* R. Affir: quia error speculativus, quo Sacer-



Sacerdos existimat esse pauciores nihil obstat intentioni, quam ex praxi implicite habere censetur consecrandi omnes hostias præsentes quotquot sunt, secus dicendum, si contrariā intentionem haberet. *Sua. Ec.*

*Q. Si hostia consecrata misceantur non consecratis, quid faciendum est? R.* Totum hostiarum cumulum, dum Sacrum peragit, sibi apponere curabit, intentionemq; eliciat tantū eas consecrandi, quæ non sunt consecratæ.

*Q. Hostia parva consecranda quando adferri debent celebranti? R.* Ad Offertorium, alioquin erit consecratio illicita. Si autem in necessitate aliquæ adferrentur post Offertorium Celebrans supplebit oblationem mente, & tandem una cum magna hostia consecrabit.

*Q. Si autem hostia cepto Canone adferatur? R.* Non est consecranda neq; pro dando Viatico iustimo; Tunc enim sufficeret, si celebrans de sua hostia particulam separaret pro dando viatico. *Bened: XIV. ibid: §. 6.*

*Q. An, ubi plures consecrantur hostie unum sit Sacramentum vel plura Sacramenta? R.* Respectu rei, id est Xii in hostiis contenti, est Sacramentum unum numero in omniis hostiis; respectu verò actionis, quā ipsum Sacramentum producit, nempe per modum spiritualis convivii, multiplicatur numero, prout ad varias ordinatur sumptiones.

*Q. Quale peccatum foret adhibere hostiam fractā*

*In Missa?* R. Si adhuc sit apta ad servandos ritus praescriptos? Veniale.

*Q. Si hostia post consecrationem frangeretur et caluer in duas partes?* R. Tunc adhibenda esset major pars ad ritus peragendos. Hostia, si leviter esset maculata? veniale. Si graviter? mortale esset, quia gravis foret irreverentia.

*Q. Quid agere debet celebrans si post Consecrationem, sanguis effundatur?* R. Si aliquid remanet in Calice? illud sumatur, nec opus est novâ consecratione, quia talis sumptio sufficit ad perfectionem Sacrificii, cum quolibet Rilla sit totus Xtus. Si verò nihil prorsus remanserit? iteranda est Consecratio Calicis, facta prius oblatione saltem mentaliter.

R. 2do. Res super quam ceciderit Sanguis Xti debet prius à Sacerdote lambi, si commodè fieri potest. 2. Abradi, lavari, abrasio comburi, cinis in Sacrarium mitti, locus bene ablui debet. Si ceciderit super lintamina Altaris, singula ad quæ pervenit stilla aliqua, ter ablui debent, & aqua ablutionis in Sacrarium effundi.

*Q. Quid agendum est, si musca ceciderit in Sanguinem?* R. Si hæc nauleam non fecerit, sumatur: si autem? extrahi debent, & comburi, cineres in Sacrarium ponendi sunt. Idem multo magis faciendum est, quando periculū est veneni, vel si araneus decideret.

*Q. Quid agendum esset, si Hostia è manu decideret*



*in Sangvinem An?* R. Si tota Hostia madescat, non debet extrahi, sed dici debent orationes de more, fieriq; omnes ceremonie super Calicem, & simul sumendæ sunt species dicendo: *Corpus & Sanguis Domini nostri JESU Christi &c.* Quod n verò possit? deberet extrahi pars Hostie non madescente, sed ceremonias reliquas peragendas.

Cavendum est, ne ita sugatur Sanguis, ut à circumstantibus audiri possit.

Caveat etiam celebrans ne os suum, ac labia calicis in parte, ex qua bibit, digitis abstergat, aut ipsos digitos lambat.

*Q. Potestne quis celebrare duas Missas eodem die?* R. Si Parochus regat Parochias duas, nec populi unius, possunt in Templum alterius convenire, ac desit alius Sacerdos, potest eodem die duas Missas celebrare, sed cum licentia Episcopi, si in prima Missa non sumperit ablutionem.

Hic verò unicus est casus, in quo bis celebrare liceat, neq; enim fas est Sacrificium repetere sive propter adventum hospitum etiâ Principum, aut Episcopi, qui die Festo Missam non audierint, nec alius adesse Sacerdos, neq; enim hæc est tanta necessitas, quantâ requiritur in Cap: *Consultasti &c.* ita Benedictus XIV. de Sacrif. l. 3. c. 5. §. 3.

*Q. Prudenterne faceres ille, qui necessitate coactus ad celebrandum, simularet, seu fingeret se celebrare*

brate coram populo, & non consecraret, timendo ne  
sacrilegium committat in mortali existens? R. Ta-  
lis gravissimè peccaret, & quidem gravius,  
quàm si in peccato consecraret, quia & Sacra-  
mento infert injuriam & populo fraudem.

Tum quia in tali casu deberet potius actū contritionis elicere cum proposito confitendi. (Triden. Sess. 13.) & sic celebrare.

§. I TEMUS.

De Requisitis ad Missam.

Q. *Quæ sunt requisita ad Missam?* R. Sunt illa, sine quibus illicitè, vel tantum indecenter absolueretur Sacrificium Missæ. Hæc autem sunt: Vasa Sacra, Altare, Lumina, Crux.

Q. Quotuplices sunt vestes sacrae? R. 2plices:  
Majores sunt Alba, Catula, Stola. Minores  
autem sunt cetera indumenta.

Q. Quale est peccatum celebrare sine vestibus?  
R. Mortale, si omittantur Velles majores, vel aliqua illarum. Merati p. 2. tit. 1. Veniale autem, si ex minoribus desit aliquod. In casu necessitatis licet uti cingulo non benedicto, vel Stola pro Manipulo, aut è contra Lay. 1. 4. t. 5. c. 6.

Q. *A quo benedicenda sunt vestes Sacrae?* R. Ab Episcopo, vel à Sacerdote habente facultatem, & quidem sub mortali: Exceptâ parvitate materiæ, vg. si cingulum non benedictum adhibeat.

Q. Ca.



Q. Calix cum patena debetne esse ab Episcopo consecratus? R. Omnino debet.

Q. Quodsi aliquis bonâ fide in non consecrato celebraret? R. Eo ipso jam consecraretur, & non indigeret Episcopi consecratione.

Q. Si autem quis malâ fide celebraret id est scilicet inter in non consecrato calice? R. Etiam tunc eo ipso calix esset consecratus, sed taliter celebrans peccaret mortaliter.

Q. An calix pridem consecratus, dum denovo deauratur, novâ indigeat consecratione? R. Negant probabilius Lay. Lugo. Esco. &c. cum sit communis doctrina, quod calix amittendo inaurationem, non amittat consecrationem, si denovo inauratur. Sic si Ecclesia consecrata denovo dealbetur, novâ non indiget consecratione. Com. DD. Oleum non consecratum, si immisceatur consecrato in minore parte, ex ipsa mixtione consecratur, sic superficies illa per conjunctionem ad calicem consecratum bene fit etiam Sacra, sicut & dealbatio Ecclesiz. Sed datâ novâ deauratione abluatur calix aquâ benedictâ.

Q. A quibus licitè possunt tangi Vasa Sacra? R. Si actu non contineant Eucharistiam possunt licitè tangi à Clericis Tonsuratis. Peccant Laici Sæculares venialiter, si absq; rationali causa, sed ex sola levitate tangant corporalia, vel calices. Pasq; q. 833.

Q. Peccaretne Sacerdos, si celebraret absq; dupli-

plici

*plici lumine?* R. Mortaliter, venialiter autem, si adhibeantur candelæ ex sevo, dum possunt haberi ex cera, vel si unam tantum adhiberet candelam. *La. Cro. l. 6. p. 2. n. 392.*

*Q. Crux estne necessaria in Altari?* R. Est sub veniali. Ubi autem adest magna Statua Crucifixi, non est necesse omnino aliam ponere Crucem dum Missa celebratur. *S. R. C. 4. Aug. 1663.*

*Q. An Sacerdotes Latini ritus possunt celebrare in Ecclesiis Ruthenorum Graecunitorum, in eorum Altaribus, super Antimensis, calicibus etiam stanneis, & in vestimentis eorum sacris?* R. Possunt, dummodo ritu latino celebrent, scil. in Pane Azymo, & de licentia ipsorum Ruthenorum Parochorum.

*Antimensia* sunt lintei quidam Eppli benedictione consecrati, in quorum angulis Sanctorum Reliquiæ reconditæ sunt.

*Q. Et è contra possuntne Rutheni Sacerdotes unti in Ecclesiis Latinorum celebrare in omnibus vestimentis ritus Latini servato suo ritu Græco, quo ad panem fermentatum & alias ceremonias?* R. Possunt non tantum in casu necessitatis, sed etiam solus devotionis. *Bened: XIV. Const: Imposito nobis.*

Ritus quo ad panem Azymum & fermeatatum est semper, & omnino servandus, quavis aliàs populus deberet diu Sacrificio privari, vel infirmus decedere sine Viatico, quia utilitas privata non debet pervertere consuetudinem.



utiones Ecclesiæ. Conc. Flor. Mastr. Sc. apud  
Cleric. Dec. XI.

§. 12mus.

De effectu Sacrificii Missæ.

Q. Quotuplex est effectus Sacrificii Missæ? R.  
3plex: Meritorius, quia per Missæ Sacrificium  
tam offerens, quàm etiam ille, pro quo offertur,  
meretur augmentum gratiæ. Impetrato-  
rius, quia per Missam impetrantur bona, non  
solum spiritualia, sed etiam temporalia. Sa-  
tisfactorius, quia per Sacrificium satisfacimus  
pro peccatis DEO. Trident: Sess: 22.

Q. Quotuplex est fructus Sacrificii Missæ? R.  
3plex: I. Fructus Generalis, qui prodest &  
applicatur toti Ecclesiæ, quem Ecclesia omni-  
bus Fidelibus secundum eorum dispositionem  
applicat. II. Fructus Specialis, qui applicatur  
illi, pro quo offertur Sacrificium Missæ. III.  
Specialissimus, qui cedit ipsi Sacerdoti offeren-  
ti, nec potest in eadem Missa pro distincto  
stipendio alteri applicari, constat ex damnata  
Prop: 8. inter proscriptas ab Alex: VII.

Q. Fructus ille estne infinitus? R. Est ex  
parte rei oblatæ; finito tamen modo applica-  
tur, ita ut si Missa offeratur pro pluribus,  
minus singulis prodest, quam si uni applicata  
fuisset, ut patet ex praxi Ecclesiæ, quæ jubet  
ad multiplicationem stipendii multiplicari Sa-  
crificia.

Q. An ejusdem sit efficacia sive à bono sive ab im-  
probo

*probo Sacerdote Missa celebretur?* R. Fructus proveniens ex opere operato nunquam minuitur, & dum applicatur, semper operatur dummodo impedimentum nullum obstat.

*Alius fructus, qui oritur ex universa Ecclesia offerente Sacerdotum suorum ministerio.* Ecclesia verò est semper Sancta pulchra sine ulla ruga, aut macula. Tandem est *tertius fructus* ex ipso celebrante proveniens, dicitur ex opere operantis, atq; iste ex majori vel minori Sacerdotis Sanctimonia minuitur, augetur-ve. Bened: XIV. l. 2. c. 13. §. 10.

Q. *Pro quibus potest offerri Sacrificium?* R. Pro fidelibus vivis atq; defunctis, imò & pro infidelibus peccatoribus ut convertantur, pro hæreticis, non tamen virandis. Sacrificium enim saltem ut est impetratorium prodest Acatholicis.

§. 3<sup>us</sup>.

De defectibus in Missa commissis.

Q. *Quotuplices possunt contingere defectus in Missa?* R. 2plices: *Substantiales*, qui possunt committi circa essentielles partes, vel integrales notabiles Sacrificii, & tales debent omnino suppleri, aliàs nullum fieret Sacrificium, vel saltem imperfectum, & *accidentales*, qui sunt circa accidentales & minus principales partes. Et tales non sunt supplendi, nisi protunc, quando suppleri possunt absq; eo, quod invertatur ordo Missæ. Si enim esset ordo Missæ



Missæ invertendus, major difformitas oriretur ex suppletionem, quam ex ipso defectu.

Q. Ex quibus defectibus potest oriri defectus substantialis? R. Præsertim ex materia forma & intentione Ministri.

Q. Si defectus substantialis ante consecrationem advertatur nec possit haberi materia apta? R. Debet relinqui Missa in quacunq; parte reperitur, ad evitandum sacrilegium per consecrationem materiæ ineptæ.

Q. Quid agendum, si aliqua ex speciebus venene infecta reperiretur? R. Si id contingat ante summptionem? debet alia species consecrari. Si verò post summptionem? poterit quodcunque remedium adhiberi etiam vomitus ex Com: DD. Si enim sacræ Species potuissent non sumi, si illarum infectio nota fuisset, poterunt etiam ejici tanquam malè sumptæ.

Q. Quale sit peccatum captam Missam non complere? R. Mortale, si talis interruptio possit, si ante Consecrationem fiat. Com: DD.

Q. An dentur aliqui casus in quibus Missa inchoata relinqui possit? R. Dantur: si periculum mortis immineat, quia Sacerdos non solum se, sed etiam Eucharistiam temerè exponeret periculo. Quod si periculum immineat post Consecrationem unius speciei, si fieri potest, debet statim consecrari, & altera species, & utraq; sumpta, potest statim abire Sacerdos omnibus omissis caeremoniis.

Si au.

Si autem propter imminens periculū mortis id fieri peremptoriē non possit, probabilius videtur jx. Pasq̃. Eo casu posse abire Sacerdotem relicto Sacrificio imperfecto, quāvis enim præceptum sit Divinum complere Sacrificiū, in tali tamen casu videtur non obligare.

2da. Potest etiam relinqui Missa, si Interdictum supervenerit ante inchoatam Consecrationem; secus si post consecrationem, quia sumptio & consecratio sunt Juris Divini, quod plus ponderari deberet, quam lex Ecclesiastica de Interdicto.

3tio Si tempore Missæ superveniat excommunicatus vitandus, & monitus non velit recedere ante Consecrationem? debet relinqui Missa; si autem capta sit Consecratio? debet continuari tantum ad summptionem inclusive, & tunc statim recedere, & Missam in Sacristia continuare. Excommunicatus autem ille, si monitus non exeat de Ecclesia, novam incurrit Excommunicationem Papæ reservatam. Habetur in Clem: de sent: Excom.

4ta. Si contingat Ecclesiam pollui nondum Canone incæpto, cessandum est à Sacrificio, secus verò si jam sit incæptus Canon.

Q. Licetne Missam interrompere? R. Sine causa non licet ob Sacrificii Majestatem.

Q. Quæ sunt causa justæ interruptenda Missa;  
R. 1. Propter infirmitatem celebrantis vg.  
propter



propter alterationem Stomachi. 2. Spiritua-  
lis necessitatis proximi, sive ad remedium ne-  
cessarium necessitate medii sive per se, sive  
per accidens pro moribundo, potest interrū-  
pi Missa v.g. ad absolvendum, vel baptizan-  
dum moribundum, si desit alius Sacerdos,  
qui juvet, quod etiam fieri potest post con-  
secrationem, agitur enim de salute proximi,  
ac de vitando damno irreparabili.

Ad dandum tamen Viaticum solum inter-  
ruptio licita est ante Consecrationem. Simi-  
liter & ad Extremam Unctionem ministran-  
dam, cum hæc Sacramenta non sint necessa-  
ria necessitate medii, nisi moribundus esset  
intra Ecclesiam, tunc enim esset solum mo-  
die interruptio, cum in tali casu non exue-  
rentur Sacra vestes.

*Q. An possit interrumpi ob corporalem proximi  
necessitatem? R. Si illa sit gravis tunc ex cha-  
ritate tenebitur ad subveniendum.*

*Notat.* Quando Sacrificium interrumpitur  
post Consecrationem ex iusta causa, constitu-  
endus est aliquis ad custodiam, vel si nullus  
adsit probata v. tæ, reponendæ sunt species in  
Tabernaculum.

§. 14tus.

De Loco Sacrificii Missæ.

*Q. Quis locus conveniens Sacrificio Missæ? R.  
Jure ordinario est Ecclesia, vel alius locus  
consecratus, aut saltem legitimâ Authoritate  
bene.*

benedictus ad Divinum cultum deputatus;  
sub mortali. *Trid. Sef. 22.*

*Q. Possuntne plures Missæ celebrari in Oratoriis privilegiatis? R. Si in facultate data additur ly ut una tantum celebretur? non possunt sub mortali ob graves prohibitiones, Trid. & Clem. XI. Neq; à peccato excusat, si altera Missa clausis januis celebretur, quia est prohibitio propter locum, non personas.*

*Q. Quid est Oratorium publicum, & quid privatum? R. imum Est illud, quod extra privatas domos Episcopi Authoritate ad Divinum cultum est erectum. Privatum, quod in privatis domibus, aut intra domesticos parietes sine Authoritate Episcopi est erectum.*

*Q. In quibus Festis non licet celebrare in Oratoriis privatis? R. Ordinarie prohibetur Festis Nativitatis Domini Epiphaniæ, Paschatis, Pentecostes, Assumptionis B. V. M. Apostolorum Petri & Pauli, Sanctorum omnium, & aliis in Indulto expressis.*

*Q. An omnes tres dies Nativitatis Paschatis & Pentecostes sunt excepti? R. Non, sed sola prima dies. Quarti.*

*Nota: Quod si tale Oratorium conceditur alicui personæ propter infirmitatem ejus, nulla dies excipi solet, quia alias ille infirmus in maximis solemnitatibus solatio spiritali privaretur.*



De Tempore Sacrificii.

Q. *Quod est tempus celebranda Missa?* R. Jure communi tempus est ab initio aurore usque ad meridiem inclusive.

Q. *Quid intelligitur per Auroram?* R. Primum diei crepusculum, quo primum apparet in Cælo vestigium adventantis diei, ix. Gobi. Aurora non est accipienda Physicè, sed moraliter, & politicè, pro illo tempore, quando solet terminari hominum quies, & inchoari labor, juxta locorum consuetudinem. S. R. C. 2. Nov: 1634. Ideoq; septemtrionalibus nō est faciendus scrupulus, licet in hyeme multo ante Auroram sacrificent.

Q. *An licet anticipare Missam ante profinitum tempus?* R. Licet v.g. in casu necessitatis, ut infirmo detur Viaticum. 2. Ubi est consuetudo ut opifices & famuli summo mane possint audire Missam. 3. Si iter immineat Sacerdori, vel populo.

Necessitas verò expectandi cum Missa post meridiem potest esse v.g. prolongata devotio, eo quia Missa sollemnis aut Concio diu durat. 2. Ratio Itineris. Nonnulli Religiosi habent Privilegium, vigore cujus possunt celebrare ad horam 3. post meridiem. Janusz: l. 2.

Q. *An potest Sacerdos absolvere omnes 3. Missas post mediam noctem in die Nativitatis Xpi?* R. Nō; S. R. C.

S. R. C. 20. April: 1664. Et 7. Dec: 1702.

*Jussu Clem: XI.*

*Q. Quanam observari debent circa Missam in Festo Nativitatis Dni? R. 1. Dum transit celebrans in prima vel 2da Missa post sumptionem Sacramenti non debet flectere, etiamsi species vini consecrati non sint exsiccatæ. Decr: S. R. C. 1698.*

*2do Si non omnes tres Missas absolvit simul? debet post primam vel alteram Missam calix semper habere suppositum corporale.*

*Q. In quem finem tres Missæ celebrantur in die Nativitatis Domini? R. Propter Mysterium trinitæ Nativitatis Xti Domini, qui imo Natus est ab æterno ex Patre. 2do In tempore ex B. M. V. 3tio Per gratiam nascitur in nobis quotidie. Institutio hæc facta est à S. Theophoro PP. A. 126.*

*Nota: Missæ nec ita breves esse debent ut solum horæ tertiam partem non attingant, neq: ita longæ, ut horæ dimidium excedant. Bened: XIV. de Sacrif. l. 3. c. 24. Instit: Eccl. 34. §. 19.*

§. 16tus.

*De Ritu & Rubricis Missæ.*

*Q. Quid nomine Rituum intelligitur? R. Omnes circumstantiæ requisitæ ad Missæ celebrationem, & solemnitatem, sive sint verba, sive actiones, sive vestes, aut vasa.*

*Q. Quotuplices sunt Ritus? R. Alii sunt*  
*Essen-*



*Essentiales*, qui sunt de necessitate Sacrificii, & Sacramenti, uti Consecratio Communio. Alii *Accidentales*, qui solum pertinent ad ornatum, & hi possunt esse de necessitate precepti non verò Sacrificii, consistunt verò in actionibus, precibus, inclinationibus, & aliis circumstantiis ab Ecclesia adjunctis, quæ dicuntur *Sacramentalia*, & *Cæremoniæ*.

Q. *Quid est Rubrica Missalis?* R. Est Regula communis continens ritus in celebratione Missarum observandos, vocatur *Rubrica*, quia plerumq; rubro colore scribi solet.

Q. *Qua est causa formalis Rubricarum?* R. Est significatio verborum certos ritus præseribentium.

Q. *Quotuplex est hæc significatio?* R. Una *Literalis*, quam voces immediate significant, alia *Mystica*, quæ sub rebus significatis per verba quasi sub velamine, & figura conclusa est. Dicitur *Mystica* i. e. Arcana & recondita vocatur etiam *Spiritualis*, eo quod lateat sub rebus quasi spiritus sub corpore.

Q. *Quotuplex est Mystica significatio?* R. 3plex. 1. *Tropologica*, seu moralis refertur ad informationem vitæ aut morum. 2. *Allegorica* exprimit aliquod Mysterium sub figura vel Metaphora rei significatæ per verba. 3. *Anagogica* refertur ad ea, quæ sunt æternæ felicitatis.

Pro maiori intelligentia sit exemplum: Sac-  
cardus

cerdos osculatur Altare, hæc rubrica in sensu *Literali* significat actum osculandi Altare, in quo fit Sacrificium: quod osculum in sensu *Mystico Tropologico* significat consensum animorum inter fideles: in *Allegorico* delectationem & gaudium futuræ gloriæ.

Q. *Qua est causa efficiens Rubricarum Missalis?*

R. Summus Pontifex, à quo tanquam ab habente potestatem in totam Ecclesiam talis debuit lex universalis fieri. Primus autem earum Author fuisse scribitur S. Petrus. S. Pius V. vel maxime solidavit edito Missali Romano, quo nunc utimur.

Potestas condendi Rubricas & Ritus Missarum Episcopis limitata est ob confusionem & dissonantiam à S. Pio V. in Balla initio Missalis apposta.

Q. *Qua est causa finalis Rubricarum Missalis?*

R. Est DEI cultus & utilitas spiritualis fidelium ac uniformitas condecorans Christi Ecclesiam.

Q. *Cujus sunt juris hæ Rubricæ?* R. Humani, ideo possunt mutari à Summo Pontifice, id tamen non fit, nisi causa utilitatis vel necessitatis.

Q. *Quomodo in particulari discernenda levitas vel gravis materia in Missa?* R. Hæc generalis Regula datur à DD. quod illa sit materia gravis, quæ considerato fine præcepti multum conducit ad finem legis talis, proinde præcepti transgressio gravis esse debet. Discernere



cernere autem hoc ipsum in particulari requirit iudicium prudens.

Q. *An leves transgressiones Rubricarum possunt fieri graves ex accidenti?* R. Possunt, 1. Per intentionem finis graviter peccaminosi, ut si ex fine turpiter placendi audientibus Missam, vel inducendi novum ritum breve Sacrum legatur. 2. Ratione contemptus. 3. Ratione scandali.

Q. *Qui sunt Ritus majoris, & qui minoris momenti?* R. Majoris sunt mixtio aquæ cum vino, Elevatio utriusq; speciei, fractio Hostiæ, mixtio particulæ cum vino, purificatio Patenæ & Calicis. Minoris sunt Benedictiones, Crucæ, inclinationes, osculationes, genuflexiones &c. Unde omittendo ritus majoris momenti, peccabit mortaliter; minoris momenti, venialiter; nisi ex contemptu fiat.

Q. *Quale erit peccatum addere Missæ veras preces?* R. Mortale, vel veniale, juxta gravitatem, vel levitatem materiæ. Ex Bulla Pii V. Neq; in Missæ celebratione alias ceremonias vel preces quam quæ in hoc Missali continentur addere, vel recitare præsumat.

Q. *Sub quali peccato Rubrica obligat ad colores vestimentorum?* R. Ad summum sub veniali, hinc ex defectu potest Sacerdos uti stolâ alterius coloris ac manipulo, aut casulâ, nisi quis in Festo magnæ Solemnitatis vg. Nativitatis Christi uteretur nigro.

**Q.** *Quotuplex est inclinatio?* **R.** 3plex: *Profunda, en* capitis & humerorum profunda incurvatio. *Media* est capitis & humerorū modica incurvatio. *Parva* est solius capitis demissio, quibus etiam adjungitur genuflexio.

**Q.** *Quando in Missa debet fieri profunda inclinatio?* **R.** Tunc dum celebrans accedit vel recedit ab Altari ubi non est Sanctissimum. Ad Confiteor, ad Munda cor: ad Te igitur, ad Supplices, & dum sumit S. Hostiam.

*Nota:* Celebrans dum dicit *munda cor meum &c.* debet dicere *Jube Domine benedicere*, quia petit benedictionem à DEO, non ab homine.

Quotiescunq; inclinatus dicit Orationē in medio Altaris junctis manibus debet illas ponere in Altari excepto ad *munda cor*, & ad *Sanctus*, quas tunc inclinatus tenet in aëre supra Altare. Dum autem extenduntur manus in Missa, non debent latitudinem corporis neq; altitudinem humerorum excedere.

**Q.** *Quando media?* **R.** Ad *DEUS tu conversus &c.* cum dicit in spiritu humilitatis ad *Suscipe S. Trinitas*, ad *Sanctus*, ad *Agnus*, & Orationes sequentes ad *Domine non sum dignus*.

**Q.** *Quando parva?* **R.** Ad invocationem Nominis *JESU & MARIAE* aut *Sancti* in Canone de quo celebratur Missa, vel sit Commemoratio ad *placeat tibi*, & quoties abit, vel redit ad medium Altaris à Missali.

*Nota*



*Nota 1mo:* Ad illa verba in fine Missæ & Verbum Caro factum est, genu flectendum est ad cornu Evangelii etiam si sit expositum SSmū, nam tunc solum facies celebrantis debet converti aliquantulum ad SSmum. *Gav. Merati Tit: 14.*

*Nota 2do:* In recessu, vel accessu ad medium Altaris exposito SSmo quoties genu flectitur, non est jam facienda inclinatio nova Crucis, quia illa hanc excludit.

*Nota 3to:* Quod si incensatio fiat ad Altare, ubi SSmum est inclusum in Tabernaculo, non Cruci debet fieri inclinatio, sed SSmo genuflexio ante & post incensationem, in quo calu ethi celebrans adorat SS. Sacramentum non tamen illud thurificat, sed Crucē. Quoties autem ibidem in thurificatione transit per medium Altaris, debet facere genuflexionem, tangens manu Altare, ut citius surgat. *Merati T. I. p. 2. Tit: 4. n. 28. 29.*

*Nota 4to:* Quoties Celebrans benedicit aliquid, nunquam in aëre debet tenere sinistrā, sed si se ipsum vel populum signat, sinistrā ponat super pectus suum. Si Libram ad Evangelium? in Missali; Si verò Calicem, aut Oblata? in Altari illam ponat.

§. 17mus.

De Modo celebrandi Missam.

Q. Quotuplici voce Missa recitari debet? R. Triplici: Alta, Mediā, & Submissa, seu Secreta.

Alta

*Altâ voce dicuntur illa omnia, quæ can-  
tari solent à Celebrante.*

*Media id est nec omnino altâ, nec submis-  
sâ dicuntur omnia à principio Missæ, usque  
ad Canonem. Et in Canone eâdem voce di-  
ci debent illa verba: Nobis quoq; peccatoribus.  
Et hæc 4. verba: Domine non sum dignus, ut  
excitetur populus ad Devotionem.*

*Submissâ voce seu Secreta totus Canon  
dici debet. Merati.*

*Q. Qualis devotio requiritur in celebrando Missæ  
Sacrificium? R. Major quam in officio D. cum  
sit opus longè præstantius. Hinc graviter  
peccat, qui prætereuntes à latere consulto  
aspicit, vel dum se convertit ad populum,  
quia talis curiosus aspectus maxime distractio-  
nis fieri solet occasio, ratione cuius sibimet  
ipsi periculum erroris, vel inutilis cogitatio-  
nis parit.*

*Q. Licetumne est celebranti sub cantu longiori:  
Gloria & Credo in Solemni missa particulares ora-  
tiones recitare? R. Affir: melius est protunc  
orare, quam otiosis cogitationibus vagari.  
Gob. n. 763.*

*Q. Quomodo peccat Sacerdos distractus in celebra-  
tione Missæ? R. Si sit distractus extra Canonem,  
venialiter. Si tempore Canonis, mortaliter.  
Tamb. Gob. saltē ob periculum erroris. Quod  
si autem nullum adsit periculum? venialiter.  
Quarti.*



Q. *An omnia quæ dicuntur & fiunt in Missa sint necessaria ad Sacrificium?* R. Non, quia aliqua spectant ad Sacrificii Substantiam, alia ad ornatum, alia ad decentiam.

*Nota:* Ablutio digitorum in Missa post Communionem debet fieri in vino & aqua. *Gay. Mer.*

§. 18vus.

De Stipendio.

Q. *Quid stipendii nomine intelligitur?* R. Eleemosyna, quæ datur pro sustentatione Ministrorum Ecclesiæ. Sacerdotes enim non recipiunt Stipendium, ut pretium applicationis Missæ, quod sic esset simonia, sed illud recipiunt titulo sustentationis.

Q. *Quot modis potest obligari ad Sacrificium pro aliquo offerendum?* R. Ex obedientia, charitate, voto, promissione simplici, aut ex iustitia, & pacto.

Q. *An Sacerdos retentâ parte stipendii Missam alteri celebrandam potest committere?* R. Non, etiam si pars illa alteri Sacerdoti pro Missa tradita contineat consuetam Eleemosynam. Secus qui fecerit, si laicus fuerit? incidit ipso facto in Excommunicationem Pontifici reservatam; si Clericus vel Sacerdos, in suspensionem, eisdem reservatam, à quibus censuris non nisi à Rom: Pontifice pro tempore existente absolvi poterit. *Const: Bened: XIV. Quanta cura A. 1741. 30. Jani T. 1. n. 22. Et Instit: Eccl: 5. 6. §. 4.*

Id valet, etiam si id sine fraude fiat, hoc est, etsi sciat & consentiat Sacerdos minus stipendium accepturus. Hæc enim est mercatura pessima, in quam iusto zelo inturgit Pontifex.

Q. *An Beneficiatus, qui in casu alicujus necessitatis committit alteri celebrandam Missam, tenetur huic dare stipendium ad rationem Beneficii, id est sue Perceptæ?* R. Satis est si stipendium dat congruum secundum morem Regionis, si aliud in fundatione cautum non fuerit. De Lugo Tamb.

Q. *An Sacerdos qui hodie à nemine stipendium accepit, Missam quam hodie est celebraturus possit applicare illi, qui primus illi stipendium obtulerit?* R. Neg: contr: est damnata.

Nec potest plura stipendia pro uno eodēq; sacro accipere ob Decr: Urb: VIII. editum: Duo autem aut plura stipendia accipere pro Missa cantata, non est duo, sed unum accipere iustum pro tali Missa ratione majoris laboris.

Q. *Quamdiu obligationes differri possunt?* R. Ordinarie peccant mortaliter colligentes Missarum copiam, quas nisi post longum tempus absolvere possunt. Longum illud tempus communiter cententur duo Menles.

§. 19tus.

De Votivis.

Q. *Quid est Missa Votiva?* R. Quæ ex voto;

Bb 2

leu



seu arbitrio Sacerdotis legitur præter directio-  
nem Rubricæ, & discrepanter ab Officio Di-  
vino.

*Q. Quotuplices sunt Votiva? R. Triplices:*  
*Primi Generis* sunt illæ: quæ dicuntur de ali-  
quo Sancto, vel Solemnitate, de qua juxta  
Rubricas per anni circulum celebratur dies  
Festus.

*Secundi Generis* sunt illæ, quæ habentur in  
Missali Rom: post Commune SSrum scilicet de  
SS. Trinitate, Angelis, &c.

*Tertii Generis* sunt illæ quæ habentur in fi-  
ne Missalis Rom:

*Q. Quibus diebus absolvi possunt Votiva? R.*  
*R. Illis diebus, in quibus nō occurrit aliquod*  
*Festum 2plex.*

Ad legendam Votivam diebus permisis à  
Rubrica, sufficit quicumq; finis honestus, uti  
devotio celebrantis, voluntas Fundatorum,  
quod præcipue intelligitur de Missis: de Requie  
de aliis legatur Rubrica Missalis ante Votivā  
SS. Trinitatis.

*Q. Quando non licet celebrare Missas Votivas?*  
*R. 1. In Festo 2plici, Diebus Dominicis &*  
*Feriis, quæ excludunt Festa 1. Classis, vg.*  
*Die Cinerum. 2. In Vigilia Epiph: Pentec:*  
*Corporis Xti, Nativitatis Domini. 3. Infra*  
*8vas Epiph: Pentec: Corporis Xti, Nativit*  
*Domini, Paschatis, & Hebdomada S.*

*Q. An Votiva Solemnis celebrari potest in dupli-*  
*cibus*

*cibus & Festis de Præcepto?* R. Potest ex rationabili causa, quia Rubricæ prohibentes his diebus Votivam non loquuntur de solemnibus, sed de privatis Votivis Missis.

Imo & in Festis 1. Classis potest cantari Votiva pro re aliqua gravi vg. pro causa publica, pro Principe terræ, pro Antistite, & pro publica victoria, & similibus, quæ bonū alicujus Communitatis concernunt.

Q. *In quo colore celebranda sunt Votive?* R. Si sint Votive 1m Generis? Color adhibendus est, sicut in Festo eorundem SSrum. De reliquis videtur Rubrica Missalis N. XVIII.

Q. *In Missis Votivis debetne dici: Gloria & Credo?* R. Si sint solemnes debet. S. R. C. 13. Aug. 1667. Nisi sint in colore violaceo, tunc enim utrumq; omitti debet. S. R. C. 19. Mar. 1607.

In omnibus Votivis privatis debet omitti Gloria & Credo nisi sint de Angelis, aut de S. Michæele, Gabriele; tunc enim dicendum est Gloria in excelsis sine Credo.

In Votivis de B. V. M. solum tunc dicitur Gloria, si fiant in die Sabbathi, aliàs non. Credo autem nunquam dicitur, etiamsi in Missa de Festo occurrente illo die deberet cantari Credo. S. R. C. 29. Jan. 1609.

Q. *Quot orationes dicenda sunt in Votivis?* R. Possunt protahi ad 7. non omnino tamen debent esse impares. S. R. C. 2. Dec. 1689.

Si



Si tamen Votivæ sint Solemnēs pro gravi causa Ecclesiæ celebratæ, unica oratio tunc dicenda est. exceptâ Votivâ de SS. Trinitate pro gratiarum actione, in qua duæ orationes sub unica conclusione cantari debent. *Mo- rati de Votiv. §. 8.*

In privatis Votivis 2da Oratio dici debet de illo, de quo fit Officium; 3tia verò illa dicenda est, quæ in Missa correspondente Officio 2da loco diceretur, puta simplicis, vel de Beata, aut pro Ecclesiâ, vel Papa.

In Votivis de Beata 2da Oratio de Officio 3tia de Spiritu S. quæ omittitur, si adest Cõ- memoratio simplicis vel de die infra 8vam.

Q. *Qualis Præfatio dicenda est in Votivis?* R. In illis Votivis, quæ propriam non habent? dicenda est communis vel de Tempore vg. Quadragesimæ vel Passionis, Paschalis, vel si celebrabitur infra aliquam 8vam habentē propriam Præfationem dicitur de illa S. R. C. 15. 7bris 1714.

Quæ verò habent propriam Præfationem ut Trinitatis? dicenda est hæc, & non 8va etiam si sit pro re gravi infra 8vam Nativit. Domini, aut Ascensionis, in quo casu dici debet Præfatio propria ipsius Votivæ; Communicales verò de Octava S. R. C. 16. Jun: 1683.

In fine Missæ Votivæ semper dici debet *Benedicamus Duo* (quod semper dicitur facie versus

versus ad Altare) nisi dictum sit: *Gloria in excelsis DEO*, tunc enim dici debet: *Ita Missa est.*

In omnibus Votivis tam solemnibus quàm privatis dici debet in fine Evangelium S. Joannis: *In principio.* Dum præter Missam conventualem cantatur Missa ex fundatione Votiva, in illa non debet fieri Commemoratio Festi. S. R. C. A. 1736. 23. Jan.

§. 20mus.

### De Gloria & Credo.

Q. Quando dici debet in Missa: *Gloria in excelsis*? R. Tunc dum in Matutino dicitur *Te DEUM laudamus*, exceptis Feria 2. & 3. Rogationum, & Feria 5. in Cena D. & Sabbatho S. in quibus canitur *Gloria* etiam prædictus Hymnus in Matutino non recitetur.

Item non dicitur in Missis quæ non concordant cum Officio diei, uti in Vigiliis, Votivis, de Requiem.

Q. Quando *Credo* dicitur? R. In omni Dominica qualecunq; sit Officium aut Festum in illa, aut Missa, dummodo non sit *de Requiem*.

Dicitur in Festis omnium Doctorum Ecclesiæ, in quorum Vesperis dicitur: *O Doctor optime, Merati p. 1 T. II. n. 7.*

In Missis *de Beatis*, item in Festis SS. Martyrum, Confessorum, Virginum, quæ celebrantur sub ritu duplici ordinarie non dicitur: *Credo.* S. R. C. 10. Jun: 1700.

Octavæ



*Octava tota habent Credo, si earum Festum illud habent.*

§. 21mus.

*De Missis de Requiem.*

*Q. Quando non licet privatas de Requiem celebrare? R. In illis diebus, in quibus non possunt celebrari Votiva.*

*Q. Quid est Altare privilegiatum? R. Est illud, in quo à Summo Pontifice concessa est indulgentia plenaria pro defunctis, quam potest concedere Pontifex animabus Purgatorii, non eas quidem directe, & immediate liberando per modum absolutionis, & iudicii, ut facit pro vivis, cum non sint illi subjectæ, sed per modum Suffragii, seu cujusdam auxilii, offerendo DEO de Thesauro Ecclesiæ satisfactiones per modum pretii condigni pro earum liberatione.*

*Q. Indulgentia Altari Privilegiato concessa v.g. ad Septennium quando incipit? R. Probabilius quod à die electo pro celebratione Missæ, & non à concessionis, quia Septennium debet esse utile. Gob. & CC. DD.*

*Durante expositione SS. Sacramenti non licet celebrari Missas tam privatas quam Solemnnes de Requiem, etiam si sit Festum semiduplex. S. R. C. 19. Sep: A. 1654.*

*Sacerdotes habentes Festum semiduplex, vel simplex si celebrent in aliqua Ecclesia in qua*

qua fiat de duplici non possunt dicere Missā de Requiem. S. R. C. 2. Jun: 1701.

Sacerdos tam Sæcularis quàm Regularis habens Officium dupl: quin & 1. vel 2. classis celebrans in aliena Ecclesia ex obligatione in sepultura solenni, vel exequiis solennibus debet se conformare illi Ecclesiæ celebrando Missam de Requiem. S. R. C. 29. Jun: 1752. apud Ferar. T. ult.

Missæ Solemnes & Cantatæ pro Defunctis, quā die à Testatore præscriptæ sunt, si illa sit vera Annua illius obitûs? celebrari possunt, etiamsi Officium sit de dupl: majori vel minori. Bened: XIV. de Sacrif. l. 3. c. 23. §. 5. dummodo Festum non sit de præcepto seu ad populum.

Dies 3. 7. & 30, quæ habent Missam cū Oratione propria in Missali, nulla habent privilegia supra reliquas privatas. *Idem ibid.*

Potest Missa Solemnis de Requiem cantari etiam in dupl: cū primò habetur certa notitia de alicujus obitu. S. R. C. 4. Maj. 1686. In quo casu Missa dicenda est ut in die obitûs. *Merati. Gav.*

Anniversaria vera, & aliæ Missæ cantatæ de Requiem relictæ ex dispositione Testatorū possunt celebrari etiam in dupl: majori ex Decr: S. R. C. 22. Nov: 1664. approbante Alex: VII. non tamèn privatæ.

Q. Si autem Anniversarium incidat in Dominicam?



cam? R. D bet tunc anticipari, aut transferri in diem proximè sequentem. Gav. Memorat. Tit. 5. In quo casu illa verba in Oratione: *cujus Anniversarium depositionis diem commemoramus*, non sunt omittenda. S. R. C. 4. Maji 1688.

Q. In Commemoratione OO. Fidelium cui Missam applicare debet Sacerdos? R. Cui placet si ve pro uno, si ve pro omnibus Defunctis. S. R. C. 4. Augusti 1663. Si moriatur hac die aliquis? Missa ut in die obitus pro illo dici potest.

Missæ in Altari privilegiato celebrandæ pro Defunctis semper debent esse de Requiem, nisi Festum dupl: vel Dies Dominica occurrerit; tunc enim acquiritur indulgentia, etiam si Missæ de Festo agantur. Si igitur Testator jusserit celebrari sibi Missas in certis hebdomadæ diebus ad Altare privilegiatum, & in dies istos incidat aliquod Festum dupl: Satisfit Testatori cum Missa de Festo. Idem dicendum de diebus in quibus duplex quidem non currit, sed Missæ pro Defunctis vacantur. Hæc omnia ex variis Decr: Pontifici collegit Bened: XIV. de Sacrif. l. 3. c. 23. §. 8.

§. 22dus.

De Reductione Missarum.

Q. Quæ sunt scienda circa hanc materiam? R. Certum est inter DD. quod quando fundus, si ve

sive Capitale, sive aliqd quodcunq; pro celebratione Missarum legatum datum sine culpa Sacerdotis, vel alicujus communitatis, seu Monasterii absolute deperit, obligati non tenentur ad Missas celebrandas, quia beneficiū datur propter Officiū; cessante autem &c. Additur: *sine culpa*, nam eā positā, remanet obligatio ad celebrandas tales Missas, quia gravis injustitia foret fundatori.

Si verò prædicti fructus nū temporis etiā sine culpa obligatorum valde sint diminuti, nec est spes restorationis in totum, nec modus, non propterea licitum est obligatis propriā auctoritate numerum Sacrorum diminuerē, sed recurrendum pro reductione ad Episcopum tanquam Sedis Apostolicæ Delegatū Bened: XIV. De Synod. Dic. §. 35.

§. 23<sup>tius</sup>.

### De Extrema Unctione.

Q. *Quid est Extrema Unctio?* R. Est Sacramentum in quo Presbyter ungit Oleo infirmorum consecrato certas corporis partes hominis infirmi, certa verba cum intentione proferendo.

Dicitur *Extrema*, quia datur post alias unctiones, quæ fiunt in Baptismo, Confirmatione, & Ordine, vel quis datur in extremis.

Q. *Quis hoc Sacramentum instituit?* R. Xtus Dominus, quod per S. Jacobum Apost: promulgatum est,

Q.



Q. *Qua est materia, & qua forma?* R. *Materia Remota* Oleum Olivarum ab Episcopo in die Cænæ Domini solemniter consecratum *Proxima* est ipsa Unctio Forma, verba hæc: *Per istam S. Unctionem.*

Q. *Quis est Minister hujus Sacramenti?* R. Solus Presbyter (qui saltem per contritionem debet esse in statu gratiæ) nec quidem ex dispositione Papæ (quod probat saltem praxis Ecclesiæ, quæ nunquam dispensat) ab alio ministrari potest. Potest hoc Sacramentum Parochus administrare etiam si esset excommunicatus, vel suspensus, si alius non esset Sacerdos. *Fil. Syl.*

Q. *An Religiosi possunt licite administrare hoc Sacramentum?* R. Nisi eum licentia Parochi, vel intra-Septa Claustralia manentibus, secus facientes incurrerent Excommu: Papæ relevationem.

Q. *Quibus dari debet hoc Sacramentum?* R. Adultis morti propinquis ex morbo, vulnere, partu, vel senectute, Reo, qui sumpto veneno expectat mortem. Dari potest rotæ affixo, si petat; non verò suspendendo, vel decapitando.

Q. *Qua dispositio requiritur ad hoc Sacramentum cum fructu recipiendum?* R. Ex parte Animæ, ut sit Baptizatus, non excommunicatus ut expresse vel tacite infirmus petat, & intendat

dat illud suscipere, & peccati obicem per  
pœnitentiam abstulerit.

Ex parte Corporis, ut sit in probabili mor-  
tis periculo constitutus; ordinarie in eadem  
infirmirate reiterari non debet. Si autem  
infirmiras longa sit, & mutet statum, pro-  
pter novum periculum potest reiterari.

Q. Quis effectus hujus Sacramenti? R. Prima-  
rius est augmentum gratiæ sublativæ venialiũ,  
atq; corroborativæ animæ contra tentationes  
Dæmonum, in ultima lucta, & sic est salus  
spiritualis. Secundarius est salus corporis, seu  
morbi alleviatio.

Q. In dubio an vivat egrotus quomodo administra-  
ri debeat? R. Sub conditione, Si vivis per istam  
S. Unctionem &c. Sa. Lay.

Q. An Confessio & Communio præmitti debeat?  
R. Per se loquendo Confessio non necessario  
præmittitur, cùm unguendus disponi possit per  
contritionem, Per accidens tamen prærequiri  
potest vg. Si post Viaticum peccasset morta-  
liter, & timeretur post unctionem non fu-  
turum tempus Confessioni.

Q. Hoc Sacramentum potestne omitti absq; pec-  
cato? R. Si omittatur ex negligentia veniale  
est; Si verò ex contemptu, mortale.

Q. An si ager sensu aliquo careat, debeat pars  
proxima inungi? R. Cum Com: DD. Affir.

Q. An secluso periculo anima proximi teneatur  
Parochus ministrare Extremam Unctionem cum pe-  
riculo



*riculo propria vita* vg. *tempore pestis?* R. Affirmat Syl: Nug. sed plures alii negant. *Maj. Sc.*

Et hanc sententiam utpote communiozem potest Parochus sequi excepto casu, quo infirmus absq; ullo alio Sacramento moreretur. Potest tunc virgæ argenteæ seu alterius usq; intevire ad unguendum infirmum è loco remotiori. *Lay. Sc.*

Q. *An si Parochus Oleum benedictum non habeat, possit non benedictum adhibere?* R. Cum Com: DD. neg: contrariam vocat *Sua:* temerariam, ideo id tute svaderi non potest; miscere tamen potest in defectu aliquantulum Olei nō benedicti vg. 3tiam partem cum duabus benedicti, similiter faciendum in defectu aquæ benedictæ, in quo debent præmoneri rudiores, qui simplicem pro benedicta substituant, præcipuè in benedictionibus Patchæ.

Q. *An Sacerdos infirmus possit sibi ipsi administrare Extremam Uncti?* R. Non, quia Minister hujus Sacramenti debet esse persona distincta, sicut ad Baptismum.

Q. *An Parochus, si Oleum S domum deferat, credens se noctu ad agrum vocandum, peccet mortaliter?* R. Negat *Dia. Sc.* Imo potest per diē & noctem retineri sine omni peccato, quod intelligendum est si alias foret periculum, ne forte serò veniret.

*Nota:* Sacerdos ægrotus inungi debet ut alii infirmi, excepto quod non palma ungi debeat,

debeat, cum jam sit in susceptione Sacerdotii unct<sup>a</sup>, sed pars superior manûs ungenta est.

Q. An peccat, qui omittit recitationem Litaniarum Psalmorum? R. Non, quia prædictæ præces sunt tantum Consilii.

Laudabile erit, si dum hoc Sacramentum administratur plures assistant Sacerdotes, vel saltem probi viri, ut Oratio totius Ecclesiæ ad effectum hujus Sacramenti cõadjuvet Bened: XIV. De Syno. Dia. l. 7. c. 19. §. 1.

Q. Quidam infirmum unxit per errorem nõ Oleo S. sed Chrismate, num cognito errore repetenda est unctio? R. Cum Lay. nihil esse repetendum sed rem DEO esse committendam tum quia sine scandalo reiterari non potest. Tum quia Lug. Lean. Ami. docet, quod sit probabile hoc Sacramentum valide conferri in materia S. Chrismatis.

Amicus addit in cursu Theo: T. 8. Disp: 19. Sec: 3. quod in casu in quo non possit haberi S. Oleum, posset uti Chrismate.

## C A P U T I I I u m .

### De Sacramento Matrimonii.

§. I u m .

De Sponsalibus.

Q. Quid sunt Sponsalia? R. Promissio vera velua-



voluntaria, deliberata, ac mutua, signo sensibili expressa, futuri matrimonii inter personas jure, & naturâ habiles.

Q. *Qua requiruntur ad valorem Sponsaliû?* R. 1. Ut sit promissio vera, & nō ficta. 2. Ut sit voluntaria. 3. Ut sit mutua, & acceptata. 4. Ut sit verbis, aut nutibus, seu signo aliquo externo expressa. 5. Requiritur tam in Masculo, quàm in Fœmina annus septim⁹ completus, nisi prudentia præveniat ætatem, quia tunc potest haberi rationalis consensus, ut patet ex Cap: *Juvenis*.

Q. *Quare Sponsalia præmittuntur Matrimonio?* R. Quia ardua res est Matrimonii, utpote in quo vir & mulier, ita colligantur, ut nulla de causa, nec per ullam dispensationem eorundem vinculum post consummationem solvi, & priore vivente uxore, alia nulla super induci possit. Recte ergo sponsalia illi ut dispositio præmittuntur, tum ut maturâ deliberatione contrahatur, tum ut impedimenta, si quæ subsint, in apertum proferantur.

Q. *An sponsalia omnino præcedere debent Matrimonium?* R. Licet ordinariæ præcedant, non sunt tamen de necessitate Matrimonii.

Q. *Sponsaliorum contractuum quis est effectus?* R. 1. Obligantur Sponsi sub mortali contrahere secum Matrimonium. Nolens potest cogi ab Ep̃o censuris, dummodo hac ratione spontaneus contractus speretur; sin ming?

satius

satius  
perm  
mon  
dan  
ne a  
I  
hone  
Hon  
II  
dum  
salia  
rata,  
quor  
lunt  
Q  
danq  
virg  
ince  
mort  
non  
aut  
dur  
vel  
inn  
lâ l  
quic  
prio  
mer  
E  
lum

fatiſſimum eſt minus malum violatæ promiſſionis perſmittere, ut majus malum contracti Matrimonii vitetur. Tenetur autem reſiliens ad damni reparationem, quod ex fidei violatione alteri eſt illatum.

II. Contrahitur impedimentum publicæ honeſtatis, de quo vid: inferius §. 6. Tit: *Honeſtas*.

III. Contrahitur inhabilitas ad contrahendum alia ſponſalia. Siquidem illa 2da ſponſalia, ideſt cum alia ſcœmina, & ſi eſſent jurata, imo etſi copula acceſſerit cum iſta 2da, quoniam contra fidem priorum ſponſaliorum ſunt inita, invalida ſunt. Com: DD.

Q. Anna ſponſa ſciens ſe deſloratam nihilominus tanquam virginem adhuc ſe præſentat, ubiq; locum virginum occupat, in ornatu capitis more virginum incedit, tandem tanquam virgo nubit, num peccat mortaliter? R. Dic. Per. &c. negant. Si vir non putetur defectum illum deprehenuſurus, aut deprehentum agrè ſenſurus. Cùm nimis durum, & intolerabile onus foret ſcœminis vel detegere virginitatis ſuæ jacturam; vel innuptas perpetuò manere, non videntur ullâ lege ad eam manifeſtationem obligari; ſiquidem nec vir ſolet, aut debet ſuos proprios defectus propalare, & par utriuſque merito cenſetur conditio.

Eò caſu non fingeret ſe virginem, ſed ſolum tegeret ſuum defectum. *Burg. Cent. 2.*



Q. *Sponsis an licet tactus impudici?* R. Non; cum proxime disponant ad copulam, & pol- lutionem; etsi liceant oscula & amplexus in signum amoris. *San. Ec.*

Q. *Ob quas causas dissolvi possunt sponsalia?* R. 1. Cum unus illorum ingreditur Religionem, alter manet liber, nec tenetur expectare pro- fessionem. An verò non admissus ad profes- sionem, & rediens ad sæculum liber sit obli- gatione Sponsalium? Alii negant, alii proba- bilius affirmant. *Villa*, Cognoscens autem sponsus sponsam sub spe Matrimonii nō po- test ingredi Religionem.

2. Sponsalia etsi jurata solvuntur per vo- tum simplex castitatis factum tam ante, quam post ipsa Sponsalia, quia in sponsalibus sub- intelligitur ista tacita conditio: nisi perfectior vitæ status eligatur. Idem dic de voto Or- dinis Com: DD.

3. Dissolvuntur per susceptionem Sacri Ordinis, quia per susceptionem Ordinis cen- setur eligi perfectior status.

4. Si in contractu Sponsaliorum tempus determinetur, eoq; completo unus illorum non velit contrahere, alter manet liber.

5. Sponsalia etsi jurata sint per discessū alterius sponsi in terras longinquas absque licentia alterius, dissolvi possunt.

6. Irritantur per subsequens Matrimonium validè, licet injustè celebratum cum alia per- sona.

7. Dissolvuntur etiam per interveniens impedimentum dirimens Matrimonium vg. *Affinitatem*. Item per alterius sponsi fornicationem, quamvis foemina sit vi oppressa.

8. Solvuntur si notabilis mutatio accedat, seu aliquid superveniat, quod si à principio extitisset, merito à sponsaliis abstinuisset vg. si unus illorum haberet lepram, vel morbum gallicum &c.

9. Possunt dissolvi mutuo consensu, & mutua remissione ipsorum sponsorum, etiamsi fuerunt jurata.

10. Si non adimplentur conditiones, sub quibus celebratae fuerant.

*Nota:* Si causa solvendi Matrimonii moraliter est certa, nulla iudicis Ecclesiæ auctoritate opus ad solvenda sponsalia, nisi ratione vitandi scandali.

§. 2dus.

De Bannis seu denuntiationibus.

Q. *Quid sunt Banna seu denuntiatio?* R. Est publica proclamatio in facie Ecclesiæ de Matrimonio, duorum inter se contrahendo facta ad eum finem, ut si aliquod impedimentum subit, à fidelibus detegatur.

Q. *In quo loco fieri debeant?* R. Ordinariè in Ecclesiâ; posse autem fieri etiam vg. in Cæmeterio affirmat *Pon. Lay.* cum etiam in tali casu concursus populi haberi possit. *Tan. d. 8. n. 126.*



Q. *Quandonam debent fieri?* R. Tribus diebus Festivis cōtinuis, per quos intelliguntur dies, quibus convenire solet in Ecclesiam multitudo populi. Continui autem dies sunt, inter quos non interponuntur multi dies festivi.

Q. *An possunt fieri tribus diebus festivis continuis id est immediate succedentibus?* R. Affirm: Kug. Tamb. Dica. Nisi speciale sit alicujus loci præceptum, & nisi suspicio sit de aliquo impedimento. Si necessitas foret aliqua, & adesset concursus populi, possunt etiam esse die feriali. Affirm: Lay.

Q. *An Parochus omittens proclamationem incurrit suspensionem?* R. Hanc pœnam nō ipso facto incurreret, nisi per sententiam Judicis; peccaret tamen mort: quia Matrimonium secundum quid esset Clandestinum, esset tamen validum. Engel.

Q. *Si contracturi sunt diversa Parochia, an in utraq; debent fieri Banna?* R. Affir: nisi consuetudo aliqua obtineat, ut in ejus solum Parochia fiant, ubi nuptiæ sunt celebrandæ.

Q. *Quis potest dispensare in Bannis, ne absolute fiant, vel una tantum?* R. Episcopus, vel ex ejus delegatione alius Superior. Sine gravi causa non debet dispensare, monet Bened: XIV. Const: Satis vobis Bull: T. I. n. 55. Peccant illi, qui sine ulla necessitate procurant dispensationem. Ibidem, idem.

Q. *An Parochus propriâ auctoritate dispensare posset*

posset in Bannis? R. Non. Nisi urgeat necessitas instantis mortis pro accipienda in conjugē concubina ad satisfaciendum famæ, aut filios legitimos relinquendum. Com. DD.

Q. An si post factas Bannas longo tempore v.g. intra 2. vel 3. Menses non contractum est Matrimonium iterum pramitti debeant Matrimonio? R. Affir: eò quod intra tale tempus facillè iterum novum impedimentum oriri queat.

§. 3<sup>tius</sup>.

De Matrimonio quo ad substantiam?

Q. Quid est Matrimonium? R. Est Sacramentum inter baptizatos, quo vir & mulier sibi mutuo legitime corpora sua tradunt ad perpetuam vitæ societatem, usum prolis suscipiendæ, & remedium concupiscentiæ.

Q. Quotuplex est? R. 3plex: *Legitimum*, quod est contractus legibus conformis non tamen Sacramentalis, uti est inter Judæos. *Ratum* est contractus fidelium Sacramentalis ab Ecclesia approbatus, non tamen adhuc copulâ carnali completus. Et *Consummatum*, quod est contractus Sacramentalis fidelium copulâ carnali completus.

Q. Quotuplex est adhuc? R. 2plx: *Solenne*; quod fit cum assistentia Parochi & duorum testium saltim. Et *Clandestinum*, quod fit sine dictis solennitatibus, & ibi solum valet, ubi Trident: non est promulgatum.

Q. Quotuplices sunt solennitates Matrimonii? R. 2plices:



**2plices: Substantiales**, sine quibus invalidum redditur Matrimonium. Talis è Jure *Trid.* est præsentia Parochi & duorū testium omnino. Aliæ *accidentales*, sine quibus validum, sed illicitum est Matrimonium, tales sunt *Banno*, *benedictio* &c.

Q. *Qua est materia, & qua forma?* R. *Remota* materia sunt corpora contrahentium ut actus tradita vel tradenda. *Proxima* verò est corporum mutua traditio. *Forma* sunt verba vel nutus contrahentium mutuum consensum exprimentes.

Q. *Quis est Minister?* R. Ipsi contrahentes faciunt unum Ministrum totalem. Parochus enim est tantum assistens. Qui cum dicit *Ego vos conjungo*: sensus est: juxta *Scot.* hic Ego vestram conjunctionem approbo.

Q. *Ad quid est institutum Matrimonium?* R. Propter educandam prolem & mutuum obsequium viri & mulieris, ac remedium concupiscentiæ.

Q. *Qui sunt effectus Matrimonii?* R. Præter gratiam habitualement & Sacramentalem sunt alia dona gratiæ ad perficiendum amorē conjugalem, & indissolubilem unitatem inter conjuges, ad frænandam indecentem concupiscentiam, & ad rectam prolis educationē.

Q. *Quo in loco celebrari debeat Matrimonium?* R. Ordinariè in loco sacro, ex causa tamen posset etiam in loco non sacro, v.g. si militioſe

tiolose impediendum esset Matrimonium. Vel  
cū sine periculo non est accessus ad Eccle-  
siam. In Ecclesia tamen debet fieri benedi-  
ctio. *March.*

*Sciendum I.* Debitum conjugale reddere qui-  
dem licet, sed petere non licet illi, qui Matrimonio  
contracto sciens, & voluntarie consanguineā  
vg. uxoris in imo vel 2do gradu cognovit,  
nisi dispensatione obtentā ad effectum peten-  
di debitum: *Idem dicendum* si vg. uxor pecca-  
ret cum consanguineo sui viri in dictis  
gradibus.

Nec illi, qui bonā fide contraxit Matrimo-  
nium, sed postea prudenter dubitat de va-  
lore ejus.

Nec illi, qui Matrimonium contraxit post  
emissum votum simplex perpetuæ castitatis,  
nisi dispensationem obtineat.

*Sciendum II.* Debitum conjugale nec pete-  
re, nec reddere licitum est, si uterq; con-  
jux sciat Matrimonium esse nullum. *Item.*  
Si uterq; conjugum communi consensu con-  
tinentiam voverit, & in eo etiam juri peten-  
di renuntiaverit.

§. 4tus.

De Cœlibatu.

Q. Verumne id est: quod Ecclesia Catholica rea-  
probet Matrimonium? R. 1. Falsum est, quini-  
mo adeo æstimat, ut Sacramentum esse pro-  
fiteamur.

R. 2.



**R. 2.** Ecclia Cath: reprobat Matrimonium *Sacrilegum invalidum*, Divinæq; legi è disame- tro oppositum, dum quis contra votum castita- tis, & juramentum DEO voluntarie factum, uxorem ducit; Dicit enim Scrip: Psalm: 75. *Vovete & reddite Dno DEO &c.*

**Q.** *Qua lex obligat, ut qui perpetuam DEO voverunt castitatem à Matrimonio abstineant?* **R.** Lex DEI, & naturæ rationalis, hæc enim præ- cipit sicut in omni alia materia, sic & in præ- senti: *Juramentis & promissis voluntariè DEO præ- stitis, omnino standum esse.*

**Q.** *Obijciunt Dissidentes: S. Paulus vocat doctri- nam demoniorum, qua prohibet nubere 1. Tim: 4. sed hoc facit Rom: Ecclesia obligans ad Celibatum?* **R.** Recte vocatur doctrina dæmoniorū, quæ absolute & non libere volentes obligat ad Celi- batum, & nubere prohibet, hoc autem Eccl: Rom: non facit; sed solum adstringit ad Cæ- libatum illos jure positivo Apostolico, qui libere voverunt DEO castitatem, seu qui suscipiunt benevole S. Ordines, quibus ex dispositione Ecclesiæ anexum est votum & obligatio per- petuæ castitatis. Celibatus enim secundum se est status perfectior Matrimonio. 1. Cor. 7. 39. Math: 19. &c.

**Q.** *Celibatus est res difficillima, plerisq; impos- sibilis, multa parit flagitia, & scandala?* **R.** 1. Status Clericalis & Cælebs nulli impossibilis est, quia tamen aliquibus difficilis accedit?

non

non facile à talibus suscipiatur sine prævía  
consultatione, & virium suarum disquisitione.  
Si autem susceptus jam est? etiam obser-  
vari potest à quolibet cum DEI gratia, ( sine  
qua nemo potest esse continens ) quam DEUS nulli  
denegat, dummodo adhibeantur media, quæ  
ex parte hominis requiruntur, uti sunt ora-  
tiones, sobrietas, fuga otii, & occasionum,  
custodia oculorum, mortificatio corporis, me-  
moriam Novissimorum, amor suæ bonæ famæ.

Hæc media adhiberi debent etiam à con-  
jugatis, quando alter conjunx est absens, vel  
ægotat, vel quando tentatur ad alienam con-  
cupiscendam. De Reliquo: tentari, sentire  
motus contra castitatem absq; consensu vo-  
luntatis, peccatum non est; cohibere autem  
consensum voluntatis in nostra libertate est.

R. 2. Flagitia non parit Cælibatus, sed  
abusus illius; sicut inter nuptos: adulteria nō  
parit Matrimonium, sed abusus Matrimonii.  
Et sane, vix minora & pauciora fors peccata  
contra castitatem reperientur in conjugatis,  
quam Cælibatum profitentibus; An ergo lex  
obligans uxoratum ( ut sit contentus una uxo-  
re, & alienam neq; concupiscat, neq; tangat )  
vituperari, & solvi debet, si uxorati multo-  
ties eam violent, & gravissimam difficultatē  
propter vitæ suæ licentiam experiantur in ea  
observanda? utiq; nemo id asfirmabit?

Cur ergo legem Cælibatus reprehendunt,



& solvi cupiunt Dissidentes, si forte à quibusdam perversis violetur, vel aliqui omnia sensualitati suæ indulgentes contra castitatem tententur?

Q. I. *Utiq; Scrip. dicit Gen: 1. Crescite & multiplicamini. II. Oportet Episcopum esse unius uxoris virum. 1. Tim: 3. III. Honorabile Connubium in omnibus, ergo etiam in Clericis?* R. Ad I. Id esse benedictionem, quia etiam ad pisces & aves dixit idem pariter DEUS. *Vel si fuit præceptum?* fuit tantum pro illo tempore, quo erat terra adhuc vacua; alias Elias Hieres: uterq; S. Jo: an: &c. violassent hoc præceptum, quod dicitur ei nequit.

R. Ad II. Hic textus non vult positive ut Episcopus habeat unam uxorem, sed ut non eligatur uxoratus, (ut initio Ecclesiæ fiebat propter penuriam aptorum hominum) nisi tantum talis, qui nec successive, nec simul habuerit plures uxores, quàm unam; à qua tamen quo ad thorum fieri debebat separatio susceptis SS. Ordinibus. *S. Christo. in 1. Tim. & in c. 1. ad Tit.*

R. Ad III. *Ly: in omnibus* non denotat personas omnes indiscriminatim, sed eas tantùm, in quibus nullum reperitur impedimentum. *Vel solum denotat Matrimonium omni ex parte esse honorabile, sive ratio Sacramenti, sive proles, sive alii fines illius spectentur.*

Alia

Alia praxis fuit in Ecclesia Græca, quæ adhuc toleratur, ubi quamvis Eppi ab omni Matrimonio abstinere debeant tam contracto, quàm contrahendo; Sacerdotes tamen, qui ante susceptos SS. Ordines illud contraxerunt, Matrimonio uti possunt; sed post semel susceptos SS. Ordines id contrahere amplius nec licuit, nec licet.

§. 5<sup>us</sup>.

De Parocho contrahentium Matrimonium.

Q. *Quinam censetur proprius Parochus contrahere volentium Matrimonium?* R. 1. Valide assistere potest tam Parochus sponsi, quàm sponsæ; Imo & si esset excommunicatus non tolerat<sup>9</sup>: interdictus, suspensus, & irregularis, quia huiusmodi assistentia non est actus jurisdictionis. Imo et si esset vi, aut dolo adactus.

R. 2. Nō solum Parochus Urbis, aut Pagi, in quo contrahentes habent domicilium, sed etiam proprius Parochus censetur: Papa in toto orbe: Episcopus in sua Diœcesi: Vicarius Generalis, Capitulum sede vacante. Dicti Prælati possunt loco sui delegare jus assistendi alicui Sacerdoti, quamvis Parochus loci esset invitus, & inscius

Q. *Quotuplex est proprius Parochus?* R. 2pl<sup>x</sup>. *Originis & Domicilii.* Si quis tamen in uno loco natus sit, in alio autem Domiciliū contraxit, non Parochus *Originis*, sed *Domicilii* assistere



assistere debet, quia Parochianum constituit non tam origo, quam Domicilium.

Q. Quantum temporis requiritur ut in aliqua aliena Parochia Parochianus quis efficiatur? R. Habitatio quaecunq; etiam brevissima, & si per horam solum incepit habitare, sufficit in eo, qui domicilii figendi animo ad locum vg. Parochiz N. advenit.

Q. Qui Parochus Matrimonii Vagorum assistere potest? R. 1. Vagus dicitur, qui nullibi domicilium habens versatur in loco N. sine animo manendi. Peregrinus autem, qui alibi domicilium habens in loco N. moratur animo non permanendi.

R. 2. Matrimonii vagorum (non autem Peregrinorum) quilibet Parochus valide & licite potest assistere, consulto tamen prius Officio.

Idem dicendum est de eo: qui etsi quidē testimonium liberi statūs habeat, sed incertū, & suspicione obnoxium, talis ad Officium remittatur, ibi iuramentum super liberum statū præstet, Parocho præstiti iuramenti testimonium afferat ex Officio, quod circa Librum Metrics Copulatorum conservabitur.

Q. An Parochus suis Parochianis etiam extra suam Parochiam valide assistere potest? R. Affir: quia sic non desinunt esse Parochiani.

Q. Quam poenam incurrit Parochus assistens Matrimonio alienorum Parochianorum? R. Ipso jure tamdiu

tamdiu suspensus manet, quamdiu Episcopo videbitur. *Trid.*

Q. *An Sacerdos habens delegationem à Parocho ad assistendum possit subdelegare alteri?* R. Non. CC. DD. Facultas autem, quam Parochus alteri dat Sacerdoti, omnino debet esse expressa, tacita non sufficit.

Q. *An valeret Matrimonium, si ei assisteret Parochus, cui Eppus interdixerat, ne assisteret?* R. Affir: quia per hanc inhibitionem Parochus non desinit esse Parochus; Tum quia generaliter Matrimonium contra interdictum Ecclesiæ celebratum valet. Nisi aliquod aliud impedimentum dirimens interveniat. Bened: XIV. *De Sgno c. 7.*

Q. *An filii vel filie peccant, si contrahant Matrimonium invitis vel in seitis Parentibus?* R. Nō; si contrahant cum dignis, & paræ conditionis absq; ullo contēptu Parentum, & incōmodo Familiæ, secus? peccarent mortaliter. *Sanch:* Ordinarie tamen consensus Parentum requiritur, & benedictio eorum petenda est.

*Nota 1.* Jungendi Matrimonio non sunt, qui ignorant necessaria ad salutem. Bened: XIV. *Ency. n. 42.*

*Nota 2.* Parochus tenetur à sponso & sponsa privatim & ad aurem explorare liberam voluntatem ante contractum. Bened: XIV. *Const: Nimiam Licentiam.*

Q. *Quo ritu Matrimonium? & ubi contrahi debet*



debet inter maritum latinum, & mulierem græcouni-  
tam? R. Latino ritu coram Parocho latino;

Inter maritum verò græcounitum, & mu-  
lierem latini ritûs potest contrahi vel coram  
Parocho græcounito præsentibus duobus vel  
3bus testibus; Vel coram Parocho latino uo-  
bicunq; Maritus græcounitus voluerit.

Ejus autem loci ac ritus Parochus assistere  
debet, ubi, & quo ritu Matrimonium con-  
trahitur. *Idem Const: Et si Pastoralis.*

Q. Licitumne sit Matrimonium inter Catholicû  
& Dissidentem? R. Non; nisi in gravi causa,  
quia hoc agendo fit communicatio in Divi-  
nis. *Idem de Syno.*

Potest tamen contrahi cum consensu Eppi  
1. Si absit periculum aversionis, & persona  
Catholica permittatur libere vivere in sua  
Religione. 2. Ut non impediatur ritu Ca-  
tholico prolem educare. 3. Ut non sit faci-  
le Catholicæ Personæ in sua Religione inve-  
nire conjugem sibi parem, vel è contra.  
4. Ut hæreticus non sit denunciatus, nec  
notorius percussor Clerici. 5. Ut eo loco  
passim sit consuetudo sic contrahendi absque  
scandalo.

Q. Quando benedictio dari debet sponsis? R.  
Vel in Missa de sponsis celebranda ante con-  
tractam Matrimonii. Vel immediate post  
ipsum contractam, uti habetur in Rituali.

Benedictio hæc dari debet omnino à Pa-  
rocho

rocho sponſi vel ſponſæ, vel etiam ab alio Sacerdote, ſed cum expreſſa licentia Parochi ſponſi vel ſponſæ: Nam ſine dicta facultate, ſi benediceret alius Sacerdos, ipſo factô incurreret ſuſpenſionem ab Officio, donec ab Epilcopo Parochi abſolutionem habuerit. *Triden: Seſſ. 24.*

*Notandum.* Eſſi fœmina aliqua ſciatur eſſe impregnata, tamen, ſi ſint primæ nuptiæ ex parte ejus, benedictio danda erit. Etiam dum poſt nuptias ad Eccleſiam venerit, introducenda eſt more ſolito, poſt partum veniens ad Eccleſiam introducenda ſeu benedicenda eſt, dummodo actu ſit in legitimo Matrimonio. *D. Abren. Moſmill.*

Nuptiæ inter Catholicum & Diſſidentem multò rectius non ſunt benedicendæ, neq; Miſſa in præſentia hæretici celebranda. *Bened: XIV. de Syno: Diæc: l. 6. c. 5. §. 5.*

*Q. Si per oblivionem aliquam benedictio tam in Miſſa, quàm tempore contractûs Matrimonialis omittetur? R. Non eſſet mortale; niſi ſequeretur contemptus, aut ſcandalum.*

*§. 6tus.*

*De impediementis Matrimonii.*

*Q. Quid eſt impedimentum Matrimonii? R. Eſt obſtaculum quoddam impediens ne licitû, aut validum fiat Matrimonium.*

*Q. Quotuplicia ſunt impedimenta? R. Duplicia: Impedientia & Dirimentia.*

*Q.*



Q. *Quæ est differentia inter illa impedimenta?*

R. Hæc, quod Matrimonium cū impedimen-  
to dirimente sit illicitum & invalidum. Con-  
tractum verò cum *impediente* licet sit validū,  
tamen est illicitum.

Q. *Quæ sunt impedimenta impediencia Matri-  
monium?* R. Præter peccatum mortale, &  
excommunicationem, in quibus illicitum est  
omnino contrahere Matrimonium, sunt se-  
quentia, quæ sola sunt ex ordinatione Ece-  
lesiæ hodie in usu.

1. Votum simplex castitatis perpetuæ.
2. Votum Religionis ingrediendæ.
3. Sponsalia. Et 4. Ecclesiæ vetitum.

Impedimentum verò Catechismus per Triden.  
Impedimentum Criminis uti: raptus spōsæ alie-  
næ; Presbytericidium &c. per contrariam con-  
suetudinem sublatum est.

Q. *Quid intelligitur per votum simplex castitatis?*

R. illud: quod, qui fecit votum castitatis  
privatæ, vel votum non cognoscendi fœminā,  
vel votum recipiendi S. Ordines, vel votum  
cælibatûs non potest licite contrahere Matri-  
monium sine dispensatione.

Votum verò non fornicandi, aut nō pec-  
candi contra castitatem non est impedimentū.

Q. *Petrus obstrictus votō simplici castitatis scien-  
ter contraxit Matrimonium, an validè?* R. Validè,  
sed illicitè, & toties peccabit, quoties debitū  
petet (donec ipū dispensatio procurabitur)  
reddere

reddere tamen potest, quin tenetur, si petatur à conjuge. Idem dicendum, si foemina simile votum fecisset.

Q. Quis potest dispensare, ut Petrus debitum petere valeat? R. Episcopus. Si autem ante initum Matrimonium retcivisset Confessar. us de voto hoc Petri, tunc foret procuranda ipsi Dispensatio à S. Pœnitentiaria in ordine ad licitè contrahendum Matrimonium.

Q. Vi hujus dispensationis, quam haberet Petrus ab Episcopo, possetne, mortuâ illâ uxore, aliam ducere? R. Non, quia hæc dispensatio conceditur solum ad hoc, ut possit debitum petere ab uxore, quam nunc habet, sed mortuâ illâ reviviscit votum, adeoq; ad licitè contrahendum aliud Matrimonium requiritur Dispensatio Papalis.

Q. An non etiam Episcopus valeat dispensare super voto castitatis perpetuæ & Religionis in ordine ad licitè contrahendum Matrimonium? R. Non quidem jure ordinario, sed per accidens potest, quando sequentia occurrunt. 1. Magnum incontinentiæ periculum. 2. Grave scandalum. 3. Difficilis recursus ad Papam, vel Nunciaturam ob distantiam loci, vel paupertatem voto adstricti. 4. Si vota non fuerunt absoluta, perfecta, sed solum conditionata.

Q. Paulus fecit votum Religionis ingrediendæ, & non assensu contraxit Matrimonium sine dispensa.



*tionē, an peccavit?* R. Peccavit mort: sed con-  
summato Matrimonio poterit licitē & reddē-  
re, & petere debitum absq; ulla dispensatio-  
ne. Quia tale votum non est formale votū  
castitatis, *Palaeus* cum CC. idem dicendum  
de eo, qui vovit cēlibatum, sive non ducē-  
re uxorem.

*Q. Quid intelligitur per impedimentum Ecclesia  
vetitum?* R. 1. Prohibitio, quæ sit ab Ep̄po,  
vel Parocho ob dubium impedimenti alicuj9,  
vel inhabilitatis inter copulandos.

R. 2. Quod vetitis ab Ecclesia diebus nō  
liceat solemniter celebrare nuprias scil: tem-  
pore Adventūs uq; ad Epiphaniā, & à fe-  
ria 4ta Cinerum ad Dominicā 1mam post  
Pascha inclusivē.

§. 7mus.

De impedimentis dirimentibus.

*Q. Quotuplicia sunt impedimenta dirimentia?*  
R. Duplicia: Alia quæ invalidant Matrimo-  
nium jure naturali seu Divino, & talia sunt:  
Error, impotentia perpetua, consanguinitas  
in 1. gradu, Vis, Ligamen.

Et alia, quæ invalidant solum jure Eccle-  
siastico, & hujusmodi sunt reliqua. In his  
Papa dispensare potest, quia in cuius pote-  
state est legem ponere, in ejus potestate est  
dispensare in illa, sed Papa est Conditor ju-  
ris Ecclesiastici. Ergo etiam & dispensator.

In illis tamen, quæ dirimunt jure Divino  
dispens-

dispensare non potest, quia dispensatio est  
juris relaxatio, Papa autem non habet pote-  
statem in jus naturale & Divinum, cum hæc  
sint ordinis superioris. Habet tamen pote-  
statem declarandi & interpretandi, quando  
præcepta naturæ obligant, quando non, in  
quibusdam gravissimis casibus.

Q. Si impedimentum aliquod dirimens supervē-  
nerit post valide contractum Matrimonium? R.  
Tunc illud jam nō dirimeret, sed solum tol-  
leret jus petendi, vel & petendi, & reddendi,  
prout casus tulerit; ut si vg. uterq; con-  
jux conscius esset impedimenti vg. affinitas  
his de novo per peccatum contractæ.

Q. Qua sunt illa impedimenta dirimentia? R.  
Sequentibus versibus expressa:

Error, Conditio, Votum, Cognatio Crimen.

Cultus, Disparitas, Vis, ordo, ligamen, honestas.

Ætas, affinis, si Clandestinus, & impos.

Raptaq; sit mulier, nec parti reddita iute.

Hæc socianda vetant connubia, facta retractans.

E R R O R.

Q. Quotupliciter potest error contingere in Matri-  
monio? R. Dupliciter: Unus circa substantiā  
personæ, ut si quis ducat Annam, putans  
esse Evam. 2. Circa qualitatem Personæ, ut  
si quis ducat Annam putans illam esse nobi-  
lem, divitem, virginem, quam postea talem  
non invenit.

Error circa substantiam Personæ semper

Dd2

inva-



invalidat Matrimonium, quia taliter errantis nullus est consensus, *nihil enim est volitum, nisi praecogitum.*

Error autem circa qualitatem Personae per se non dirimit Matrimonium, quia in tali casu contractus quo ad essentiam est voluntarius, nam intentio nubendi vg. cum Anna non respicit qualitatem illam in Anna (vg. nobilitatem) per se & tanquam objectum, sed tanquam aliquid accidentale objecto per se.

Si tamen contrahens cum Anna diceret sive expresse, sive intra se: duco te in uxorem, si virgo es, tunc utiq; dirimeret Matrimonium, etiam qualitatis error, nam si nō reperiret virginem, nullus esset illius consensus.

### CONDITIO.

Q. *Quid intelligitur nomine Conditionis?* R. Intelligitur status servilis alicujus ex contrahentibus & quidem non qualiscunq; servitus, sed illa quae mancipium reddit, ita subditum Domino, ut ab illo possit vendi pro suo libitu.

Q. *Quando error conditionis invalidat Matrimonium?* R. Tunc quando conditio errantis fit deterior, ut dum libera contrahit cum servo, quem credebat esse liberum. Siquidem Ecclesia hoc impedimentum apposuit, ut non fiat injuria liberis Personis, magna autem est  
set

set injuria illius liberæ, quæ mancipio traderet corpus suum, & sic ratione vinculi cum ipso fieret aliquo modo mancipium.

Quando autem Matrimonium contractum fuisset cum errore conditionis, ita ut persona cum qua contrahitur, esset æqualis aut melioris conditionis, quàm ille, qui sic erraret, non esset invalidum ut si v.g. servus contraheret cum serva, quam putabat esse liberam, aut cum libera, quam judicabat esse servam; Quia in utroq; casu conditio contrahentis nō est deterior, sed in 1. casu est æqualis, in 2. melior est, & sic nulla est injuria erranti.

V O T U M.

Q. *Quale votum dirimit Matrimonium?* R. Non simplex ut dictum est superius, (dempto unico, si uxor in sæculo continentiam vovens cum consensu Episcopi, marito licentiam daret, aut Ordines suscipiendi, aut S. Religionem profitendi, eò mortuò, si contraheret cum alio, Matrimonium esset nullū. Cap. Quia 10.) sed votum solemne tam Religiosæ Professionis, quàm Ordinis S., si antecedit contractum Matrimonii.

C O G N A T I O.

Q. *Quid est Cognatio?* R. Est quædam conjunctio inter certas Personas.

Q. *Quotuplex est?* R. 3plex: Legalis, Spiritualis, & Naturalis. una Legalis est propinqui-



pinquitas Personarum ex adoptione proveniens.

Q. Quid est adoptio? R. Est Personæ extraneæ in Filium aut filiam legitima assumptio; quæ fieri debet Authoritate Publicâ, seu Magistratûs.

Alia est *perfecta* adoptio: per quam Persona extranea transit in potestatem adoptantis, & fit hæres illius necessarius, ac si esset filius naturalis. Hæc adoptio fit authoritate supremi Principis Regionis.

Alia *imperfecta*, per quam adoptatus non transit in potestatem adoptantis, (quia est sub potestate Patris sui naturalis) & non est hæres necessarius in testamento, sed tantum ab intestato.

Q. Qualis ex his dirimit Matrimonium? R. De *perfecta* omnes DD. affirmant. De *imperfecta* alii negant, alii cum *Scoto* in 4. d. 40. q. xxi. affirmant.

Cognatio legalis dirimit Matrimonium in linea recta inter ipsum adoptantem & adoptatum, hujusq; solos filios carnales descendentes usq; ad 4. gradum.

2. In linea collaterali inter ipsum adoptatum, & solos filios carnales adoptantis & non ultra.

3. Inter adoptatum & uxorem adoptantis & è contra.

Q. Quid est cognatio spiritualis? R. Est propinquit.

pinquitas inter aliquas personas ex generatione spirituali procedens scilicet: Baptismi vel Confirmationis. Inter quas autem personas contrahitur dicta cognatio, videatur ubi de Baptismo.

Hæc cognatio est ex solo jure Ecclesiastico statuta. Trid; Ses: 24. c. 2. Cur autem Ecclesia hanc cognationem spirituales constituerit potius ex susceptione Baptismi & Confirmationis, non verò aliorum Sacramentorum? quia sicuti per generationem naturalem contrahitur naturalis cognatio, ita etiam per spirituales generationem, quæ fit per hæc Sacramenta, constituitur cognatio spiritualis, & sicuti cognatio naturalis dirimit Matrimonium, ita & spiritualis.

Q. Quid est cognatio naturalis? R. Est vinculum Personarum, quæ ab eodem proximo stipite per carnalem propagationem descendunt. Et hæc cognatio vocatur etiam consanguinitas, quæ distinguitur per lineas & gradus.

Q. Quid intelligitur per stipitem: lineam, gradum? R. Stipes est persona illa, à qua aliæ personæ de quarum cognatione tractatur descendunt vel ascendunt.

Per lineam intelligitur collectio personarum tam ascendentium quam descendendum ab uno eodemque stipite.

Per gradum intelligitur major vel minor distantia



distancia unius Personæ ab alia secundum lineam consanguinitatis.

Q. Quotuplex est linea? R. 2plex: 1. Recta est illa secundum quam multæ personæ descendunt ab uno stipite, ita ut una sit genita ab alia vg. Filius à Patre, Nepos à Filio. Et hæc alia est descendens, quæ est à Persona generante ad genitas. ut Pater, Filius, Nepos &c. Et alia ascendens, quæ est à Persona genita ad generantem ut Pater, Avus, Proavus, &c.

2. Collateralis linea est, secundum quam multæ Personæ ab uno stipite procedunt, ipsæ tamen Personæ à se invicem non descendunt, ut est Frater & Soror.

Hæc linea Collateralis dividitur in æqualem & inæqualem. In prima continentur gradus consanguineorum, æqualiter à stipite distantium uti sunt: duo Fratres aut Sorores, vel eorum filii aut filię &c.

Si autem unus ab altero distet uno vel altero gradu remotius à communi stipite? dicuntur esse in linea inæquali. Sic frater à sua sororis aut sui fratris filia distat inæqualiter, quia frater à communi stipite distat 1. gradu. Fratris autem aut sororis filia 2. gradu distat.

Q. Ad quem gradum extenditur hoc impedimentum dirimens Matrimonium? R. Ad 4. gradum inclusive. Consanguinei enim in 1mo & 2to gradu. Vel in 4to & 5to gradu licite possunt contrahere secum matrimonium.

Q. *Infideles conjuncti in gradu prohibito debetne separari post Baptismaum, si fiant Christiani?* R. Non, si gradus prohibitus est illius generis, in quo solet Ecclesia dispensare. CC. DD.

C R I M E N.

Q. *Quid intelligitur nomine Criminis?* R. Intelligitur, non quodcumq; crimen etiam atrocissimum, sed necesse est intervenire, vel *Adulterium*, vel *Conjugicidium*, vel utrumq; cum certis tamen adjunctis. Jure Ecclesiastico hoc impedimentum introductum est, ut vitentur caedes & Adulteria.

Q. *Quotuplex est crimen dirimens Matrimonium?* R. 4plex: *imium Conjugicidium* seu *Machinatio*: idest conventio uxoris cum tertio in mortem mariti, vel è contra; non aliter, quàm sub intentione contrahendi Matrimonium effectu secuto scilicet morte.

Q. *Quae requiruntur ad id conditiones, ut quis incurrat hoc impedimentum?* R. *ima* Ut uxor vel è contra occidat Maritum sive per se & immediate, sive per alium jubendo, consulendo. Non sufficit ratihabitio post factam eadem secuta absq; conspiratione facta. *Lay. Les. 2da.* Ut vir & femina, qui Matrimonium intendunt, contrahere ambo in mortem conspirent. *3ta* Ut ex fine contrahendi secum Matrimonium machinentur in mortem. *4ta* Ut ipsa mors sequatur realiter ex eorum actione, & non alia de causa. *5ta* Ut intentio nubendi à ne-



à nemine sit revocata; Ea; ut sit expressa determinata, cum hac persona, & non cum alia nubendi post mortem prioris conjugis. Ita Ut unus machinantium sit vero matrimonio ligatus, & non putativo tantum.

Q. *Quod est crimen secundum?* R. Adulterium cum conjugicio scilicet: quando adultera, vel e contra occidit virum suum, ut contrahat cum adultero, quamvis adulter non sit consors, seu conscius occisionis, non potest contrahere valide cum eodem adultero post mortem sui occisi mariti.

Q. *Quae conditiones ad incurrendum immediate dictum impedimentum requiruntur?* R. Ut adulterium sit formale, ut utriusque constet, quod unus illorum sit ligatus vero Matrimonio, & aliae dictae immediate conditiones requiruntur.

Q. *Quid est crimen tertium?* R. Adulterium solum sine conjugicidio sed commissum sub promissione, & fide data de Matrimonio contrahendo post alterius conjugis mortem.

Q. *Quae conditiones requiruntur?* R. 1. Ut uterque sciat suum peccatum esse adulterium seu superfitem esse conjugem alterius, nam si unus ignoret, poterunt contrahere Matrimonium post mortem conjugis innocentis. 2. Ut perfectum adulterium & promissio fiat vivente legitimo conjugis adulteri. 3. Ut promissio sit vera non ficta, nec ante adulterium revocata, ut sit aliquo signo externo

mani.

manifestata; non requiritur ut sit mutua re-  
promissio. *San. Sot. Pir. &c.*

Q. *Petrus conjugatus solitus rem habere cum Anna libera, quâdam die sic dicit Annæ: si more-  
retur uxor mea, ducerem te in uxorem, cui illa re-  
spondit: & ego ducerem te in Maritum, moritur uxor  
Petri, an posset ducere Annam?* R. Affir: Quia  
etsi habetur adulterium formale, non tamen  
promissio formalis Matrimonii, sed solum est  
velleitas Matrimonii. Non posset verò duce-  
re, si dixissent: *ducam te in uxorem, ducam te in  
Maritum.* Com; DD. apud *Rosign.*

Q. *Quod est ætium Crimen?* R. Adulterium  
cum contracto matrimonio invalido vivente  
conjugate legitimo; quando vg. quis ritè cele-  
brato Matrimonio vivente unâ, contrahit cū  
2da; etiam post mortem primæ, crimen hoc  
dirimit Matrimonium cum illa 2da. Stanti-  
bus tamen his conditionibus: quod hæc 2da  
sciebat esse conjugatum vel è contra, & ab  
eo est cognita, aliter enim inter eos non  
contraheretur impedimentum.

Dixi ritè? quia si cum prima matrimonium  
esset nullum, tunc cum 2da foret validum.

### CULTUS DISPARITAS.

Q. *Quando hoc impedimentum incurritur?* R.  
Quando fidelis scienter contrahit cum infide-  
li, tunc & peccat graviter, & Matrimonium  
est nullum. Infidelis autem hic intelligitur  
non baptizatus, ut est vg. Judæus, gentilis  
&c.



&c. & etiam Catechumenus, qui esto jam habeat fidem, quia tamen nondum ingressus est per januam Sacramentorum scil: Baptismū non potest accedere ad Sacramentum Matrimonii.

Q. *Quando ex conjugibus infidelibus unus convertitur ad fidem, & alter non, an conversus possit deserere conjugem infidelem, & nubere fideli?* R. Affirm: Etiam si infidelis cohabitare vellet cū converso ad fidem pacificè & absq; injuria Creatoris jx. Epist: 1. ad Cor: 7. Eo ipso enim quòd alter velit in infidelitate perseverare censent Theologi plures satis esse periculi in Neophito. Bened: XIV. *de Synod: Diac* l. 13. c. 21. Novæ Edit.

Si ergo conjunx infidelis convertitur, tenetur monere alterum conjugem num converti velit, dandiq; sunt illi ad deliberandū aliquot dies, si converti renuat? poterit tunc contrahere cum alio.

Q. *An Parochus posset assistere Matrimonio inter Hebræum & Hæreticum?* R. Non; quia esset invalidum ratione: Disparitatis cultus. Bened: XIV. Ep: ad Ducem Ebo: A. 1749. 9. Febr: VIS seu METUS.

Q. *Quid per vim intelligitur?* R. Gravis metus, injuste incussus, quando nimirum aliquis per vim ad contrahendum inducitur Matrimonium, quod nullo modo contraxisset, nisi ad illud per vim compulsus fuisset.

Taliter

Taliter enim contractum Matrimonium est nullum, non solum jure Ecclesiastico, sed etiam jure naturali & Divino propter defectum libertatis ad contractum Matrimonium requisitæ.

Dixi *Metus gravis*: quando timetur grave malum inferendum aut ipsi metuenti, aut personæ valde conjunctæ ut Patri, Fratri &c. Hujusmodi est metus mortis, mutilationis, carceris diuturni, gravis infamix, amissionis officii ad sustentationem necessarij, majoris partis bonorum exhæreditationis, qui metus, dicitur *cadens in virum constantem*, & talis metus reddit Matrimonium nullum in utroque foro.

Secus dicendum de *metu levi*, quando timetur leve malum vg. incussio colaphi, levis verberatio; Et de *metu reverentiali*, quo nimirum juvenis vel puella tantum ideo contemnit in Matrimonium, quia timet, ne contradicendo agat contra reverentiam debitam Patri. Verum de hoc metu fufius consulantur Authores, quia quandoq; metus respectu unius levis erit, gravis respectu alterius.

O R D O.

Q. *Quid intelligitur per impedimentum Ordinis?*

R. Tres SS. Ordines, qui non solum ratione voti solemnis castitatis, quod habent annexum sed etiam ratione Ordinis dirimunt Matrimonium, ita ut si Clericus his SS. Ordinibus,

aut



aut uno illorum initiatus contraheret Matrimonium? nullum esset. Trid: Sess: 24. c. 9.

Si autem post initum prius Matrimonium (& si sit tantum ratum) suscipiantur SS. Ordines non dirimunt illud. Si verò talis Professionem in Religione aliqua fecisset, tunc dirimeretur illud matrimonium ratum, quia pro hac habentur iura, non pro illis.

Q. *An valide suscipiatur S. Ordo à conjugato?*  
R. Affirm: sed illicitè, nihil enim deesset ad valorem cum uxoris consensus non sit de essentia Sacramenti Ordinis. *San. Lay.* Juxta quos uxor sic ordinatum ad consortium conjugale revocare potest, qui debitum conjugale reddere posset uxori petenti, sed ille petere non posset propter castitatem annexam Sacris Ordinibus.

### L I G A M E N.

Q. *Quid nomine Ligaminis intelligitur?* R. Vinculum viri cum uxore post contractum legitime Matrimonium sive consummatum, sive tantummodo ratum. Quamdiu enim hoc vinculum durat, Matrimonium cum quovis aliud contrahendum impedit ac dirimit, non tantum jure Ecclesiastico, sed etiam Divino.

Polygamia seu pluralitas uxorum olim à DEO permessa viris nunc à Christo sublata ut pateat ex verbis Christi *Math. 19.* ut nec Papa dispensare possit. CC. TT.

Q. *Si impedimentum ligaminis vel aliud quod-*

*cunq;*

cunq; impedimentum Confessarius agnovit in Confessione & nullo modo dissuadere potest num debet copulare si venerint in Ecclesiam? R. Affirm: nam sicut debet communicare publice petentem Communionem, etiam si sciat ex Confessione esse indignum, ita etiam & in hoc casu, idque propter sigillum Confessionis.

# H O N E S T A S.

Q. Quid est publica honestas? R. Est quasi quædam affinitas jure Ecclesiastico introducta ob publicam justitiam honestatis; oritur hoc impedimentum duplici modo.

1mo Ex sponsalibus Id est, qui sibi desponsavit Annam, non potest validè sine dispensatione Pontificia contrahere Matrimonium cū ejus consanguinea intra 1. gradum v.g. cum Matre aut sorore germana Annæ, in 2do gradu autem contrahere potest.

2do Oritur hoc impedimentum ex Matrimonio solum rato v.g. Petrus contrahit Matrimonium cum Rosa, eâ mortuâ ante Matrimonii consummationem, non potest consanguineam Rosæ inconjugem accipere usq; ad 4tum gradum inclusive. Vel è contra: Mortuo marito ante consummationem matrimonii uxor superstes non potest nubere ulli ex consanguineis defuncti mariti ad 4tum gradum.

Q. Ex quibus sponsalibus oritur hoc impedimentū? R. Ex solis sponsalibus validis & absolutis, non verò ex conditionatis vel quacunq; ratione



tionem non validis: Neque ex sponsalibus contractis à Parentibus nomine filiorum vel filiarum sine eorum consensu.

Q. Ex sponsalibus ab initio validis, & postea vel mutuo consensu, vel morte alterius sponsi dissolutis, num permanet hocce impedimentum? R. Affirm: Ita ex S. Cong: firmat Fag: in Cap: ad audiendam de Spon. Octa: à S. Josep.

Q. Ex sponsalibus fictis, & matrimonio invalido oriuntur impedimentum publicæ honestatis? R. Ad primam partem negativè. Ad 2dam Affirm: Nam sic jure novo Trid: sancitum est. Fag: Octav. &c. nisi sit invalidum ob defectum consentis.

Q. Quid si aliquis cum duabus sororibus germanis successivè contrahat sponsalia, quam nam in uxorem ducere debeat? R. Eam, cum qua primò sponsalia contraxit; secunda verò sponsalia invalida sunt propter hocce impedimentum.

Aliud autem dicendum, si quis cum duabus sororibus successivè contraheret sponsalia, & secundam insuper carnaliter cognosceret, tunc enim neutram habere posset. Non primam, quia ex copula habita cum illa 2da, nata fuisset vera affinitas. Neque secundam propter impedimentum publicæ honestatis ex primis sponsalibus ortum. C. ex Litteris 8. de eo, qui cognovit. Engel.

Æ T A S.

Q. Quæ aetas requiritur ad validè contrahendum Matrimonio.

*Matrimonium?* R. In Mare 14. in *Fœmina* 12. Annus physicè completus, ita ut contractus reddatur irritus, si vel unus dies desit. Imo etiam dies ultimus debet esse completus Mathematicè, ut probabilius tenent DD. apud Kagl. nisi malitia superet ætatem, sed & tunc adhuc requiritur licentia Episcopi.

A F F I N I T A S.

*Q. Quid est affinitas?* R. Est propinquitas Personarum ex copula carnali proveniens.

*Q. Unde oritur hæc affinitas?* R. Non solùm ex copula conjugali, sed etiam fornicaria extra Matrimonium habita, vel adultera.

Oritur atem hæc affinitas, siue hæc carnalis copula exerceatur cum volente, siue invita, metuè, aut vi coacta, siue cum dormiente, aut ebria, vel insana, siue deniq; illa copula sit occulta, siue publica.

*Q. Inter quos affinitatis impedimentum contrahitur?* R. Inter consanguineos viri cogniscentis fœminam, & ipsam fœminam cognitam: Et è contra inter consanguineos fœminæ cognitæ, & inter ipsum virum cognoscentem, ut si vg. Petrus habeat copulam cum Anna, sit ipse tantum solus & unicuique affinis cum consanguineis Annæ, & quidem in eo gradu, in quo sunt ipsi consanguinei Annæ cum ipsa Anna.

*Q. Ad quem gradum affinitas contracta dirimit Matrimonium?* R. Affinitas orta ex copula li-



cita seu matrimoniali dirimit usq; ad 4<sup>um</sup> gradum inclusive; ita, ut si Petro uxor moreretur, Petrus nullam ex consanguineis primæ uxoris suæ usq; ad 4<sup>um</sup> gradum ducere possit, & e contra.

Affinitas verò orta ex copula illicita seu fornicaria vel adultera ad 2<sup>dum</sup> solum gradum dirimit inclusive. Hinc Paulus fornicans cum Eva, potest contrahere cum consanguineis ~~hæc~~ in 3. vel 4. gradu & e contra.

Idem vg. Paulus maritus, si cōmittat adulterium cum consanguineis suæ conjugis in 2. gradu, (vel vicissim) ideoq; factus affinis conjugis suæ intra gradum 2, non dirimitur jam tunc contractum legitime Matrimonium, sed solum Paulus amittit jus petendi debitum, quamvis innocenti parti petenti reddere possit, quin & teneatur.

Affinitas hæc durat etiam post mortem ejus, qui affinitatis contractæ causa fuit, sicut & consanguinitas. Requiritur autem, ut sit copula perfecta, consummata.

Q. An incurrit hanc pœnam ille, qui ignorat ille, cum qua coibat esse consanguineam, aut putavit esse in remotiori gradu conjunctam? R. Non, nam textus dicit: si scienter.

Q. Quod si sciverit se peccare in 2. gradu, sed non scivit hanc pœnam esse annexam an tunc incurreret dictam pœnam? R. Probabilius Affirm.

Hent. Pont. &c. Sicut enim mulier occidens virum,

virum, ut cum adultero contrahat, incurrit  
pœnam criminis, quamvis non sciverit esse  
annexam (uti cum *Com. Hurt. Con. Les. Gob.*  
*Ec.*) ex eo quia impedimentum criminis nō  
est mera pœna, sed simul inhabilitatio, ita  
& hic incurritur inhabilitas ad petendum de-  
bitum ob cōtractum impedimentum novæ af-  
finitatis.

Dicta pœna non incurritur ab eo, qui  
peccavit cum consanguinea suæ conjugis in  
3. vel 4. gradu *Kulg.* Neq; qui cum sua  
propria consanguinea peccavit, quia pœna  
non est asserenda absq; jure.

Neq; uxor, si fuerit invitè cognita à cō-  
sanguineo mariti sui, quia suo jure sine  
culpa non debet privari.

*Nota:* Ad dignoscendam affinitatem dire-  
ctam & propriè dictam ab indirecta & im-  
propria, advertendum est diligenter, quod  
ille, qui cognoscit carnaliter aliquam,, solus  
& unicuique contrahit affinitatem cum consan-  
guineis cognitæ.

Et viceversa, quod illa solà tantum, quæ  
cognoscitur à viro aliquo cum ejusdem viri  
consanguineis affinis efficiatur. Unde licet  
consanguinei utriusq; partis carnaliter copu-  
lata Communiter vocare se soleant affines,  
revera tamen non sunt, modus enim hic lo-  
quendi est popularis tantum & improprius.  
Rem declare exemplis.



1. Possunt duo vel tres & plures Fratres germani ducere duas, vel tres vel plures sorores germanas sibi.

2. Potest Pater ducere viduam, & duo filii & plures ejusdem Patris duas filias & plures ejusdem viduæ.

3. Petrus potest successive ducere duas Viduas, quarum Mariti germani fratres erant.

4. Potest Paulus viduus accipere viduam relictam post mortem Fratris germani suæ primæ uxoris, quia Paulus nullam contraxit affinitatem cum affinibus primæ suæ uxoris.

5. Vitricus potest accipere uxorem de mortui sui Privigni.

6. Potest filius viduæ unius ducere alteram viduam, cujus item filius duceret Matrem Vitrici sui, seu Mariti suæ Matris. Quo facto, nato alicui ex dictis filio, dicere posset alterutra vel utraq;: hic est filius filii mei, & simul frater Mariti mei.

### CLANDESTINITAS.

Q. *Quid nomine Clandestinitatis intelligitur?* R. Matrimonium absente Parocho, vel alio Sacerdote de Parochi licentia, & sine duobus saltem testibus contractum.

Ad valorem Matrimonii sufficit assistentia proprii Parochi etiam si sit per errorem illegitimè constitutus, dummodo habeatur pro Parocho.

Item sufficit etiam si Parochus non sit actu Sacer-

Sacerdos. In eo autem, cui daret facultatem  
 assistendi requiritur omnino Sacerdotium.  
*Ratio 1. partis*, quia *Triden:* tantum requirit  
 Parochum sine addito, quod sit Sacerdos. *Ra-*  
*no 2. partis* est ipsa declaratio *Triden:* ubi in  
 delegato omnino vult Sacerdotium ut notat  
 Bess. Benedicere tamen Matrimonium non  
 posset Parochus, qui adhuc est Clericus; alias  
 fieret irregularis, quia exerceret actum Or-  
 dinis, quem nondum habet.

*Sciendum:* Valida esse Matrimonia Catholi-  
 corum sine præsentia Parochi, duobus saltem  
 testibus adhibitis in locis hæreticorum, ubi  
 ob metum, vel potentiam hæreticorum, nul-  
 lus adest Episcopus vel Parochus, aut alius  
 Sacerdos ab illis licentiam assistendi habens.  
*Kloz: l. 4. t. 3. Lay. Gob.* Quia *Trid:* talem  
 casum non supponitur comprehendere. Ita  
*Bened: XIV. de Synod: l. 12.* Contractum  
 verò Matrimonium coram Parocho, & uno  
 teste nunquam valet, etiam si sit bona fide  
 contractum. *Idem.* Præter infantes, amentes,  
 & ebrios, quos jus naturæ arcet, omnes abi  
 possunt esse testes Matrimonii: Viri, femine,  
 Pater, Mater, Neo sponsum, Christiani, in-  
 fideles, infames, excommunicati. *Acde: ex*  
*Trid:* Tutius tamen erit idoneos testes adhi-  
 bere ad tollendas dissensiones varias.

I M P O S.

Q. Quid est impotentia de qua hic sermo? R.  
 Est



Est vitium naturale vel accidentale impediens coitum, siue est defectus corporis, qui impedit copulam conjugalem.

Sterilitas seu impotentia solum ad generationem, valori Matrimonij non obstat.

Q. *Quomodo dividitur impotentia?* R. Una est *naturalis*, & ab intrinseco, quæ procedit ex debilitate vel frigidityte personæ. Alia est *Præternaturalis*, & ab extrinseco, vel per maleficium, quæ arte dæmonis vel veneficii superuenit, utraq; est vel perpetua vel temporalis.

*Perpetua* est, quæ viribus naturæ sine miraculo, vel sine offensa DEI tolli nequit.

*Temporalis* est illa, quæ sine peccato & sine notabili periculo vitæ vel salutis per remedia naturalia & humana removeri potest.

Alia est *respectiva*, quando subiectum est inhabile ad cognoscendam certam in individuo mulierem, non verò alias. Alia *absoluta*, quando subiectum respectu omnium est inhabile. Alia est *antecedens*, alia *subsequens* Matrimonium.

Q. *Quæ ex illis impotentia dirimit Matrimonium?* R. Sola perpetua & antecedens Matrimonium. Temporalis verò & subsequens non dirimit contractum.

Impotentia *respectiva*, *perpetua*, & *antecedens* Matrimonium solum dirimit respectu illius personæ, ad quam se extendit illa impotentia,

tia, non verò respectu aliarum, ad quas se non extendit. Impotentia verò *absoluta*, cum sit perpetua & antecedens matrimonium dirimit cum omnibus personis, siue sit impedimentum naturale, siue proveniens ex maleficio.

Q. *Impotentia proveniens ex maleficio, quo medio tolli potest?* R. Exorcismis, aliisq; piis operib9, uti; devota oratione, Confessione, S. Communionem, ut DEUS per talia media destruat omnem diabolicam facturam, quæ fini Sacramenti Matrimonii obstat.

R A P T U S.

Q. *Quid est Raptus?* R. Est abductio violenta mulieris invitæ de domo Parentis, aut Tutoris causâ Matrimonii ineundi, vel libidinis.

Raptus inter raptorem & raptam sub potestate raptoris existentem dirimit Matrimonium, etiam si illa consentiat sub ea potestate existens.

Dicitur: *mulieris invitæ*: quia si illa rapi velit, aut precibus, donis, blanditiis convicta in raptum consensit, tunc non erit propriè raptus, sed fuga voluntaria, consequenter non incurretur impedimentum. Ita Com: DD. *extra Regnum Gallia.*

Dicitur: *de domo Parentis*: nam si solum de hypocausto ad hypocaustum, talis raptus non dirimit Matrimonium.

Dici-



**Dicitur:** *sub potestate raptoris:* nam si rapta à raptore separata, & in loco tuto & libero constituta illum in Maritum habere consenserit, validus erit contractus. *Trid: sess. 24. c. 6.*

### De DIVORTIO.

**Q.** *Quid est divortium?* **R.** Est viri ab uxore, aut uxoris à viro legitima separatio.

**Q.** *Quot modis potest fieri divortium?* **R.** 3b9  
1. Quo ad vinculum Matrimonii. 2. Quo ad solum thorum. 3. Quo ad thorum & habitationem. *Bon. Nav.*

Matrimonium Catholicorum validè contractum & consummatum, est ita indissolubile quò ad vinculum, ut ex natura sua inter contrahentes nexum requirat perpetuum non solum jure Ecclesiastico, sed etiam Divino.

Matrimonium autem solum *Ratum*, & nò dum consummatum solvi potest etiam quò ad vinculum per Professionem Religiosam. Permittitur enim ab Ecclesia cuilibet conjugum post contractum Matrimonium duorum mensium tempus ad deliberandum, utrum velit consummare matrimonium, vel potius Religionem ingredi. *Trid: Sess: 24.*

Possent autem ingredi tunc Religionem conjunx invito altero conjugè, qui sic relictus in sæculo posset cum alio contrahere Matrimonium secutà alterius Professione.

Q. An potest fieri divorcium perpetuum quo ad  
thorum & habitationem propter commissum Adulteriū  
etiam propriā auctoritate innocentis, non expectata  
Judicis sententia? R. Non potest, sed opus est  
auctoritate Judicis spiritualis. Com. DD.

Q. Præter adulterium suntne etiam aliæ causæ  
divortii quo ad thorum & habitationem? R. Sunt,  
non quidem in perpetuum, sed quamdiu ipsæ  
causæ durant, & tales sunt:

1<sup>ma</sup> Causa: Fornicatio spiritualis, seu la-  
psus in Hæresim.

2<sup>da</sup> Causa: Sævitia, si nimirum tanta est,  
ut grave malum inde inferatur, vel inferri  
timeatur, & facile vitari nequit, nisi facto  
divortio, ut est vg. verberatio crudelis, aut  
mors per venenum inferenda.

3<sup>ta</sup>, Grave periculum corporis ex morbo  
contagioso alterius conjugis, ut est pestis, le-  
pra, morbus Gallicus &c.

§. 8<sup>vus</sup>.

De Dispensatione in Impedimentis.

Q. Quomodo procuranda est dispensatio super im-  
pedimentis Matrimonii à Sede Apostolica? R. Du-  
plex datur Romæ Tribunal, ad quod pro im-  
petrandis dispensationibus recurri potest.

1<sup>mo</sup> pro foro interno, & vocatur: Sacra Pæ-  
nitentiaria, solet autem hæc dispensare ex iu-  
sta causa super impedimento occulto, quod  
est juris Ecclesiastici: etiam pro contrahendis  
Matrimoniis exceptâ solâ consanguinitate, nā

quo



quo ad hanc dispensat solum in contractis, & quidem extra 1. & 2. gradum. Unde dispensat etiam in 1. gradu affinitatis etiam ex copula licita, etiam pro contrahendis, neq; hic opus est ullis sumptibus. *Spengler &c.*

Alterum Tribunal vocatur *Dataria*, & est pro foro externo, adeoq; si impedimentum sit notum & publicum necesse est ab ea dispensationem postulare, sed non absq; expensis.

*Q. Parochus deprehendit inter Neosponfos in Confessione impedimentum dirimens, cujus detectio gravi infamiam produceret, quid ei faciendum est? R. 1. Parocho laborandum est, ut Neosponsi dependant voluntatem contrahendi; si utriq; notum est hocce impedimentum? Si autem ob scandalum & infamiam id facere nequeunt? possent contrahere sub conditione: si Papa dispensaverit, & interea temporis more fratris, & sororis cohabitent, statimq; curabit Parochus dispensationem ab Epopo, qui dispensare potest super impedimentis occultis, etiam nondum inito Matrimonio.*

*R. 2. Si unus tantum Conjugum sciat hocce Impedimentum vg. Affinitatis contractæ ex copula illicita? Parochus dicere potest: contrahe Matrimonium, sed sine animo consummandi, vel debilitatem simules ad tempus, ego interim procurabo dispensationem. Ben-  
sus &c.*

In hoc casu conjux sciens impedimentum, posset reddere debitum conjugale non verò petere.

Q. *Factis 3. proclamationibus Matrimonii ineundi Annam inter ac Paulum, Agnes Anna soror germana exponit in Confessione se olim cum Paulo peccasse, num Confessarius suadere debet, ut manifestet hocce impedimentum?* R. Nullo modo ob gravē infamiam, sed suadere debet Confessarius, quatenus Agnes secluso periculo relapsus, & cujusvis alterius mali moneret secreto Paulum de impedimento, ut dispensationem procuraret, vel à Matrimonio desisteret.

Q. *An Episcopus dispensare potest super impedimento dirimente in Matrimonio jam contracto?* R. Ex benigna interpretatione legis & mentis Pontificiæ potest pro foro interno tantum; si adsit gravis necessitas, si ea sic urgeat. 2do Si non sit tempus adeundi Pontificem, vel ejus Nuntium. 3tio Si impedimentum sit occultum. 4to Si adsit bona fides, quando contractum est Matrimonium, si adfuit inculcata ignorantia impedimenti.

Q. *Utrum Matrimonium cum impedimento dirimente occulto contractum utriq; conjugi noto celebratum, debeat rursus coram Parocho & testibus celebrari post obtentam dispensationem, ut revalidetur?* R. 1. Affirm. Si Matrimonium fuerat invalidum ex defectu ipsius solemnitatis, quia scilicet clande-



clandestine sine Parocho, & testibus contractū in loco, ubi Tridenti receptum.

Idem dicendum, quando impedimentum fuit publicum, & ad Forum contentiosum deductum.

R. 2. Si autem Matrimonium contractum fuit cum debita solennitate, sed invalide ob defectum consensūs, vel ob aliud impedimentum dirimens quodcunq;, impetratā dispensatione non est necesse Parochum & testes iterum adhibere, sed sufficit, ut ipsi conjuges secreto inter se consensum renouent.

§. gnus.

Varia formula pro dispensationibus.

Obtenta pro foro interno Dispensatione siue Apostolica, siue Episcopali poenitens prius Confessionem absolvet, tandem Confessarius post datam ordinariam à centuriis & peccatis absolutionem immediatè subnectet formulam ex infra hic positis pro exigentia casus.

*Formula Commutationis. Voti Religionis intranda in alia pia opera.* Item Autoritate Apostolica mihi specialiter delegata tibi Votum Religionis, quod emisisti in opera pietatis, quæ tibi præscripsi dispensando ad effectum licitè contrahendi Matrimonium, seu ad effectum remanendi in seculo in vita calibe, commutatur In Nomine Patris, & Filii, &c.

NB. Pro commutatione votorum Castitatis, aut peregrinationis eadem formula inservit, mutatis mutandis.

For-

*Formula dispensationis super impedimento occulto  
affinitatis, proveniente ex copula illicita ad  
contrahendum Matrimonium.*

Insuper Authoritate Apostolica mihi specia-  
liter delegata dispenso tecum super impedi-  
mento primi seu secundi. *Vel* 1mi & 2di  
gradus Affinitatis ex copula illicita à te habi-  
ta cum Matre, aut Sorore, aut Consobrina,  
aut &c. Mulieris cum qua contrahere inten-  
dis, proveniente, ita ut præfato impedi-  
mento non obstante Matrimonium cū dicta mu-  
liere publicā servatā formā. *Trid: Concilii cō-*  
*trahere, consummare, ac in eo remanere li-*  
*cite possis, & valeas. In &c.*

Insuper eadem Authoritate Apostolicā pro-  
lem, quam ex Matrimonio susceperis legiti-  
mam fore decerno & declaro: In Nomine  
Patris, &c.

*Formula dispensationis super impedimento occulto  
Affinitatis ex copula illicita proveniente ad remanē-  
dum in Matrimonio contracto.*

Insuper Authoritate Apostolica mihi spe-  
cialiter delegata dispenso tecum super impe-  
dimento 1mi vel 2di gradus affinitatis ex co-  
pula illicita, quam cum Sorore vel Matre  
vel &c. tuæ putatæ conjugis antea habuisti,  
ita ut illo non obstante renovato consensu  
cum præfata conjuge Matrimonium cum illa  
contrahere, consummare, & in eo remanere  
valeas & possis. In Nomine Patris &c.

Item



Item eâdem Apostolica Authoritate prole,  
si quam suscepisti, & susceperis legitimam  
fore decerno & declaro. In Nomine Pa-  
tris, & Filii, &c.

*Formula pro iis, qui Matrimonium contrahere de-  
siderant cum impedimento occulto criminis.*

Insuper Authoritate Apostolica mihi specia-  
liter delegata dispenso tecum super impedi-  
mento criminis ex Adulterio & fide data,  
proveniente (vel si aliud sit crimen, illud expri-  
matur) ut illo non obstante cum muliere Ma-  
trimonium publicâ servatâ formâ Concilii  
Trident: contrahere & consummare, debitum  
conjugale exigere licitè possis & valeas.

Pariter eadem Authoritate Apostolica pro-  
lem susceptâ (nō tamen in Adulterio) & sus-  
cipiendam legitimam esse, & fore declaro.  
In Nomine Patris, &c.

*Formula concedendi jus exigendi debitum conju-  
gale postquam hoc amissum fuerit ob peccatum Ince-  
stus cum consagrinâ conjugis vel e contra.*

Insuper Authoritate Apostolica mihi com-  
missa dispenso tecum, ut non obstante Affi-  
nitate, quam contraxisti cum tua uxore ex  
illicita copula per te habita cum ejus Sorore  
(vel &c.) cum eadem remanere in Matrimo-  
nio possis debitumq; conjugale ab e-  
adem exigere & reddere licitè valeas. In  
Nomine Patris, & Filii, &c.

*Notas.* Post dispensationem peractam debet  
alter

alter conjux ignarus hujusce impedimenti in-  
formari cautissime de nullitate Matrimonii,  
quatenus novum consensum faceret; Si autē  
id nullo excogitabili modo fieri potest? suffi-  
ciet cōpula maritali affectu habita. Quia,  
ut inquit *Sancti*: licet ignorans impedimentū  
non intendat formaliter novum inire Matri-  
monium, intendit tamen virtualiter.

**E X A M E N** adum

**Pro Approbatione ad excipiendas Confessiones.**

§. I. mūs.

**De Approbatione & Jurisdictione Confessarii.**

*Q. Quid est Approbatio?* *R.* Est Authentica  
declaratio, seu testificatio de idoneitate Sa-  
cerdotis in ordine ad excipiendas Confessio-  
nes. Juxta *Trid.* est de valore Sacramenti  
Pœnitentiæ. Non requiritur, ut sit omnino  
in Scripto, nam potest dari etiam verbaliter.

*Q. Utq; absq; approbatione Sacerdos rite ordi-  
natus habet potestatem absolvendi fideles à peccatis?*

*R.* Habet potestatem, sed quasi ligatam; seu  
habet potestatem, Ordinis, non verò Jurisdi-  
ctionis.

*Nota:* Ad excipiendas Monialium Confes-  
siones requiritur alia specialis, & distincta  
Approbatio Ep̃i.

*Q. Approbatus ab Ep̃o an jam validè potest ex-  
cipere Confessiones in omnibus Locis illius Diœcesis?*

*R.* Non potest extra necessitatem. Nam ad  
validam



validam administrationem Pœnitentiæ præter  
Approbationem, debet habere insuper Juris-  
dictionem vel Ep̃i, vel Parochi loci, in quo  
audire vellet. *Trid: Sef: 23.*

Q. *Quid est Jurisdictio?* R. Est potestas, seu  
authoritas ad certas personas, in foro consci-  
entiæ dijudicandas concessa.

Q. *Quando nam conceditur dicta potestas?* R.  
Obtento Beneficio, cui animarum cura est  
annexa, vel dum quis Pastoris munere fungit-  
ur. Istis enim verè & proprie subijci di-  
cuntur animæ.

Q. *Quotuplex est Jurisdictio?* R. Duplex:  
*Ordinaria*, quæ convenit Pastoribus ordinariis  
titulo Beneficii vel Prælaturæ Religiosæ, quales  
sunt: Papa per universum orbem: Episcopus  
per suam Diæcesim, Parochus per Parochiam  
propriam, Superiores Regularium in suis Re-  
ligionibus.

Alia *Delegata*, quæ habetur per commissio-  
nem illius, qui ordinariam jurisdictionem  
habet.

Q. *Quisnam Confessariis Jurisdictionem dare po-  
test?* R. *Ordinariam*: Papa, cum sit *Ordinarius*  
*universalis* in toto mundo: Episcopus in sua Diæ-  
cesi. Parochus in sua Parochia, nam & is ju-  
risdictionem ordinariam habere censetur,  
quam proinde delegare potest pro sua Para-  
chia, præsuppositâ Ep̃i Approbatione in illos,  
qui

qui vellet habere Jurisdictionem v.g. à Pa-  
rocho.

Q. Parochus dans alicui Jurisdictionem num pot-  
est dare & Approbationem? R. Nullo modo id  
potest post Triden: Vid: Sess: 23.

Q. An approbatus ab uno Episcopo potest in alia  
Diacesi sine nova approbatione recipere jurisdictionem  
& audire Confessiones? R. Poterat olim, sed  
nunc non amplius (& si sit Parochus) post  
Decret: Urb: VIII. & post Const: Innoc: X:  
Siox: Spo: Ec. quia respectu illarum perso-  
narum caret approbatione, consequenter &  
jurisdictione, quam Parochus Loci dare non  
potest non approbato ab Episcopo Loci.

Q. In casu, quo Parochus (cui expiravit Appro-  
batio) exciperet alicujus Confessionem, num valida  
esset Confessio? R. Si Parochus scienter id fa-  
ceret? peccaret mortaliter; Confessio autem  
foret valida, si poenitens ex communi errore  
putabat eum habere omnia requisita ad exci-  
piendas Confessiones; Ecclesia enim suppleret  
defectum. Barthold.

Q. Quando amittitur utraq; Jurisdictio? R. 1.  
Si Sacerdos privatur Officio, cui annexa est  
per se Jurisdictio? 2. Dum expirat tempus  
Jurisdictionis concessæ. 3. Dum Sacerdos  
suspenditur ab Officio, aut excommunicatur,  
nisi sit talis censura occulta. 4. Quando pec-  
catum prius non reservatum à Superiore, po-  
stea reservatur.



Q. *In quo casu potest simplex Sacerdos sine approbatione absolvere?* R. In probabili mortis periculo potest ab omnibus peccatis, censuris, & cætibz reservatis, si alius non esset approbatus.

Q. *An Regulares ex Privilegio audire possunt Confessiones Sacularium vel etiam Parochorum sine approbatione Episcopi Diacesani?* R. Urb: VIII. omnia revocavit & abrogavit Privilegia, quibzvis Religionibus, Societatibus à Sede Apost: concessa audiendi Confessiones absque RR. ordinariorum Diæcesanorū approbatione.

Imo nec Episcopus extra suam Diæcesim potest sibi eligere Confessarium non subditū & ceram eo confiteri, qui non sit ab ordinario loci approbatus. *Sa. Fag. &c.*

Q. *An Regulares, qui in aliqua Diacesi approbati fuerint per examen, indigent alia approbatione non expirato approbationis tempore, dū ex alia Diacesi revertuntur iterum ad mansionem ejusdem Diæcesis, in qua prius approbati fuerant?* R. Non indigent. *Reyffenst.*

§. 2dus.

De Officio Confessarii.

Q. *An quilibet Sacerdos est Confessarius?* R. Non, sed qui habet potestatem jurisdictionis ultra potestatem Ordinis: nisi pœnitens sit in periculo mortis, & alius non habeatur Sacerdos.

Q. *Quam Personam gerere debet Confessarius?*

R.

R. *Judicis, Medici, & Doctoris.* Ut *Doctor* debet ignorantem edocere, ut *Medicus* debet conscientia & animæ poenitentis mederi, dando illi salubria remedia contra vulnera peccatorum. Ut *Judex* tenetur discernere gravitatem delicti, ac pro ejus satisfactione congruam assignare poenitentiam.

Q. *Quot Persona in hoc Sacro Tribunali concurrunt?* R. Quasi tres. 1<sup>a</sup> *Confessarius*: per modum *Judicis* sententiantis. 2<sup>a</sup> & 3<sup>a</sup> *Persona* est ipse poenitens, qui repræsentat *Personam Rei & Testis*, imo & *Actoris*, quia se ipsum accusat, testimonium præbet suæ conscientia, & poenam assignatam subire non recusat.

Q. *Quæ requiruntur ut validè administretur Sacramentum Poenitentia?* R. 1. Ut sit *Sacerdos* rite ordinatus, & ab *Episcopo* approbatus. 2. Ut habeat intentionem absolvendi benè dispositos. 3. Ut habeat materiam & formā debitam. 4. Ut jurisdictionem habeat.

Q. *Quæ requiruntur ad licitè administrandū Sacramentum Poenitentia?* R. 1. Ut *Confessarius* non sit in peccato mortali, debet ergo prius confiteri, vel in absentia alterius *Sacerdotis* debet contritionem saltem elicere. 2. Ut habeat scientiam ac prudentiam sufficientem. 3. Ut sciat omnes suas obligationes, & secretum sigilli arctissime servare.

Q. *Quomodo peccat Confessarius audiens confessio-*



nes in peccato mortali? R. Mortaliter, qui gravem Sacramentali Ministerio infert injuriam.

Q. Si autem in pec. mort. plurimum audit Confessiones sine interruptione, num plura peccata committit? R. Alii affirmant; negant multi T. T. docentes, quod tantum unum peccatum committat.

Q. Si duo Sacerdotes in pec. mort. existentes velent sibi confiteri? R. Ille, qui primo loco alterius excipit Confessionem, tenetur prius praemittere contritionem perfectam.

Q. Quibus motivis se quisvis Confessarius excitare possit ad Confessiones cum magna alacritate ac constantia audiendas? R. Plurimis: 1. Confessiones audire est actus heroicus, qui valde placeat DEO Patri, cujus Imago devastata renovatur, & filius prodigus ad gratiam reducitur; DEO Filio, cujus oves tanto pretio empta perditæq; reducuntur. Nihil Spiritui S. gratius: cujus templa diruta & polluta reparantur, & conciliantur.

2. Quia in hoc Officio se Sacerdos vincit, & multas repugnantias carnis, & est cum minori applausu, quam concionari, sed cum magno suo merito, & summo animarum lucro.

3. Quia in hoc Ministerio satisfacimus Officio nobis à DEO commendato. Sacerdotis enim Officium est: *Consecrare Corpus Xpi Domini, absolvere & condonare peccata.* Qui ergo habet licentiam & sufficientiam, quando hoc facit, facit suum officium; Et qui animarum gerit curam?

curant? facit id ex obligatione sua stricissima:

4. Quia ibi exercet summe DEO grata  
misericordiae opera (spiritualia, & spiritualiter  
corporalia. Ibi docet ignorantes, corrigit  
errantes, condonat injurias DEO illatas, so-  
latur tristes, orat pro vivis, dat bona consi-  
lia; ibi redimit captivos, vestit nudos veste  
gratiae, &c. Et ita puto Confessarium inven-  
torem DEI misericordiae: *Beati misericordes &c.*  
quia non est eleemosyna, quae hanc adzquet.  
Etenim quid utilius poenitentibus prestare  
potest, quam si periculosissimo morbo animae  
depulso, sanitatem integram restituat, ex cap-  
tivo diaboli, amicum DEI constituat? ex in-  
ferno ereptum, Coelo transferbere laboret.

O! quantum solatium capturus est aliquan-  
do sedulus Confessarius, si se promptum in  
hoc obsequio praebeat! Sicq; de ip'o quoq;  
ut olim de Xpo dici posset: *Et omnis turba  
quarebat eum tangere, & ei confiteri, quia virtus  
de illo exibat & sanabat omnes, Luc. 6.* Verum  
ah! quam durissimum iudicium his, qui ni-  
mium sunt desides in hocce sanctissimo ne-  
gotio, à quo dependet salus & aeternitas mul-  
torum; Cogitet tunc Confessarius, dum re-  
spuit audire, utrum ejusdem Poenitentis salus  
non dependeat ab hac Confessione, quam  
vult hic & nunc peragere?

Notent id Parochi, ac alii omnes Con-  
fessarii! & caveant maximopere impetuosè &  
mor-



mordaci oburgatione (quod sæpius accidit, ah! quàm dolendum) quæ verè non decet mansuetissimi Magistri nostri Xpi Dmni Ministrum, suas oves absterre à tam summè necessario ad salutem Sacramento! Quod si temporis angustia, aut alia legitima negotia non permiserint excipere Confessionem omnium confiteri volentium? mansuetè paternè in spiritûs lenitate sese exculent, & afflictis propter vincula peccatorum, majorem afflictionem asperâ ac scandalosa oburgatione non superaddant!

*Q. Quæ potissimū impedimenta absterre soleant à Confessionibus alacriter, prompteq; audiendis, & quomodo ea removere, vincereq; debeat Confessarius?*

*R. unum est: Timor duplex, quo vel varios errores admittere ob casuum difficiliorum occurrentium solutionem timent; aut castitatis ob varia peccata luxuriæ audita violandæ periculum incurrere verentur. Sed neuter ex his timoribus Confessarium absterre debet, quo minus Confessiones libenter, & alacriter audiat.*

Non primus? quia Xpius hoc tribunal nō per modum carnificinæ, sed pro solatio & remedio peccatorum instituit, atq; adeo ad Sacramenti hujus institutionem non summam, sed mediocrem duntaxat scientiam requirit, quam cum facile habere possit Confessarius, merito sperare potest, quod facienti sibi,

quan-

quantum est in se, DEUS tuam gratiam tanto minus sit denegaturus, quanto majus habet desiderium, ut hoc Sacramentum alacriter & fructuose administretur.

Neq; *z* *idus* timor absterreere debet: quia securitas in agendo cum proximo, cum ex vocacione, vel ex charitate fit, est valde magna, adeo, ut si quis ex obediētia causa cōversionis infames Fœminas accederet, ut Cœlo lucraretur, cum eis agens mundissimas haberet cogitationes, quasi esset Angelus DEI; & si ex propria voluntate in cubiculo maneret, fœdis ibi cogitationibus ureretur. Confidat ergo DEO, experietur, quod tres Pueri in fornace Babylonica sunt experti, & à flammis luxuriæ illæsus manebit. Sed & certo sibi perlvadeat, plus longe DEO placiturum, si cū sincera intentione solius DEI gloriæ, & salutis animarum procurandæ, & firma fiducia in Divino auxilio Confessionale accedat, quā si ob inutiles scrupulos, & vanum timorem se à Confessionibus excipiendis absterreeri sinat.

*z* *idum* Impedimentum est: *horror molestiæ*, quæ in excipiendis confessionibus crebra sanè, ac non levis accidere solet. Sed cum amor non sentiat, & labores non reputet, facile has omnes molestias supportabit, si cor suum ardenti DEI, Proximi, quin & sui ipsius amore inflammare studuerit; & quātopere per hoc Ministeriū DEI gloriam promovere, Proximo



xime prodesse, & proprium meritum augere possit, paulo accuratius perpenderit; Certè omnes horæ, quas in Confessionibus audiendis consumpserit, videbuntur illi breves præ amoris, quo in Divinam gloriam animarûq; & propriam salutem atq; perfectionem rapietur, magnitudine.

*3ium* Impedimentum est; eorum, quorum Confessiones excipiendæ sunt, *ruditas* ac *simplicitas*, nec non *status humilitas*; hinc experientia, utinam! non crebra ostendit, aliquos Cōfessarios, quando Personarum nobilium maxime Fœminarum confessiones excipiendæ sint, prompto se ad id obsequium exhibere, secus vero si non nisi ad Rusticorum aliorumque simplicium hominû confessiones audiendas vocentur; de quorum zelo jure illud *Tho: Kemp: l. 1. c. 15.* dici potest: *Sape videtur esse charitas, & est magis carnalitas, quia naturalis inclinatio, propria voluntas, spes retributionis, affectus commoditatis raro abesse volunt.*

Qui enim veram erga DEUM, Proximum, & seipsum charitatem seriò semel concepit, & finem, quem debet, sibi propositum habet, non modo non horrebit ejusmodi Personarum confessiones excipere, sed potius easdem præ aliis omnibus optabit, & fovebit, eo quod in talium Confessionibus audiendis major quidem labor, sed minus etiam periculum reperitur; & præterea DEI beneplacitum, ut  
nima-

nimirum salus & proprii meriti augmentū ob sincerio-rem intentionem, & generosiorē sui victoriam multo copiosius obtineatur; Ipseq; Confessarius tum DEUM, (cujus est eum simplicibus sermocinatio teste Salom: Prov: 3.) tum Christum (qui pro omnibus æqualiter mortuus est, & insuper dicebat: *Sinite parvulos venire ad me.*) perfectiùs imitetur.

Q. *Qua industria adhibenda sunt à Confessario, ut Confessiones cum debita perfectione, & fructu audiatur?* R. 1. Ut in Confessionibus audiendis meminerit se Patrem spirituales agere, ideoq; paternam quandam & spirituales gravitatē, ac severitatem potiùs, quam nimiam familiaritatem ostendat, quæ in eo consistit, ut à blanditiis, & à nimia severitate abstineatur, itaq; simul ut ametur, ac timeatur à Pœnitentibus, quemadmodum Patres à filiis suis amari ac timeri solent.

R. 2. Ut singulari studio noxiam illam, & à Confessionali omnino eliminandam zelotypiam (quâ Confessarii interdum accensū ægre ferunt, si sui pœnitentes aliis cōfiteantur) diligentissime devitet; ad hoc enim faciendum non leves eum causæ impellere debent.

Nam I. Nemo venit ad Confessarium, nisi Pater Cœlestis traxerit illum, si autem hic Pœnitentem ad alium Confessarium trahit? quam causam quærelæ habere potest primus Con-



Confessarius? maxime si solum DEI beneplacitum & voluntatem quærat, quam æq; in non audito perficere, & implere potest.

II. Si salutem Pœnitentis unicè & sincèrè quærat, gaudere potiùs, quam tristari deberet de discessu, cùm seipsum minimum omnium, atq; ad omnia ineptum esse sibi persuadere debeat, adeoq; prudenter præsumere possit pœnitentem ab alio Confessario & peritiùs, & efficacius curatum iri.

III. Quia nihil ipsi de merito coram DEO decedit per discessum Pœnitentis, cùm & voluntas ipsius bona, qua audire paratus erat suo merito non sit caritura.

Q. *Quibus virtutibus Confessarius maxime studere debet?* R. 1. Potissimum *Patientia & Mansuetudini*, uti Xpi Vicesgerens, ut quotiescûq; ad confessionale accedit, dicere pœnitentes possint: *Ecce Agnus DEI &c.* Ut ergo hanc exerceat. 1. Si increpandi sunt & puniendi? faciat id cum singulari benignitate gravitate, ac commiseratione, sicut Medicus infirmum urere, & scissionibus torquere solet. 2. Errores & vitia pœnitentium cum magna charitate, & patientia supporter, tranquille, ac patienter audiat; si inutilia narret? leniter sermonem abrumpat, dicendo: *quid ultra, nec impetuose urgeat, ut se expediant.*

II. *Humilitati*: quâ summe indiget quivis Confessarius, tum ut gratiam ad hoc Sacramentum

mentum administrandum per necessariā (quæ teste Apostolo humilibus potissimum datur) obtineat, tum ut se à superbiæ, quæ ex cōparatione sui cum pœnitentibus facile oriri solet, tentatione custodiat.

Itaq; 1. ex corde seipsum despiciat, & omnibus pœnitentibus inferiorem ducat, illud Alcetæ semper in mente habens: *Non nocet si omnibus te supponas, nocet autem vel maxime, si vel uni te praponas.*

2do Semper sibi diffidat & pavidus hoc tribunal accedat, memor illius effati: *qui se existimat stare, videat ne cadat.* DEO confidat, & gratiæ vocationis suæ.

3tio Deponat omnem respectum humanū, & timorem contemptūs apud pœnitentes subeundi, sed potius optet ob tale beneficium, nullam aliam mercedē ab ullo homine referre, ut tanto magis DEO placere possit.

§. 3tius.

De Scientia & Prudentia Confessarii.

Q. *Quotuplex est scientia?* R. 3plex: 1. *Emineus*, quam qui habet, subtiles & difficiles quæstiones discernere novit, & sine librorū revolutione promptè respondet. 2. *Mediocris*, quam qui habet cum revolutione librorum scit etiam in difficilibus veritatem invenire. 3. *Sufficiens*, eam, qui habet, per se sufficit ad ea explicanda, quæ sunt sui officii.

Q. *Qualem ex his omnino debet habere Confessarius?*



rius? R. Saltem sufficientem, ac se ipsum & suos poenitentes exponat periculo errandi in materia gravi.

Q. *Quae scire debet in particulari Confessarius?*

R. 1. Debet scire, quanam peccata communiter ex genere sunt mortalia, & quae venialia?

2. Quae regulae sint communes pro distinctione numerica & specifica peccatorum? vide infra §. 6. hic revocentur in memoriam Cap: 2. §. 1. 2.

3. Quanam circumstantiae mutantes speciem, & quae aggravantes?

4. Quae regulae communes, quibus quis excusari possit à peccato mortali vel præcepto? 5. Debet scire casus reservados.

Verbo, debet scire omnia illa, quae spectant ad ipsum Confessarium, Poenitentem, & peccata.

Q. *Quomodo peccat Confessarius sine scientia horum presumens audire Confessiones?* R. Si notabiliter in his deficiat? mortaliter. CC. DD. Si tamen sit dubius de sua scientia sufficienti, debet se conformare iudicio sui Superioris aut alicujus docti Theologi. Tenetur tamen per lectionem librorum & indagacionem indies pro posse proficere.

Licet autem scire debeat Confessarius quidnam ex natura sua sit peccatum mortale & quid veniale, non tamen requiritur, ut

de

de omnibus, quæ audit à pœnitente judicet, an sint hic & nunc peccata mortalia vel venialia; sed sufficit si gravitatem peccatorum discernat secundum judicium prætictum; neq; se ipsum torquere debet, utrum veniale non judicet pro mortali; sed attentâ malitiâ peccatorum absolvat suspendendo judicium pro natura ipsorum. Sacerdos enim non debet judicare Pœnitentem scientiâ Divinâ, sed auctoritate Divinâ absolvere. Cum in his diversitas opinionum inter DD. sæpe occurrat.

Q. *Quid faciendum Confessario si aliquem errorem in Confessione committat?* R. Si error sit circa substantialia vg. si absolvit non habendo jurisdictionem, vel Approbationem, vel potestatem in Reservata? tenetur illum corrigere petendo prius à pœnitente licentiam loquendi cum ipso de re ad salutem necessaria: Sed hoc fiat nimis cautè, & attentis bene omnibus circumstantiis, num hoc cum fructu commodè fieri possit, secus DEO committatur, apud quem excusatur, cum sit fide bonâ confessus. Confessarius autem peccaret, etiamsi hoc ignoranter faceret, cum scire teneatur suam potestatem.

Si error sit circa accidentalia relinqui potest pœnitens in bona fide. Errores autem, qui ex oblivione naturali occurrere solent: Vel quia oblitus est de specie peccati interro-

gare,



gare, vel quia non bene intellexit peccatū,  
& postea per oblivionem interrogare omisit,  
non sunt cum gravi incommodo corrigendi,  
sed pœnitens relinquendus est in bona fide.

Q. Circa qua generaliter prudentia Confessarii  
debet esse sollicita? R. Circa se ipsum: Pœni-  
tentem: & circumstantes.

Q. Quid circa se ipsum R. 1. Ut sit in gra-  
tia DEI, ne alios iudicans, solus æternæ da-  
mnationi sit obnoxius.

2. Ut antequam Confessiones excipiat,  
prius invocando gratiam Spiritûs S. intentio-  
nem faciat absolvendi omnes, quoscunq; ri-  
tè dispositos invenerit, & hæc una intentio  
sufficiet pro omnibus audiendis.

3. Ut in materia contra castitatem non sit  
interrogationibus nimis curiosus, ne abimet  
ipsi laqueum injiciat tentationis alicujus.

Q. Quomodo ergo formanda sunt interrogationes  
in materia luxuria? R. Valde cautè, nam melius  
quod Confessarius peccatum Pœnitentis minus  
perfectè intelligat, quàm illi, vel sibi scan-  
dalum, seu ruinam pariat. Ideo faciendæ  
sunt interrogationes modestè sine extorsione  
ad verba turpia, & inhonestæ, si ex modestis  
terminis intelligere poterit qualitatem peccati.

Unde Si Pœnitens confiteatur generaliter  
se peccasse contra 6. Præceptum? interroge-  
tur 1. num cogitatione, vel verbo, aut ope-  
re? si dicit: opere? non interroget de verbo,

aut

aut cogitatione, quia præsumitur præcessisse;  
constituuntq; unum peccatum.

2. Interrogetur, quot vicibus: an cum una, vel pluribus? 3. Num hæc persona fuerat ligata? & esset *Adulterium: Vel libera?* erit *Fornicatio: vel spiritualis?* & erit *Sacrilegiū: vel consanguinea?* erit *Incestus.*

Quod si dicat Pœnitens: *solum per oscula, vel tactus peccasse?* interrogetur quoties, num diversâ seu interrupta, vel unâ conversatione cum fœmina? Nam si unâ conversatione, nō recedendo ad aliud distans tempore opus, sint plures tactus & oscula? unum erit peccatum continuatum. Superaddat Confessarius num aliquid aliud pejus non sit exinde secutum? si dicat: nihil? desinat jam ab interrogationibus, ne præsertim juvenis, & simplex scandalizetur, aut mala, quæ ignorabat, doceatur.

Si pœnitens negat se habuisse cogitationes immundas? de actibus non est interrogand⁹, quia ubi non est dispositio ad actum, nec ipse actus præsumitur adesse.

Q. In quibus prudentia Confessario necessaria est circa Pœnitentes? R. 1. Ut non æqualiter cū omni Pœnitente procedat, sed juxta uniuscujusq; conscientiam remedia salutis suggerat. Cum scrupulosis & nimium timoratis mansuetè ac paternè: Cum nimium licentiosis aliquomodo rigidius procedet sine passione tamen.



2. Ut juvet Pœnitentem suggerendo ipsius memoriz aliqua peccata, si illa non commiserit, maxime cum plebei confitentur.

3. Siquidem non omnes pœnitentes sunt ejusdem statûs Officii & conditionis, ita pariter non sunt omnes interrogandi iisdem interrogationibus; sed prudens Confessarius pœnitentis circumstantiis sui Pœnitentis adducat ei in memoriam illa peccata, in quibus suspicatur ejus periclitari animam. Verbo Unusquisq; Officialis sicuti habet propria munera, ita & ipsorum defectus.

4. Dum audit aliqua gravissima peccata, nullum det signum admirationis, indignationis, aut minarum ne subiceat peccata tum ob timorem, tum propter oblivionem, sed finitâ usq; Confessione de circumstantiis interroget, & det ipsi salutis monita.

5. Quotiescunq; loquitur ad Pœnitentem, semper utatur verbis honestis & Paternis, ne odiosam reddat Pœnitenti Confessionem Sacramentalem. Et si in se ipso zelum senserit (uti solent scrupulosi Confessarii & juniores Sacerdotes) recordetur, quod homo coram homine confiteatur, qui etiam similiter multis circumdatus est infirmitatibus. Unde si quid Christianæ charitatis habet, de offensa DEI cum pœnitente doleat, & de ruina animæ pœnitentis sui condoleat.

6. Antequam incipiat audire Confessionem,

non

non intendant curiosè in faciem Pœnitentis, quia hæc possunt esse occasio majoris pudoris in pœnitente, si quæ gravia peccata habebit. Si autem ignorat, cujus sit Officii, aut an liberi sit status? poterit sciscitari modestè ex Pœnitente.

Q. *Qua prudentia necessaria est Confessario circa circumstantes?* R. Hæc, quæ ad strictum secretum omnimode servandum est necessaria: unde 1. Confessarius dum audit Pœnitentem, debet alios remove modicum, nè audiant ipsius peccata.

2. Solus autem Confessarius, quantũ fieri potest cum silentio, submissâ intelligibili tamen voce loquatur, & interrogationes faciat.

3. Si quem ex circumstantibus suspicatur audivisse aliena peccata, debet ipsum intra Confessionem admonere de servando secreto sub mortali.

Q. *Quid facere debet Confessarius cum accidit casus difficilis in Confessione, quem ipse nequit resolvere?* R. Debet tunc cautè Pœnitentem remittere ad aliud tempus, vel suadere, ut in alia Confessione idem peccatum confiteatur, ut interim consulere libros, vel doctos viros possit. Sylv.

Q. *Quid faciendum Confessario, qui evidenter scit Pœnitentem tale peccatum commississe & propterea interrogat, nihilominus Pœnitens negat?* R. Si scit ex aliorum relatione, vel ex Confessione cõ-



plicis, debet Pœnitēti credere! quia potuit aliter fieri, vel jam alibi confessum esse.

Si ipse Confessarius vidit, neq; probabiliter existimat illum alteri esse confessum, sed deprehendit eum evidenter mentiri, non tenetur stare dictis ejus, sed potest uti suâ scientiâ ad convincendum eum. *Sua.*

*Q. An in casu, quo aliqui in Confessarium conspirassent, ut de nocte eum dormientem occiderent, aut venenum in vino consecrando miscuissent, & Confessarius ex unius illorum confessione id audivisset, absq; fractione sigilli sine licentiâ pœnitentis possit fugere, aut à celebratione abstinere? R. Posset, sed cum hac distinctione: Si ex tali fuga seu declinatione illius mali nulla habeatur suspicio apud alios, præter Pœnitentem, quod Confessarius de intentatis sibi insidiis sit certus ex Confessione. Vel etiam, si ex hoc nullum Pœnitenti sequatur malum.*

Quod si ergo istæ duæ conditiones nō possint haberi? Confessarius in tali casu cōveniet DEO animam suam, & ita se habeat, quo ad apparentiam, ac si nihil sciverit: Quia sigillum Sacramentale ob bonum fidelium & reverentiam Sacramenti magis obligat, quam salus totius mundi, & multo magis, quàm propria vita. *CG. DD.*

Vel: Posset Confessarius, quasi casu dimittere in terram ampullam, aut non egredi in viam, sed duntaxat protunc, quando *vg. Pe-*

trus nescivisset Paulum confesum esse coram eodem Confessario, quia sic posset casuali eventui prædictos adscribere casus declinandæ mortis. Vel posset jubere, ut sibi extra confessionem id dicatur.

Q. *Quid agere debes Confessarius cum eo, qui gravia minatur, nisi eum absolvat?* R. Tali (ut supponitur) omnino indispósito non est licitum ob timorem mortis absolutionem conferre indigno. Benignè ergo eum moneat, talem absolutionem ei non profuturam, & omnibus modis iram illius lenire curet.

Q. *An Sacerdos possit absolvere eum, quem videt* *vg. post fluvium distantem. 20. passus, illumq; non audit, sed alii dicunt illi petere absolutionem?* R. Affirm: quia cum illum videat, verificatur illud: *Ego te absolvo.* Idem dicendum, si pœnitens sit in aliquo cubiculo & illum Confessarius non videat, sed vocem audit. Invalida autem esset Confessio, si fieret per literas vel nuntium, quamvis esset in articulo mortis. Contraria est damn: à Clem: VIII.

Q. *An Sacerdotibus post mediam noctem Nativitatis Christi, aut tempore Missæ Nocturnæ licitum sit audire Confessiones?* R. Non: sed expectanda est aurora; S. R. C. 23. Mart: 1685. Neq; Communionem distribuere S. R. C. 7. Dec: 1641.

Q. *Si pœnitens confiteatur aliquod peccatum mortale, quod in prioribus Confessionibus subiecit?* R.



Interrogandus est: *1mo* à quot annis hoc peccatum reticuerit. *2do* Quot Confessiones & Communiones cum tali peccato peregerit. *3tio* Utrum in omnibus Confessionibus recordabatur ejusdem? Tandem admonendus est, ut reconfiteatur omnia illa peccata præsertim gravia illarum Confessionum, in quibus scilicet enter hoc delictum occultaverit; cum omnes illæ Confessiones fuerint sacrilegæ. In quorum cōmemoratione juvandus erit Pœnitens à Confessario.

Q. *Quotuplex est occasio peccandi?* R. *2plex*. *Proxima*, in qua constitutus moraliter nō potest cavere peccatum. Ut si vg. Petrus & Anna ambo liberi statūs in eadem domo manent. Et *Remota*, per quam homo moraliter nō cogitur ad peccatum. *Primam* tenetur pœnitens fugere sub mortali, nō verò secundam, alias omnes fugere deberemus in Eremum.

Hinc licet sub mortali unusquisq; teneatur removeere occasionem proximam peccandi, non tamen indispensabiliter omnis, sed solum ille, qui potest: Si verò sit in tali occasione constitutus, quam sine scandalo, in familia, aut gravi damno non potest removeere, & fugere, aut quia non est in ejus potestate alienare illam Personam, quæ Pœnitenti est occasio proxima ad peccatum, tunc ad hanc legem Pœnitens non tenetur, sed mor-  
nendus

nendus erit, ut habeat firmum propositum, quam primum aderit commoditas se talem occasionem deserturum; & si est occasio proxima ad peccatum? promittat Confessario se specialiter evitaturum colloquia, familiaritates, loca privata, aliasq; peccati illecebras, faciendo aliquomodo ex occasione proxima remotam.

*Q. Si penitens sit recidivus. & consuetudinarius?*

*R.* Magna prudentia & discretio circa ipsum adhibenda est; nam talis relapsus non semper est verum signum falsæ Pœnitentiæ, sed potius fragilitatis humanæ. Unde si Recidivus post ultimam Confessionem saltem paululum se se emendaverit, nec tot peccata, quod ordinarie solitus fuerat, commisit, & aliquem conatum ad se emendandum adhibuit? debet absolvi.

*Q. Quod si Pœnitens augeat numerum peccatorum, aut saltem ita longo tempore sua peccata continuat, aliquoties se vincendo, & iterum relabendo, ac numerum augendo?* *R.* Tunc Confessario duo extrema erunt vitanda. *1mo.* Ne per nimiam severitatem sit potius occasio ruinæ spiritualis, & desperationis Pœnitentis, quam salutis. *2do* Ne è contra per nimiam clementiam potius foveat peccata, quam minuat.

Unde prudens ac discretus Confessarius huiusmodi Recidivum & gravioribus motivis deterreat à relapsu, & dulcioribus verbis erigat.



gat mentem in fiduciam Divinæ Bonitatis  
prout Spiritus S. dabit eloqui illi.

Q. Si ista remedia post sæpius repetitas Confessiones nihil proficiant, & ipse Pœnitens semper in eodẽ numero peccatorum aut majori accedat, nullumq; serium conatum adhibeat, quo tentationibus peccandi resistat? R. Tunc absolutio ei ad tempus denegetur, ne Confessarius Pœnitentem in suis peccatis videatur fovere. Hoc tamen raro faciat & potius Confessarius omnem lapidem moveat, antequam absolutionem relapso denegat. Agitur enim in tam gravissima causa de periculo desperatæ salutis.

Q. Quæ à Confessaria præscribenda sunt remedia Recidivis? R. Generalia Remedia danda sunt hæc. 1. Humiliter & frequenter cum plena in DEUM fiducia petat auxilium ejus. 2. Frequenter confiteatur & quidem uni & determinato Confessario. 3. Sæpius devotè cõmunicet. 4. Attentè legat de gravitate peccati libros, ac poenis infernalibus. 5. Confugiat ad preces B. V. Mariæ. 6. Fugiat occasiones peccandi scil: Personas ac objecta inductiva ad peccatum. 7. Svadeat ut tri-duo abstineat à familiari sibi vitio in honorem Ssmæ Trinitatis. Iterum ut 5q; diebus abstineat in honorem 5q; Vulnerum Christi; & sic deinceps, donec emendetur.

Particularia Remedia maxime quo ad peccatum luxuriæ danda sunt hæc: 1. Ut car-  
veat

veat aspicere Personas, cum quibus solet peccare. 2. Ut abstineat à calido potu, & lautioribus esculis. 3. Ut faciat aliquam carnis mortificationem. 4. Ut mane surgendo faciat firmum propositum hâc die illud peccatû non cômittendi. 5. Remonstratur ipsi, quantum habitus luxuriæ obsit sanitati, & abbreviet vitam.

Q. *Qua Confessarius, scire debet circa maledictiones & imprecationes?* R. Ad hoc ut maledictio & imprecatio mali proximo aut brutis animalibus sit peccatum mort: requiritur 1. Ut ipsa imprecatio mali sit ex animo. 2. Ut sit ex plena deliberatione animi. 3. Ut malû, quod imprecatur alteri, sit grave; unde si aliquod istorum deficit, erit tantum veniale. Et sic sæpe excusari possunt à mortali Mulieres maledicentes suis liberis, vel ancillis, Rustici jumentis, &c. Nav. Sa.

Non peccat, qui optat alicui malum sub ratione boni, vg. ut aliquis peccator agrotet, ut scil: melior fiat, aut ne alijs noceat. Optare verò malum sub ratione mali, est peccatum. Sylv.

Q. *Quidam querit in Confessione: nocte praecedente voluntariam pollutionem habui; vel: praeter voluntatem passus fui; vel: solius voluptatis causâ actum conjugalem exerceui, num sine peccato hodie communicare possim?* R. Peractâ ritè Confessio-  
ne talis per se loquendo potest permitti ad S.  
Communia



Communione. Ita *Joan. Sancti. Burg. Ec.*  
Accedens digne ad S. Eucharist: non peccat,  
atqui talis digne accederet, E. quia purifica-  
tus per Confessionem esset justus, amicus, &  
filius DEI. Tum quia S. Communio multa  
homini dignè accedenti præstat bona; ergo  
non facile talis ab eadem est arcendus, nisi  
alia causa aliud postulet, unde signatè dixit  
*per se loquendo.*

Præceptum non accedendi ad S. Euchar:  
post actum conjugalem, si quod olim extitit,  
jam pridem exolevit, ut omnes DD. faten-  
tur apud Burg. Cent. 2. N. XIV,

§. 4<sup>us</sup>.

De Pœnitentiæ Sacramento.

Q. *Quotupliciter sumitur Pœnitentia?* R. 2pli-  
citer: 1. Ut virtus: & est dolor animi, & de-  
testatio peccati cum proposito emendandi.

2. Ut est Sacramentum, potest sic describi:  
Est Sacramentum novæ Legis à X<sup>sto</sup> D<sup>mo</sup>  
institutum ad remissionem peccatorum post  
Baptismum cōmissorum.

Q. *Quot sunt partes hujus Sacramenti?* R. 3.  
Contritio, Confessio, & Satisfactio.

Q. *Quid Trident: circa hoc Sacramentum defini-  
vit sub Anathemate?* R. 1. Quod pœnitentia  
fuit semper necessaria ad veniam peccati mor-  
talis. 2. Quod nihil profit nō baptizatis. 3.  
Quod à Christo institutum sit. 4. Quod est  
verè & propriè Sacramentum distinctū à Ba-  
ptismo.

ptismo. 5. Quod solus Episcopus & Presbyter ritè ordinati possint absolvere, ( & nullus alius ) & licet sint improbi, non tamen amittunt hanc potestatem.

Q. *An Pœnitentiæ Sacramentum est de necessitate salutis?* R. Est omnibus post Baptismum in peccatum mortale lapsis necessarium necessitate mediæ vel præcepti. Quamvis non semper & defacto realiter necessario sit suscipiendû, sed satis sit alterutro modo capi, nempe vel in re vel in voto sive desiderio. CC. DD.

Q. *Utiq; ante Christum legitur fuisse Pœnitentiæ?* R. fuit ut virtus, non verò ut Sacramentû.

Q. *Quot sunt effectus Sacramenti hujus?* R. 1. Remissio peccati mortalis, quàm venialis. 2. Gratia 1ma vel 2da, si erit remissio venialiû. 3. Gratia Sacramentalis. 4. Commutatio pœnæ æternæ in temporalem. Quibus additur etiam illud, quod per Pœnitentiæ reviviscunt merita, quæ fuerunt per peccatû mortale mortificata.

§. 5tus.

De Materia remota Sacramenti Pœnitentiæ.

*Quoniam* Cap: 2. §. 1. jam nonnulla dicta sunt de peccatis, ideo revocanda erunt, & denuo relegendæ. Hoc solum addo ad pag: 18, quod peccatum Philosophicum non est dabile sine Theologico.

Q. *Quotuplex est materia hujus Sacramenti?* R. 2plex: 1. Remota, necessaria: est omne peccatum



eatum mortale post Baptismum commissum & non confessum. *Sufficiens* materia etiam non necessaria: est omne veniale post Baptismum commissum, vel etiam mortale, alias jam rite confessum.

R. 2. *Materia Proxima* sunt actus Poenitentis: *Contritio, Confessio, Satisfactio*, quarum ultima est integralis tantum, dux priores sunt essentielles.

Q. *Quibus modis & regulis dignosci possit mortale esse commissum à Poenitente, & non veniale?* R. 1. Desumitur gravitas vel levitas peccati à lege graviter vel leviter obligante. 2. Ex dictamine rationis, si enim conscientia hic & nunc dicat peccatum commissum cadere in gravem DEI aut proximi injuriam? erit mortale. 3. Parvitas vel levitas peccati potest desumi ex ipso actu peccaminoso, considerando etiam malitiam & materiam gravem vel levem. Potest etiam considerari tam ex objecto, quam fine, & circumstantiis, uti est perfecta vel imperfecta libertas; plenus vel non plenus consensus & advertentia.

Hæ omnes Regulæ non necessario debent simul inveniri in uno eodemq; peccato mortali: Quia potest esse materia levis, & lex graviter obligans.

Q. *Quot possunt esse circumstantiæ speciem peccati mutantem vel aggravantes?* R. Octo hoc expressè versu:

*Quis,*

*Quis, quid, ubi, quibus auxiliis, cur, quomodo, quando.*

*Quis*, Non substantiam sed Personæ conditionem delicta patrantis significat, ut si sit conjugatus &c. *Quid* qualitem objecti, circa quod peccator suam exercet actionem, denotat, ut si percussit Clericum, vel Patrem &c. *Ubi* ad locum spectat v.g. sanguinis effusio in Ecclesia. *Quibus auxiliis*, Personæ circumstantiam peccatum adjuvantis explicat, ut mediatore utens ad machinandum &c. *Cur* ad finem attinet. *Quomodo* declarat modum, quo peccatum committitur. *Quando* ostendit circumstantiam temporis.

*Q. Quæ sunt peccata restitutioni obnoxia?* R. Ea, quibus violatur iustitia, vel ea, quibus poena restitutionis injuncta est à Summo Pontifice, uti sunt: Usura, Contractus illicitus, Simonia, Omissio Horarum Can: in beneficiis.

*Q. Teneturne Pœnitens exprimere in Confessione omnes circumstantias peccati?* R. Affirm: quoad circumstantias mutantes speciem. Con: Trid: Sess: 14. C. 5. Circumstantiæ autem notabiliter aggravantes peccatum in eadem specie, an sit aperiendæ nec ne? utrumq; apud DD. probabile est, eo quia Trid: de talibus circumstantiis nihil aperte concluderit.

*Q. Aliena peccata quot modis possunt imputari alteri?* R. Sequentibus modis: Consilio, iussione,  
ne,



ne, consensu, coopératione, auxilio, favore, laudatione seu adulatione, pravâ doctrinâ exemplo, & silentio. Quia homo his modis cooperando peccato alieno, efficitur causa moralis peccati alieni, & illi verè consentit vel expresse, vel virtualitèr, vel interpretative.

§. 6tus.

De Distinctione specifica & numerica peccatorum.

Q. *Quid est species moralis peccati?* R. Est specialis malitia, per quam unum peccatum essentialiter differt ab alio.

Q. *Quomodo peccata specie distinguuntur?* R. 1<sup>mo</sup> Per oppositionem diversis specie virtutibus, sic ebrietas à furto differt specie, quia illa temperantiæ, hæc iustitiæ opponitur.

2<sup>do</sup> Distingvuntur specie ex diversis specie motivis, sive finibus intentis, ut mentiri ex fine joci, & mentiri ex intentione alterû graviter decipiendi sunt diversa specie peccata.

3<sup>tio</sup> Ex diverso modo tendendi: sic habere simplicem complacentiam in malo, & habere desiderium efficax, sunt specie diversa peccata.

4<sup>to</sup> Ratione circumstantiarû tenentium se ex parte objecti talium, quæ dicuntur mutare speciem, sic simplex furtum, quod est contra iustitiam tantum, est peccatum diversum spe-

cie à

cie à furto. sacrilego, quod est contra Religionem.

1<sup>ro</sup> Peccata specificam differentiam desumunt à specie diversis materialibus objectis vg. Odium DEI, & odium proximi sunt diversa specie peccata.

Q. Unde colligi potest distinctio numerica peccati?

R. 1<sup>mo</sup> Ex objectis diversis numero, non tantum materialiter & physicè, sed etiam formaliter & moraliter distinctis. Unde verba impudica, oscula copulam seu pollutionem intentam antecedentia, si ea in effectu sequatur, unum numero peccatum constituunt, quia ad eundem finem referuntur.

2<sup>do</sup> Ex interruptione morali actuum, quæ fit per contrariam voluntatem & propositum, vel per liberam cessationem ab actu, vel per cessationem naturalem vg. somnum.

Unum numero peccatum committit, qui uno actu odii vel detractionis fertur in 10. homines: qui uno ictu duos occidit: qui uno actu vult omittere Officium Horarum Canon: per Mensem, qui furatur Bibliothecam per totam noctem, etsi sæpius voluntatē suærandi renovet, unum furtum: & qui ad occidendum alium pergens sæpe voluntatem renovat, unum homicidium committit, quia est una actio externa ab internis intentata, in qua internæ omnes complentur & moraliter unijuntur.

Q.



Q. *An actus voluntatis internus & externus exteriorus ejusdem voluntatis, circa quem prior ille versatur, unum numero peccatum constituunt?* R. Affirm: Sic vg. volitio furandi, & ablatio rei alienæ unum eundemq; totalem actum constituunt moralem.

§. 7<sup>mus</sup>.

De Materia proxima scil: Dolor.

Q. *Quid est dolor?* R. Est detestatio mali commissi nve peccati propter aliquem finem cum proposito illud in posterum vitandi.

Q. *Quotuplex est dolor?* R. 1. *Naturalis*, qui elicitur ex motivo naturali, vg. si quis detestatur furtum à se commissum ideo, quia illi infamiam, vel pœnam infert.

2. *Supernaturalis*, est: qui elicitur ex motivo supernaturali, si quis vg. dolet de peccatis propter amissum Cœlum, vel promeritum infernum.

Dolor *supernaturalis* 2plex est: 1. *Perfectus*: qui elicitur ex motivo perfecto, scil: ob amorem, aut bonitatem infinitam DEI; vocaturque hic dolor; *Contritio perfecta*.

2. *Imperfectus* est, qui ex alio motivo, supernaturali tamen, elicitur vg. amissionis Cœli vel ex metu gehennæ, & vocatur *Attritio*.

Q. *Quomodo pœnitens se preparare debeat ad Confessionem Sacramentalem?* R. Post invocationem Spiritus S. examinare debet conscientiam suam,

suam, & in memoriam revocare peccata. 2.  
Dolorem elicere.

3. Firmum propositum facere amplius DE-  
UM non offendendi.

Q. *Qualis esse debeat diligentia in examine?* R.  
Non requiritur, ut sit nimis scrupulosa, sed  
mediocris, & humana; qualem solemus ad-  
hibere in rebus, & negotio magni momenti,  
& quæ diligentia sufficit moraliter ad cogno-  
scenda commissa peccata.

Q. *Dolor sive sit contritio sive attritio, ut sit suf-  
ficiens qualis esse debet?* R. 1. Debet esse dolor  
formalis seu actualis, de peccatis commissis &  
simul propositum amplius non peccandi, &  
occasionem fugiendi.

2. Debet esse universalis, de omnibus pec-  
catis. 3. Debet esse actus internus, non re-  
quiritur omnino externus. 4. Supernaturalis:  
factus ex motivo supernaturali, auxiliante  
gratiâ DEI. 5. Dolor debet esse appetitive  
summus, hoc est: peccator debet odio habere  
peccata super omnia alia mala, & debet esse  
paratus pati potius omnia mala, quàm pec-  
care mortaliter. Tandem dolor debet esse  
conjunctus cum spe veniæ.

Q. *Contritio & attritio in quibus conveniunt?*  
R. In his: 1. Quod utraq; versetur circa pec-  
catum, detestando illud, ut est offensa DEI.  
2. Utraq; excludit voluntatem peccandi.  
Utraq; debet esse supernaturalis, elicitæ ex



motivo supernaturali, & cum auxilio Divino.

*Differunt in his:* 1. Quia *Contritio* procedit ex perfectiori motivo scil: ex motivo bonitatis Divinae, & amoris erga DEUM. *Attritio* verò ex motivo vg. turpitudinis peccati, amissionis Caeli, vel ex metu gehennae. Qui dolor est etiam supernaturalis, & ad Pœnitentiæ Sacramentum omnino necessarius. 2. Quia *Contritio* perfecta potest hominem iustificare extra Sacramentum, cum voto tamen saltem implicito suscipiendi Sacramentum. Com: TT.

Jam verò *Attritio* non est sufficiens extra, nisi intra Sacramentum.

Q. Quando homo tenetur elicere contritionem?

R. 1. In articulo mortis, si non adsit Confessarius. 2. In tentatione, & occasione ad peccandum. 3. Sacerdos in necessitate ad ministraturus Sacramentum aliquod in peccato mortali existens, si non habeat Confessarium.

§. 8vus.

De Confessione.

Q. Quid est Confessio? R. Est accusatio de propriis peccatis coram legitimo sacerdote ad eorum remissionem obtinendam per absolutionem virtute clavium.

Q. Quid est clavis modo dicta? R. Est potestas ligandi, & solvendi, quâ Confessarius potest

potest dignos recipere, indignos à Regno Cœlesti excludere.

Q. *Quotuplex est integritas Confessionis?* R. 2plx: *Materialis*: quæ tunc habetur, quando Pœnitens omnia peccata secundum Speciem, & numerum confitetur. *Alia Formalis*: quando in aliqua necessitate confessis aliquibus peccatis, in aliud tempus reservat reliqua. Potest quis excusari à *materiali integritate*; nunquam tamen à *formali*.

Q. *Magnus concursus populi in die Indulgentiæ, vel Festivitatis magnæ, an excusat ab integritate materiali Confessionis?* R. Non; contraria damni: ab Innoc: XI.

Q. *An teneatur pœnitens confiteri per interpretem, si idiomatis Confessarii sit ignarus?* R. Non; nisi velit ipse ex pietate, neq; tunc tenetur confiteri omnia, maxime si timeret aliquod scandalum.

Q. *In quibus casibus licita est Confessio integra formaliter?* R. 1. In extrema necessitate. 2. Si duo infirmi in eodem lecto jaceant. 3. Si sit parturiens fœmina. 4. Si vulnerato non possit postea adhiberi medicina. 5. In conflictu, naufragio.

Q. *Licetumne est fidelibus latini ritus confiteri coram Sacerdotibus Græco unitis, & è contra?* R. Licetum est; Decrevit S. Congri: de Propag: Fid: 1626. 1. Jun.

§. 9nus.



De Satisfactione.

Q. *Quid est Satisfactio?* R. Est compensatio pœnæ temporalis peccatis debita post remissionem culpæ per bona opera à Confessario injuncta, vel voluntariè assumpta.

Q. *Quotplex est satisfactio?* R. Una in re, quæ est ipsum opus à Confessario injunctum. Alia in voto, seu in proposito Pœnitentis, quo velit obligationem annexam peccato adimplere, ac injuriam DEO illatam in hoc, vel in altero mundo reparare. Et hæc, etsi non sit pars essentialis Sacramenti, est tamen essentialis Sacramento, & implicite contenta in proposito observandi mandata DEI, inter quæ est etiam satisfactionis præceptum. *Garnach. Sac. Pœnit. C. 23.*

Satisfactio in re est solum pars integralis Sacramenti, cum sine illa foret Sacramentum validum, vg. si Confessarius illius imponendæ obliuisceretur, vel Pœnitens illâ nō impleta, decederet.

Q. *Quot modis potest fieri satisfactio?* R. 1. Per bona Corporis, vg. jejunia, flagellationes, peregrinationes. 2. Per bona Anima, vg. orationes, spirituales lectiones, Missas &c. 3. Per bona externa: uti Eleemosynas, &c.

Q. *An Confessarius potest mutare pœnitentiam impositam à priori Confessario?* R. Potest, sed solum in foro conscientiæ, si id ratio exigit, tenetur

tenetur iterum pœnitens peccata sua confiteri, si recordatur. Pœnitens autem propriâ auctoritate non potest mutare etiam in meliorem, vel majorem.

Q. *Ad quid tenetur Pœnitens, qui oblitus fuit pœnitentiæ sibi impositæ?* R. Non tenetur repetere Confessionem, sed solùm confiteri suam oblivionem, & tunc judicio Confessarii imponenda est nova Pœnitentia juxta præsentem statum Pœnitentis.

Q. *Quomodo peccat Pœnitens, si sponte non absolvat pœnitentiam sibi impositam?* R. Juxta Suar: Si fuerit gravis, & illam totaliter omitat, vel ejus notabilem partem? peccabit mortaliter. Si fuit levis vg. 5q; *Pater & Ave*, aut modica pars omittatur? non erit mortale, nam etiam hic parvitas materiæ excusat à mortali.

Q. *Quamdiu Pœnitens possit pœnitentiam differre absolvendam?* R. 1. Satisfactio seu pœna à Confessario assignata est 2plex: *Medicinalis*: per quam pœnitens præservatur in futurum à relapsu: Talis esset: si injungeretur consuetudinario fuga ab occasionibus peccati, oratio &c. juxta qualitatem conscientiæ Pœnitentis. Alia *Vindicativa*, per quam intenditur vindicta peccatorum Confessorum, uti est jejunium, disciplina, & alia pœnalia opera, quæ aliquando per longius spatium adimplentur.



R. 2. Tenetur absolvere pœnitentiam, quàm primùm cōmode poterit *Bona*. Si satisfactionem vindicativam differat ad Mensē, non esse mortale, docet *Lacro: l. 6. p. 2.*

Q. Si alteri injunctum sit omni die Sabbathi per annum jejunare, si illum diem omittat, num peccabit? R. Affirm: non tamen obligatur alio die jejunare, *Gob. Spor.* quia in talibus circūstantiis videtur mens Confessarii esse de jejunando die Sabbathi tantum, & non alio, nisi aliter expresse jusserit.

Q. Persolvens pœnitentiam debetne esse in gratia DEI? R. Affirm: Si tamen per negligentiam differendo absolveret in statu peccati? venialiter solum peccaret. *Fill:*

Q. Quid observandum in praxi Confessario, si gravior pœnitentia assignari debeat? R. Debet leniter pœnitentem disponere ad agnoscendam gravitatem suorum peccatorum. Semper tamen magis cavere debet excessum, quàm defectum in assignanda pœnitentia; facilius erit enim Confessario reddere rationem ex clementia, quàm ex crudelitate. Mens est *S. Chrysost.* Unde si Sacerdos suspicatur de aliquo, quod nō sit absoluturus pœnitentiam ex imbecillitate, vel alia causa, debet ipsi assignare mitiorem, nō obstante quod non sit proportionata peccatis. *Ger. Par. 2.*

Non assignentur pro pœnitentia variaz diversarū orationes, quas pœnitens memoriâ tenere

nero non possit, ob varios inde oriri solitos  
conscientiæ angores, & scrupulos.

Optimè faciet Confessarius, quando injun-  
get Pœnitenti, ut ipse applicet pro peccatis  
suis merita, & Passionis Xsti satisfactiones.

Caveat Confessarius pro peccatis occultis  
quantumvis gravibus injungere pœnitentiam  
publicam, utpote infamativam. Neq; talem,  
ex qua domestici possent devenire in notitiâ  
gravioris criminis v.g. flagellationes, multa  
jejunia, nisi habeatur occasio, similes pœni-  
tencias secreto peragendi.

§. Itemus.

De Forma Sacramenti Pœnitentiæ.

Q. *Quæ est forma hujus Sacramenti?* R. Sunt  
Verba Absolutionis à Sacerdote prolata scil:  
illa: *Ego te absolvo à peccatis tuis &c.*

Q. *Quæ verba sunt essentialia?* R. Hæc:  
*Absolvo te.* In magno Pœnitentium concursu  
potest omitti: *Misereatur, & Indulgentiam.* In  
gravi, & urgente necessitate hæc forma ter-  
viat: *Ego te absolvo ab omnibus censuris & peccatis.*

Q. *Quibus verbis solet dari absolutio in Confes-  
sione?* R. Ex communi praxi Ecclesiæ his ver-  
bis: *Misereatur &c. Indulgentiam &c. Dominus  
Noster JESUS Christus te absolvat, & ego aucto-  
ritate ipsius te absolvo ab omni vinculo Excommuni-  
cationis Suspensionis & Interdicti, in quantum possū  
& tu indiges: Deinde ego te absolvo à peccatis  
tuis in Nomine Patris, & Filii, & Spiritus S. A.*  
Passio



**Passio Domini Nostri JESU Christi, merita B. M. V, & Omnium SS. quidquid boni feceris, aut mali sustinueris sit tibi in remissionem peccatorum augmentum gratia, & premium vite aeternae. Amen.**

**Nota: Ly: Suspensionis semper omittitur, si Pœnitens nullum habeat ordinem, vel saltem primam Tonsuram.**

**Forma Absolutionis ab Hæresi intra Confessionem.**

**Misereatur &c. Indulgentiam &c. Dominus Noster JESUS Christus te absolvat, & ego auctoritate ipsius & SS Petri & Pauli Apostolorum, nec non SSmi Dni Nostri Papa NN mihi concessa, nec hactenus revocata, absolvo te ab omni vinculo Exco-  
municationis, quo teneris propter hæresim, in qua vixisti, & incorporo te gremio S. Matris Ecclesie communioni fidelium. & participationi Sacramentorum ejusdem S Rom: Cath: & vera Apostolica Ecclesie. Deinde eadem auctoritate absolvo te ab omnibus peccatis tuis. In Nomine Patris &c. Passio Domini Nostri JESU Christi &c.**

**Forma absolutionis à Suspensione, vel interdicto extra, vel intra Confessionem.**

**Misereatur &c. Indulgentiam &c. Auctoritate mihi ab N. tradita: Ego te absolvo à vinculo suspensionis, vel interdicti, quam, vel quod propter tale delictum N vel causam incurristi, seu incurrisse declaratus es, In Nomine Patris &c.**

**Forma dispensationis super Irregularitate. Post absolutionem à peccatis, subjunget Sacerdos**

cerdos sive intra, sive extra Confessionem.

Et eadem auctoritate dispenso tecum super Irregularitate in quam ob causam *N* incurristi, & habilem te reddo, & restituo executioni Ordinum, & officiorum tuorum in Nomine Patris &c.

Si nullum Ordinem habeat? dicatur: *Habilem te reddo ad omnes Ordines suscipiendos, vel etiam ad alia juxta tenorem facultatis, seu mandati, & juxta exigentiam casus.*

Quod si necesse sit Titulum Beneficii restituere, & fructus male perceptos condonare? subjunget: *Et restituo tibi Titulum, seu titulos, si plures habet, & condono tibi fructus male perceptos, In Nomine Patris &c.*

Q. An peccat, qui sine justa causa, in eadem Confessione absolutionem repetit super eadem peccata?  
R. Affirm: quia 2da absolutio est irrita, defectu novæ materiæ.

Si faciat id ex scrupulo, aut sit ita perplexus, ut æque malum putet esse, non repetere, quam repetere? poterit nullum esse peccatum.

Q. Si poenitens statim post Confessionem redeat & sola venialia afferat, aut circumstantias mortalium non notabiliter aggravantes, repetendane est absolutio?

R. Negat Spor: nisi adferat aliquod mortale.

Q. An absolutio possit dari ab uno pluribus simul?

R. Affirm: sic possunt absolvi multi milites in prælio dicendo: *Ego vos absolvo à peccatis.*

Q. An absolutio data sub conditione de futuro



vg. *absolve te, si restituas valida sit?* R. Neg; quia non est in potestate Ministri suspendere effectum Sacramenti, absolutio tamen de presenti vg. *absolve te, si habes intentionem restituendi.* Etiam absolutio de præterito vg. *absolve te si restituisi,* valida est.

Dum Confessarius absolvit sub conditione, sufficit solum in mente habere conditionem.

Q. *Quomodo verba absolutionis proferri debent à Confessario?* R. Modo imperativo. Com; DD. unde si proferrentur modo deprecativo vg. *Absolvat te DEUS,* invalida esset forma, quia hoc Sacramentum institutum est à Christo per modum iudicii, & ideo forma ejus debet proferri per modum judicialis sententiæ, nõ verò deprecationis, aut impetrationis.

Nota: Quod in Sacramento pœnitentiæ datur duplex absolutio, una peccatorum, altera Censurarum conveta in illa oratione; *Domine NIGESUS &c.* quæ juxta Suar: debet sub mortali prius dici à Confessario, quam absolutio à peccatis, maximè quando prudens dubium adest, num pœnitens non sit innodatus tali vinculo; Quia Ecclesia gravitèr præcipit, ut nemo excommunicatus ullum Sacramentum recipiat, antequam prius tollatur tale vinculum.

Q. *A quibusnam pœnitens Censuris absolvitur per illa verba: Absolve te ab omni vinculo excommunicationis &c?* R. Ab omnibus in Confessione expressis,

expressis, quàm etiam ab illis, quorum pœnitens non recordatur, aut ipse Confessarius hic & nunc ignorat, uti sunt plane innumera, inquantum facultas Confessarii se extendat, & pœnitentis adsit intentio satisfaciendi oneri, si aliquod adsit, & remaneat.

Q. *Qua Oratio dici solet à Confessario supra pœnitentem immediate ante Confessionem?* R. Hæc: Dñus sit in corde tuo, & in labiis tuis, ut digne & competenter confitearis peccata tua. In Nomine Patris, &c.

Q. *An valida sit absolutio data ignorantibus necessaria necessitate medii?* R. Invalida, Bened: XIV. Encicly. T. 1. n. 42. Si verò ignoret Pœnitens necessaria necessitate precepti? & rite doleat de hac ignorantia, ac emendationem promittat? posse absolvi judicat. Idem ibid. n. 12.

Q. *Quid Confessario faciendum est post auditas Confessiones?* R. I. Debet DEO gratias agere pro collato sibi, & pœnitentibus auxilio ad hoc Sacramentum rite administrandum, vel suscipiendum, novaq; sibi, & illis auxilia à DEO emendicare ad faciliorem propositorum executionem.

II. Exercere debet varios actus humilitatis, credens se longe magis ingratum esse omnibus suis pœnitentibus, ob majus lumen, uberiora auxilia, plura, & efficaciora præstidia, quibus tam segniter cooperatur.

III.



III. Conetur oblivisci omnium auditorum in Confessione, & surdâ aure recurrentes species, molestèq; allatrantes pertransilire.

§ IIMUS.

De Sigillo.

Q. *Quid est Sigillum Confessionis?* R. Est obligatio illa, quâ in secreto teneri debent peccata ex Sacramentali Confessione cognita, Dicitur *Metaphorice* sigillum, quia sicuti res sigillo materiali munitæ debent esse integræ, occultæ, & secretæ ita peccata in Confessione enarrata.

Q. *Quo præcepto obligatur Confessarius ad servandum sigillum?* R. 3plici: *Naturali*, quia de jure naturæ, est servare secretum sibi commissum. 2. *Divino*, 3. *Humano*, seu *Ecclesiastico*. Tenetur Confessarius ad sigillum etiam ob aliquam rationem non dederit absolutionem pœnitenti. Item tenetur etiâ post mortem pœnitentis, quia ex tali revelatione odiosum redderetur Sacramentum audientibus aliena peccata ex Confessione cognita, & revelata.

Q. *Qua cadunt sub sigillum?* R. 1. Omnia peccata pœnitentis tam ficta, quàm vera. 2. Pœnitentia imposita, si gravis sit. 3. Virtutes aut defectus naturales Pœnitentis, aut corporis occulta vitia, aut scrupuli, quoties hæc aliquin nota non sint, & eorum manifestatio creditur ingrata pœnitenti futura.

4. Omnis ea actio, quæ ex notitia peccati cum periculo directæ, vel indirectæ revelationis procedit. 5. Factum quodcunq; ruborem, vel molestiam. Pœnitenti creans, si advertat id ex notitia Confessionis procedere. *Fag. Lug.*

Q. *Qui obligatur ad sigillum servandum?* R. Præter Confessarium, omnis ille, qui licitè, vel illicitè mediatè, vel immediatè audit aliquod peccatum, sive sit interpret, sive casu audierit.

Q. *Potestne Confessarius uti scientia cum damno occulto Pœnitentis illato propter publicum bonum?* R. Neg: nam Innoc: XI. in Congreg: gene: 18. Nov: 1682. inhibuit expresse scientiâ Confessionis uti cum aliquo gravamine pœnitentis, ex qua responsione.

*Nota 1<sup>ma</sup>* Quod non potest Parochus suo famulo tenenti clavim, illam auferre, si præcisè ex Confessione sciat, quod illâ abutatur. Posset tamen tunc alio licito modo subvenire suo, aut communi bono absq; fractione sigilli, vg. poterit obligare famulum, ut quantum potest restitutionem faciat, vel clavim ad manus Parochi deponat &c.

2<sup>do</sup> Cavendum est omnibus Confessariis, ne dum vocantur ad audiendas Confessiones illorum, quorum ex repetita Confessione noviverint conscientix statum, mutationem ostendant faciei, multo magis dicant aliquid, per quod



quod saltem in confuso cognosci ab illis possit illorum conscientia. *vg. semper unum loquitur &c.* aut aliquid simile. Tales noverint se esse hoc ipso fractores sigilli Sacramentalis.

3tio Caveant etiam summopere Sacerdotes in presentia Sæcularium Personarum sermonem mittere de Confessione *vg. proponendo dubia, enarrando inexpectatos, ridiculos, aut admirabiles sibi, vel alteri cuiuspiam contigisse, vel audivisse casus in Confessione; id etenim notabilem in Sæcularibus parit admirationem, animi perturbationem, & sæpe læpius grave scandalum, ac Sacramenti Pœnitentiæ vilipensionem.*

Q. *An licet Confessario extra Confessionem loqui cum pœnitente de peccatis in Confessione auditis?* R. Com. DD. non licet, quia talis loquela ruborem affert, & redderet Confessionem odiosam. Licebit autem de licentia pœnitentis, si ipse prius de peccatis suis loqui incipiat, verum & hic cautus sit Confessarius.

Q. *Debetne Pœnitens complicem peccati manifestare coram Confessario, si aliter non possit explicare peccatum?* R. Variæ sententiæ in hoc casu sunt DD. Proinde melius faciet Pœnitens, si confiteatur coram Confessario, qui nō noſcat complicem peccati.

Q. *Licitumne Confessario interrogare pœnitentem de complicitis nomine, aut loco habitationis, vel aliis adjunctis circumstantiis?* R. Nullo modo licet.

Patet

Patet recentissime, ex Brevi Bened: XIV. *Suprema omnium Sc. Et Constit. ejusd: Papæ An: 1746. Ubi primum*, in qua sub Excommu: soli Papæ reservata, & in articulo mortis absol-  
venda, prohibet talia fieri.

In dicta *Constit.* omnes obligat, qui aliunde, quàm ex Confessione sciunt Confessariū interrogare de complicitis nomine, ut talem ad Episcopum denuntient. Postremo: *Ad perpetuam rei memoriam*, tulit ultimè decretum confirmatorium utriusq; *Constitutionis* suæ, quod incipit: *Ad eradicandum* An. 1746. Cautè itaq; in hac re procedendum est Confessariis, prædicta enim prohibitio non tantum procedit de illo, qui interrogaret de nomine complicitis, sed etiam de officio, & aliis circumstantiis, ex quibus curiosè deveniri possit persona complicitis ejusdem, qui, seu quæ confitetur.

Q. Si Pœnitens occidisset fratrem Confessarii, aut cum ejus sorore peccasset potestne tacere tale peccatū in Confessione, si non habet Confessarium alium, & præceptum Confessionis urget? R. Potest, cum proposito illud confiteri quam primum sine suo, vel alterius damno poterit. *Tol. Sc.*

Q. Licetne duobus Confessariis, qui pœnitentem de iisdem peccatis se accusantem audiverunt, ad invicem colloqui de auditis in Confessione? R. Non, quia uterq; sigillo obstrictus est.

Q. Quomodo Confessarius respondere debet, si interrogetur de peccato Pœnitentis? R. Non debet



bet tunc tergiversari sic, ut pœnitente n red-  
dat suspectum, sed respondere debet, etiam  
cum juramento, si opus sit, se nihil scire de  
peccato illo, scil: in mente habendo: ut homini  
privatum, cui id revelare liceat.

Q. Confessarius ex certa causa non absolvit pœni-  
tentem, hic autem rogat sibi dari testimonium Con-  
fessionis, num Confessarius debet dare testimonium,  
quod sit confessus hic pœnitens? R. Plures DD.  
affirmant, aliàs esset fractio sigilli, veniret  
intuspeccionem apud alios pœnitens. Nec  
tunc mentietur Confessarius, quia tantum  
testatur eum confessum esse. Nisi aliqua  
fraus Pœnitentis interveniret.

Q. Quotupliciter frangitur sigillum Confessionis?  
R. Generaliter duobus modis: Directè tunc  
violatur, quando Confessarius expressè, vel  
apertè peccatum auditum, aut aliquod aliud  
dictum sub sigillum cadens manifestat. Et  
Indirectè: quando Confessarius licet nihil di-  
rectè revelet, ita tamen verbis, vel signis le-  
gerit, ut alter possit in notitiam peccati pœ-  
nitentis devenire, sive in specie, sive in con-  
fuso. Com. DD.

Q. Utrum liceat saltem indirectè violare sigillu?  
R. Nullo modo. Violaret autem Confessario  
us indirectè sigillum. 1. Si ob peccata oc-  
cultata publicam imponeret pœnitentiam. 2.  
Si publicè alicui negaret SS. Eucharistiam  
propter solam notitiam ex Confessione habita-

tam. 3. Si diceret, se non absolvisse Petrū, nullam aliam addendo rationem. 4. Si gravem pœnitentiam impositam pœnitenti propalaret. 5. Si Confessarius aversionem aliquā conciperet à Pœnitente ex notitia in Confessione accepta. His etiam & aliis similibus modis indirectè violaretur sigillum.

Q. *Sacerdos violans sigillum Confessionis quot peccata committit?* R. Tria: I. Cômittit peccatum detractonis, infamando proximum. II. Peccatum infidelitatis, non servando secretum in re gravissima. III. Committit Sacrilegium, faciendo contra reverentiam Sacramenti, & Religionis.

Q. *Quæ pœna statuta est pro Confessario revelante peccata in Confessione audita?* R. Depositiō, intrusio in Monasterium, ad carceres perpetuos, ad triremes, sit infamis, & subinde Irregularis secutâ Judicis sententiâ. *Majol. Far. &c.*

Q. *An etiam ipse pœnitens teneatur ad sigillum, quo ad illa, quæ ipse dixit, vel Confessarius ei?* R. Tenetur, non quidem ad sigillum Sacramentale, bene verò ad secretum naturale, & quidem sub mortali, quo ad illa, ex quorum propalatione sequeretur gravis infamia sui, aut Confessarii. *Felix Per.*

§. 12mus.

De Confessario sollicitante Pœnitentē ad turpia.

Q. *Si Confessarius sollicitaret (quod DEUS*

aver



avertat) in Confessione ad turpia, num' posset talis absolvi à quovis Sacerdote? R. Quamvis comitteret gravissimum peccatum sacrilegii, tamen jure communi non prohibetur absolvi, nisi particularia alicujus Diœcesis statuta aliud habeant.

*Nota 1.* Confessarius sollicitans (quod si docuerit personam sollicitatam non teneri ad eum denuntiandum, si confiteatur coram Confessario sollicitante) non potest absolvi, quia talis incurrit Excomm. Papæ reservatam. ex Decr. Alex: VII.

*Nota 2.* Sacerdos sollicitans antequam absolvatur, debet exigere ab illo juramentum, ne amplius hoc crimen committat; si non vellet præstare, non debet absolvi tanquam indispositus; quia in enormibus omnino debet exigere juramentum. CC. DD.

Q. Daturne parvitas materia in sollicitatione? R. Non datur, contrarij opinio dam: est à Clem: VIII. teste Dia p. 3.

Q. Quæ est obligatio pœnitentis sollicitati à Confessario ad turpia? R. Tenetur per se, vel per alium sub peccato gravi talem Confessarium deferre ad Eppum, sive sollicitavit marem, sive fœminam, sive pro se, sive pro alio, sive in actu Confessionis, sive ante, sive immediate post: sive signis, sive nutibus, sive tactu, sive per scripturam tunc, aut post legendam

dam Bened: XIV. *Const.* Sacramentum Pœnitentiæ.

Q. *Persona sollicitata neglectâ denuntiatione potestne absolvi?* R. Si intra mensem non denuntiavit (quia tale tempus in *Edicto S. Inquisi: statutum est ad denuntiandum*) & id scienter fecerit? incidit in Excom: reservatam S. Officio; consequenter nullus inferior Confessarius potest absolvere extra articulum mortis, neq; sub tempus Jubilæi. *Matheu. l. 1..*

Q. *Constitutiones Pontificum pœnas statuentes in sollicitantes sunt pro Regnis nonnullis tantum?* R. Sed eas Greg: XV. ad omnes fideles extendit *Const: Unversi Domini gregis &c.*

Q. *Præceptum denuntiandi Confessarios sollicitantes, & pœna alia huic sollicitationi indita an extenduntur etiam ad alia crimina à re venerea diversa?* R. Non. Bened: XIV. de Synod.

Q. *Confessarius, si post sollicitationem statim se pœnitet sollicitasse, & hoc asserit pœnitenti sollicitato, debetne pœnitens talem Confessarium denuntiare?* R. Debet sub peccato mort: & sub Excom: Nam quilibet sollicitans ad effugiendas pœnas potest dicere se pœnituisse de sollicitatione, nā non sufficit post delictum se pœnitere, sed necessaria pœnitio ob bonum publicum. *Lex. Bon. Cab. &c.*

Q. *Confessarius sollicitans, quomodo sibi potest consulere, ut veniam impetrare possit?* R. Debet sponte comparere coram Ep̃o, & ibi fateri.



suum delictum, veniam petendo, & ita illam consequetur. *Lez. Sc.* Ut autem præfatus delinquens gaudere possit *beneficio sponte comparentium*, necesse est, ut nullis præventus iudiciis coram Ep̃o compareat. Et si est præventus? gaudebit beneficio comparentium notatorum. *Far. Matheu.*

§. 13<sup>tius</sup>.

Reliqua scienda de Confessione.

Q. *Confessionem quis instituit?* R. Christus Dominus (non Ecclesia prout mentiuntur Dissidentium Pastores) dicens ad Apost: *Quicumq; ligaveritis Sc. Math: 18. Et Joann: 20.* Proinde monet S. Jacob: c. 5. *Confitemini alterutrum peccata vestra.*

Q. *Nonne satis est soli DEO (cui nota sunt) confiteri peccata?* R. Non; quia X̃tus statuit loco cit. etiam servis suis, videlicet legitime ordinatis Sacerdotibus, confitenda esse.

Neq; sufficit se accusare coram Sacerdote, dicendo: *se esse peccatorem*, citatis enim Textibus constituit X̃tus in Ecclesia sua iudices spirituales cum potestate remittendi, & retinendi peccata, ut igitur sciant, quando ligandum, vel solvendum; quid remittendum, quid retinendum, omnino necessaria est distincta peccatorum Confessio.

Q. *Utq; X̃tus Magdalenam, & quosdam alios sine Confessione absolverat?* R. Licitum illi fue-

rat,

rat, cui arcana cordium perspecta erant, habenti præterea absolutam Potestatem.

Q. Quodsi pœnitens, alias benedixisset, obliviscatur quorundam peccatorum? R. Absolvitur etiam ab illis, quia fecit quantum modo humano poterat, quæ enim memor à excidunt, hæc confiteri, non est in nostra potestate.

Q. Sed David ait: Delicta quis intelligit Psalm: 18? R. Non est necesse ut pœnitens omnino comprehendat quantam delicta sua malitiam contineant; ad Confessarium spectabit talia humano modo discernere.

Q. Fueratne Confessio tempore Apostolorum in usu? R. Fuit: Teste Jacob: c. 5. Et Acto: 19. Multi credentes veniebant confitentes & annunciantes actus suos. Et Joann: 1. Ep: 1 v. 9 Si confiteamur peccata nostra, fidelis, & justus, ut remittat peccata nostra.

Q. Ad quid in Confessione Generali, id est in Confiteor DEO &c. fit mentio Sanctorum utiq; soli DEO, non Sanctis Confessio instituenda? R. Falsum est, quod soli DEO, sed omnino etiam Sacerdoti facienda est; Jam si coram homine mortali confiteor, cur præterea non potero protestari me quoq; coram omnibus Sanctis cum DEO regnantibus fateri delicta mea.

Q. Utilisne pœnitenti talis Confessio, qua coram Ministro Acatolico instituitur cum sola protestatione universali, se esse peccatorem, & in multis deliquisse?



R. Non: & quidem ideo 1. quoniam id non est verè confiteri, & revelare ipsa peccata, sed solum in confusio fateri se peccatorem esse, quod ordinariè facere solent homines, modo se offerat occasio, etiam in medio fori, & coram quibusvis adstantibus.

2. Siquidem hujusmodi Ministri sint puri Laici, nullam prorsus habent potestatem absolvendi à peccatis, sicut plurimi ex illis ultro fatentur; ac proinde docent: peccata per solam Fidem in Xp̄m remitti, Pastor verò solum pœnitenti annunciat, quod remissa sint peccata. Ita Heretici communiter.

Veri Sacerdotes legitima Ordinatione & Jurisdictione pollentes non annunciant Pœnitenti peccata sua esse remissa, sed habent potestatem à Xp̄o collatam remittendi ea nomine Xp̄i, cum expresse dicat: *Quorum remiseritis peccata &c.*

Q. *Qua sub gravi obligatione tenentur Confessarii explicare illis præcipue, qui primo confitentur?*

R. Præter credenda necessitate Medii & Præcepti. 1. Animam hominis esse immortalem. 2. Quod DEUS nobis dat bona supernaturalia, & remittit peccata ex meritis & Passione Xp̄i. 3. Quod gratia DEI sit nobis omnino necessaria ad consequendam salutem animæ. 4. Quod in Sacramentis DEUS nobis infundit gratiam, promittitq; æternam beatitudi-

titu  
sit

ut  
rud  
non

Ann

Q  
fessio

Mul

diffi

beat

rinc

Parv

abso

fion

Und

instru

dem

2  
puel

ratio

null

biu

tatis.

3

ti: q

demon

modo

4

titudinem ex meritis Xsti. 5. Quod DEUS sit unicus noster finis.

Gravis insuper est obligatio Parochorum ut de virtutibus Fidei, Spei, & Charitatis erudiant suas oves, ut saltem 6 vicibus, si non plus eliciant hos actus Fidei &c. per Annum.

Q. *Qua sunt Confessario observanda circa Confessionem Adolescentum puerorum & puellarum?* R. Multi DD. censent cum illis maximam esse difficultatem, quia saepe dubium est, an habeant annos discretionis? an reipsa peccaverint? &c. Proinde hæc sunt observanda: 1. Parvis, quamvis non sint aliquando capaces absolutionis, expedit illis permittere Confessionem, ut discant, & assuescant confiteri. Unde tenetur Confessarius illos extra Confessionem instruere, querendo primò de Rudimentis Fidei, tandem qua spectant ad Confess. & Comm.

2. Si Confessarius dubitet, an pueri vel puellæ septennes habeant sufficientem utrumque rationis? debent absolvi sub conditione, quia nullus privandus est jure suo ob aliquod dubium; non verò absolute; ob periculum nullitatis. Gob. &c.

3. Inculcet Confessarius horrorem peccati: quia reddit animam turpem, & deformem instar demonis; reddit DEO odibilem, quia DEUS vario modo hic temporaliter, ibi aeternum punit &c. &c.

4. Si Confessarius judicet talem parvum esse



esse absolvendum, debet ipsum in lucere ad  
dolorem. *vg. Fili, qui peccant, quo perveniunt  
post mortem? utiq; ad Infernum, vel Purgatorium,  
o! quam graves penas ibi patiuntur; Quis detrudit  
ad tales penas hominem? DEUS, ecce DEUS id  
effecit, quod non sis hucusq; detrusus. an non aman-  
dus talis Dnus, qui tibi hac, & alia multa bona  
præstat? ipse creavit, ipse redemit nos &c. amasne  
tam bonum Dnum &c. dolesne? Eodem modo  
procedendum cum Rudibus.*

*Q. Si pœnitens nullum habet peccatum, seu nul-  
lam adfert absolutionis materiam? R. Reperien-  
tur aliquando maxime ex rudibus nonnulli,  
immunes ab omni gravi noxa; Proinde talis  
ex anterioribus Confessionibus repetat aliquod  
peccatum, vel, sub conditione absolven-  
dus erit.*

*Q. Qualis pœnitentia pueris & aliis rudibus im-  
ponenda est? R. Plerumq; preces tantum im-  
ponendæ sunt, & quidem tales, quos statim  
post Confessionem vel proximo Festo absol-  
vere possint. Interdum potest assignari fre-  
quentatio Confessionis, Concionis, vel alicu-  
jus Devotionis in Ecclesia.*

*Q. Quid in Confessione mutorum & surdorū obser-  
vandum venit? R. Ducendi sunt ad locum re-  
paratum & (nisi scripto confiteri possint, & bene-  
vole velint) monendi sunt, ut genua fi-  
ctant, nutu vel signo aliquo peccata sua confitean-  
tur, quorum si aliqua quocunq; modo narra-  
verint,*

verint, poterit illis Confessarius signum dare, percutiundo pectus, & oculos in Cœlum elevando, quo inquirat, num doléant de peccatis, pro pœnitentia assignando vel terrâ osculari, vel ostendere in globulis Rosarii, aut digitis tot & tot preces absolvendas, &c. Si acceperit Confessarius signum doloris? sine scrupulo absolvat, cum in tali casu non requiratur Confessio *integra materialiter*, sed *sufficiat formalis integritas*.

Q. *Quid agendum cum eo, qui à nativitate cæcus, mutus, & surdus existit?* R. Talis præter Baptismum non posset ullum aliud Sacramentum recipere.

Q. *Quæ sunt maxime adhuc observanda Confessario?* R. Præter dicta superius: I. Cavere specialiter debet, ne inter audiendas Confessiones dormitet, distrahatur, aut omnino obliviscatur peccatorum, antequam injunxerit pœnitentiam: nam si omnino nil percepisset de aliquo peccato, debet statim interrogare.

Si enim aliquid intellexisset? potest ad finē differri interrogatio, ne pœnitenti causet distractionem, dummodo moralis adsit certitudo, quod memoria non excidet. Si tamen perspectam habens pœnitentis conscientiam prudenter præsumere posset, eum non nisi venialia confiteri solere, neq; de peccato non percepto sine molestia illius possit inter



terrogare? potest tunc interrogationem omittere.

Quod si nullum omnino percepisset peccatum? licet respectu talis Pœnitentis etiam tunc omitti posset interrogatio, svadet tamen *Gob: T. 1.* Ut si absq; notabili molestia pœnitentis fieri possit, jubeat repeti unum vgt. ultimum ex narratis peccatis.

II. Non nimis cito deproperet Confessiones eo fine, ut plures audiat, meminerit moniti sapientissimi, *Gerso: Eligibilis est paucos audire complete, quam multos imperfecte . . . malles, namq; si Curatus essem, multorum differre Confessiones post Pascha etiam, ubi quidam non redirent; quam quod cæcus cacas seducerem, dum pro verè absolutis, ipsi non recte absolute se gererent.*

III. Tolerans sit Confessarius molestiarū, & fastidiorum, quæ pœnitens affert. Etenim qui nihil molestæ in hoc Ministerio ferre vult, plane se ineptum ad illud ostendit. Signa proinde intolerantiæ aut nausæ (*DEUS avertat*) nunquam prodat; His enim facile moveri potest pœnitens, ut sacrilegio se involvat, reticendo quod admisit, aut abrupto, aut excusando, quod addendum fuit, & fatendum; De quo sane Confessario gravissima coram DEO ratio reddenda manet.

*Hoc loco ipsa praxis docet: mire conducere ad pœnitentis animum conciliandum, si ab initio Confessionis svaviter nomen illius queratur (maxime si simpli.*

*simplicior & rudior sit*) vg. Age, dic mea anima, vel bone homo quando ultimo confessus es? & quibus peccatis DEUM amantissimum Patrem tuum offendisti? &c. Tales enim questiones preambula viros animos addunt poenitenti, unde colligere potest: Confessarium in visceribus charitatis cum eo agere paratum esse qui alioqui si Confessarius nihil dicat usq; ad finem Confessionis? terretur, & hominem severum suspicatur, peccata subtrahit, aut certe minus confidenter ea exponit.

Q. Si aliquando duriores & laxiores reprehendi sunt? R. Id pariter fieri debet circa finem Confessionis in spiritu charitatis & lenitatis, abstinendo ab omnibus convitiis, præscribendo media, absterrendo à peccatis, adhortando ad virtutes. Quo tamen in negotio sedulo cavebit, ne fructum bonæ seminis, à sua potius industria, quam à DEO expectet, & poenitentes nimis urgeat, ut uno quasi volatu ad culmen perfectionis, ascendant. Conetur potius bonas cujusq; propositiones cognoscere, & methodum bene vivendi cujusq; conditioni, profectui, & viribus, convenientem præscribat.

Præcipue verò laboret, ut poenitentes ipsi assuescant omnia sua opera ad DEUM referre, omnia de manu ejus patienter acceptare, ejusq; voluntati æquo animo acquiescere: ad protectionem B. V. M. in necessitatibus magna cum fiducia confugere: examen conscientie



entia quotidie facere: Sacramenta frequentare: liberorum & domesticorum sedulam curam gerere, occasiones peccatorum fugere, &c. hæc enim omnia, uti magis ab ipsis requirit DEUS, ita præ omnibus aliis supererogatoriis grata atq; accepta eidem erunt.

*Nota:* Homines prudentiâ præditi, docti, & valde graves, aut in magna dignitate constituti ( præcipue si viri sint ) plerumq; non sunt arguendi, aut admonendi, cum prudenter supponi possit, quod ipsi jam sciant Officium suum, neq; adeo magnum ex tali exhortatione fructum haustruri sint.

Etiam eos, qui frequenter confitentur, si multi adsint pœnitentes, plerumq; sine adhortatione dimittet Confessarius.

## C A P U T 2dum.

### §. 1um.

#### De Reservatis Casibus.

*Q. Quid est Reservatio?* R. Est restrictio jurisdictionis in Confessario, ne pœnitentes suos in certis casibus, seu à certis peccatis absolvere possit.

*Q. Quid est casus reservatus?* R. Est peccatum mortale, cujus absolutio nulli Sacerdoti permittitur etiam approbato, sed manet pœnitentibus

nes

nes Superiorem, vel penes delegatum ab eodem.

*Q. Daturne in Ecclesia potestas reservandi aliqua peccata ita ut inferior non valeat ab iis absolvere?*

*R. Datur: cum enim Xñus principaliter & irrestrictè Petro ejusq; Successoribus dixerit: Quidquid ligaveris super terram, erit ligatum & in Cælis, ideo poterunt hi, iustis de causis, & propter majus bonum animarum, etiam potestatem absolvendi in Presbyteris inferioribus ligare.*

*Q. Qui finis quod peccata nonnulla reservantur?*

*R. Eo fine id fit, ut subditi intelligentes hujus aut illius sceleris absolutionem difficulter posse obtineri, magis exinde illius gravitatem apprehendant, ac ab eo cõmittendo deterreantur.*

*Q. Quomodo dividuntur casus reservati? R.*

*In Papales, & Episcopales, & Prælatorum Regularium pro suis Religiosis.*

*Papa enim reservare potest pro rota Ecclesia; Episcopus pro tota Diœcesi; Minister Generalis pro toto Ordine.*

*Item alii sunt reservati cum annexa censura, alii sine ea, sed solum simpliciter sunt reservati.*

*Q. Qui? & quot sunt casus Reservati Papa?*

*R. Sunt varii, quorum 20. sunt præcipui, qui in Bulla Cane Dni continentur.*

*Q. Unde sumpta est hæc denominatio Bulla Cane Dni?*



*Dni?* R. Quia singulis Annis Feriâ V. Magnâ, seu in die Cœnæ Dni publicari solet.

Reliqui verò casus partim sunt in *Jure Canonico*, partim in variis *Constit.* Apostolicis, id est Pontificiis contenti. Sciendum autem est, quod ferè omnia peccata Papæ reservata, ordinariè habent annexam Excom: Papæ reservatam.

Q. *Qui sunt casus, & Excommunicationes Papa reservata in Bulla Cœnæ?* R. 1. Incidunt in Excom: hanc, 1. Omnes Hæretici, Schismatici, eorumq; fautores. Legentes libros hæreticorum de Religione tractantes, domi retinentes, vel imprimentes. Porro Reservata est Hæresis formalis & externa. Nam Hæreticus purè externus ( qui scilicet alio præsentem negat verbis aliquem fidei articulum intùs tamen credit ) potest à quolibet approbato absolvi, quamvis peccaret graviter ratione scandali, & in foro externo puniretur.

2. Appellantes à Papa ad futurum concilium, eorum Fautores.

3. Pyratæ in mari Pontificio, eorumque Fautores.

4. Naufragantium Christianorum bona surripientes.

5. Imponentes nova pedagia, seu Gabelas præter habentes auctoritatem ad hoc, uti sunt: Reges, Principes absoluti in terris suis.

6. Falsificantes literas Apostolicas, vel falso fabricantes.

7. Deferentes arma, & alia usui bellico idonea ad Turcas, & alios Nominis Christiani hostes.

8. Impedientes eos, qui victualia, aut alia necessaria Romam convehunt.

9. Vexantes, vel offendentes eos, qui Romam eunt pro negotiis, sive per se, sive per alium, *similis casus est* n. 10. & n. 12.

10. Offendentes, vel hostiliter insequentes Cardinales, Eppos, & Legatos Apostolicos.

11. Appellantes à gravamine, vel futura executione literarum Apostolicarum ad laicam potestatem.

12. Usurpantes Judicium competēs Ecclesiasticis Judicibus.

13. Judices sæculares, qui Personas Ecclesiasticas ad sua Tribunalia trahunt.

14. Impedientes, ne Judices Ecclesiastici suâ jurisdictione fungi possint. *Item* qui eludunt judicium Ecclesiasticum, & recurrunt ad Sæculares: omnium horum auxiliantes & faventes.

15. Usurpantes fructus seu proventus Ecclesiasticos.

16. Imponentes Decimas & alia onera Personis Ecclesiasticis, & Monasteriis, sine licentia expressa Papæ.

17. Judices Sæculares, Notarii &c. se interponentes in causis criminalibus contra spiritua-



rituales, illos processando, capiendo, vexando, sine licentia Papæ.

18. Occupantes terras aut bona Ecclesiæ Rom: & illus jurisdictionem usurpantes.

Q. *Qui sunt casus & Excomm: Papæ reservati extra Bullam Cane?* R. Sunt plurimi, de nonnullis sparsim in variis materiis in hoc libro dictum est; Alii in partibus nostris usitatiores hic sequuntur. *Ex Wigan: c. 11. &c.*

1. Incurrunt Excomm: Papæ reservatam: Sacrilegi effractores Ecclesiarum, ut eam spolient.

2. Communicantes in crimine cum Excommunicato à Papa.

3. Omnes viri ingredientiæ Monasteria Monialium, & è contra omnes Mulieres intrantes Monasteria Religiosorum.

4. Dantes, aut recipientes aliquid pro gratia, aut iustitia apud Sedem Apostolicam.

5. Docentes & defendentes propositiones damnatas.

6. Sepelientes Hæreticos in loco S.

7. Impedientes executionem literarum Sacræ Pœnitentiæ.

8. Tertiarii portantes habitum Fratrum Minorum sine licentia eorum.

9. Concionatores, qui S. Scripturæ sensum ab interpretatione Doctorum alienum, circa tempus AntiChristi, & extremi iudicii, & alia similia revelata prædicant.

10. Religioſi Apoſtata à Religione ſua, quamvis maneat in Fide Cathol. Si enim non manerent in Fide? incurrerent caſum Bullæ Cænæ.

11. Religioſi & Clerici ſæculares inducetes aliquem ad vovendum jurandum, aut promittendum per pactum, ut in eorum Ecclia ſepulturam quis eligat, vel jam electam non mutet; etſi effectus ſepulturæ non ſit ſublecutus. *In Clem.*

Non incurrunt, ſi ad id ſolum dederunt conſilium, adhortationem. Nec incurrunt Excomm: ſi inducant, ut quis eligat in aliena Ecclia. Nec incurrit, qui non eſt Religioſus aut Clericus, quamvis inducat ad vovendum &c. *Mathen.*

12. Omnis Sacerdos incurreret Excomm: Papæ reſervatam, & invalidè abſolveret, ſi abſolveret complicem ſuum contra 6. Præceptum Decalogi. Sive Perſona complex ſit mas, ſive fœmina: ſive peccatum contra 6. Præceptum ſit opere conſummatum, ſive non; imo etſi tantum fuerant oscula vel tactus: etſi perſona pœnitens complex ſit ea, cum qua Confeffarius peccavit tunc, cùm adhuc in ſtatu Laicali fuerat. Ita reſol: S. Pœnitentiaria Rom: 1751. 3. Sept.

13. Committentes Simoniam confidentialem, h. e. quando aliquis accipit Beneficium eo pacto, ut illud alteri, qui modo eſt in capax, poſtea reſignet.



14. Post defunctos Clericos rerum quarumcunq; usurpatores; id est: in quacunq; specie, sive in pecunia, sive in alia supellectili; Requiritur tamen semper quantitas sufficiens ad peccatum mort: quia censura Excomm: præcipue Papalis, non fertur ob leve peccatum.

15. Regulares administrantes Viaticum, Extremam Unctionem; Solemnizantes Matrimonium sine privilegio, vel speciali licentia Eppli, aut Parochi.

*Excommunicationes Papa non reservata usitatiores ex Wigan. c. 11.*

1. Contrahentes Matrimonium in gradibus prohibitis, vel cum Monialibus.

2. Cogentes fœminas ad Matrimonium, vel Monasterium.

3. Negligentes administrare justitiam Ecclesiasticis &c.

§. 2<sup>us</sup>.

Reliqua scienda de Reservatis.

Q. *Suntne adhuc plures casus habentes annexam censuram tam reservatam, quam non reservatam?* R. Sunt; quorum series etsi Confessario sit ignota, non tamen exinde debet torqueri, & anxius esse. Judicium enim hoc Sacramentale humano modo exerceri debet, foret autem imbecillitati humanæ onus planè insupportabile noscendi omnes censuras, & memoriâ tenendi. *Com. DD. apud Rey. p. 1. Inst. 6.*

Q. *Qui*

**Q.** *Qui sunt casus Eppo Diacesano reservati?*  
**R.** Sunt illi, quos sibi unusquisq; Eppus pro sua Diacesi specialiter reservat; à quibus nec Regulares absolvere possunt sine licentia Eppi. *Contrar. damn. ab Alex. VII.*

Hi autem casus non possunt per extensum recenseri, cum non sint uiformiter in omni Diacesi iidem, sed pro libitu Epporum, juxta statum suæ Diacesis diversi excipiuntur.

**Q.** *Quæ sunt observanda de casibus Bullæ Cænæ?*  
**R.** Hæc: I. Hi casus habent strictissimam reservationem, & annexam Excomm: Papæ reservatam, cum derogatione privilegiorum quibuscunq; concessorū. Unde præfatos casus, si qui memoriâ tenere non possint, debent eos apud se habere, ut cognosant, ne errent, absolvendo illos, ad quos jurisdictio eorum non extenditur.

II. Sacerdos à casibus Bullæ Cænæ absolvere præsumens extra periculum mortis, incurrit Excomm: ipso facto, licet non reservatam (à qua posset absolvi ab Eppo. *Ita Vigan:*) & peccat mortaliter.

Ordinariè à casibus Bullæ Cænæ, Papa absolvit; si tamen sint occulti, & nondum ad Forum contentiosum deducti, absolvere potest Eppus per seipsum, vel per suum Vicarium. *Trid: Sess: 24.*

**Q.** *An potest Eppus in aliquo casu absolvere à casibus Bullæ Cænæ etiam publicis?* **R.** Potest, si  
 Kk adfint



ad sint impedimenta, propter quæ poenitens  
personaliter neq; potest adire Nunciū Aposto-  
licū; Romam, quia Ecclia utpote Mater cea-  
setur id concedere. *Vigant. &c.*

Q. *Quæ sunt illa impedimenta?* R. 1. Si sit  
periculum mortis in itinere. 2. Si sit longa  
infirmas, etiam non periculosa. 3. Si sit  
paupertas, ut si cogeretur mendicare, qui al-  
ias non solebat. 4. Aetas senilis, vel juve-  
nilis. 5. Sexus fragilitas, ut si sit foemina.  
6. Si poenitens non sit sui juris, ut filius re-  
spectu Patris, servus respectu Dni. 7. Cu-  
ra animarum. 8. Debilitas, ob quam mole-  
stia itineris ferri non possunt, item si sit cæcus  
claudus &c. 9. Quodvis impedimentum,  
quod arbitrio prudentis judicatur legitimum.

Q. *Confessarius simplex an potest absolvere in arti-  
culo mortis a censuris?* R. Potest ab omni hæ-  
resi, etiam publica: à Duello, ab omnibus  
censuris siue sint *Bulle Cana*, siue extra *Bul-  
lam Cana*.

Hæc tamen tunc essent observanda. I.  
Quod eo casu absolveret tantum *indirecte* ab  
iisdem censuris. Unde antequam absolveret  
sub pec: mortis, obligatur imponere tria onera:  
1. Ut poenitens, si convalescit, præsentet  
se Superiori, id est habenti potestatem in Re-  
servata. 2. Ut faciat promissionem de stan-  
do mandatis Ecclæ. 3. Si satisfactio debet  
fieri? debet id exequi, vel saltem cautionem  
jura-

jura-  
re:  
vel  
pro  
id n  
incu  
I  
requ  
Pro  
foro  
jam  
foro  
Il  
vat  
licet  
sister  
Q  
tali  
curri  
tio  
do  
à tal  
Q  
serva  
ordi  
at c  
invi  
hom  
Eccl  
rele

juratam dare, tandem absolvat sub dicto onere: ut cessante morbo, præsentet se Superiori, vel coram ipsomet Confessario, postquam sibi procuraverit facultatem absolvendi; quod si id non præstiterit? ob inobedientiam, novam incurret Excomm: Papæ reservatam.

II. Pro censuris reservatis in Bulla Cænæ requiritur juramentum, seu promissio jurata; Pro reservatis autem extra Bullam Cænæ in foro Sacramenti sufficit simplex promissio; jam verò juramentum exigitur tantum pro foro externo. *Felix Po.*

III. Absolutus in articulo mortis à reservatis, quæ non habent annexam censuram, licet convalescit, nulli Superiori tenetur se sistere, quia tunc omnis reservatio cessat.

Q. Dum pœnitens invincibiliter ignorat tali vel tali peccato esse annexam reservationem Ep̃i num incurrit reservationem? R. Affirm: quia reservatio principaliter afficit Confessarium, tollendo ipsi facultatem in ordine ad absolvendū à tali peccato pœnitentem.

Q. Utiq; pœnitens non incurrit casum Papa reservatum, si invincibiliter ignorat? R. Quia Papa ordinarie non reservat sibi casum, nisi habeat censuram annexam; Censura autem (si invincibiliter ignoretur) nō incurritur, quia homo non censetur tunc fuisse contumax & Ecclæ inobediens. Ep̃i verò solent casus reservare sibi sine censuris annexis.



Duo tamen casus reperiuntur Papæ reservati sine censura. I. Malitiosa & injusta accusatio sollicitationis contra Confessarium innocentem; taliter accusantem nullus Sacerdos quocumq; privilegio ac indulto munitus extra articulum mortis posset absolvere, præter Romanum Pontificem. *Bened XIV. Const. Sacram. Pœnit.* II. Receptio donorum à Regularibus etiam Superioribus oblatores (exceptis quæ fiunt propter remunerationē v. elemosynā) Urb: VIII. *Const. Nuper* ubi statuit, ne Confessarii ordinarii possint absolvere præfatum casum post publicationē suæ Bullæ, & si donū excederet 10. Scuta, recipiens illud ne quidē à S. Pœnitentiaria possit absolvi, nisi prius factâ restitutione doni; quod etiam confirmavit *Bened: XIV. in Bulla Pastoralis A. 1744.*

Q. *Filia habens casum reservatum sive sine, sive cum annexa censura, & adstante Matre debet ad S. Synaxim accedere. Vel Sacerdos in simili aliquo reservato habet necessitatem celebrandi Missam, sed caret Sacerdote approbato pro reservatis, quid facere debet?* R. Confiteri debet cuicumq; Approbato, ut absolvatur directe à non reservatis; indirecte verò & consecutive à reservatis.

Hoc tamen casu habet obligationem postea adeundi Superiorem, ut directe à reservato absolvi possit. Vel eidem Confessario tenetur confiteri, postquam procuraverit facultatem absolvendi à reservatis.

Q.

Q. *Regulares an subjacent casibus ab Episcopo reservatis?* R. Non exempti, subjacent; exempti verò, non subjacent, quia quo ad hoc nō subjunt jurisdictioni Epi. CC. DD.

Q. *Si quis commisit reservatum in sua Diacesi, & accedit ad Cōfessarium in alia Diacesi, in qua non est reservatum, rectene absolveretur?* R. Affir: nisi venit in fraudem reservationis, tunc enim ratione malæ dispositionis absolvi nequit, fraus enim nemini patrocinari debet.

Q. *Si quis verò commisit delictum in Diacesi ubi non est reservatum, an potest absolvi in Diac. ubi est reservatum?* R. Non potest, ob subtractam facultatem Cōfessario.

Q. *Qui confessus est Sacerdoti habenti potestatem in reservata, & sine sua culpa oblitus exponere reservatum, an potest illud reservatum postea confiteri Sacerdoti non habenti potestatem in reservata, & ab eo absolvi?* R. Potest, quia in priori absolutione sublata est reservatio per Sacerdotem, qui potuit absolvere ab ea.

Q. *Facultas concessa in Reservata pro foro interno num expirat morte concedentis?* R. Non, cū sit gratia.

Secus dicendum de jurisdictione pro Foro externo, hæc enim mortuo delegante expirat, quia hæc facultas habet potius rationem mādati, & non gratiæ; mandatum autem expirat morte mandantis. Lay. l. 5. &c.

Q. *Qui habet facultatem absolvendi ab omnibus*  
Papa

Q.



*Papa reservatis, potestne tunc etiam à reservatis Episcopo absolvere?* R. Non potest, nisi expresse habeat facultatem & in reservata Epopo.

§. 3<sup>tus</sup>.

De Actibus Humanis.

*Q. Quid est Actus Humanus?* R. Est libera hominis operatio vel omisso.

*Q. An est unum dicere: actus hominis, & actus humanus?* R. Theologicè loquendo, non sunt idem, quia *Actus hominis* est quæcunq; actio ab homine procedens, sive sit libera, sive necessaria, sive cum advertentia, sive sine ea, vg. crescere, nutrire, &c.

Jam verò: *Actus humanus* est tantum illa actio, quæ ab homine procedit præviâ cognitione, & voluntarie, sive ille actus sit bonus, sive malus, ut exercere virtutes, committere peccatum.

*Q. Actus humanus quotuplex est?* R. 3plex: *primus* Moraliter bonus est actus conformis rectæ rationi, & regulis morum vg. *Amor Dei, actus Fidei* &c.

*2<sup>us</sup> Actus moraliter malus*, est actus difformis rectæ rationi, & regulis morum vg. *odium Dei, & alia peccata omnia*.

*3<sup>tus</sup> Actus indifferens*, est actus ille, qui neq; est conformis, neq; difformis rectæ rationi, & regulis morum vg. *ambulatio, & recreatio secundum se considerata*, neq; est bona, neq; mala, tamen potest esse bona, si fiat

fiat cum intentione bona. Contrà, potest esse mala, si in finem malum instituat.

Q. Quibus modis procedunt ab homine actus tã hominis, quàm humani? R. Cogitatione, locutione, & operatione, vel horum omnium omissione.

Q. Actus humanus quotuplex adhuc considerari potest? R. 2plex: I. Actus necessarius, qui necessario procedit ab aliqua potentia, hoc est, qui positus omnibus requisitis non potest non poni, vg. intellectio ab intellectu, & primi motus à voluntate necessario procedunt.

II. Actus liber, qui libere procedit à voluntate, vg. locutio, visio &c.

Nota: Actus internus est ipsa volitio, vg. quando quis vult & intendit aliquem occidere. Actus externus est ipsa actualis occisio.

Q. Actus externus an addit bonitatem vel malitiam actui interno? R. Actus externus per accidens habet distinctam malitiam & bonitatem ab actu interno, ita ut cum actu interno faciat maiorem bonitatem, vel malitiam extensivè.

Q. Quae sunt constitutiva actus humani? R. I. Voluntarium & est, quod procedit ab intrinseco, ex cognitione finis, sic amor Beatorum in DEUM est voluntarius, est tamen simul necessarius, seu non liber, quia impossibile est DEUM videre in Patria, & eum non amare.

II.



II. Et liberum, quod procedit ab extrinseco aliquo principio se ipsum ex electione determinante, ita ut possit se non determinare. Sic opera bona & mala libere procedunt ab hominibus. Hinc omne liberum est voluntarium. non è contra.

Q. Quotuplex est Voluntarium? R. Multiplex: Formale, Actuale, Habituale, Virtuale, & de his ita loquendum est, sicut de divisione intentionis.

Aliud Directum, quando aliquid volumus in se ipso. Si vg. aliquis omittit Missam audire studio, & ex negligentia. Et Indirectum, quando unum volumus in alio. Sic indirecte volo omittere Sacrum, dum venationem die Festo instituo.

Aliud Interpretativum, quod formaliter hic & nunc non pendet à voluntate alicujus; tamen fit dependenter ab aliqua interpretatione, & præsumptione de illius voluntate, ex quibusdam rationibus, signis & circumstantiis vg. Si servus aliquid faceret præsentem, & nõ contradicente Dno.

Q. Actus humani unde desumunt suam moralem bonitatem & malitiam? R. Ex objecto ex fine, & ex circumstantiis.

Notandum: Ut sit actus bonus honestus, debet necessario desumere suam bonitatem ex 3plici capite: Ex objecto, fine, circumstantiis, prout conveniunt naturæ rationali, & legi Divinæ, nimirum debet

debet esse de objecto bono, vel saltem indifferente, sed conducibili ad bonum finem; debet fieri modo conveniente, debet esse in circumstantiis objecto debitis, & debet esse propter finem honestum.

*Secus dicendum de actu malo:* ut sit actus malus, malitia ejus potest desumi non tantum ex *aplici* aut *aplici*, sed etiam ex uno capite vg. si fiat aut propter finem malum, aut objectum inhonestum, aut circumstantias inhonestas, & disconvenientes naturæ rationali, & legi Divinæ. Bonum enim ex integra causa, malum ex quovis defectu.

Q. Quot sunt regula morum seu actionum humanarum? R. Dux Ratio seu dictamen conscientiæ, & Leges, quæ fundantur in voluntate Divina.

§. 4tus.

De Conscientia.

Q. Quid est Conscientia seu dictamen rationis?

R. Est judicium practicum particulare, quod dicat hic & nunc tale malum esse fugiendū, & tale bonum esse amplectendum.

Q. Cur dicitur: judicium practicum, seu judicium intellectus practici? R. Quia conscientia versatur circa humanas actiones, nō tantum ut illas cognoscat, sed etiam ut illas regulet, & dirigat.

Q. Quid est Synderesis? R. Est habitus principiorum moralium & practicoꝝ, dictans



dictans in genere, quod bonum est faciendū,  
& quod malum est fugiendum, vg. *DEUS*  
*est colendus, quod tibi non vis fieri, alteri ne fece-*  
*ris, &c.*

Q. Quo differt conscientia à Synderesi? R. Syn-  
deresis proponit principia communia, gene-  
rica & universalissima; jam verò conscientia  
proponit aliquid faciendum, vel fugiendum  
hic & nunc in particulari vg. *Missa audienda*  
*est hodie, quia est Festum &c.*

Q. Quotuplex est Conscientia? R. 5plex: I.  
*Recta & certa*, quæ certè & rectè judicat ali-  
quid esse faciendum, vel non faciendum.

II. *Erronea Conscientia*, est: quæ falso judi-  
cat aliquid esse faciendum, vel non facien-  
dum.

Q. Cur dicitur Recta, Erronea &c.? R. Quia  
iudicium intellectûs, seu conscientia aliquan-  
do rectè, aliquando erroneè, aut scrupulosè  
judicat hoc esse tale, vel tale; & ideo si re-  
ctè judicat? erit recta, si erroneè? erronea;  
si scrupulosè? scrupulosa.

Q. Conscientia Erronea quotuplex? R. 2plex.  
*Erronea vincibilis seu vincibiliter*, cujus error,  
moraliter loquendo vitari potuit, & debuit,  
& ideo est culpabilis. Et *Erronea invincibiliter*  
*seu invincibilis*, cujus error etsi adhibita dili-  
gentia morali vitari non potuit, & ideo ad  
culpam non imputatur.

Q. Si quis ex conscientia erronea iudicet esse mor-  
tale,

*tale, quod est veniale, & illud faciat, vel omittat?*  
 R. Peccat mortaliter. S. Tho: 1. 2. q. 19.  
 Dummodo illud opus sit liberum. Un-  
 de incarceratus etsi putaret se mortaliter pec-  
 care, non audiendo Missam, non peccat, quia  
 non est ei liberum de carcere exire.

Q. *Dum quis credit actionem vel omissionem ali-  
 quam sub veniali esse prohibitam?* R. Dum facit  
 vel omittit non contrahit aliam, nisi veniale  
 meritum, licet aliqui actio vel omisso illa  
 mortaliter sit peccaminosa. *Com. TT*

Q. *Quali modo Conscientia vincibiliter Erronea  
 deponenda est?* R. Investigare debet homo di-  
 ligentiùs veritatem, attentè considerando, in  
 quo se falli suspicatur. Tum etiam adhiben-  
 do consilium prudentioris. In quo casu, si  
 prudens consuleret falsè, & errans homo in-  
 nixus ejus consilio operaretur? non peccaret,  
 quia protunc haberet conscientiam invincibi-  
 liter erroneam.

III. *Conscientia dubia est, quæ nihil judicat,  
 sed manet suspensa seu anceps inter hanc &  
 illam partem, vg. an hoc sit licitum, an non.*

Alia est conscientia *speculativè dubia*, dum  
 quis dubitat nude & pæcisè de veritate ali-  
 qua, vg. *an si Adam peccasset, Xstus venisset.*

Alia *dubia practice*: si dubitat de actione,  
 ejusq; honestate in particulari hic & nunc  
 exercenda.

Q. *An licet operari cum conscientia practice du-  
 bia?*



bia? R. Non licet, Hinc vg. Petrus dubitans an licitum sit in Eccla spueri? spueri licite non potest; Debet ergo suam actionem suspendere, donec re mature examinata dubium prudenter deponat, formando iudicium determinatum de honestate, seu bonitate actionis.

Q. An licitum cum conscientia speculative dubia operari? R. Licitum, si practice iudicem opus illud esse hic & nunc sibi licitum; vg. Si dubitem an hodie sit jejunium, & post adhibitam diligentiam rescire non possum; potero me practice resolvere, quod non teneor hodie jejunare, quia est possessio in mea libertate.

Q. Si dubitem de aliqua lege an sit lata? vel de voto an emisim? R. Possum me tutam conscientiam resolvere: tali lege, aut voto non obligari.

At si mihi constet legem aut votum existere, sed tantum dubito, an illis sit satisfactum? ad satisfaciendum obligor. Quia tali casu lex, & votum est in possessione. Hinc Sacerdos plene & prudenter dubitans an Horas Can. persolverit? tenetur eas persolvere.

Q. Qui certus est de lege lata, sed dubius est, an casus hic & nunc occurrens lege illam comprehendatur, an recte resolvit se quo ad illum casum non obligari? R. Recte, quia præsumptio, quo ad hoc punctum est pro libertate, vg. Præceptum est: die festo

*festo abstinere ab opere servili, dubito an pingere, sit opus servile? non teneor à pingendo abstinere.*

*Q. Qui dubius est post diligens examen, an ali- quid alteri debeat, utrum tenetur solvere? R. Neg. quia iniqua esset solutio certa, pro de- bito incerto. Verùm, qui certus est de de- bito, sed dubius est, an persolverit? à solu- tione non eximitur, eo enim casu possessio fiat pro debito. Sua. Vas. &c.*

*Q. An obest bona fidei possessori dubium superve- niens? R. Non, vg. si emerem librum bonâ fide, & postea dubitarem, an fuerit Petro ablatum? retinere possum, si nihil certius oc- currat.*

*Sciendum: Quotiescunq; Confessarius ani- madvertit pœnitentem esse in bona fide cum ignorantia invincibili circa aliquod peccatum commissum vel committendum, sive sit pec- catum ex infirmitate proveniens, sive ex ma- litia, prævidetq; pœnitentem quamvis instrue- retur, & à sua bona fide ac ignorantia per ipsius peccati declarationem retraheretur, nō idcirco à peccato recessurum esse? Eo casu, si sperat probabiliter suam admonitionem nō profuturam, non tenetur pœnitentem mone- re; foret enim actus inutilis.*

*Quod si verò pœnitens vel minimum pa- tiatur dubium, illiusq; resolutionem petat? tenetur Confessarius illi veritatem aperire, licet non ignoret pœnitentem suis monitis & dictis*



dictis non obtemperaturum; Eo enim ipso, quod pœnitens dubitet, jam habet in conscientia remorsum peccati sui, ita ut non amplius in illa bona fide foret, si non vellet instrui. *Sanche Bertau &c.*

*Exempli gratia* Duo contraxere Matrimonium bonâ fide cum impedimento dirimente, accedit Conjux Confessionale, confitetur; Confessarius probabiliter credit, etiam si impedimentum istud illi declararet, se nihil effecturum? nihil tenetur dicere, sed ipsum in sua bona fide relinquat.

*Item* Conjugata quædam bonâ fide ad 2das convolavit nuptias, eò quod suum conjugem obiisse intellexerit, Confessarius verò certò scit, ipsum adhuc vivere, nihil illi dicat, nisi inde aliquem fructum sperare possit; reservet negotium in tempus commodum, quo majorem fructum sperare possit, contentus hic & nunc, quod suus pœnitens in generali protestetur, malle se mori, quam DEUM mortaliter offendere.

IV. *Conscientia probabilis* est, quæ cum formidine oppositi judicat aliquid ex rationibus non levis momenti, vel ex auctoritate Doctorum.

Q. *In quibus casibus non licet sequi opinionem probabilem relicta probabiliore?* R. *Judice in judicando; Medico in medendo; Sacerdoti circa essentia*

tiali  
tene  
V  
dica  
oritur  
catu  
tur  
Q  
Per  
non  
sari  
pecc  
sem  
C  
tene  
do  
tur  
test  
fess  
C  
Ex  
tura  
Ex  
Ex  
mel  
Div  
pœ  
ptu  
pul  
SS.

tialia Sacramentorum. Nam hi sub mortali tenentur sequi opinionem probabiliorem.

V. *Conscientia scrupulosa* est, quæ aliquid iudicat ex frivolis & levibus rationibus; Hinc oritur timor, & anxietas suspicando esse peccatum, ubi non est peccatum: & hoc vocatur *scrupulus*.

Q. *Quæ sunt indicia Conscientia scrupulosa?* R. Perturbatæ actiones. 2. Pertinacia iudicii, non enim vult acquiescere consiliis Confessarii, neq; aliorum prudentum. 3. Timor peccati in omni actione. 4. Anxie orat, semper subsistit, eadem repetit &c.

Q. *Quæ sunt privilegia scrupulosi?* R. Non tenetur ad tantam diligentiam in examinando conscientiam, prout alii. 2. Non tenetur confiteri dubia, sed quæ certo jurare potest, quod commiserit, & nondum sit confessus.

Q. *Ex quibus causis scrupuli proveniunt?* R. 1. Ex mala constitutione hominis, scilicet: ex natura timida frigida, melancholica &c. 2. Ex infirmitate, præsertim dolore capitis. 3. Ex diuturna tristitia, per quam acquiritur melancholia. 4. Aliquando ex permissione Divina, ut homo patiatur hunc cruciatum ob poenam peccati, præsertim superbix, contemptus aliorum; Aliquando etiam prosunt scrupuli ad majus meritum, ut constat ex Vitis SS. &c.

Q.



**Q.** *Quæ sunt remedia contra scrupulos?* **R.** 1. Scrupuli possunt tolli per medicinas, ut tollantur humores, & melancholia. 2. Debet esse frequens recreatio, distractio. 3. Sit refugium ad DEUM per orationes contra tentationes diaboli. 4. Non facile credat, quod præbuerit consentum, quia in hoc sæpe fallitur. 5. Studia sunt temperanda, jejunia fiant tantum ex consilio Confessarii, confortia cum scrupulosis sunt vitanda &c.

**Q.** *Quomodo Confessarius se gerere debeat cum scrupulosis?* **R.** Magna scientia, prudentia & discretio requiritur in Confessario, ne magis conturbaret, affligeret, induceretq; in desperationem. Proinde.

*Hæc sunt observanda:* 1<sup>mo</sup> Ut habeat Confessarius remedia, seu responsa in promptu, & sine ulla hæsitacione instruat, injungendo hoc esse faciendum omnino, vel omittendū. 2<sup>do</sup> Prolixos discursus non faciat, neq; multiplicet rationes, ne occasio præbeatur plurium scrupulorum, sed sine discursu captivet intellectum.

3<sup>tio</sup> Perlivadeat, & injungat promptam obedientiam, ut abjecto suo judicio, exequatur jussa Confessarii. 4<sup>to</sup> Extra Confessionem non permittat adire propter interrogationes faciendas de dubiis.

5<sup>to</sup> Non permittat Confessiones anteriores repetere, & facere generales, nisi sit magna

& evidens necessitas. 6to Prohibeatur lectio  
rigidorum librorum etiam Alectorum. 7mo  
Non fiat crebra mutatio Confessoriorum. 8vo  
Scrupulosis exhortatio facienda est iuvavis,  
mitis & benigna, ne afflictio addatur affli-  
cto. Si tamen sit necessitas? potest adhiberi a-  
liquando discretæ austeritatis, ut amoveatur  
pertinacia scrupulosis inesse solita.

§. 5tus.

De Indulgentiis.

Q. Quare Confessarii quadam opera pœnitentia  
inungere solent? R. Ut pœna temporalis, quam  
pro peccatis nostris meremur, per jejunium,  
orationes, elemosynas &c. avertatur.

Q. Utiq; per absolutionem Sacerdotis absolvitur  
homo nomine Xsti ab omnibus peccatis, & pœnis? R.  
Absolvitur à peccatis & pœna æterna, non  
tamen à pœna temporali.

Q. Ergo solet DEUS remittendo peccatum. &  
consequenter etiam pœnam æternam, adhuc reservare  
pœnam temporalem? R. Solet, teste Scrip. Num:  
14. v. 18. Dominus patiens est, & multa miseri-  
cordia, auferens iniquitatem & scelera, nullumq; in-  
noxium derelinquens, qui visitas Patrum in filios, in  
etiam & æram generationem.

Q. In exemplo? R. 2. Reg: 12. Expertus  
David, cui licet fuerit remissum peccatum  
adulterii, & homicidii, pœna tamen tempo-  
ralis non remissa: Verumtamen filius tuus morie-  
tur inquitabat Propheta.

LI

Item



Item Num: 14. v. 20. Quamvis DEUS ad orationem Moyſis dimiſſet delicta populo, mulctati tamen ſunt plurimi pœnâ temporali, ne videlicet terram promiſſionis ingrederentur.

Q. Utiq; Xtus pro nobis ſatiſpaſſus? R. 1. Verum eſt, nihilominus tot crucibus premuntur homines, ut docet experientia. Chriſtus etiam pro Paulo paſſus, & tamen 1. Cor: 9. inquit ille: *Caſtigo corpus meum, & in ſervitutem redigo.*

2. Abunde Xtus ſatiſfecit pro peccatis omnium hominũ, nihilominus præterea obligavit, ut hanc ſibi ſatiſfactionem applicarent, ſicut in ordine ad remittendam culpam, & pœnam æternam per Sacramentum Pœnitentiæ, ita etiam ad remittendam pœnam temporalem per opera à Confefſario injuncta, aut alio modo. Scimus de Ninivitis *Jona 3. De Rege Achaz 3. Reg: 21. Et Daniel: 4. v. 24.*

Q. Habeturne adhuc facilior modus pro declinanda pœna temporali? R. Habetur nimirum uſq; Indulgentiarum.

Q. Si quis in hac vita non exſolvat pœnam temporalem, & prædictis modis a ſe non avertat? R. Is tenebitur id facere in altera vita, in Purgatorio.

Q. Quid eſt Indulgentia? R. Eſt remiſſio pœnæ temporaliſ debita pro peccatis actualibus,

bus,  
Sacr  
cleſi  
Q  
infin  
nes  
rum  
Q  
Ipiri  
ſed  
pene  
qui  
facti  
Mat  
Q  
Poſt  
Non  
à po  
per  
ad e  
ex t  
Indu  
Q  
lo m  
proſi  
Q  
bore  
vibu  
opera  
iſq;  
bus,

bus, quo ad culpam jam remissis facta extra Sacramentum per applicationem thesauri Ecclesiæ.

Q. *Quid est iste thesaurus Ecclesiæ?* R. Sunt: infinita ac pretiosissima opera, & satisfactiones Xsti Dni, item merita B. V. M. ac aliorum OO. SS.

Q. *Ubinam hic thesaurus existit?* R. Cùm sit spiritualis, non requirit locum materiale, sed est in suprema potestate clavium, nempe penes Papam, (cui commissæ sunt claves) qui habet potestatem applicandi easdem satisfactiones etiam aliis Christi fidelibus Vid. Matth: 16. v. 19. Joan: 21. v. 15. 16.

Q. *Ad quid Indulgentiæ sunt necessaria?* R. Postquam homo in Sacramento Pœnitentiæ Nomine Xsti absolutus est à peccatis suis, & à pœna æterna, applicantur eidem merita Xti per orationes, aut alia pia opera, in ordine ad extinguendam quoq; pœnam temporalem ex toto, vel saltem ex parte, juxta varietatē Indulgentiarum.

Q. *Possuntne Indulgentiæ pecuniâ emi?* R. Nullo modo, cùm Indulgentiæ ex meritis Xsti profuant, quæ sunt infiniti valoris.

Q. *Pro quo igitur solvitur Roma?* R. Pro labore, quem describendis & imprimendis Brevis Apst: impendunt: Dignus enim est operarius mercede. Luc: 10. Pro vialibus, aliisq; expensis fieri solitis.



Q. *Quæ requiruntur conditiones ex parte nostra ad lucrandam Indulgentiam?* R. Præcipue sequentes: 1. Volens lucrari debet esse baptizatus, non excommunicatus, debet esse in statu gratiæ, saltem tunc, quando ultimum opus præscriptum completur.

2. Requiritur ut omnia opera injuncta adimpleantur, quæ ordinariè solent injungi: *Oratio, Jejunium, Elemosyna &c.*

3. Detestatio omnium peccatorum requiritur, propositum ac sollicitudo satisfaciendi DEO per congruas satisfactiones.

Q. *Quomodo Indulgentiæ prosunt vivis, & quomodo defunctis?* R. *Vivis:* per modum sententiæ, seu judicialis potestatis. *Defunctis vero* deprecativè per modum suffragii, quia animæ Purgatorii sunt extra forum jurisdictionis Papæ.

Q. *Quando oramus pro anima, quæ non est in Purgatorio, an inanis est oratio?* R. Non est inanis, sed nobis est meritoria, & prodest aliis animabus indigentibus.

Q. *An ad lucrandas Indulgentias necessariò præmittenda est Confessio?* R. Si in concessione Indulgentiæ nõ exprimitur? sufficit, ut lucrans sit in gratia; vel si in peccato existit? & confiteri hic & nunc non potest, Contritionem eliciat; Nisi Confessio omnino sit injuncta.

Q. *Quoruplex est Indulgentia?* R. *Plenariæ*, per quam plenè remittitur pena temporalis;

Et

Et *Non Plenaria*, per quam solum pars pœnæ temporalis remittitur

*Plenaria* solet subdividi in *Plenior* illa est: dum potestas absolvendi à casibus reservatis superadditur. Et in *Plenissimam*: dum ultra hæc etiam Dispensationes in votis conceduntur ut sit in Jubilæo, & in Indulgentiis in forma Jubilæi datis.

*Indulgentia 100. vel 1000 annorum* sensus est: quod per talis Indulgentiæ collationem tanta pœna remittitur cu piam, quanta remitteretur virtute illius pœnitentiæ, quæ zdum formam Juris, & consuetudinem Ecclesiæ olim statuebatur, si ipsa tot diebus vel annis in hoc mundo perageretur.

*Quadragesima* Est Indulgentia 40. dierum, id est relaxatio tantæ pœnæ, quanta fuisset redempta per pœnitentiam 40. dierum, olim ab Ecclesia pro certis peccatis statutam.

*Septena* est Indulgentia 7. annorum, seu relaxatio tantæ pœnæ, quanta fuisset redempta per pœnitentiam 7. annorum.

*Carena* est Indulgentia utramq; completens: ita ut sit remissio tantæ pœnæ, quanta fuisset remissa per pœnitentiam 40. dierum in pane & aqua peractam, & per aliam pœnitentiam 7. annorum subsequentem.

Indulgentia alia est *Personalis*, quæ conceditur alicui Personæ determinatæ, vel toti Religioni. Alia *Localis*, quæ alicui pro loco conce-



conceditur ad ejus devotionem augendam, in ordine ad personas in tali loco orantes. Alia *Realis*, quæ conceditur rebus mobilibus vg. Rosariis, Imaginibus &c. in ordine ad homines consequi Indulgentiam volentes.

Q. An possumus unâ eâdemq; die plures lucrari Indulgentias? R. Non plenarias, possumus. Plenarias verò nō nisi semel pro nobis. S. Con. 7. 1688. Pro animabus vero possumus lucrari toties, quoties de die elicimus opus, Cui annexa est Indulgentia communicabilis illi.

Q. An si ob Leges Rubricæ Festum aliquod in Parochia transferri debeat, etiam indulgentias ob Festum concessas pro illo primum die, in quem transfertur, promulgare debeat? R. Negant quidem Azor. Fag. sed probabilius affirmant multi DD. apud Dia. Gob., eò quod tunc ratio, propter quam ad tale festum Indulgentia concessa est, adhuc vigeat. nempe, ut festum tale à fidelibus cum tanto majori frequentia celebretur.

Q. An si Ecclesia in qua Indulgentia proposita sunt, nimis angusta sit, possit publice fideles hortari, ut foris in Cameterio preces præscriptas persolvant? R. Affirm: quia tales adhuc censentur moraliter præsentés. Lay. Suar. &c.

§. 6tus.

De Jubilæo.

Q. Indulgentia plenaria distingviturne à Jubilæo? R. Distingvitur solum accidentaliter, inquantum

tum Jubilæum superaddit potestatem à reservatis, & commutandi vota, licet nō omnia.

Q. *Quid est Jubilæum?* R. Est Indulgentia plenaria à Summo Pontifice concessa visitantibus certas Ecclesias, & præscripta pia opera peragentibus. unâ cum concessione certarum facultatum in Brevis Apostolico expressarum.

Q. *Quotuplex est?* R. *Ordinarium*, quod post Annum S. Romæ celebratum, conceditur Regnis & Provinciis extra Italiam.

Et Jubilæum *Extraordinarium*, quod conceditur vel post coronationem Neo Electi Papæ, vel in gravi aliqua necessitate Ecclesæ.

Q. *Hæc vox Jubilæum unde suam originem traxit?* R. A voce *Jobel*, quæ buccinam significat. Nam populus Israëliticus excitabatur tubis ad recolendum Annum 50. Ingressus filiorum Israel in terram promissionis. In hoc A. 50. qui Judæis erat *Jubilaus*, debita remittebantur gratis, servi libertate donabantur, & sic nostrum præfigurabat *Jubilæum*, in quo fideles servitutis jugum, quo à diabolo premuntur, excutientes, redeunt in possessionem hæreditatis æternæ.

Antehac Jubilæum nō concedebant Pontifices nisi singulis 100. Annis. Dein singulis 50. tandem indulserunt, ut ob brevitatem vitæ humanæ singulis 25. annis celebraretur.

Q. *Quæ sunt requisita ad lucrandum Jubilæum?*  
R.



R. Eadem quæ ad lucrandum *Indulg. plen.* de quibus dict. superiùs. Et insuper illa omnia, quæ in Bulla Jubilæi præscribuntur: uti sunt *Jejunium, elemosyna, visitatio Ecclesiarum, oratio, Confessio, Communio.* Hæc omnia ita, & eo modo, ac illo tempore sunt adimplenda, quo sunt præscripta. O! quam sapiùs propter suam incuriam multi frustrantur Jubilæi gratiâ.

J. junium debet omnino feria 4ta, 6ta & Sabbatho absolvi. Ad quod absolvendum tenentur etiam illi, qui sunt à j. junio Ecclesiastico de jure liberi, uti juvenes ante Annum 22. & senes post annos 60.

Q. Jejunium Feria Sexta per annum habetne aliquod fundamentum in Scriptura? R. habet, Math. 9. v. 15. ait Xstus: Cum auferetur ab eis Sponsus, tunc jejunabunt. Porro Sponsus, id est Xstus ablatuſ est feria 6ta.

Q. Quid respondendum iis, qui obijciunt: ubi DEUS jejunium præcepit? R. illud Xsti Dmni: Qui non audierit Eccliam, sit tibi sicut Ethnicus &c. Math 18.

Q. An tenetur quis in eodem loco vg. in eadem Urbe omnes conditiones Jubilæi exequi? R. Non tenetur, sed potest in illa Eccla, ubi manet vg. j. junare, & alibi confiteri, & communicare, quia favor Jubilæi non est localis, sed personalis. CC. DD.

Q. Quæ Privilegia solent Confessarii habere tempore Jubilæi? R. Possunt absolvere à quibusvis

vis calibus etiam Bullæ Cænx, exceptâ Hæ-  
resi formali, si ita Bulla sonat. Item Con-  
ceditur facultas commutandi vota omnia, ex-  
cepto voto castitatis & ingrediendæ Religio-  
nis. In reliquo legatur Bulla Jubilæi.

Q. Si quis fuerit in via longa, & veniens in locū  
suū, invenit jam finitum tempus Jubilæi, num po-  
terit imbi opera Jubilæi peragere, & sic lucrari In-  
dulgentiā? R. Poterit, hoc enim solet con-  
cedi in Bulla.

Q. Quæ Indulgentiæ suspenduntur tempore Ju-  
bilæi? R. Omnes, etiam perpetuæ quo ad vi-  
vos nisi cum aliquibus sit specialiter dispen-  
satum.

Et sic: Non suspenduntur Indulgentiæ siue  
sint Altaris Privilegiati, siue alio modo applica-  
biles animabus Purgatorii. Innoc: X. declar:

Neq; suspenduntur Indulg: concessæ pro  
articulo mortis. Clem: X. declaravit.

Indulgentia Portiunculæ in Ecclâ S. MA-  
RIÆ Angelorum Assisi nec pro vivis nec  
pro defunctis suspenditur. In aliis verò Ec-  
clesiis Ord: Min: suspenditur pro vivis, non  
verò pro defunctis. Plura apud TT.

Q. An possit Jubilæum bis obtineri? R. Pro-  
hibet r non potest, etiam in diversis Civita-  
tibus, quia licet locus sit diversus, idem ta-  
men est Jubilæum.



EXAMEN TERTIUM.

Pro Institutione ad Beneficium.

§. I. mus.

De Beneficio.

Q. *Quid est Beneficium?* R. Est jus perpetuū percipiendi fructus ex bonis Ecclesiæ propter Officium aliquod Spirituale autoritate Ecclesiæ constitutum.

Q. *Quotuplex est Beneficium?* R. I. Beneficia alia sunt *Majora*: ut Papatus, Episcopatus &c. *Minora* sunt, quæ immediate dictis sunt inferiora.

II. *Alia Curata*, quæ curam animarū pro foro interno, & Sacramentali habent vg. Parochia. *Alia Non curata*, quæ aliter vocantur *Simplicia*, quibus nulla annexa est cura animarum, uti sunt: *Capellania*, *Præbende*, *Altaria*.

III. Aliud Beneficium est *Manuale*, quod confertur ad nutum Superioris. Aliud *Non manuale*, quod confertur in perpetuum, & hoc est proprie Beneficium.

Aliud est Beneficium *Patronatūs*, quod ad præsentationem Patroni à Prælato Ecclesiæ fito confertur. Aliud *Electivum*, ad quod per viam Electionis Beneficiatus assumitur.

*Regulare*, quod regitur per Religiosos, vel ex fundatione, vel Epopi institutione, vel annorum 40. cum bona fide & titulo, præscriptione.

*Sacula.*

*Saculare*, quod regitur à Clericis Sæcularibus, qui nullam profitentur Regulam, sed in sæculo militant, ac DEO serviunt.

Q. *Quot sunt species Beneficiorum simplicium?* R. Plures: Præstimonium, Canonicatus &c.

Q. *Quid est Præstimonium?* R. Est Beneficiū institutum pro Clericis ut studiis vacent, habetq; sæpe adjunctum onus orandi aliquas preces.

*Canonicatus* est jus spirituale, per quod aliquis spectans ad Capitulum, stallum habet in Choro, & vocem in Capitulo.

*Commenda* est Officiū in quo alicui commendatur administratio aliqua spiritualis v.g. administrandi Sacramenta.

*Coadjutoria* est facultas alicui concessa adjuvandi Beneficiatum in sui Beneficii regimine, ideoq; per se non est proprie Beneficiū, potestq; dari ad tempus, vel ad vitam coadjuti, idq; sine vel cum futura successione, tam in simplicibus, quàm Curatis Beneficiis.

§. 2dus.

De Requisitis ad obtinendum Beneficiū.

Q. *Quæ qualitates extrinsecæ requiruntur in ordine ad obtinendum Beneficiū?* R. Ut Beneficiū volens obtinere sit Clericus saltem 1. Tonfuræ. Ut habeat ætatem convenientē, scientiam debitam, morum probitatem: Ut sit cælebs, ut non sit in aliqua censura, vel irregulari.



regularitate. Ut sit legitime vocatus, electus, vel presentatus.

Q. *Quid est electio?* R. Est designatio alicujus Personæ capacis ad aliquod Beneficium facta per suffragia.

Q. *Quid est Collatio?* R. Est concessio Beneficii ex solo jure & libertate conferentis abq; præsentatione Patroni.

Q. *Quid est Præsentatio?* R. Est exhibitio Personæ beneficiandæ facta illi, ad quem pertinet instituere.

Q. *Quid Institutio?* R. Est attributio, sive concessio Beneficii facta ex præsentatione Patroni.

Q. *Quid Provisio?* R. Est quid genericum, & significat dispositionem de Beneficio in favorem alicujus. Hinc qui præsentavit, aut contulit alicui Beneficium, dicitur: illi providisse, & qui Beneficium accepit, dicitur: provixus de Beneficio.

Q. *Quot modis Beneficia amittuntur?* R. 4. Per mortem Beneficiati. 2. Ex dispositione juris, ut dum quis Religionem ingreditur in eaq; Professionem faciat; vel propter alterius Beneficii incompatibilis consecutionem; vel per contractum Matrimonium, si fuerat v.g. Clericus in Mia: Ordinibus; vel per commisionem criminis v.g. Hæresis. 3. Per sententiam Judicis. 4. Per liberam resignationem.

Q. *Quot modis acquiritur Beneficium?* R. 1.

Præsen-

Præsentatione. 2. Electione. 3. Libera collatione. 4. Concurſu.

Q. *Quæ conditiones poſſunt apponi reſignationi?*  
R. I. Ut Beneficium conferatur alicui deſignato, & hæc dicitur: *In favorem.*

II. Ut Reſignatarius viciffim ipſi permutet ſuum Beneficium, & hæc dicitur: *Permutatio Beneficii.*

III. Ut ſibi reſerventur omnes, vel aliqui fructus, & dicitur: *ſub Penſione.*

IV. Ut regredi, vel ingredi poſſit ad Beneficium vg. ſi Reſignatarius præmoriatur. Ingredi autem, vg. ſi alicui ſit collatum Beneficium, & hic ante captam poſſeſſionem cedat alteri ſub pacto, ut poſt abſoluta ſtudia, illud recipere poſſit, & dicitur: *Reſignatio cum regreſſu, & acceſſu.*

Q. *Coram quo debet fieri permutatio Beneficii, ſeu reſignatio in favorem tertii, ſeu reſignatio cum reſervatione annua penſionis vel fructuum?* R. Coram Ep̃o. Nam ſi fiat private, ſeu authoritate propria? erit ſimonia juris humani. Omnis Reſignatio Beneficii ordinarie debet fieri coram Ep̃o, aut ejus Officio.

Q. *Præſentatio, vel Collatio Beneficii facta excommunicato majore Excom: an eſt valida?* R. Non, etiamſi ſit ab homine injuſte excommunicatus; modò ritè ſit lata dicta Excomm: quamvis ſit Toleratus, & occultus, aut neſciatur talis, vel putetur abſolutus, etſi ipſe ele-

ctus,



*Bus*, seu *presencatus* ignoret se esse excommunicatum. Cap. *Postulatis*. Similiter ipso iure est irrita collatio Beneficii saltem curati, facta infami, vel publice criminoso nondum emendato. Cap. *Cum in cunctis*.

Collatio autem Beneficii facta Excommunicato Excomm: minori, non est quidem irrita ipso facto, sed tantum per sententiam irritanda, si id scienter factum.

Q. *An excommunicatus occultus tenetur se manifestare, ne Beneficium accipiat?* R. Si potest sine scandalo, & gravi sua infamia, tenetur; Sin secus Eccla non obligat cum tanto incommodo. Debet autem, si potest, honesto titulo se excusare; vel si illud acceptavit? debet quam primum petere absolutionem à S. Pœnitentiaria.

Q. *Irregularitas redditne etiam inhabilem ad Beneficium, & ad fructus percipiendos?* R. Affirm; Imo si aliquis in censura & irregularitate accipiat Beneficium, etiam sublato impedimento vg. post obtentam Dispensationem in Irregularitate non potest illud retinere sine nova collatione.

Q. *Qui recipit Beneficium per Simoniam, vel in Excom. aut Irregularitate, teneturne Horas Can. persolvere?* R. Etli ratione Beneficii nō teneatur, quia non habet Titulum verum Beneficii, nec facit fructus suos; tenebitur autem ratione Ordinis S. si quem habet. *San.*

Q.

Q. Petrus tempore Collationis non erat excommunicatus, sed crastinâ die, tempore Institutionis incidit in Excom. acceptatne validè tale Beneficiū?

R. Affirmat Bon. quia jura solum irritant collationem, seu electionem, nō verò acceptionem Beneficii, nam cū versemur in materia odiosa, extendi non debet ad casus non expressos jure.

Q. Potestne quis tutâ conscientiâ plura habere Beneficia? R. Non potest, licet sint simplicia, si personalem requirant residentiam; vel si sint supra sufficientem & honestam possidentis sustentationem. *Trid. Sess. 24.*

Habens ergo unum Beneficium sufficiens, non potest retinere duo; vel habens duo per se separatim insufficientia, sed simul juncta, sufficientia? non potest tertium retinere tutâ conscientia.

Proinde quī habet Beneficium quantumcūq; simplex, quod per se sufficiat ad vitâ honestam Beneficiati, non potest aliud tenere sine peccato mort: *Glos. in Cap. Dudum.*

Nemini ergo suffragatur dispensatio Pontificia ad possidendum plura simul Beneficia, nisi ex justa causa fuerint obtenta. *Mach. &c. vg. in utilitatem Ecclæ, secus non esset homo securus coram DEO. Com. DD.*

Q. Potestne Eppus dispensare, ut aliquis possit habere duo Beneficia simplicia? R. Potest, si primum non sufficiat ad honestam sustentationē.

Non



Non potest autem Eppus aliq; Apostolica Dispensatione plura simplicia, ultra duo conferre. *Trid. 24.*

Q. *An omnis Beneficiatus tenetur ad horas?* R. Affir: *Con. Lat. Sess. 9.* Quia Beneficium propter Officium, in quo comprehenduntur preces Canonicae; Et si Beneficiatus non sit in Sacris.

Q. *Quid adhuc requiritur in instituendo ad Beneficium?* R. Debet Professionem Fidei facere in Officio, intra 2. Menses à die adeptæ professionis. Qui autem eam scienter non fecerit? fructibus Beneficii privatur, & mortaliter peccat. *Loh. Barb.*

Notandum Bened: XIV. *Inf. Eccl. 60. §. 3.* citans Decretum S. Congr: docet: Professionem Fidei fieri debere per seipsum Beneficiandum, & non per Procuratorem.

§. 3<sup>us</sup>.

De Jure Patronatûs.

Q. *Quid est Jus Patronatûs?* R. Est potestas nominandi, seu præsentandi Clericum idoneum ad Beneficium Ecclesiasticum vacans.

Q. *Quotuplex est Jus Patronatûs?* R. 3plex. I. *Ecclesiasticum*, quod Personæ Ecclesiasticæ competit ratione Ecclæ, vel Dignitatis, aut Beneficii Ecclesiastici.

II. *Laicale*, quod competit alicui Laico, vel Clerico ratione proprii Patrimonii, seu successionis Paternæ, aut ratione tituli sæcularis.

III.

III. *Mixtum*, quod partim nomine Ecclesæ ad Clerum, partim lex alio titulo ad ipsum, vel ad Laicum spectat. Ut si Clericus ex bonis Ecclesæ fundaret, & Laicus dotaret eandem Ecclesiam.

Aliud iterum est *Activum*, quando Patronus potest præsentare ad Beneficium. Aliud *Passivum*, quando certi ex Familia (dummodo idonei adint) exclusis extraneis, debent ad Beneficium præsentari.

Aliud *Personale*, quod Personæ Fundatoris, vel ejus hæredi competit. Aliud *Reale*, quod competit certo loco, vg. Castro. Monasterio, Capitulo. Nota qui habet *jus Patronatus*, vocatur *Patronus*.

Q. Quibus modis acquiritur *jus Patronatus*? R. Præcipue tribus: Foundatione, Edificatione, & Dotatione, juxta illud:

*Patronum faciunt: Dos, Edificatio, Fundus.*

*Fundasse* dicitur: qui fundum, seu terræ solum dedit, in quo Ecclesia construeretur.

*Edificare* dicitur, qui Ecclesiam suis sumptibus construxit.

*Dotasse* dicitur: qui Ecclesæ annuos redditus sufficienter assignavit.

*Jus Patronatus* potest acquiri Privilegio, si alicui bene in Ecclesia merito Papa, & non alius conferret.

Q. Quot modis potest *jus Patronatus* ab uno ad alterum transire? R. 1. Successione per hæreditatem,



tem, vel per Testamentum. 2. *Donatione*. 3. *Permutatione*. 4. *Venditione*, non quidem solus Patronatus, quia esset *Simonia*, sed v.g. cum Bonis.

Q. *Quomodo jus Patronatus cessat?* R. 1. Per voluntariam remissionem hujus juris. 2. Exinctâ Familiâ, cui erat affixum. 3. Si Eccla penitus destruatursine spe reedificationis. 4. Per sententiam in pœnam delicti. 5. Per præscriptionem. 6. Per occisionem vel mutilationem Clerici Ecclæ Patronatæ. 7. Si Patronus consentiat ut Beneficium uniatur v.g. Monasterio. 8. Per Simoniam in cessione ejus commissam. 9. Si Patronus usurpet <sup>pos</sup>ona Beneficii. 10. Si ingratus sit Ecclæ.

Q. *Quot sunt jura Patroni?* R. 1. Jus præsentandi. 2. Præcedendi v.g. in Processione, in sede, in Thurificatione. 3. Defendendi Ecclam. 4. Ut indigenti aliquomodo succurratur de Ecclâ, cujus est Patronus.

Q. *Quis est capax Juris Patronatus?* R. Clerici, Laici tam Masculi, quàm Fœminæ. Infidelis est incapax, etsi Ecclam ædificaret.

Q. *An Patronus potest seipsum præsentare?* R. Non, sed potest præsentare amicos suos, consanguineos, imo & filios suos *Engel*. Potest autem Eppum rogare, ut si inveniatur dignus, sibi illud Eppus, conferat. Vel si antecederet Eppus offerat Beneficium Patrono, hic poterit consentire. *Abb.*

Q.

Q. Patronus intra quot Menses tenetur presentare? R. Si sit Laicus? intra 4. Si sit Ecclesiasticus? intra 6. Menses. Si verò jus Patronatus sit Mixtum, id est & Laicus & Ecclesiasticus Patronus, uterq; habet 6. Menses. *Reysen.*

Q. Quomodo hoc tempus computari debet? R. Non à die Vacantiæ Beneficii, sed à die notitiæ dictæ vacationis, quam supponuntur habere Patroni juxta locorum distantiam. Quod si intra hoc tempus Patronus presentare neglexerit, vel quia lis oriretur de Jure Patronatus, statim elapso illo tempore, ad illum devolvitur collatio Beneficii, ad quem spectat Institutio.

Q. Qua est differentia inter jus presentandi Patroni Ecclesiastici, & jure presentandi Laici? R. 1. Ecclesiasticus, si semel aliquem presentavit, jam non potest variare, & alium presentare, si primus sit dignus. Secus verò Laicus Patronus habet privilegium, unum & alterum presentare intra 4. Menses, sic jura statuunt.

Si ergo Ecclesiasticus scienter indignum presentabit, ipso jure privatur eâ vice potestate presentandi. Non sic autem Laicus, qui poterit alium, & alium digniorem presentare.

R. 2. Laicus omni tempore presentare potest, Ecclesiasticus verò (si ei competit jus prout Personæ Spirituali, seu si Beneficium



Et de Bonis Ecclesiasticis) præsentat, solum in his 6. Mensibus: Febr: Apr: Jun: August: 8br: 10br: In reliquis Mensibus præsentat Papa, vel indicitur concursus.

Q. Præsentatio facta antequam vacat Beneficium an valida? R. Neg. Hinc Loh. docet mortaliter peccare Patronum, si juret se præsentaturum Cajum, dum Beneficium vacabit, quia Eccla graviter prohibuit, ne detur occasio alienæ mortis desiderandæ.

§. 4tus.

De Parocho.

Q. Quid est Parochus? R. Est Clericus perfectam curam habens totius populi intra certos limites congregati, cui Sacramenta administrare tenetur.

Q. Quem ætatis annum habere debet, qui Parochiam obtinere nititur? R. Completum 24. Trid. Sess. 24. In quo Eppus dispensare non potest. Soli enim Papæ competit dispensare in ætate ad obtinendum Beneficium. Decr. Con. Later. & Lugd.

Q. An Beneficium curatum p̄ accipere, qui nullum S. Ordinem habet? R. Potest, dummodo intra Annum ad Sacerdotium promoveri possit. Alias post expletum Annum ipso jure Beneficio esset privatus, etiam sine ulla monitione præmissa, ita ut in illa vacatione nullatenus illud Beneficium ei iterato conferri possit. Cap. licet.

Exce-

Exceptò tamen si intra hunc Annũ ægro-  
taret graviter, vel Eppus non haberet ordi-  
nationes, aut iusto aliquo Canonico obsta-  
culo non posset ordinari.

Q. *Quæ ætas requiritur ad obtinendum Benefi-  
cium simplex?* R. Sufficit annus 14. nisi in fun-  
datione, cui per Concil: non derogatur, sit  
ætas maior vel minor præscripta. *Trid. 23. Ses.*

Q. *Quæ dotes requiruntur in eo, qui vult insti-  
tui ad munus Parochi?* R. Probitas, ætatis ma-  
turities, sufficiens literatura, in ordine ad fidẽ  
defendendam, ad dandam salutarem doctrinã  
populo, Sacramentorumq; administrationem.

Q. *Quid est Vicarius?* R. Est Sacerdos,  
qui Beneficio alicui alieno nomine præst.  
Horum alii sunt *Perpetui*, qui ad præsentatio-  
nem Patroni per Eppum vel alium Prælatum  
perpetuo titulo instituantur. Alii *Tempera-  
les*, qui ad beneplacitum Prælatorum vel Re-  
ctorum Eccleæ exponuntur.

Q. *Quæ est differentia inter hos Vicarios?* R. 1.  
*Perpetui*, cùm sint intitulati, seu instituti nec  
à Rectore, nec à Successore illius amoveri pos-  
sunt ab Eccleâ, nisi ob crimen, vel aliam ju-  
stam causam per sententiam competentis ju-  
dicis id fiat.

*Temporales* verò hoc ipso, quod titulum  
non habent, ad nutum amoveri possunt.

2do *Perpetui Vicarii* sunt veri Beneficiati,  
utpote qui jus reale ac verum titulum. Ca-  
noni-



nonicum Beneficii acquirunt; secùs dicendù de temporalibus Vicariis.

Q. Qua pericula seu vitia maximè curatus fuisse debeat? R. 1. Otium, quia docet omnem malitiam. 2. Luxuriam, quia affert summam infamiam. 3. Avaritiam, quia tollit æstimationem Sacerdoti, qui in contemptu mundi ac rerum terrenarum exemplo præire deberet secularibus. 4. Crapulam seu Ebrietatem, quæ in Persona Spirituali summe est abominabilis, probrosissima, ac omnibus modis scandalosissima! Eheu! quoties ob ingluviem gutturis castitas Sacerdotalis lasa existit! Officium Divinû perperam persolutum, aut pene omissum: infans absq; Baptismo, ager Sacramentis destitutus miserrime decessit: DEUS, & proximus gravissime offensus; quot anime A catholicorum vel unico in Sacerdote ebrietatis scandalo deterrita à fide vera perierunt, alias salvanda!

§. 5tus.

De Obligatione Parochi.

Q. Quod munus & obligatio Parochi? R. Pa-  
scere oves Xpi doctrinâ, exemplo bono, &  
Sacramentis.

Q. Quo titulo obligatur Parochus administrare Sacramenta? R. Triplici: I. Titulo Obedientia, ut pareat præcepto Divino, Ecclesiastico, & Naturali, à quibus adstringitur ad suam vocationem, seu Ministerium ritè implendum.

II. Titulo Justitia, ut serviat in Spiritua-  
libus

libus sibi concreditis ovibus, à quibus ideo corporaliter alitur.

III. Titolo *Charitatis*, ut coopeletur proximorum saluti.

Q. *An sub gravi peccato obligatur animarum curam habens ad administranda Sacramenta?* R.

1. Citra omne dubium, cum objectum hujus obligationis de se grave sit, ipsaq; salus animarum sibi concreditarum à tali administratione pendeat.

R. 2. *Possev. Sc. DD.* docent innodari talem peccato mort: qui non negat quidem Sacramenta, sed reddit se difficilem, oburgando asperere, si petatur, ut per hoc amoveat à frequenti receptione Sacramentorum oves suas.

Q. *Quibus diebus obligatur Parochus Missam offerre pro Parochianis?* R. Præcisà aliqua obligatione, tenetur per se, vel per alium singulis Dominicis & Festis celebribus.

Q. *An Parochus celebrans in Irregularitate incurrat novam Irreg:?* R. Neg: sed toties mortaliter peccat, quoties celebrat.

Q. *Parochus omittens uno mense dicere Parochianis verbum DEI, num peccat?* R. Peccare mort: docent *Bon. Sc. DD.*

Q. *Parochus obligaturne personaliter residere in sua Parochia?* R. Omnino, tam jure Divino, quam Ecclesiastico. *Trid: Sess: 23.*

Q. *Quæ pœna statuta sunt pro Parochis non residentibus*



*dentibus in sua Parochia?* R. Tales non possunt tutâ conscientiâ retinere fructus sui Beneficii ad ratam temporis absentix, sed illos tenentur absq; alia declaratione applicare Eccleâ, vel erogare pauperibus, Retentâ tamen sibi aliquâ parte fructuum, concernente recitationem Officii Divini tempore absentix. *Post. Bon. &c.*

*2do Post 3. citationes successive præcedenter factas potest privari Beneficio ab Eppo.*

*Q. Quæ sunt causa excusantes Parochum à di-  
sta residentia?* R. Charitas Xristiana:urgens  
necessitas: debita obedientia: evidens Eccleâ  
vel Reipublicæ utilitas vg. ad promovendam  
pacem inter Principes, vel ob bonum fidei  
procurandum, vel ad defendenda jura Eccleâ.

*Item si infirmitas urgebit se sistere Medico.  
Item si Eppus ob legitimas rationes dispensa-  
verit sine cuius faultate per 2. Menses abesse  
non potest à sua Parochia.*

*Q. Quæ est obligatio Parochi tempore pestis?* R.  
Potest se Parochus cum facultate Eppi tunc  
subducere, si substituatur alium idoneum, æq;  
profuturum, & subsistat in loco, in quo possit  
gerere curam gregis sui.

Si autem substituere non possit idoneum?  
non potest tunc uti privilegio *Tridentini Conci-*  
*scil: emanendi ad bimestre.* Neq; tutâ con-  
scientia potest resignare Beneficium, est enim  
conductus pro tali necessitate, sicut Miles pro  
futuro prælio. *Com: DD.*

Obligatur ergo Parochus etiam cum periculo vitæ administrare in peste specialiter Sacramenta necessaria necessitate mediæ, id est Baptismi, si nullus alius esset; & Pœnitentia.

Non videtur tam gravis obligatio se extendere ad administranda Sacramenta Euchar. & Extr. Unct. nisi æger aliis Sacramentis iuvare nequeat. Lopez. &c.

Q. Teneturne Sacerdos non curatus, vel Religiosus cujuscunq; Ordinis tempore pestis ministrare Sacramenta, etiam cum periculo vitæ? R. 1. Si desit proprius Parochus, vel peste laboret, vel moriatur, tunc quicunq; Sacerdos ex lege charitatis, & legalis justitiæ tenetur. CC. DD.

R. 2. Tenetur tunc, dum ad hoc munus protunc ab Ep̃o deputetur, vel ab eodem cogatur; cui tunc vel maxime quisq; Sacerdos etiam Regularis (qui tunc tenetur magis Eppum, quàm suum Superiorem audire) debet obedire, ut promisit in sua ordinatione. Chap: Cas: San. &c.

Q. Quid agendum Curato dum peste (aut alio contagioso morbo) infectarum Confessiones sunt excipiendæ? R. Ante omnia curet prius, ut domus infirmi purgetur ab aere infecto, fenestrarum apertione, suffitu ex juniperis, aliisq; similibus mediis.

2. Curet, ut si fieri possit, in loco libero, seu aere non infecto infirmus sit constitutus. Quamobrem ipsi etiam infirmi obligati sunt, ut



ut è cubili aut domo ad confitendum egrediantur, si id sine gravi eorum incommodo fieri possit. *Lay.*

Si infirmus egredi nequit? in tali casu cõmuniter loquendo, accedere debet Curatus, poterit eum rogare, ut statim graviora confiteatur quædam; aliis omiſſis. *Lohn.*

Q. *Sacerdotes tempore pestis exponentes se periculo vitæ administrando Sacramenta, quam mercedem habent?* R. Maximam: in hac vita promotionem, In altera pro his actibus hæroicis magnum expectant præmium, habentur enim ut Martyres. In Martyrologio Rom: à Baroedito legitur: *Commemoratio SS. Presbyterorum, Diaconorum, & aliorum, qui tempore Valeriani Imp. cùm pestis seviſſima grassaretur, morbo laborantibus ministrantes, libentiſſime mortem oppetiere, quos velut Martyres religiosa piorum fides venerari conſuevit &c.*

Q. *An plene Officio suo satisfecit Parochus, qui postquam munivit moribundum Sacramentis, cum deſerit nec ulterius viſitat?* R. Minime, quia quo vicinior est mors, eò magis salutis periculũ ingruit à Dæmone infeſtante, & tanto major est corporis, & animi infirmitas, ergò tunc maxime tenetur ex Officio Parochus salutem suorum providere.

Q. *Proventus ex Beneficio quomodo diſponere debeat Parochus?* R. In honestam sustentationem sui, superflua verò cedere debeat in fabricam Eccle: in subsidium pauperum.

Con.

Consanguineis suis potest quæ dem Beneficiatus quivis dare aliquid de redditibus Ecclesæ, sed tanquā pauperibus, ne solum indigeant (mens. S. Tho: 22. q. 185.) non autem ut ditentur.

§. 6tus.

De Potestate Parochi.

Q. Parochus nondum Sacerdos, quæ per se exercere in Ecclesia potest? R. Omnia, quæ ad Parochum spectant, exceptis iis, quæ illum Ordinem (quem nondum habet) concernunt.

Q. An Parochus potest concedere suis Parochianis licentiam laborandi diebus festivis ad tempus ex causa legitima? R. Affirmat Sua. Azor. &c.

Q. Potestne Parochus suorum Parochianorū Confessiones audire in aliena Diacesi, sine approbatione ejusdem Diac. Eppi? R. Potest. Com: DD. apud Antoi.

Q. Potestne Parochus quoscunq; Religiosos confitentes audire? R. Affir: si peregrè veniant, quia prudenter supponere potest, illos non petituros, si facultatem non haberent à suis Superioribus confitendi coram extraneis.

Non posset tamen eos absolovere à reservatis in Religione, nisi expressam licentiam haberent à suo Provinciali.

Q. An Parochus possit cogere Parochianos ad Missam in Parochiali Ecclesia audiendam? R. Nunc omnes ferè DD. negant; cū & Pontifices varii expresse id deciderint, & ratio manifesta



festā svadeat, quæ dictat Eppum aut Parochum non posse tollere, aut restringere jus commune, & generalem totius orbis consuetudinem. *Loch.*

Q. *Potestne Catho: Parochus assistere Matrimonis Hæreticorum, quos habet in sua Parochia?* R. Potest, sed benedictio (maxime hæc quæ dari solet tempore Missæ) non est danda.

Q. *Quæ sunt jura Parochialia?* R. Illa, quæ ita competunt Parocho, ut à nullo altero, nisi de ejus, vel Eppi licentia exerceri licitè possint. Et talia sunt 1. Benedictio Fontis Baptismalis. 2. Administratio Sacramenti Eucharistiæ tempore Paschali. 3. Administratio infirmis *Viatici & Extreme Unct.* 4. Delatio stolæ in Processionibus, & Funeralibus. *S Cong. Con. 25. Jun. 1695.* 5. Acceptio Decimarum. 6. Benedictio domorum in Sabbatho S. 7. Benedictio Sponsorum. 8. Publicatio Matrimonii, & Fectorum, Vigiliarum.

Q. *An Regulares requisiti ab Agrorum Dominis possint absq; licentia Parochi benedicere Agros? Et an in hujusmodi functionibus peragendis uti possint stolâ absq; licentia Parochi?* R. S. Congr. Car. ad utrumq; respondit negativè. A. 1688. 28. Aug. Ita *Morac. p. 2. Form. Tit. 13.*

Q. *Quæ sunt illæ res, quas, si Parochus benedicere veller, facultatem ab Eppo habere deberet?* R. Indumenta Sacerdotalia ad Missam adhiberi solita. Mappæ, seu linteamina Altaris: Corpore.

Corporalia, Vascula pro S. Eucharistia conser-  
vanda vel ad infirmum portanda. Cruces  
novæ, Imagines Xpi Dmni, B. V. M. & alio-  
rum SS, Lapis primarius pro ædificanda no-  
va Ecclesia, novum Cæmeterium. Insuper  
nullam rem benedicere potest, ubi unctio S.  
Olei intervenit. *Rit. Rom.*

Q. *Quid Parochus tenetur successori suo derelin-  
quere?* R. Annum gratiæ h. e. quando cedit  
Beneficio, vel moritur in *Januario, Febr. Mart.*  
debetur ipsi tantum 4ta pars omnium reddi-  
tuum juxta valorem sui Beneficii; sed Suc-  
cessori relinquet frumenta æstivalia ad semi-  
nandum.

Si in *Apr. Majo Jun.*? debetur ipsi mediæ-  
tas. Si in *Jul. Aug. Sept.*? debentur ipsi 3.  
partes, sed de frumentis hyemalibus Succes-  
sori relinquet ad seminandum. Si verò re-  
siduis mensibus? habet totum hujus Anni pro-  
ventum cedens, seu mortuus. *Const. Synod.*  
pag: 177.

§. 7mus.

De Sepultura.

Q. *Ubi fideles sepeliri debent?* R. In Ecclesiis,  
sive circa Ecclesiam suam Parochialem, nisi sibi  
alibi elegerint sepulturam.

Q. *Qui in loco S. prohibentur ab Ecclia sepeliri?*  
R. Omnes, qui sine Baptismo fluminis & fla-  
minis mortui. Hæretici non tolerati, & eorū  
fautores, Apostatae à Fide, Schismatici, publi-  
ce ex-



ce excommunicati, aut nominatim interdicti, se ipsos ob desperationem vel iracundiam occidentes; nisi ante mortē dederint signa Poenitentiae. Item ignotus non sepeliatur, priusquam probabilia indicia non habeantur, quod Catholicus fuerit, & ut talis obierit. Deinde si quis occisus inveniatur, terræ prig non mandet Parochus, quam Magistratus de facta cæde fuerit certior factus. Item omnes, qui in peccato mort. absq; Poenitentia mortui certò sciantur. Et qui in loco Duelli obierunt.

Prædicti omnes solum tunc privantur sepulturâ Ecclesiâ, quando ante mortem poenitentiam non egerunt. *Can. 6. de Consec.* Ubi verò in prædictis casibus dubium occurrerit? Eppus consulatur.

Q. Quam citò post mortem sepelienda sunt corpora? R. Saltem post spatium 24. horarum.

Q. Quo tempore? R. Omnibus diebus etiâ Dominicis, Festis, si id ratio exigat. Ferialia Magna, si sepeliantur abstinendum est à pulsu campanæ, qui tunc est prohibitus.

Q. An Parochus potest differre sepulturam, vel retardare propter ius sepultura nondum solutum? R. Nullo modo; Cùm nulla ratio patiatur, ac Christianæ pietatis repugnans videatur, ob pecuniarum interesse cadavera insepulta remanere. *S. Cong. Ep. & Reg. 17. 7br. 1717.*

Q. Corpora defunctorum quomodo ponenda sunt in feretro,

*feretro, dum in Ecclesiam deportantur?* R. *Laicorum,* pedibus versus Altare Majus; *Presbyteri* verò habent caput versus Altare.

Extra Ecclesiam consuetudo habet, quod pedes *Laicorum* sint versus orientem; *Presbyterorum* verò caput.

Q. *Quid est 4ta pars Funeralium?* R. Est quædam portio à Canonibus inducæ, & approbata, Parocho pro sustentatione debita, ex iis, quæ Regularibus obveniunt, ex quo in ipsorum Ecclesiis eligat quis sepulturam, & apud eos sepeliatur.

Quantum tamen ad solutionem hujus portionis Canonice non concordant DD. in assignanda quota. In quibusdam enim partibus debetur Parocho medietas, in aliis 3ta & 4ta, secundum varia jura, & consuetudines antiquas.

Q. *Quæ sunt observanda circa sepulturas, quando fiunt apud Regulares?* R. I. Non omnino corpora in Ecclesia Regularium sepelienda deferri debent prius ad Ecclesiam Parochialem. S. R. C. 14. Mart. A. 1722.

II. Parochi associantes funus ad Ecclesiam Regularium arceri non possunt ab ingressu Ecclesie illius cū Cruce, & stola. Bened. XIII. Bul. Pretiosus.

III. Pro cadaveribus apud Regulares sepeliendis non licet Parochis plus exigere, quàm si in eorum Ecclesiis sepelirentur. S. C. Ep. & Reg. 18. Jan. 1672.

Q.



**Q.** Quando cadavera sepulta licitè exhumari possunt? **R.** 1. Quando perpetuæ sepulture nō sunt adhuc tradita, sed tantum deposita in aliqua Ecclā, Capella. 2. Dum exigit Capellæ renovatio. 3. Quando sepulta sunt contra voluntatem Testatoris. *Ex Decr. S. C. Ep. 31. 8br. 1640.*

In aliis autem casibus licitè exhumari nō possunt absq; Ep̃i facultate, etiamsi Judex sæcularis pro recognitione corporis petat illius exhumationem, eò quod magna suspicio existat de morte violenta defuncti. *S. C. Ep. 11. 7br. 1643.*

**Pro commodo Curam Animarum gerentium adduntur casus nonnulli scitu necessarii.**

§. 1mus.

**I. Q.** Quid faciendum Curato cum Poenitente maleficiato? **R.** 1. Signa maleficiati sunt hæc: 1. Si ægrotus magis horret cibos in occulto benedictos, quàm alios. 2. Si laboret siti, aut fame, & tamen neq; bibere, neq; manducare potest, neq; illi ullæ medicinæ aliquid profunt, quæ in similibus prodesse solebant. 3. Si ex ore ejusdem exeant quasi infernales factores sulphuris, picis &c. 4. Si ex ventre ejus procedant insoliti clamores ranarū &c. 5. Si per vomitum ejiciantur ranæ, vermes, crines, aciculæ, vitra, & alia similia.

*Circa Conjugatos solent hæc esse signa maleficii.*

1. Si

1. Si Maritus uxorem absentem satis diligit, præsentem vero odio habet. 2. Cum vir uxori, nec vicissim, appropinquare potest ad habendum meritalet actum, tunc signum est, quod sagæ aliquod corpus intermedium existat. 3. Dum natura licet sit satis robusta, & tamen debilitatur, quando maritalis attentatur copula. 4. Si uxor sit capax, pro illo tamen tempore, dum tentatur copula, subito ita constringitur, ut penetrari nequeat. 5. Si Maritus sit capax ad cœundum cum aliis, non verò cum uxore propria, etiamsi eam diligit, &c.

R. 2. Post peractam ritè Confessionē cognito maleficio, poterit Curatus facere Exorcismum, & illis remediis uti, quæ solent applicare communiter Exorcistæ ex *Rituali*. Ante cubitum aspergendi sunt aquâ benedictâ, & aliis rebus S. muniri debent.

Maleficio affectus potest uti balneo, seu lavacro ex variis herbis, Exorcismo præmissis, benedictis.

II. Q. *Quid faciendum Parocho, si aliqui accedant ad Confessionem quasi obsessi a Damone?* R. 1. Signa verè obsessi certa, & secura sunt hæc: si nescatur ante rudis & illiteratus, postea disputet subtilitè; si variis lingvis loquatur, quas nunquam scivit, si intelligat verba lingua ignota prolata: si verè occulta & remota intra brevissimum tempus annuntiet: si ante

Nu

te



te fuerat debilis nunc supra modum robustior:  
si certo sciatur per aliquot dies nihil manduca-  
casse, aut bibisse, & tamen fortis appareat:  
si insolitus, & contranaturalis tumor in cor-  
pore appareat: si se cruentat, saxi collidat,  
in ignem mittat, nec ullum malum sequatur:  
si se aliquo instrumento lædat, & mox sine  
ullo remedio sanetur: si eleuetur in aera: si  
ad Sacra contremiscat; unde detur ipsi ad bi-  
bendum aqua benedicta, & non benedicta;  
vera aliqua Reliquia S. & frustum ligni in  
involucro, si sciat semper discernere? signum  
est veræ obsessionis.

Plurima alia sunt signa, in quibus, uti &  
in recensitis sit Curatus ex omni parte cautus,  
ne in illis simulata malitia interveniat, præ-  
sertim in mulieribus, quibus non facile cre-  
dendum est.

R. 2. Si probabile signum adest? probet  
ulterius Parochus tali vg. modo: privatè ad-  
hibitis 2. vel 3. testibus (quod fieri potest  
sine scitu Epipi) disponat obsessum ad actum  
Fidei, unâ cum ipso oret: *Pater noster, Credo*  
*&c.* Invocato Spiritu S. ponet manum super  
obsessam personam cum fiducia ad DEUM.  
dicendo secretò præceptum illud: *Ego N. Mi-*  
*nister Xti, & Eccle in Nomine JESU Xti præ-*  
*cipio vobis immundi spiritus, si qui latetis in corpo-*  
*re huius hominis à DEO creati. vel si quo eum modo*  
*vexatis, ut statim mihi præbeatis aliquod signū evi-*  
*dens,*

dens,  
quocu  
Si  
fess  
Diab  
& E  
mund  
eam  
R  
veræ  
sione  
soler  
habe  
infor  
Si  
sioni  
est a  
DEU  
mine  
II  
te, si  
Cau  
ipiu  
lucru  
se a  
factu  
mife  
E  
ga,  
mor

dens, & certum presentia vestra absq; documento  
quocunq;.

Simile præceptum formetur si persona ob-  
fessa vult aliquod Sacramentum suscipere, &  
Diabolus eam torquet: Ego N. Minister Xsti,  
& Ecclæ in Nunc JESU Xsti præcipio vobis im-  
mundi spiritus, ut hanc personam non vexetis, nec  
eam ad hoc Sacramentum N. accedere impediatis.

R. 3. Habito autem evidentissimo signo  
veræ obsessionis procedat Parochus ad expul-  
sionem; si tamen velit exorcizare publice &  
solemniter, prius omnino licentiam ab Epopo  
habeat, & quæ erunt tunc facienda, prolixâ  
informationem reperiet in Rit. Majori.

Si nullum signum certum appareat ables-  
sionis? Persona talis discrete castigetur, & si  
est advena, è finibus Parochiæ pellatur, ne  
DEUM amplius offendat, Ecclæ illudat, ho-  
mines præsertim infideles scandalizet.

III. Q. Quid faciendum Paracho cū pœniten-  
te, si confiteatur se esse subscriptum Diabolo? R. 1.  
Cautissimè cum talibus procedendum est, ne  
ipsum Confessarium & Sacramentum turpis  
lucris gratiâ illudant, sperantes à Confessario  
se aliquid accepturos, maximè si dicant id  
factum esse ob paupertatem, & maximam  
miseriam.

Deinde attendat Sacerdos, si non sunt sa-  
gæ, seu Personæ vitæ suspectæ, quæ jussu dæ-  
monis solent absq; ulla verecundia peccata  
luxu-



luxuriæ confiteri, ut ipsum Confessarium exinde tentationibus repleant.

Aliæ personæ simulabunt se esse sagas, seu se posse nocere in vita, vel in sanitate iis, qui eas elemosynâ non dignantur: Aliæ accusabunt se de horrendis & inauditis peccatis eò fine, ut Sacerdos ex commiseratione succurrat: in his & aliis similibus opus est magnâ prudentiâ hæc omnia discernere.

R. 2. Quodsi nulla deceptionis signa appareant hoc modo cum talibus, sicut cum obsessis procedat. 1. Disponat pœnitentem ad Confessionem perfectam. 2. Detestetur pactum cum diabolo, illudq; per merita Xti annulet cum plena fiducia; nil obstat, etsi dæmon non reddat Cyrographum. 3. Dicat cum eo Professionem Fidei ex *Con. Trid.* 4. Muniatur SS. Reliquiis. 5. Oret frequenter cum summo dolore, ac sæpius muniat se signo S. Crucis cum aspersione aquæ benedictæ. 6. Resistat fortiter tentationibus, neq; timeat horribiles aspectus diaboli. 7. Firmam fiduciam habeat in DEO, & meritis ac Passionibus Xti, non desperet de salute. 8. Dum imminet tempus determinatum subscriptionis, huic Sacerdos assistat personaliter, suadendo ante hoc tempus Confessionem denuo faciendam esse, & S. Communionem. Utatur Sacerdos Exorcismis huic actui convenientibus.

IV. Q. Quid faciet Parochus, si quæ persona confite-

*confiteretur se esse verè Magam seu Sagam? R. Talis examinanda est de Apostasia à Fide: de Idololatria; Diabolū enim loco DEI adorant: de blasphemia in DEUM & SS. de Sacrilegio, seu abusu rerum S. & Eucharistiæ: de commixtione luxuriosa cum dæmone: de damnis hominibus illatis, iisq; resarciendis; libri, si quos habet, comburantur; si ostendat Cyrographum, Sacerdos dilaceret, & in igne benedicto comburat.*

*Finitâ Confessione repetat Sacerdos cum tali dolorosam detestationem suorum peccatorum cum firmo proposito emendationis, ac renunciationem diabolo, & affectui ejusdem: dicat cum illis Professionem Fidei.*

*Moneat talem, quod per hanc renunciationem, & Confessionem seriam, omnia jam pacta diaboli solvantur, & subscriptio ei data penitus cessat, etiamsi Cyrographum datum amplius non redderet. Tandem detur absolutio (habitâ facultate) ab omnibus censuris & peccatis. Et quia tamen solet dæmon infestare, muniatur rebus S.*

*Q. Si intra Confessionem predicta Persona fateatur aliquos infantes in nomine diaboli, aut alio quovis modo invalide baptizasse? R. Obligabit illam Sacerdos, ut sibi id extra Confessionem manifestet, ut talibus in remedio salutis summè necessario subveniri possit.*

*Q. Si dicat se S. Hostiam in terra servasse? R.*

Si



Si non pridem hoc factum sit? curet Sacerdos pro posse invenire. Si verò longo jam tempore? commendabit hanc rem DEO, quia in loco humido supponitur species Panis jam corruptas esse.

Q. An Parochus debet tolerare consuetudinem probandi sagas per aquam? R. In Polonia statutum est in *Constit.* A. 1543. Causam incantationis & Magiæ ad judicia spiritualia pertinere; Probatio autem per aquam omnino est illicita.

V. Q. Quid faciendum Parocho, si vocetur, ut spectra diabolica, vel Magica expellat à domibus, quæ infestantur? R. Debet præ primis attendere, & examinare omnes circumstantias loci, temporis, personarum &c. an sint vera spectra, vel potius vanus timor, aut aliqua fraus humana?

Si cognoverit, quod sint spectra diabolica? Præmissis orationibus, jejuniis, Sacrificio Missæ, ante omnia DEO confusus Sacerdos puram habens conscientiam, Patremfamilias, ac congregatos domesticos ad firmam fidem, & fiduciam in DEUM, ac Xpi Dni merita, ad contritionem de peccatis adhortetur. Postea indutus superpelliceo, stolâ, Cruce, aquâ benedictâ acceptâ, & candelis benedictis accensis, simul cum habitantibus processionaliter accedat ad portam domûs, ibiq; Litanias de OO. SS. inchoabit, quas circumeundo continuabit.

bit, & in loco principaliter infestato coram  
Crucifixo finiet.

His peractis tanquam Judex à DEO desti-  
natus, voce gravi præceptum probaticū con-  
tra dæmonem pronuntiet dicendo: *In virtute*  
*SS. Trinitatis, & in Nre. D. N. J. C. præcipio vo-*  
*bis demones, ut si habeatis aliquam potestatem in*  
*hanc domum, detis mihi sine ulla lesione signum evi-*  
*dens præsentia vestra, causando aliquem tumultum,*  
*aut rumorem, quem prius me absente causare con-*  
*sueveratis.*

Quod si nullus tumultus, aut aliud signū  
præsentia habeatur? recte inferitur, aut ibi  
nullum fuisse spectū, aut jam evanuisse, aut  
esse animam damnatam, vel in purgatorio  
existentem.

Ultimò genuflexis cæteris, & firmâ fide  
ac fiduciâ in DEUM, orantibus, ipse Sacer-  
dos sedens pro Tribunali, ad expulsionē pro-  
cedet faciendo Exorcismum ex aliquo Ritua-  
li approbato convenientem huic actui.

Q. *Quid faciendum, si adhibitis omnibus modis*  
*adhuc dubitetur an sit spiritus bonus, vel malus?* R.  
Potest praticari modus P. Joan: Godi. Vid.  
*Armam: p. 2. c. ult.* Ille enim vocatus ad si-  
milem actum recitavit Officiū Defunct. Po-  
stea strepitu audito adjuravit spectrum in vir-  
tute SS. Trinitatis, & Nris JESU, ut non  
recederet de loco, priusquam ad ea, de quib9  
interrogaverit, veraciter respondeat.

Quæsi-



Quæſivit autem 1. An eſſet ſpiritus bonus, vel malus? Poterit ( ſi dicat ſe ſpiritum bonum ) peti, ut ſecum Nomen JESU honoret, & devote invocet. 2. Inſtabat quis eſſet? quid velitis quibus cognitis illam animam dimiſit, & pro illa, quæ petebat, facienda curavit.

Signa malum ſpiritum apparere, ſunt: ſi ad verba: *Omnis bonus ſpiritus laudat Dominum* fugiat, vel contrariè ſe exhibeat. 2. Si res benedictas horreat. 3. Si prætendat lux apparitionis cauſam pravam, aut falſam. 4. Si proferat quid contra fidem, vel bonos mores. 5. Si appareat in forma deformi, & horriſſima cum tumultu, vel in ſpecie ſordidi animalis &c. 6. Si poſtquam præſtitum eſt, quod petiit ſubſidium, rursus quæſitis aliis cauſis redeat.

Q. *Quæ remedia domum ab omni infeſtatione diabolica præſervandi?* R. 1. Vera fides, & roborata fiducia, quod DEUS hanc domum, omnesq; habitatores certò ſit ab omni vexatione diabolica protecturus.

2. Paterfamilias quâlibet vespere domum aquâ benediçtâ aſpergat, ſimulq; præceptum formet Dæmonem excludens, imò quilibet incolâ in ſuo loco privato, dicendo vg. *In Nne Dni N. J. C. præcipio vobis Dæmonibus omnibus, ne ullus veſtrum per ſe, nec per ulla inſtrumenta veſtra me aut meos moleſtare præſumat, in Nomine + Patris &c.*

VI. Q. *Quid faciendum Parocho cum illis, qui proponunt in Confessionali varias sibi revelationes factas, aut inextases se raptas?* R. Nec talibus facile credendum, neq; statim applaudat Sacerdos tali Poenitenti laudando illum, aut miretur quasi Sanctum; quinimo moderate increpet, tentando illum, num aliqua in ipso simulatio sit, aut superbia.

Bene advertat Sacerdos 1. An materia revelata nihil contineat contra Fidem. 2. An talis poenitens sit vitæ verè devotæ, humilis, & abnegans se ipsum. 3. An supra suum statum pusillanimitatis revelat difficilia. 4. An non sit nimis Melancholicus. 5. An revelata tendant ad majorem DEI gloriam. *Plura scienda suppeditabunt Libri Mystici.*

*Sciendum autem est, quod plures morbi sunt, qui habent quandam similitudinem cum extasi naturali, ut sunt: Catalepsis, quâ homo destituitur omni sensu. Cares, qui est somnus profundissimus. Suffocatio uteri est morbus foeminae familiaris, qui si magnus? mulieres tanquam mortuæ apparent, transacto autem, proxime audita referunt.*

§. 2<sup>us</sup>.

Q. *Quid observandum sit Parocho seu Confessorio illius, qui deliberat de statu vitæ eligendo?* R. 1. Acturus cum deliberante Confessarius, sit prorsus indifferens, ne DEUM præveniat, sed sequatur. Vocatio est lumen DEI, à quo, qui



quī alio declinat, errat. Omnis plantatio, quam  
nō plantavit Pater Cœlestis, eradicabitur. Math: 15.

2. Rem hanc, à qua deliberantis æterna  
salus pendet, DEO Patri luminum sæpius cō-  
mendet Confessarius. Multi sub Missa in Me-  
mento eorum recordantur, quos in anima di-  
rigendos assumpserunt.

3. Ut melius dirigere possit, conetur de-  
liberantem prius non tantum, quo ad internū  
animæ statum, sed etiā quo ad naturam, ta-  
lenta, educationem, inclinationem &c. per-  
spectum habere; Præcipuè considerandi sunt  
habitus, seu consuetudines peccandi; tales  
enim, si quis in se habeat, cautissime debet  
eligere, ne se conjiciat, in statum, in quo  
moralitèr certum sit, quod vitam ducturus  
sit sceleratam, scandalosam & tandem æternū  
periturus. Hinc nemo unquam prudens (va-  
serit alicui habituato in vitio carnis, & ebie-  
tatis, ut statum spiritualem, aut Religiosum  
Ordinem talem assumat, in quo major, quam  
in aliis libertas; ordinarie enim nihil boni  
sperandū, nisi emendatio seria & solida præ-  
cedat, vel certè eligendus is status Religioſus,  
in quo periculis labendi severissime præcau-  
tum sit.

4. Jubeat deliberare an in sæculo manere  
velit? an spiritualem seu Ecclesiasticum assu-  
mere præstet, an Religionem ingredi velit?  
si Religionem? investigandum qualis Reli-  
gio perplacet?

Quisq;

Quisq; debet se primò relolvere ad statũ in genere, postea ad statum in particulari, & deniq; ad statum in individuo.

5. Svadeatur, ut rationes ( quibus ad hunc potius statum eligendum permotus sit ) scripto adnotet, uti & illas, ob quas alios status sibi non judicat convenire. Juvabit etiam eidem quædam contra illum statum, quem deliberans eligere vult, objicere, ita tamen, ut possit vè nullum ei statum dissuadeat, moneatq; quatenus primam curam habeat de anima.

6. Conetur Confessarius deliberantis motiva discernere: an à DEO? an ab amore proprio? an à Consanguineis? vel dæmone sint profecta? req; diu coram DEO consideratâ, suum ei consiliũ aperiât, memor: quod hanc animam, quam DEUS ejus curæ tradidit, etiam ab eodem sit repetiturus.

7. Etiam extra Confessionem cum deliberante agat Confessarius, in rebus spiritualib9 instruat, communicando ipsi devotos libellos. Et ingressuro statum Ecclesiasticum, seu Religiosum explicet statũs difficultates, svadeat tales corporis mortificationes, quæ illi statui sunt præscriptæ, ne nova deinde omnia videantur.

Q. *Quæ sunt svadenda à Confessario ipsi deliberanti in actu deliberationis?* R. 1. Inchoaturus deliberationem det se orationi in conscientia munda à peccato mortali, frequentet Sacramenta



menta *Pœnitent.* & *Euchar.* Siquidem opus hoc gravissimi momenti est, in quo agitur de negotio omnium maximo, quod est æterna salus propriæ animæ, ideo rogandus est Spiritus S. ardentè, habeat particulares suas devotiones ad B. V. M. S. Angelum Cust: & ad alios SS. Patronos, si quos in hunc finem sibi elegit.

2. Assvescat frequenter usurpare pia suspiria vg. *Domne quid me vis facere: Paratum cor meum DEUS, paratum cor meum: Vias tuas Dno demonstra mihi, & semitas tuas edoce me: Domine doce me facere voluntatem tuam &c. &c.*

3. Finis ultimus semper spectandus, & Regula in omnibus eligendis est hæc: *DEI honor & obsequium, nostraq: æterna salus*, ita ut quid nobis magis deserviet ad hunc finem, id nobis eligendum sit, quod minùs eò conducet, id non sit eligendum.

4. Innuat Confessarius, quod singuli stat9 *Sacularis, Spiritualis, & Religiosus* afferunt sua commoda in ordine ad consequendam salutem: *Sacularis* per eleemosynas, per piam educationem prolium, per bona exempla apud domesticos &c. *Spiritualis* per administrationem Sacramentorum, per occupationem ferme continuam in cultu Divino: per continuas pauperibus, benefaciendi occasiones tam in temporalibus, quàm spiritualibus, per bona exempla Confratrum &c. *Religiosus* per observationem

tionem votorum: per separationem à rebus mundanis; per pia exercitia, quæ Regula præscribit: per vigilem curam Superiorum &c.

E contra etiam singuli illi status habent sua incommoda, eò quod afferant occasionem & pericula peccandi. *Sacularis* per injustitiã, avaritiam, discordias in conjugio, per adversitates cum liberis, exempla mala corrupti sæculi &c. *Spiritualis* per nimiam libertatẽ, conversationes periculosas, abundantiam eorũ, quæ sunt illicita peccandi &c. *Religiosus* per tentationes, per adversitates, quæ aliquando causantur, ob indiscretionem Superiorũ, immorificationem Fratrum, cum quibus agendum est &c.

5. Ut deliberans eligat, non debet ad hoc præcisè attendere, quis status sit in se perfectior, alioqui omnes deberent fieri Religiosi, sed attendere debet, quis status respectivè ad se sit melior, id est, quis status futurus sit ipsi magis accomodatus, *ut ipse melius DEO serviat in hac vita, & in altera securius salvetur.* Et quia multi hoc non considerant, malè eligunt, licèt fiant Religiosi, qui si in sæculo mansissent, fuissent salvati, nunc damnantur, quia eligunt statum respectivè ad se nõ convenientem, & in quo propter naturam ineptam, vel habitus pravy non observabunt illa, quæ in tali statu sunt observanda.

Q. Ex quibus signis agnoscere quis possit vocatio-  
nem



nem suam? R. 1. Si ab ipsa pueritia diu & constanter sentiatur affectus ad aliquem statū, idq; maxime sub oratione, & pietatis exercitiis, absq; eo, quod ille status ab ullo sit persuasus.

2. Si quis ita constitutus sit, ut nisi crederetur hic instinctus à DEO, promptissimus foret, ei nullo modo obtemperare.

3. Si quoties recordatur huius instinctus, toties sentiat se impelli ad bonum & desideria Xstū sequendi, eaq; omnia præstandi, quæ ad animæ salutem & DEI gloriā spectant.

4. Si talis instinctus veniat cum animi pace, & lætitia, & in longiori ejus cogitatione gustū & consolationem sentiat, è contra dum ab eo se avertit, & mentem alio applicat, sentiat animo suo non satisfieri.

5. Si sentiat sibi in animo quasi promitti vires ad perferendum omnia onera, & incōmoda illius status, addiq; spem ad vincendas impugnationes tum dæmonum, tum aliunde occurrentes.

6. Si rationes sibi objectas facile solvere possit, nec aliorum dissuasiones multū curet; nec moveatur in oppositum aliorum exemplis, quidcunq; alii agant, aut eligant.

7. Inclination ad aliquem statum non necessario debet esse valde vehemens, sed sufficit, ut sit talis, ut adverti possit. Errant proinde, qui non credunt se vocari, nisi quasi ardeant

ardeant præ desiderio alicujus statûs: aut nisi continuo diu noctuq; se impelli, ac quasi per capillos ad eum se trahi sentiant, quod licet aliquando faciat DEUS, plerumq; tamen nō facit. Tonabat quidem vehementius, dum *Saulum* ad se vocabat, *Apostolos* tamen in sibi lo auræ tenuis per modum transeuntis vocavit, & uterq; modus erat vox DEI.

8. Præter hanc affectionem ad aliquē statum, solet DEUS vocare per illustrationem intellectûs, quâ quis perpenſis rationibus agnoscit, quis status pro sua salute, aliisq; circumstantiis sit melior.

9. Si quis aspiret optima mente ad Religionem, qui tamen teneretur succurrere Parentibus, nō agitur à bono spiritu, nec enim DEUS svadet bonum, ut inde eveniat malû; nec minus bonû, impeditivum majoris. *Heven,*

10. Si quis moveatur ad Religionem, antequam ullum in ea noscat, vel cum ullo agat, signum est operantis Spiritûs S., adeoq; tuto hunc sequi potest.

11. Si DEUS alicui negavit id, quod hic aut ille status postulat, probabile est, quod illum non destinet ad hunc statum.

12. Si se determinare non posset deliberans, non est svadendum, ut rem sorti committat vg. diversos status diversis chartis inscribendo, quem sorte traheret, ad illum se resolveret, sed potius pro determinatione pleniori



niori devotionem aliquam sibi eligat, vel *Recollectiones* per aliquot dies absolvat.

Q. *Quæ monita danda sunt, à Confessario aspiranti, & jam se determinanti ad statum spiritualem seu Religiosum?* R. 1. Diabolus videns brevi sibi tempus superesse, hic potissimum laborat, & conatur mille impedimenta ponere, ideo aspirans in omnibus cautus esse debet.

2. Determinatio ad certum statum non omnibus est promulganda, quia multa hinc sequi solent incommoda.

3. Non velit, quasi à Bacchanalibus ad Quadragesimam, ita à comessionibus conviviiis saltibus per cognatos institutis transilire ad statum spiritualem sive Religiosum; etenim pessimæ species inde colliguntur, in quibus ejiciendis multū laboris habebit. Potest valedictio fieri etiam sine his comessionibus, quæ & sanitati, & famæ, & non raro etiam animæ nocent. Stulta præparatio per offensam DEI, se velle ad DEUM disponere, *Nec enim ad virtutem ait S. Bas: iter est per vitium.*

4. Maximâ curâ cavenda est societas, & consuetudo, nunquam plus orationi, quàm nunc, insistendum.

5. Non audiendi tentantes, qui, ubi determinatio innotuit, sunt plurimi. Hic promittit montes aureos, spondet promotiones, viam ostendit ad divitias, & nescio quas delicias;

licias; ille cavillatur statum, quem aspirans ingredi intendit, narrat mira, & saepe infamissima, alter exprobrabit ætatis imprudentiam, suadebit differendam executionem; in quibus omnibus constantem se exhibere debet, & similia vel joco excipere, vel spiritali doctrinâ retorquere.

6. Præparet se ad ultimos Parentum conatus, blanditias & lachrymas: quomodo iis obviare debeat, ne his emolliatur animus.

7. Abiturus, illâ die communicet, & Parentibus valedicens, ab iis flexis genibus Paternam benedictionem petat, sicq; resolutus calcato mundo ad Xpi militiam & Crucem avolet. Resolutione generosâ reddat sibi facilem à charis separationem. Caveat tristitiâ aliquam admittere, nam hilarem datorem diligit DEUS.

§. 3<sup>tius</sup>.

Q. *Quid observandum Parocho cum captivis ad mortem?* R. 1. Imprimis Sacerdos ingressus carcerem debet sibi conciliare amorem & confidentiam Rei. 2. Excitet Reum ad virtutem Poenitentiae, Patientiae & Resignationis in voluntatem DEI. 3. Ordinariè non inducatur Reus ad Confessionem Sacramentalem faciendam, donec prius judicialiter sit sua crimina confessus; nisi sit graviter infirmus, vel aliud immineat periculum.

Q. *Si Confessarius resciverit ex Sacramentali Cō-*  
Oo
fessione



*essione Reum esse innocentem, sed vi tormentorum, vel falsis testibus esse convictum?* R. Non propterea adendum est iudex, sed hanc rem DEO commendet. Quia Iudex ex una parte, nihil ad persuasionem faceret, cum ipse iudicaret secundum allegata & probata; ex altera parte daretur occasio aliis etiam nocentibus sua crimina reticendi in Confessione.

4. Non exprobet Reo crimina, nisi quantum ad Forum conscientiae necesse fuerit. Adhortandus est ad Confessionem generalem. In die fatali rursus confiteatur.

5. In via Sacerdos post Reum ibit, cavebit, ne Reum jubeat citius ire. Non detur Reo nimium vini bibere. Post mortem anima circumstantibus recommendetur, & fiat exhortatio, (si eo loci fieri solebat in similibus casibus) ut alii abstineant à vitiis. Monendi Parentes de bona educatione liberorum &c. &c.

*Q. Si Reus vi tormentorum fassus est crimen, quod non fecit, an Confessarius eum debet adstringere ad revocationem?* R. Non; eò quod non teneatur Reus cum tanto cruciatu vitam tueri. *Tan. Les. Loh. &c.*

*Q. Qua cautela circa Confessionem damnatorum ad mortem adhiberi debent à Confessario?* R. 1. Ut si poenitens confiteatur, se aliquot crimina, etiam semiplenè probata, negasse, nō imponeatur utgeat ad illa adhuc coram Iudice confitenda. *Les. Fil. &c.*

2. Ut neq; fugam svadeat, nec ad eandem ullo modo per oblationem instrumentorum, aut pecuniæ cõoperetur; quia, et si per se omnes, qui non sunt Ministri iustitiæ, cõoperari posse ad talẽ fugam, armaq; ad effringendos carceres offerre. *Vasq. Less.* doceant, Ut tamen Confessarius id faciat, nõ expedit, quia posset sibi, toti q; Clero grandem aversionem Judicum creare, efficereq;, ut deinceps tam libere non permetterentur Sacerdotes agere cum Reis. Elemosynam posset dare pro necessitatibus Rei.

3. Ut, si forte Reus in foro externo jam convictus, ideoq; ad mortem etiam damnatus, constanter adhuc crimen neget, atq; etiam in ipsa Confessi: Sacramentali innocentem se esse dicat, eidem absolutionem quidem imperiat, (cũ in foro interno magis Reo, quàm omnibus aliis credendum sit) interea tamen moneatur de obligatione illud fatendi, si illud revera commiserit, & salutis suæ prospectum velit.

4. In dicto immediatè casu, & aliis, non recipiat in se patrociniũ supplicii remittendi, quia sic Reum non posset tam commode disponere ad officium suum faciendũ, utpote qui semper haberet spem vitæ à Confessario obtinendæ, &, si spe cadat, animum ab eo penitus abalienaturus esset.

5. Ut nullo modo ipsemet Confessarius



sententiam mortis Reo indicet, sed dicāt suū officium esse, ad mortem piē, fortiterq; ob- undam, Reum disponere.

Q. Si Reus ad mortē damnatus (vel alius qui-  
piam vg. infirmus morti proximus) ex pertinacia,  
vel desperatione confiteri nolit? R. 1. Confessariis  
se ad preces conferat, & maxime ad SS. Missæ  
Sacrificium, ubi dum S. Hostiam in manu ha-  
bebit, illis Eſtheris verbis Salvatorem suum  
& Rei alloqui poterit: Si inveni, o! Dne gratiā  
in Oculis tuis, & si placet tibi, dona mihi hanc ani-  
mam, pro qua rogo, &c. Eundem in finem etiā  
aliorum piorum hominum preces implorari  
poterit.

2. Maximam, quam potest, charitatem, tū  
per blanda colloquia, tum per opera miseri-  
cordiæ vg. cibi, aut potūs emendicationem,  
exhibeat.

3. Offerat aliqua Sacrificia pro animabus  
Purgatorii, constat enim hoc medium sæpius  
non parum efficax fuisse ad felicem negotiū  
hujus successum impetrandum.

4. Narret interdum adstantibus historias  
quasdam, vel de magnitudine gaudiorū Cœ-  
lestium, vel tormentorum infernalium. In-  
terdum proderit etiā historiam aliquam tra-  
gicam impœnitentis hominis, & turpiter à  
Diabolo contra promissionem derelicti narra-  
re; aut etiā alterius cujusdam in ipso mor-  
tis articulo resipiscents, & cum magno spa-  
tato.

atorum gaudio & comendatione morientis.

5. Si tempus fatalis diei advenerit, svaviter interroget, an non meliora consilia con-  
 sperit? adesse jam paulatim momentum, à  
 quo pendeat, felix aut infelix æternitas. Ro-  
 get per vulnera, & Sangvinem Xsti, ne sa-  
 lutem suam negligat. Imo interdum expedi-  
 ret etiam in genua provolvi, atq; ad idem  
 faciendum adstantes hortari.

6. Si Lictores veniant ad illum abducen-  
 dum, indicet, nunc eum verè iter æternitatis  
 ingredi. Alloquatur coram Reo Christum  
 Crucifixum, quem in manibus habet, rogetq;  
 ne permittat perire hanc animam suo San-  
 gvine redemptam, aliaq; plura in hunc finè  
 apta proferat.

7. In egressu, si nolit orare Reus, nō ur-  
 geat eum, sed potius cum sociis lingvâ ver-  
 naculâ preces fundat pro eo ad DEUM, &  
 nonnunquam svaviter quærat: an non reso-  
 cillatione aliqua indigeat.

8. Ubi ad locum supplicii deventum fue-  
 rit, jubeat omnes adstantes genuflectere, &  
 pro Reo preces fundere. Quodsi nihil his  
 omnibus effecerit? aliqui putant ad terrorem  
 & exemplum adstantium ei, dum iustum fa-  
 talem excepturus est, minaci vultu dicen tū:  
*Ergo abi maledicte in ignem æternum, qui paratus*  
*est &c.* Ego tamen potius ingeminanda ad-  
 huc pia suspiria contritionis judicarem, ut vel

ia



in ultimo articulo non desertus fortè respiceat. *His mediis & aliis similibus uti potest Curatus in convertendis obstinatis Hæreticis.*

§. 4<sup>tus</sup>.

Q. *An, & quomodo Curatus Hæreticos à sua Hæresi abducere debeat?* R. Omnino ad zelosum Curatum pertinet: DEI gloriam, Ecclesæ Catholicæ augmentum, & animarum salutem procurare; Ideo nescit, ut sedulo curet, errantes oviculas quærere, atq; ad ovile Christi cum magno DEI, Angelorumq; gaudio, & ipsarum ovicularum solatio reducere.

Q. *Quibus mediis reduci possunt errantes ad Eandem Cath?* R. unum medium Oratio assidua: Certe hic, si ullibi aliàs locum habet illud Christi Joa: 6. *Nemo potest ad me venire, nisi Pater, qui misit me traxerit eum.*

2<sup>dum</sup> Ut ad bonorum operum exercitium, si potest, eisdem Curatus animet.

3<sup>ti</sup>um est: *Inductio*, ut Templà nostra frequentent, & Conciones audiant; sic enim alia longe (quam sibi falso hactenus persuaserant) videbunt, & audient. Certe experientiâ constat, quosdam, cum in libris per Pastores Dissidentium editis horrendas picturas seu Icones Ecclesiam Cath: malitiosissime denigrantes, ac exosam reddentes, vidissent: impudentissima mendacia, enormia convitia, inauditas calumnias in Catholicos, & eorum Religionem scriptas legissent, vel à suis Parenti-

rentibus & hæreticis Ministris audivissent, ubi postea Tempia nostra ingressi, tantam in Officiis Divinis peragendis uniformitatem & reverentiam adverterunt, in Hæresi outare coepisse, atq; ad Fidem Cath: amplectendam animum habuisse. *Hæc omnia ipsâ experientiâ coactus sum annotare.*

4<sup>um</sup> est ut per *Amicam conversationem* cum ipso Sacerdote, vel aliis Catholicis factam, paulatim ad suos errores detegendos inducantur, & occasione datâ interdum eorum falsa dogmata non directe statim impugnentur, sed solummodo ostendatur, ob has vel illas causas sibi ea creditu difficilia videri; sic enim paulatim iterum dubitare de veritate suorum dogmatû incipient, & salutares scrupulos, velut scintillas in ipsum deniq; accuratioris investigationis incendium erupturas concipient.

Quia tamen frequenter horrent ejusmodi Personæ cum ipsis Sacerdotibus ab initio statim agere, ideo alii interdum, cum quibus habitant, instruendi sunt, quomodo cum iisdem agere, & nonnunquam scrupulum injicere possint, quem in finem etiam libelli ejusmodi materias facili, & claro modo tractantes suppeditari possunt.

Q. *Quæ cautela circa ejusmodi Personas adhibenda sunt à Curato?* R. Præcipue sequentes.

1. Ut non nimis credulum se earundem narrationi;



rationibus præbeat, sed per varias quæstiones diversis temporibus factas probet, an dicta illarum sibi satis cohæreant? An jam nō sint absolutæ ab Hæresi?

2. Ut nec magnam sollicitudinem suscipiat in pecuniis pro ipsarum sustentatione colligendis, ne occasionem præbeat, ut propter ejusmodi commoda potius, quam veritatis agnitionem ad Fidem Cath: transeant.

3. Ut non nimis familiarem se illis præbeat, nec in privata conversatione quidquam aut dicat, aut agat, quod dictum aut factum nollet, si illæ ad vomitum redirent.

4. Ne libros, aut alias quascunq; res gravioris pretii iisdem commodet, quia experientia compertum est, non semel eas talia vendidisse, aut cum iisdem aufugisse.

5. Non facile aliis Catholicis eas cōmendet per literas, ne onus earundem juvandarum satis ordinarie molestum ab humeris suis excutere, & in alias transferre voluisse videatur.

Verum tamen magnâ cum benevolentia & charitate tales sunt suscipiendi, ut tantâ (sævitate deliniti, suos errores, & vulnera tanto libentius aperiant, seq; totos directioni committant.

Q. *Quid observandum Curato circa agrotos?* R.

1. Invocato DEI auxilio faciat firmum propositum nihil aliud quærere nisi salutem proximo.

ximi. Eadē promptitudine adibit tā pauperes, quā divites.

2. Ante ingressum interroget domesticos de conditione morbi, moribus infirmi, ut possit ei condolentiam magis familiarem facere. Ingressus cubiculum dicat: *Pax huic domui*, aspergatq; infirmum aquā benedictā.

3. Patienter ferat Sacerdos infirmi discursum de suo morbo, verbis condolentibus, ac placidis captet sibi benevolentiam, prudenter ac discrete inclinet discursum ad præstanda remedia animæ.

4. Si infirmus renuat confiteri, Sacerdos discretè, ac suaviter id ei innuere non omitat, ne in spem futuræ incertæ sanitatis differat Confessionem.

5. Post Confessionem peractā, assignata ipsi levi aliqua pœnitentiā, si nimium sit debilis, absolvatur, & dicantur cum ægroto *Añtus: Fidei, Spei, doloris &c.* Tandem dabitur Viaticum. Extr: Unctio, prout videbitur.

Q. *Moribundus destitutus usu lingvæ, si pectus pulset, oculos in Cælum levet, vel aliud signum doloris ostendat, debetne absolvi?* R. Quodā dubiū sit, utrum ista signa fuerint orta ex vi contritionis, vel potius mæore mortis? danda est absolutio sub conditione, ne exponatur nullitati Sacramentum.

Idem faciet, si nec signa, nec testes signorum haberet Sacerdos, dūmodo sciatur, quod mori.



moribundus hic Christiane se gesserit frequen-  
tando Sacramenta.

Q. *Quae sunt scienda circa Indulgentiam in ar-  
ticulo mortis?* R. Bened: XIV. 5. Apr: 1747.  
Concessit Indulgentiam plenariam, si has con-  
ditiones observet moribundus. 1. Sacramen-  
ta Pœnitentiæ, Eucharistiæ, & Extr: Unct:  
quantum infirmitas permittit recipiat. 2. Ut  
ex manu Dni mortem ipsam patienter sube-  
undam, ac omnes dolores in satisfactionem  
pœnarum, quas peccando promeruerit liben-  
ter acceptet. 3. Ut benedictionem seu abso-  
lutionem à Sacerdote recipiat sub nota forma.  
*Adjutorium nostrum &c.*

Si vero infirmus sit adeò morti proximus,  
ut neq; Confessionis faciendæ, neq; præmis-  
sarum precum recitandarum tempus suppetat;  
statim Sacerdos benedictionem incipiendo à  
verbis istis: *Dnus noster &c.* ei impertiatur.  
Et non tantum moribundis in lecto, etiam  
in executione justitiæ Civilis quocunq; modo  
interimendis, cum æq; sint in articulo mor-  
tis, quam Benedictionem quivis Sacerdos im-  
pertiri potest.

§. 4tus.

Decreta S. R. Cong: scitu necessaria.

1. In die Octava Dedicationis Ecclæ le-  
ctiones 1. Noct: sunt de Communi, & non  
de Scripturâ accipiendæ. S. R. C. 2. 7bris  
A. 1741.

2. In

2. In benedicendo populum cum SSmo, Sacerdos debet perficere circulum redeundo ad Altare ex parte manūs dexteræ. S. R. C.

21. Mart: A. 1676.

3. Cruces Altarium vel Processionum non sunt benedicendæ de præcepto, potest tamen simplex Sacerdos eas benedicere privatim, & non solenniter. 12. Jul: A. 1704.

4. Sacerdotes non debent deferre strophium super calicem tam in eundo, quam redeundo ab Altari, neq; illud debent collocare super Altare, sed appendere subter casulam. 1. 7br: A. 1703.

5. Omnibus diebus Dominicis, quæ non habent suam propriam Præfationem in Missa dici, seu cantari debet Præfatio de SS. Trinitate, etiamsi in eam Domin: incidat Festum 1. vel 2. Claf. nisi Præfationem propriam habeat. 3. Jan. 1759.

6. Quando SSimum est expositum, omnes penes illud transeuntes cujuscunq; Ordinis, & conditionis sint, sive ad illud accedentes, sive ab eodem recedentes, semper utroq; genua flectere debent. 16. Aug: 1651.

7. Non sunt inferendi alii Sancti in Litanis OO. SS. præter ibi scriptos, neq; tempore pestis addendi sunt Tutelares, & Civitatis Patroni sine speciali concessione. 10. Jun: 1690.

8. Dum Missa cantatur coram SSmo in Altari



Altari exposito, debet fieri Cōmemoratio de SSmo post omnes alias Commemorationes de precepto; Et in Missis Solemnibus Festorum 1. vel 2. Claf. facienda est sub una conclusione. 23. Jun: 1736.

9. Coram SSmo in Altari exposito Concio debet fieri capite detecto. 16. Febr: 1730. Intellige si SSimum non est obvelatum.

10. Quando Antyphonæ & *Y. in Vesp.* variandi sunt pro commemoratione alicujus simplicis, vel Octavæ, facienda, tunc ad Vesperas (supple post orationem Officii) *imo.* Accipienda est Antyph: cum *Y. Laudum.* Si vero plures sint commemorationes simplicium ejusdem qualitatis vg. *Confessorum, Mart. &c.* tunc 2da sumetur cōmemoratio ex 2dis Vesp. cum *Y. 2di Noct.* 3tia verò commemoratio fiet desumendo Antyphonam primā ex Noct: 3. cum *Y. ejusdem Noct.*

Ad Laudes post orationem Officii *ima* cōmemoratio cum *Y.* erit propria ex *imis* Vesp. 2da commem: fiet cum Antyph: Noctur: 3tia cum *Y. ejusd. Noct.* 3tia autem comm: fiet desumendo Antyph: ex Vesp: 2dis, & *Y. 2di Noct.* S. R. C. 5. Maji 1736.

11. In depositione defunctorum in verbis illis: *Non intres in judicium cum servo tuo &c.* & si sit mulier, aut plures defuncti, non possunt hæc verba: *Servo tuo &c.* mutari in *servæ*

*tua vel servis tuis, sed immutabiliter tota hæc oratio legatur.* 31. Aug: 1697.

12. In Ordinum collatione diebus à jure statutis dicenda est semper Missa de feria occurrente, non de Sancto in ea cadente. 21. Mart: 1744.

13. Sacerdos Sæcularis vel Regularis habens Officium 2pl: quin etsi dupl: 1. vel 2. Clas. celebrans ex devotione in Ecclâ, ubi celebratur Festum Solemne; debet Missam celebrando, conformare se illi Ecclâ, ubi celebrat, etiam quo ad solemnitatem, & colorem apparamentorum. 29. Jun: 1751.

14. Sacerdos tam Sæcularis, quæ Regularis habens Officium 2pl: quin etsi dupl: 1. vel 2. Clas. celebrans in aliena Ecclâ ex obligatione in solemnî sepultura alicujus cadaveris, vel Exequiis solemnibus, debet se conformare illi Ecclâ celebrando Missam de Requiem. Ao, die, ut supra. *Quæ Decreta cum posteriora sint, derogant quibuscunq; aliis anteriorib9 in hacce materia.* Ita Caval. An. 1757. apud Fer. T. 8.

15. Cadavera non sunt sepelienda privatim sine lumine, Cruce, Parocho, etiam si id ordinasset defunctus, cum talis dispositio tanquam irrationabilis unâ cum consuetudine, quæ alicubi innixa esse possit, sit rejicienda. Rota Rom: 15. Jul: An. 1699. Et Bened: XIV. T. 2.



16. In Vigilia Nativitatis Dni, sicut & in tota ejus Octava (idem dicendum de Epiph:) prohibentur Missæ Votivæ privatæ, & de Requiem, exceptâ una solemni pro re gravi, & de Requiem cantata præsentē cadavere, vel in Anniversario vera depositionis defuncti in Ecclesia tumulante. 15. Sept: 1714. Et 16. Sept: 1730. 10. Dec: 1718. *Dies Anniversaria numerari debet à die obitus defuncti, & non à die sepultura ut colligitur ex Decr: 19. Jun: 1700. Diei autem 3. 7. & 30. numerationem petendam esse non à die obitus, sed à die sepultura; quâvis non desint, qui censeant ab utroq; die numerationem peti posse. Ferrâ.*

17. Missa de Requiem, cantari potest præsentē corpore triduo ante Cænam Dni. Item per Octavam Paschæ, & Pentecostes, & Corporis Xsti. 11. Aug: 1736. Et 7. Septem: 1741. apud Ferr. T. 8.

18. Privata Officii defunctorum recitatio Vesperatum & Matutini cum laudibus pro generali illorum commemora: absolvi potest licite post Vesperas Festi OO. SS., secus verò in Choro. 4. Sept: 1745.

19. Quando est expositum SSimum in Altari, non est omnino necesse Crucem collocare, quia Prothotypus adoratur. 7. 7br: 1741.

20. In Missis defunctorum non potest fieri Communio per modum Sacrificii, nempe de illis particulis, quæ intra eandem Missam fuit.

fuiſſent conſecrata; bene verò per modum Sacramenti extrahendo pyxidem è Ciborio.

2. Sepr: 1741.

21. Extra ambitum Ecclæ ſuæ non licet Regularibus facere Proceſſiones, niſi de licentia & conſenſu Parochi. 26. Febr: 1628. Quod debet intelligi etiam de Proceſſione, quæ ſolet fieri à Regularibus infra Octavam Corporis Xſi. 11. Dec. 1613.

22. Sacerdotes exteri conſuentes ad Eclæ Regularium, dum celebrant apud eoſdem, debent ſe conformare cum iſdem Regularibus quo ad Credo, & numerum orationum, (id eſt: non poſſunt plures dicere, quam quot in illis Eccliis dicuntur) ſi Feſtum celebratur cum ſolemnitate & concurſu populi. Si verò abſq; ſolemnitate celebratur? poſſunt ſe quidem conformare, ſed non tenentur. 11. Jun. 1701.

23. Similiter tenentur eundem colorè adhibere, quo utuntur Regulares, & poſſunt dicere commemor: Octavæ, ſi quæ fiet in eadem Ecclâ, quam conformitatem etiam Regularibus concedit eadem S. R. C. A. eodem, dum celebrant in alienis Eccliis.

24. In Feſto Corporis Xſi ſſimum nō eſt deferendum per plateas Judzorum. 22. Februar: 1593.

25. Miſſa Votiva dum cantatur pro re gravi de aliquo S. ſemper dici debet cum Gloria

&



& *Credo*, & in colore, quo uitur Eccla in Festo ejusdem S. cujus Missa cantatur. S. R. C. 13. Aug: 1667.

26. In Ecclesiis ubi non cantatur quotidie Missa (intellige omnes alias Ecclesias præter Collegiatas, & maxime in pagis, & Oppidulis) si occurrat Festum Patroni seu Titularis vel Dedicationis, his diebus, quibus non potest de eo fieri Officium, potest nihilominus (dieb9 non exceptis à Rubrica Missalis Tit: 6. De *Transl. Festorum*) cantari Missa de Patrono, seu Titulari, licet non cantetur altera Missa concordans cum Officio. S. R. C. 23. Aug: 1704. Aliæ autem omnes Missæ privatæ tunc dici debent de Officio occurrente.

§. 5tus.

Reliqua Notanda scitu necessaria.

1. Ante versiculum qui dicitur *Communio* in Missa, cōoperiendus est calix velo in anteriori parte (ut calix non appareat) sicut in principio Missæ. S. R. C. 1. Mart: 1698. Pariter dum deferitur à Sacerdote ante Missā ad Altare, & post Missam, velum calicis debet pendere, nō involvi super Bursam. *Rub: Miss.*

2. Ablutio digitorum in Missa post *Commun:* debet fieri in vino, & aqua. *Gav. Mer.*

3. Dum datur *Votiva* infra aliquam Octavam vg. Ascensionis Dni habentem *Præfatio-*  
*nem propriam*, & *Communicantes*, debet in ea dici *Præfatio* hujus Octavæ, & *Communicantes*.

Si

Si  
cum  
Vespera de tanto Li-  
ca Evangelista sine com-

Si autem illa Votiva habeat *Præfationem* propriam *vg.* de *Beata*, vel de *Cruce*? tunc propria Votivæ *Præfatio* dicitur, sed *Communicantes* ut infra *Octav.*

4. Infra *Octavam* Corporis *Xsti* *Sequentia*, seu *Prosa*: *Ecce Panis &c.* tunc tantum cantatur, quando *Missæ* est de *Festo* Corporis *Xsti*; Hinc in *Dominica* & *Festis* *dupl.* tunc occurrentibus cani non debet.

5. Dum in aliqua *Ecclesia* præter *Missam* *Conventualem* (quæ cantatur de *Officio* *currenti*) cantantur *Missæ* Votivæ ex *fundatione*, in his Votivis (secus in *privatis*) jam nõ debet sumi *Commemoratio* *Officii*, seu *Festi* *currentis* juxta *Decr.* *S. R. C.* 28. *Jul.* 1736. sed *orationes* duæ assumantur ad complendũ *numerus* *ternarius*, prout fit in *Missæ* de *Festo* *semidupl.* (dum nulla alia *commemoratio* in *Officio* occurrat) juxta *diversitatem* *temporum* *vg.* 2. *Oratio* *A cunctis*, 3. ad *libitum*. Vel 2. *Or.* de *B.* 3. *Eccles.* vel pro *Papa*.

6. *Missæ* Votiva de *Beata*: *Rorate* dicta, quæ in *Regnis* *Poloniarum* cantari solet per totum *Adventum*, cantari debet cum *Gloria* in *excelsis*, sine *Credo* cum *commemorationibus* devotioni antiquæ competentibus *jux. Rubr. Miss.* uti in *Ecclesia* *Cathedr.* *Cracov.* ab *immemorabili* tempore *prædicatur*; optandum ut ubivis *locorum* propter *uniformitatem* hic *Ritus* servetur.

Pp

Circa

in  
R.  
die  
eter  
du-  
s vel  
t de  
eb9  
De  
ono,  
Missæ  
aug:  
une  
machina  
Triplex hæc  
mandat de te  
custodiantur  
eum  
ca Evangelista sine com  
vespere de sancto Lu  
Si



Circa commemorationes in hac Missa Votiva faciendas, hæc regula servanda est, vg. In Domin: Adventus post *Gloria in excel.* 2da Or. erit Domin. 3tia de Spiritu S. 4ta Eccl: vel pro Papa, sine *Credo*.

Aliis diebus, si occurrat Festum sive dupl: sive semid: 2da Orat: erit Festi. 3tia Feriz. Si autem facienda sit commemoratio alicujus Festi simp. vel infra Octav. erit 4ta Orat. 5ta de Spiritu S. 6ta Eccl: vel pro Papa. *Præfatio* de Beata *Et te in Veneratione*.

*Dixi:* 2da Orat: erit Festi: In Ecclesiis enim, ubi cantatur Missa Conventualis (sive Parochialis) de Festo, ibi non debet sumi in Votis in cantu fundatis Oratio Festi (secus in privatis) jux: Decr: S. R. Congr. 23. Junii 1736.

Missæ hæc *Rorate* cantari debet summo mane & eodem Ritu etiam in Festis B. V. M. Immacul: Concept. Et Domus Lauret. Et Expectationis Partus; sed in illis Festis versus *Præfati*. mutatur, & dicitur in Festo & per Octavam Conceptio: *Et Te in Conceptione*. In aliis dictis Festis ut in *Direct.* notatur.

In Ecclesiis autem ubi unus tantum Sacerdos, tunc in Dominicis & Festis Celebribus debet cantari Missa ( & si mane cantetur ) de Domin: aut de Festo occurrente, non autem Votiva *Rorate*. S. R. C. 9. Decembr:

Anno

Anno 1634. Totum hoc excerptum est ex Anno.  
148: in Director. Diac. Crac. Anni 1774.

7. In Officio defunctorum duplicari Antyph: debent scil: in commemoratione OO. Fidelium defunctorum. Item in die obitus, seu Depositionis defuncti; item in die 3. 7. 30. ac Anniversario vero. S. R. C. 8. Mart: 1738. Extra hos casus etiamsi ex fundatione contingat decantari præfatum Officiū Defunctorum, 3<sup>ium</sup> Nocturn: quod certe contingit in quibusdam Ecclesiis quolibet Mense, aut Quartuali, non debent duplicari Antyph: sed sub Ritu semidupl: hocce Officiū peragi debet. *Cas. Sect. 17.*

8. In Officio Defunctorum dicitur *Invitatorium*: Regem cui &c. in die commemorationis Omnium Fidelium Defunctorum, Item in die obitus seu depositionis Defuncti. Item in die 3. 7. & 30. ac in Anniversario vero defuncti. Et quandocunq; dicuntur 3. Nocturn, alias nunquam dici debet. *Rubr. Brev.*

A d

M.

D.

Gloriam.

Pp2

IN:



# I N D E X

## M A T E R I A R U M.

<b>De Angelica Salutatione.</b>	Pag: 3.
Acoluthu. 70.	Apostasia. 103.
Absolutione à Censuris.	166.
Adjuratione.	237.
Assassinus quis?	224.
Abortus procuratione.	245.
Aggressore.	247.
Approbatione.	463.
Actibus Humanis.	534.

<b>De Bigamia.</b>	pag: 46.
Bibliis.	81.
Brevi Apostolico.	205.
Bulla.	206.
Bello. 250.	Baptismo. 336.
Bannis. 419.	Beneficio. 554.

<b>De Charitate DEI.</b>	111.
Charitate proximi.	113.
Censuris.	159.
Cessatione à Divinis.	187.
Cultu Religionis.	213.
Canonibus.	303.
Contractibus. 271.	Censu. 276.
Communione Paschali.	303.
	Confi-

Confiliis Evangelicis.	305.
Confirmatione.	348.
Coelibatu.	423.
Confessione.	426.
Confessarii Scientia ac Prudentia.	475.
Confessario sollicitante ad turpia	511.
Confessione Adolescentum puerorum,	
puellarum.	517.
Conscientia.	537.
Captivis.	593.

De Dimissoriis.	62.
Dispensatio quid sit?	193.
Dispensatione in Impedimētis Matrim:	457.
Diaconatu.	197.
Divinatione.	211.
Duello.	250.
Delectatione morosa.	257.
Detractione.	283.
Defectibus in Missa.	389.
Divortio.	456.
Dolore.	494.
Distinctione peccatorum.	492.
Deliberante ad statum.	585.
Variis Decretis S. Cong:	602.

De Effectu Sacramenti Ordinis.	55.
Exorcistatu.	68.
Ecclesia.	89.
Ecclesiae Capite.	96.
Epikitia.	207.
Eucharistia.	353.
Excommunicatione.	171.
Extrema Unctione.	411.
Aegrotis visitandis.	600.

De



De Fide. 72.	Fidei motivo.	76.
Fraterna correptione.	116.	Furto. 260.
Festorum observatione.	238. &	292.
Forma Pœnitentiæ.	-	501.

De Gratia DEI.	-	321.
----------------	---	------

De Hæresi.	-	101.
Hæreticorum libris.	-	105.
Horis Canonicis. 140.	Homicidio.	243.
Hæreticis convertendis.	-	598.

De Incarnatione Christi.	-	109.
Illegitimis.	-	42.
Intentione. 52.	Infidelitate.	109.
Judæis. 107.	Inferno	121.
Ignorantiâ. 164.	Interdicto.	185.
Irregularitate.	-	188.
Immunitate loci.	-	222.
Juramento. 232.	Judicio.	281.
Jejunio.	-	295.
Justificatione peccatoris.	-	327.
Impedimentis Matrimonii.	-	431.
Indulgentiis. 545.	Jubilæo.	550.
Jure Patronatûs.	-	560.

De Lectoratûs Ordine.	-	67.
Legibus.	-	203.
Luxuriæ Speciebus.	-	353.
Libero Arbitrio.	-	331.

De

76.	De Moderamine inculpatæ Tutelæ.	244.
60.	Missæ auditione.	293. Sacrificio.
92.	Missæ stipendio.	402. Pro defunctis
91.	Merito.	305. Matrimonio.
	Maleficiato.	576.

21.	De Necessitate bonorum operum.	328.
-----	--------------------------------	------

01.	De Oratione Dominica.	2.
95.	Ordinibus in cōmuni.	47. Offiariatu.
43.	Obsessis.	577.

10.	De Peccatis in genere.	18. In specie.	21.
42.	Privilegio Fori, & Canonis.		37.
09.	Purgatorio.	118. Perjurio.	235.
21.	Percussione Clerici.		175.
85.	Præceptis Decalogi.		202.
88.	Pollutione Ecclesiæ.		218.
22.	Parentum honore.		242.
81.	Potentia DEI absoluta &c.		308.
95.	Patris Baptismi	345. Presbyteratu.	351.
27.	Pœnitentia.	488. Parocho.	564.
31.	Obligatione.	566. Potestate ejusdē.	571.

60.	De Rudimentis Fidei.	pag: 1.
	Requisitis ad Ordines.	39.
67.	Ritu Horarum Canon:	149.
03.	Restrictio quid?	234.
53.	Restitutione.	265. Restitutione famæ
31.	Ritu, Rubricis Missæ.	395.
	Redu.	



Reductione Missarum. 410.  
 Reservatis. 522.

De Symbolo. 5. Signo S. Crucis. 7.  
 Scandalo. 24. Signis malæ Vocationis 30.  
 Subdiaconatu. 122. Sacra S.  
 Spe. 108. Schismate. 103.  
 Suspensione. 178. Superstitione. 208.  
 Sacrilegio. 217. Simonia. 228.  
 Sodomis. 256. Sponsalibus. 415.  
 Sacramentis in genere. 306.  
 Sacramentalibus. 333.  
 Satisfactione. 498. Sigillo. 506.  
 Sepultura. 573. Spectris. 582.

De Trinitate SS. 9. Prima Tonſura. 27.  
 Traditionibus. 83. Titulo Ordinis. 127.  
 Testamento. 279. Testimonio falso. 282.  
 Transubstantiatione. 355.

De Usura. 276.  
 Unione Hypostatica. 309.

De Veneratione SSrum. 14. Imaginum. 16.  
 Virtutibus. 26. Voto. 130.  
 Viatico. 364. Votivis. 403.  
 Vicario. 565.

Omnia cedant  
 Ad M. D. G.

delto sup plicantium  
 Tibi reorunt cetui;

tuum & con  
 mini tuo.

40  
 P.F.

**Antiphona.** Angeli eorum se-  
per vident faciem Patris  
mei, qui est in caelis.

**Antiphona.** Benedictus  
Deus, qui misit Ange-  
lum suum, & eruit servos  
suos, qui crediderunt in  
eum. **Antiphona.** Lau-  
date Deum omnes An-  
geli eius, laudate eum  
omnes virtutes eius.

**Capitulum.** Ecce ego  
mittam, ut sapra.

**Hymnus.**

**AE**terne Rector si-  
derum,

Qui, quidquid est, po-  
tentia

Magna creasti, nec regis  
Minore providentia:

**A**d isto supplicanti  
Tibi rogamus cuncti;

Nerete fraudulentia  
Incauta neceat pecco-  
ta.

**M**etum repellat ho-  
stium

Nostris proci-  
bus:

Pacem proci-  
Fugietque pe-

**D**eo Patri  
Qui, quos r-

Et sanctus  
tus,

Per Angelos  
Amen.

**V.** In conse-  
lorum psalla

us meus. **R.**  
ad templum

tuum, & con-  
mini tuo.



402261 Bibliotheca 300. -  
P.P. Camaldulensium in Bielany

Depozyt w Bibliotece Jagiellońskiej



02042

A.IV.11

sericorditer per Sancto-  
rum tuorum exempla  
restaura. Per Domi-  
num nostrum.  
**Vespera de sequenti.**  
Tibi  
tas



